

**COMMENTARIUS IN
APOCALYPSIN S.
IOANNIS APOSTOLI.
AUCTORE ADMODUM
REV. & EX. VIRO D...**

Libert Froidmont





COMMENTARIUS
IN
APOCALYPSIN
S. IOANNIS APOSTOLI.

AUCTORE

Admodum Rev. & Ex. Viro D. ac M. N.

LIBERTO FROMONDO

HACCURIANO,

S. THEOLOGICÆ DOCTORE,

SS. Litterarum in celeberrima LOVANIENSIVM Academia Regio
Profess. nec non ibidem insignis Colleg. Ecclesiae S Petri Cano-
nico & Decano, & Leodiensium Seminarij Przside.



Typis HIERONYMI NEMPÆI Anno 1657.

CVM GRATIA ET PRIVILEGIO. 7. 11



Reverendo admodum
ET ERUDITISSIMO VIRO,
D O M I N O,
D. EVSTACHIO
FROMONDO
SACRÆ THEOL. LICENTIATO,
Cathedralis Ecclesiæ B. Mariæ Tornaci
CANONICO LONGE DIGNISSIMO;
DOMINO ET PATRONO SVO OBSERVANDISSIMO.



Portunè accidit, *Vir Erudi-
tissime*, ut dum novi
anni recreamur auspicio,
ejusdem Tibi faustum
apprecandi decursum,
novus hic è typis nostris emergens Li-
ber occasionem adferret. Tuo igitur
Nomini inscriptum venio, quia tuus;
ut & Nominis indifferentia, & Virtu-
tutum par commendatio posthumæ

Authoris Soboli ex æquo Patrocini-
 nentur. Sic namque *Fromondum* obliſſe
 deſſemus, ut *Fromondi* Genium in Ne-
 potibus repullulâſſe lætemur. Novit
 enim Belgium, novit Orbis, quantos
 Patruus ille Tuus, Vir Sæculo ſuo
 diſpar, pro fidei Chriſtianæ veritate,
 quâ ſcribendo, quâ docendo exantlâ-
 rit labores: qui per fragrantiffimam
 Virtutum & Scientiarum exuberan-
 tiam bonis omnibus in delicio fuit,
 nunc in ſuſpirio. Tu verò tanto Pa-
 truo non degener Nepos, qui Acade-
 miam noſtram in florentiſſimo *Falco-*
nis Pædagogio Philoſophiam Profeſ-
 ſor Primarius ſummâ cum laude plu-
 ribus annis illuſtraſti; vix eſt dicere,
 quanto cum Academicorum lu&u ce-
 leberrimum noſtrum Athenæum reli-
 queris.

Sed

DEDICATORIA.

Sed bene consuluit Deus aquius.

In fatis erat, ut Scientia Tua hîc dudum nota, etiam exteros erudiret, & tam exoptabilis advenires Nervijs, quàm amabilis extiteris Grudijs. Nimirum hoc magnis ingenijs commune, reliquos omnes in sui venerationem, admirationemque attrahere. Vix enim annis aliquot apud Tornacenses degisti, & eorumdem Tibi animos, Virtute Pellice, in Tui amorem conciliasti. Suscipe igitur *Vir Dignissime*, quod pro debitæ observantiæ symbolo devotè offero, & placido, qui *Placidus* es, conatum nostrum affectu intuere.

ADMODVM R. & ET ERV DITISS. DOMINATIONIS TVÆ

Devotissimus Servus

HIERONYMVS NEMPÆVS Typog. Lovan.

Lovanij Idibus Ianuarij 1657.

VITA AVCTORIS

EX BIBLIOTHECA BELGICA

C. D. VALERII ANDREÆ

DESSELI.

LIBERTVS FROMONDVS, sive *Froidmont*, Haccurianus (qui in Eburonibus ad Mosam fluvium, Trajectum inter ac Leodicum, est pagus) nascitur anno Dom. **CIO. 12. LXXXVII. III. Non. Septembris.** Post hausta Leodij Studiorum, quæ ab Humanitate nomen habent, fundamenta, Philosophiam Lovanij didicit in Pædagogio Falconis, docuitque eamdem Antverpiæ ad S. Michaelem serè triennio, totis verò **xiv. annis** Lovanij, postquam artem ibidem Oratoriam quadriennio integro tradidisset. Intercè & S. Theologiæ animum adiecit, Doctorque anno **CIO. 12C. XXVII. renuntiatus**, primùm Professor Ordinarius, deinde Regius Sacrarum Litterarum Interpretes *Cornelio Ianssenio*, ad Cathedram Iprensensem promotus, sufficitur. Decanus verò Ecclesiæ collegiatæ atque exemptæ eligitur anno **CIO. 12C. XXXIX. die IX. Septembris.** Amœnissimi ac politissimi Vir ingenij, doctrinæ & lectionis omnifaræ, atque in Mathesi rerumque Cælestium indagacione non infelicitè quoque versatus. Ab eo sunt:

Cana Saturnalia, id est, Quæstiones varij argumenti (de quibus anno **CIO. 12C. XV. in Quodlibeticis**, ut vocant, disseruerat) variatæ *Somno* sive *Peregrinatione Cælesti*. Edidit Lovanij Phil. Dormakius, 1616. 8.

Dissertatio de Cometa anni CIO. 12C. XVIII. Antuer. 1619. 8. cum *Thoma Fieni Comæta*.

Laudatio Funebris ALBERTI PII, Belgarum Principis, Lovanij habitæ, & vulgata, 1621. 8.

Meteorologicorum libri V. Antuerp. typis Plantin. 1631. 4.

Commentarij in libros Quæstionum Naturalium Seneca, I. Lipsio intactos: & in *Αποχολογιστιν*, sive *Ludum Claudij Cesaris*, eodem *Seneca* auctore. Ibid. fol.

Anti-Aristarchus sive *De orbe terra immobili*, adversus Phil. Lansbergium. Ibid. 1631. 4.

Vesta, sive *Anti-Aristarchi Vindex*, adversus Jac. Lansbergium, Philippi F. *Labyrin.*

- Labyrinthus, sive De compositione continui.* Ibid. 4.
Laudatio Funebris Ioannis Drusii, Monasterij Parcensis Ord. Praemonstrat. Ab-
batis. Lovanii, typis Mafii, 1635. 8.
Causa Desperata Gisb. Voetij adversus spongiam D. Corn. Ianssenij, Episc.
Iprensis.
Crisis: Ibid. apud Ioan. Oliverium, 1636. 4.
Sycophanta: Epistola ad Gisb. Voetium. Ibid. apud Jac. Zegers, 1640.
 4.
Laudatio Funebris Ioan. Francisci à Balneo, Tit. S. Alexij S. R. E. Card. Aca-
demie Lovaniensis Protectoris. Ibid. 1641. 4.
Anatomia Homini; naturam ejus talem representans, qualem D. Au-
 gustinus olim nobis descripsit. Ibid. 1641. 4.
Catechismus, Facultati Artium scriptus, etiam Fromondum auctorem
 haber.
Philosophia Christiana de Animâ, libri quatuor. Lovanii, apud Hieron.
 Nempé, 1649. 4.
Commentaria in Canticum Canticorum. Ibid. 1653. 4.
Commentaria in Acta Apostolorum. Ibid. 1654. 4.
 Aliaque editioni parata habet; atque utinam plerorumque votis
 faciat satis, edendo quæ in Epistolas D. Pauli & reliquas Canonicas
 ad calamus dictavit.

C E N S U R A.

Infrascriptus legi Commentarium Eximij D: M. N: **LIBERTY**
FROMONDI in Apocalypsin, eumque valdè eruditum, & prælo
 ac publicâ luce dignum censui. Lovanii die 26. Januarij 1657.

JACOBVS PONTANVS S. Theol.
 Doctor ac Professor & Librorum Cen-
 sor.

IN APOCALYPSIM FROMOND I.

*Beatus qui legit, & audit verba Prophetia hujus.
Apoc. Cap. i. v. 3. & Cap. 22. v. 7.*

Hic ô Christiades , Calo devota Propago ,
 Queis metus inferni , Superum queis Gloria cordi ;
 Qua bene succincto Fromondus tramite pandis ,
 Mystica iudicii cognoscere Signa futuri.
 Quid tulit electam Divina Theoria Mentem ?
 Humanas sortes , terra q̃q̃ exosa iacentes
 Despicies , caput impavidi super Aethera tollis
 Post cineres redviva suos , post busta superstes
 Fromondi Gnesion Sacri rarissima Phoenix.
 Illic cognovit venturas Numinis iras ,
 Illic Caelstis d. dicit mysteria Vita ,
 Abdita sensa Dei. S. fas est dicere : solvit
 Mystica Fromondus Libri Signacula septem
 Septupl. ci. Virtute potens , totq̃ Art. bus unus
 Eximius verè , & Sacra Sacer. Arte Magister.
 Transijt ignivomus , horrenda tonitrua , nubes ,
 Aligerum Phialas , septem instrumenta furorum ,
 Quidquid & ira Dei ruituro destinat Orbi :
 Excutiens pavidos , securâ Mente , timores
 Iudicii augustum perrexerit ad usque Tribunal ;
 Hinc scelerum pœnas , Virtutum premia noscens ,
 Has amplectendus , fugiendaq̃ , pramonet illa.
 Hunc lege quisquis amat Cali documenta fruendi ,
 Prospice venturos memori sub pectore casus ,
 Quos feret illa dias , totus quâ corruet Orbis ,
 Scilicet ut nunquam , memorare Novissima , pecces.

Vide cap. 5. i. 4. 4

Pangebat F. I. IMPENS
 Can. Reg.

PROEMLIVM.



N Apocalypsis liber Canonicus, & à S. Ioanne Euangelista compositus esset, olim dubitatum est: nam S. Hieronymus testatur suo tempore ab Ecclesijs Græcorum non suscipi, sicut nec Epistolam ad Hebræos ab Ecclesijs Latinorum. Nos tamen utrumque suscipimus, inquit, nequaquam huius temporis consuetudinem, sed veterum Scriptorum auctoritatem sequentes. Passim etiam veteres Ecclesiæ Doctores, non tantum Latini, sed etiam Græci, Apocalypsin ut librum Canonicum citant: imò duo Græcorum Patrum antiquissimi Iustinus, & Irenæus Commentarijs eam illustrarunt.

S. Augustinus cap. 27. de Virginit. dicit Apocalypsin scriptam à quodam, qui præ cæteris dilectus erat Agno, qui discumbere super pectus ejus solitus erat, & biberat, & erulabat mirabilia super caelestia.

Nec refert, quòd vetusti quidam codices Apocalypsin Ioannis Theologi appellent; nam S. Ioannes Euang. olim Theologus per excellentiam appellabatur. Nemo etiam plura de Deo & Christi Divinitate, nec magis arcana scripsit.

Inter Sectarios hodie Lutherus cum Brentio, Kemnitio, & Lutheranis negant Apocalypsin esse Scripturam

A

ram

ram Sacram: Erasmus dubitat; Calvinus, Beza, & Calvinistæ stant à parte Catholicorum, & Beza argumenta Luthèranorum, & Erasmi dubitationes prolixè & benè refellit.

Scripta est Apocalypsis à S. Ioanne circa annum XIV. seu penultimum Imperij Domitiani in Pathmo Insulâ parvâ maris Ægæi, quò in exilium ob Fidem Christianam à Domitiano missus fuerat anno Imperij ejus IX. Christi Anno 92. Pathmos autem una est ex Cycladibus, ad quas frequenter Romani eo tempore noxios in exilium mittere solebant, præsertim in Pathmum Seriphum & Cyaram, ut ex Poëtæ Juvenalis Satyra I. & X. colligitur. Vixit autem Juvenalis sub Domitiano tempore S. Ioannis Evang.

Hinc colligitur, Apocalypsin scriptam esse post excidium urbis Ierosolymitanæ, quod accidit anno primo Vespasiani Imperatoris, qui fuit Domitiani pater.


An autem scripta sit ante S. Ioannis Euangelium, dubitatur. Plures cum S. Hieronymo Euangelium postea scriptum dicunt, quando scilicet ex Pathmo redierat in Asiam. Turrianus tamen & Bartholomæus Petrus conjectant Euangelium scriptum esse ante exilium in Pathmo, & consequenter ante Apocalypsin; quia Dogma I bionitarum, contra quos scripsit Euangelium, jam aliquamdiu spargi cæptum fuerat, antequam S. Ioannes exularet: quæ tamen ratio non multum convincit.

Argu-

Argumentum hujus libri à varijs Interpretibus maxime varium statuitur; sed nihil verius dici potest, quam esse Prophetiam rerum maxime notabilium in Ecclesia gerendarum: à primo Christi adventu usque ad finem sæculi, ut S. Augustinus lib. 20. c. 8. de Civit. Dei testatur. Præcipue tamen narrantur ea, quæ in fine sæculi, tempore Anti-Christi & præcursorum ejus, eventura sunt, ut fideles, telis jam ante prævisis, lenius feriantur, & ad patientiam constantiamque animentur.

Tria tamen prima capita de præsentis rerum statu, tanquam futurorum vestibulo agunt. Sequuntur deinde Prophetiæ, & visiones futurorum ænigmatica & obscurissimæ, quas Interpretes in varios sensus pro uniuscujusque imaginatione distrahunt, & quarum veritatem sine divina luce & revelatione nemo certo assequi potest: *Habet enim tot Sacramenta quot verba, & in verbis singulis multiplices latent intelligentiæ*, ait S. Hieronymus epist. ad Paulinum, & S. Dionys. Alexandrinus apud Eusebium lib. 7. cap. 20. Historiæ, *In singulis prope sententijs ait, sensum quemdam mysterijs involutum delitescere, & licet, inquit, intelligere non valeam, admiror tamen & veneror quod non comprehendo.* Hinc ingeniosus Caietanus, postquam breves in totam Scripturam commentarios edidisset, & ad Apocalypsin senex anno ætatis suæ 61. pervenisset: *Apocalypsin, inquit, fateor me nescire exponere juxta sensum litteralem, exponat cui Deus concesserit.*

concesserit. Vnde ad assequendum, aut proximè saltem
attingendum verum Scripturæ tam tenebrosæ sensum
nihil tutius est, quàm SS. Patrum, quorum mens
sublimior, & ad capiendum divinæ illustrationis ra-
dium purior, potius quàm recentiorum quorundam
Interpretum expositiones sectari. Si enim de ullo
sanctæ Scripturæ libro, de hoc maximè verum est,
quod ait Sanctus Augustinus; *Gratiam Dei ad intelli-*
gentiam Scripturarum ducem oportere esse, & Scripturam eodem
Spiritu, quo scripta est, interpretandam esse.



CAPVT

CAPVT PRIMVM.

SYNOPSIS CAPITIS.

proponitur libri titulus & elogium : dein subditur ejus dedicatio septem Asia Ecclesijs. Tercio est Prologus continens narrationem primæ visionis ; describit enim speciem gloriosam Christi, quem vidit in medio septem candelabrorum.

Verf. 2.



APOCALYPSIS JESU CHRISTI. Hæc est Apocalypsis sive revelatiō rerum abditarum facta à Jesu Christo. Nomen græcum *Apocalypsis*, fictum esse à LXX. Interpretibus, nec usurpatum à sæculi sapientibus, dicit S. Hieronymus cap. 1. ad Gal. Videntur autem LXX. Interpretes respexisse ad velum Tabernaculi seu Templi, quod Arcæ Testamenti & Sancto San-

torum oppansum erat, quod cum fuisset reductum, ait S. Hieronymus, ea quæ antea abscondita fuerant, prodebantur, & ablato velo revelabantur.

Incipit autem S. Joannes suam Prophetiam more veterum Prophetarum, ut, *Verbum Domini, quod factum est ad Osee, Micheam.*

QUAM DEDIT ILLI. Ut homini, infundendo animæ ejus à primo instanti conceptionis scientiam rerum futurarum ; hæc enim scientia fuit pars illius scientiæ & veritatis infusæ, quâ Anima Christi atim à principio plena fuit. Vocat autem scientiam istam *Apocalypsin*, metonymicè, quia ex scientiâ rerum futurarum Christo infusâ, revelatio facta est Joanni & alijs. **DEUS.** Pater, & tota simul SS. Trinitas, quia opera Trinitatis ad extra sunt indivisa. **PALAM FACERE.** præcè, *Demonstrare.* Ut demonstraret & palam faceret per ænigmata, quæ in suis quidem signis satis palam demonstrantur, sed quorum significatio admodum est obscura, ad excitandum studium Fidelium, & cunctis manifesta vilesceret, inquit Beda : obscuritatem enim Scripturarum divinitus provisam esse, non dubito, ait S. Augustinus lib. cap. 6. de doctr. Christi. ad edomandam labore superbiam, & intel-

tellectum à fastidio liberandum , cui facile investigata plerumque viscescunt.

SERVIS SUI. Ecclesiæ sive fidelibus Christianis præsentibus & futuris. **QUÆ OPORTET FIERI CITO.** Necesse est, supposito Dei decreto, aut certè futurorum prævisione, ut post paucum temporis fieri incipiant. Nam licet rerum istarum catena usque ad finem sæculi successivè decurrat, citò tamen incipiet: vel etiam ea, quæ tantum in fine sæculi futura sunt, citò tamen fient, quia non tardabit Deus promissionem suam; cum unus dies sit apud eum sicut mille anni, & mille anni sicut dies unus, 2. Petri 3. v. 8. Nam totum tempus Ecclesiæ à morte Christi usque ad finem mundi, est sicut hora una diei novissima, 1. Joan. 2. v. 18. **ET SIGNIFICAVIT.** Nuntiavit Ecclesiæ istam Apocalypsin, sive ea, quæ Apocalypsi continentur. **MITTENS EAM. PER ANGELUM.** Aliquem, non unicum, sed per hunc vel illum. Nam non unicuique Angelus est, qui omnia Joanni revelat, ut patebit in progressu. **SERVO SUO JOANNI.** Unde Apocalypsis ista à Deo Patre tanquam primo auctore per Christum, & deinde per Angelum Christi nuntium ad S. Joannem pervenit.

2. QUI TESTIMONIUM PERHIBUIT VERBO DEI. Græcè, *Qui testatus est verbum Dei.* Qui deinde Joannes per hanc Apocalypsin à se scriptam testatus est fidelibus verbum Dei, & revelationes istas quas ab Angelo accepit. Loquitur autem in præterito, *Qui perhibuit*, respiciens non ad tempus præsens, quo hæc scribebat, sed ad tempus futurum, quo fideles lecturi erant, quæ ipse scripserat.

Beda cum alijs multis, *Verbum Dei*, intelligit Christum, quem Joannes testificatus est esse Verbum Dei increatum, quando initio Evangelij sui dicit, *In principio erat Verbum: & vidimus gloriam eius quasi unigeniti à patre &c.* Sed verius est, ut superius cum SS. Hieronymo & Augustino monuimus, Evangelium S. Joannis nondum scriptum fuisse, quando scripsit Apocalypsin. Unde probabilius intelligeretur de testificatione Divinitatis Christi per prædicationem Evangelij, quod per Asiam & alibi multis annis viva voce disseminaverat.

ET TESTIMONIUM JESU CHRISTI. Et etiam testatus est testimonium de Jesu Christo, qui est præcipua persona, de qua in hac Apocalypsi plurima vidit. Vox, *Testimonium*, est accusativi casus, & regitur à verbo *perhibuit*, ut ex Græco patet. **QUÆ CUM QUIE VIDI.** Quæcumque sibi ostensa sunt in hac Apocalypsi de Jesu Christo, & vidit visione imaginariâ vel intellectuâli. Græcè, *Et Quæcumque vidi.*

Et denique

Et denique testatus est alia quæque, siue de Christo, siue de Anti-christo, & tot alijs rebus sibi ab Angelo demonstratis.

3. B E A T U S. Jam est spe & merito, postea verò futurus re & præmio beatus, si nempe nihil cæterarum rerum ad salutem & beatitudinem necessariarum desit. Q U I L E G I T. Hoc dicit pro doctis, qui egendi sunt periti. E T A U D I T. Aut certè audit, sicuti à Verbi Dei præconibus audire possunt, etiam qui legere nesciunt. Coniunctio copulativa, &, non copulativè, sed disjunctivè hic sumitur, nec enim necesse est, ut quispiam legat simul & audiat. V E R B A P R O P H E T I Æ I U I U S: Apocalypsin *Prophetiam* vocat, quia multa, licet non omnia, rerum futurarum Prophetica continet. Sed quia ad beatitudinem non est satis, characteres verborum legere, aut sonum verborum audire, iubdit: E T S E R V A T E A. Opere explet præcepta fidei & morum. Q U Æ I N E A S C R I P T A S U N T. Præter enim obscura illa rerum futurarum enigmata, Apocalypsis miscet multa præcepta & exhortationes ad fidei constantiam & malorum tolerantiam. Deinde terror regni Anti-christi, & instantium temporum inauditæ calamitates sancto terrore cætores & auditores concutiunt, etiamsi, quales futuræ sint, non satis distinctè intelligatur.

Sicuti autem beati & felices sunt, qui hanc Apocalypsin legunt, & servant ea, quæ in ipsa scripta sunt: ita felicissimi, qui in tota Scriptura Sacra die ac nocte meditantur, & virtutes ac vitia, non in statera dolosa humanarum consuetudinum & opinionum, sed in statera æqua divinarum Scripturarum pensant, ut S. Augustinus lib. 3. cap. 2. contra Parmenian. loquitur. Hi enim non periculosè per semitas ab hominibus inventas, sed per viam Domini & Sanctorum securè, & inter non carnales, sed spirituales delicias, quas Scripturæ sanctæ subministrant, dilatato corde, ad futuram & æternam felicitatem currunt. Inde S. Augustinus ad delicias istas, & sacrarum Scripturarum intelligentiam anhelans; *Sint casta delicia mea Scriptura tua*, inquit lib. 11. c. 11. Confess. *Nec fallar in eis, nec alios fallam ex eis. Largire inde spatium meditationibus nostris in abdita Legis tue, neque adversus pulsantes claudas eam. Neque, nim frustra scribi voluisti tot paginarum opaca secreta, aut non habent illa sylva ervos suos recipientes se in eas, & resumentes, & ambulantes, & pascentes, re-ambientes & rumnantes; ô Domine perfice me, & revela mihi eas.*

TEMPUS ENIM PROPE EST. Articulus temporis, quo mala ista ventura, & Christus ad iudicium venturus est reddere unicuique secundum opera sua, appropinquat, unde festinandum est, ut servemus ea, quæ in hoc libro scripta sunt. Vox græca, quam Interpres hic ver-

ut tempus

tit *tempus*, propriè temporis articulum aut momentum, sive opportunitatem, quâ aliquid agendum est, significat; unde alibi, *momentum*, vertit, Act. 1. v. 7.

Dies autem Judicii universalis dicitur esse prope, quia quodlibet tempus finitum est instar momenti, si cum æternitate comparatur: aut certè quia iudicium universale in iudicio particulari mortis uniuscujusque hominis quodammodo inchoatur, cum iudicium universale non sit aliud, quam solemnis quædam omnium iudiciorum particularium recapitulatio.

4. JOANNES SEPTEM ECCLESIIS. Scribit hæc. Licet autem una sit Ecclesia toto Orbe diffusa, sæpe tamen Ecclesiæ pluraliter apellantur multifaria Fidelium conventicula, varijs tribubus, linguis & populis discreta, ait Beda, 1. Petri 2. v. 8. In septem verò istis Ecclesijs scribit etiam ad Ecclesiam universalem, quia numerus septenarius in Scripturis est numerus universitatis, & pro qualibet numerosa multitudine poni solet, quia Annus, & universum tempus septenario dierum numero circumcurrit. Deinde numerus iste universalem Ecclesiam aptè significat, quæ septiformi Spiritus Sancti gratiâ & magisterio regitur: ideo etiam in S. Joannis Apocalypsi per septem Ecclesiarum numerum universalis Ecclesia designatur, ait S. Gregor. cap. 8. præfat. Moral. Unde, *Septies in die laudem dixi tibi* Psal. 118. nihil est aliud, quam, *semper laus eius in ore meo*, Psal. 33. ait S. Augustinus lib. 5. cap. 35. Doctr. Christ. Et ubi in Cantico Annæ legimus, *Donec sterilis, peperit plurimos*; in Hebræo habetur, *Donec sterilis peperit septem*, 1. Reg. 2. v. 5. quia, *septem*, & *plurimi*, ab Hebræis pro eodem habentur.

QUÆ SUNT IN ASIA. Minori, quæ Ponto Euxino, Propontide, mari Egæo, & parte maris mediterranei ambitur, instar peninsulae, cujus Isthmus à sinu Iscico ad Pontum Euxinum protenditur. Hæc Asia minor hodie Natolia appellatur, cujus pars est Asia specialissimè dicta, quæ aliter Jonia nominatur, cujus præcipuæ civitates sunt Ephesus & Miletus. Non posse autem hoc loco Asiam accipi pro Jonia patet, quia non omnes septem Ecclesiæ sunt in Jonia, sive Asiâ specialissimè dictâ. Unde Asia triplex distingui debet, magna, minor, minima. Magna est quarta pars Orbis terræ, minor est Natolia, minima verò est Jonia.

GRATIA VOBIS sit, & in dies multiplicetur. Gratiam autem apprecatur tam habitualement, quæ animas sanctificat, quàm actualement, quæ concupiscentias pravæ debellat, & opera bona inspirat.

ET PAX.

ET PAX. Tranquillitas mentis, & quies in Deo, quâ post debellatas concupiscentias soli fruuntur iusti: nec enim talis est pax impijs, dicit Dominus. Isa. 57. v. ult. **AB EO QUI ERAT.** A Deo Trino & Uno, qui seipso esse incommutabile & æternum habet: unde rogatus nomen suum à Moysè respondit, Ego, *sum qui sum*, Exodi 3. v. 14. quod **XX.** verterunt, *Ego sum ille ens* sive, *ille qui est*. Ad quæ verba S. Joannes sine dubio hic respexit. **ET QUI ERAT.** Et consequenter cujus ille in principio temporis, quando mundus creabatur jam erat: non enim incommutabile illud ens, quod cæterorum entium fundamentum est, potuit cum alijs Entibus incipere esse. **ET QUI VENTURUS ERAT.** Ad judicium universale; non enim solus Filius, sed & Pater & Spiritus S. ad judicium venient, & per Christum hominem mundum iudicabunt.

Beda cum alijs multis, omnia ista tria, *Qui est, qui erat &c.* tribuit illi Patri, sequentia verò duabus alijs Personis. Sed melius singulis personis, sive Deo uni & Trino tribuuntur, sicut infra Apocal. 4. v. 8.

ET A SEPTEM SPIRITIBUS. Gratia & pax quoque vobis à septem angelis. Hi enim septem Spiritus vocantur septem Angeli infra Apocal. 8. v. 2. & septem oculi, Apocal. 5. v. 5. Zachar. 4. v. 10. Nomina septem istorum Angelorum S. Amadæo revelata fuisse, narrat alatinus, nempe ista; Michaël, Gabriel, Raphaël, Uriel, Sealthiel, hudiel, Barachiel: sed solum trium priorum fit mentio in Scripturis. Canonicis; nam liber quartus Esdræ, in quo fit mentio Angelisrielis, est apocryphus.

Nomina autem ista sunt à quibusdam effectibus, quos vel ipsi immediate operantur, vel inspirant hominibus. Michaël, *Quis ut Deus*; gabriel, *Fortitudo Dei*; Raphaël, *Medicina Dei*; Uriel, *Lux Dei*; Sealthiel, *Oratio Dei*; Jehudiel, *Confessio Dei*; Barachiel, *Benedictio Dei*.

Multi tamen cum Beda, non septem Spiritus creatos, sed Spiritum S. essentiâ quidem unicum, sed munere septiformem, interpretantur. Quod tamen non satis quadrat, cum septem isti Spiritus missi tantur in omnem terram, Apocal. 5. v. 6. deinde vocantur Angeli Apocal. 8. v. 2. quod Spiritui S. nequaquam convenit.

Gratia autem & pax à Spiritibus istis postulatur tanquam ministris, qui & Deum pro gratia & pace Electorum orare non cessant, & perorationibus eam promouent, & Ecclesiæ ministros dirigunt, qui sacramenta gratiam infundunt.

QUI IN CONSPECTU THRONI EJUS SUNT. Qui thronum ejus, qui, qui erat, & qui venturus est, circumstant, tanquam satellites & ministri

ministri veloces parati ad mandatum Domini sui, qui ad salutem Electorum eos mittit in omnem terram: sunt enim septem oculi Domini, qui discurrunt per universam terram Zachar. 4. v. 10. S. Raphaël dicit se esse unum ex istis septem Spiritibus, qui adsunt ante Dominum, Tob. 12. v. 15. Non quasi sint ex superioribus ordinibus assistentium, qui ad homines mitti non solent; sed quia adsunt more satellitum accincti & attenti, ut Domini accipiant & exequantur mandatum.

Vocantur ergo septem Principes. Angeli ex ordine Principatum, qui est supremus infimæ Hierarchiæ, quos Deus huc & illuc mittere solet, ad communem salutem Electorum promovendam, & vindictam peccatorum exequendam. Non sunt autem ex supremo ordine Seraphinorum, qui ordinariè mitti non solent, juxta S. Dionysij Theologiam.

5. ET A JESU CHRISTO. Cujus Sanguis fons est & scaturigo omnis gratiæ & pacis, Pater enim *gratificavit nos in dilecto filio suo*, ad Ephes. 1. v. 6 & *ipse est pax nostra*, ad Ephes. 2. v. 14. Hæc est pax, quam Christus moriens reliquit Apostolis dicens, *Pacem meam do vobis*, Joan. 14. v. 27. Unde quidam eam hæreditariam virorum Apostolicorum appellant. Hæc verò nihil est aliud, quàm, Serenitas mentis, tranquillitas animæ, simplicitas cordis, vinculum amoris, consortium charitatis.

Sanctus Joannes postponit Christum septem Spiritibus, quia secundum naturam humanam minutus est paulò minus ab Angelis. Deindè quia plura de Christo dicturus erat, noluit, postponendo ei septem Spiritus, contextum sermonis abruptum, & postea iterum ad Christi mentionem redire.

QUI EST TESTIS FIDELIS. Qui testificando nec fallitur, nec fallit: non enim fabulas, sed quos biberat apud Patrem sermones loquebatur, & venerat in mundum, ut testimonium perhiberet veritati, Joan. 18. v. 27. Unde ut Græcus excellentiam & certitudinem testimonij ejus indicaret, duplicem articulum addidit, *Qui est ille testis, ille fidelis*. Hoc verò Christi elogium interserit S. Joannes ut indicet, quæ in hac Apocalypsi à Christo testificante accepit, fidelissima & certissima esse. PRIMOGENITUS MORTUORUM. Græcè, *Primogenitus ex mortuis*. Qui primus ex omnibus mortuis per resurrectionem ad vitam immortalem est. Quicumque enim ante Christum ex mortuis surrexerunt, ut filius viduæ saphetanae, 3. Reg. 17. v. 22. item filius Sunamitidis, 4. Reg. 4. v. 35. Lazarus, Joan. 11. v. 44. & quidam alij iterum morituri revixerunt. Si autem Christus primogenitus mortuorum est,

& primitiæ

primitiæ dormientium 1. ad Cor. 15. v. 20. ergo etiam nos alio-
 modo refurgemus, cum fimus membra ejus, membra enim sequuntur
 in caput. Et sic tacite S. Joannes monet Electos, ut per tribula-
 ones & mortes, quas hic liber ipsis denuntiat, ad beatam resurrectio-
 nem, & Christi capitis sui similitudinem aspirent.

ET PRINCEPS REGUM TERRÆ. Qui principatum & imperium ha-
 bet supra reges terræ, quorum proinde potentiam ita moderatur &
 lenat, ut nobis amplius nocere non possint, quam ipse permittat.
 Iste autem Christi supra reges terræ principatus, non tantum ei ut Deo
 sed etiam ut homini competit: nam Humanitati per unionem hypo-
 staticam deificatæ debetur omnis potestas in cælo & in terra. Matt.
 28. v. 18. Unde quando dixit, *Regnum meum non est de hoc mundo*, Joan.
 18. v. 36. solum significat, regnum suum non habet originem ex hoc
 mundo, sive ex hominibus, nec eo modo administrandum esse, sicut
 regna hujus mundi. Haymo, *Reges terra* interpretatur Electos, qui ter-
 re suæ dominantur, cum terrenos affectus per adiutorium gratiæ
 Christi spiritui suo subijciunt. Horum ergo Christus est Princeps, quia
 per gratiam suam spiritum Electorum regit, spiritus verò terrenarum
 carnalium rerum concupiscentiam frænât.

QUI DILEXIT NOS. Qui ut Deus nos ab æterno dilexit, & per
 misericordiam in communi damnationis massa ad gratiam & gloriam
 nos elegit. Deinde homo factus humanâ voluntate etiam nos dilexit,
 nobisque eadem bona voluit & confirmavit, ad quæ divinâ suâ volun-
 te nos ab æterno prædestinaverat. Loquitur autem S. Joannes se-
 cundum Ecclesijs, tanquam si omnes essent dilecti & electi.

* ET LAVIT NOS. Turpes antea & maculosos per gratiam sanctifi-
 cantem illius dilectionis dilexit, ergo adhuc deformes, sed ut for-
 mosos faceret, sicut faber lignum in Sylva non dolatum amat, amans
 non illud quod est, sed quod inde facturus est, ait S. Augustinus Tract.
 in Epist. 3. Joan. A PECCATIS NOSTRIS. Hinc patet, peccata re-
 liquere in anima aliquas maculas, in quibus manent habitu, licet
 anscant actu.

IN SANGUINE SUO. Per sanguinem suum, sive per merita sangui-
 nis Passionis, quâ gratiam peccatorum delettricem nobis promeri-
 mus est.

6. ET FECIT NOS REGNUM. Et per gratiam suam congregavit nos
 unam ecclesiam, in qua ipse & Pater regnat, regens Electorum
 animas & ad pacem felicitatemque æternam perducens. Ec-
 clesia ergo dicitur Regnum Christi & Dei, sicut populus subditus, ut

Hispania aut Galli, Regnum sui Regis appellantur. Plurima tamen hodie exemplaria græca habent, *Et fecit nos reges*; quia nempe Spiritus Electorum gratiâ Christi adiutus carni imperat, & terrenos affectus regit, ac in ordinem redigit, juxta illud, *Et regnabimus super terram*, Apocal. 5. v. 10. ET SACERDOTES. Et subditi ejus in hoc regno non qualescumque, sed omnes sacerdotes sunt ad offerendas *spirituales hostias acceptabiles Deo per Iesum Christum*, 1. Pet. 2. v. 5.

Omnes ergo verè Christiani dicuntur metaphoricè Sacerdotes, quia per penitentiam offerunt Deo Sacrificium spiritus contribulati, Psal. 50. & per concupiscentiæ mortificationes exhibent *corpora sua hostiam viventem, sanctam Deo placentem*, Rom. 12. v. 1. Immolantque Deo sacrificium laudis, Psal. 49. Unde Deus, Exodi 19. v. 6. ad cujus verba S. Joannes hîc respexit, universum populum Israëliticum alloquens, *Vos eritis mihi*, inquit, *in regnum sacerdotale, & gens sancta*.

Verumtamen licet hoc loco & alibi omnes Christiani dicantur metaphoricè tantùm Sacerdotes, non sequitur tamen, quod contendunt Sectarij, nullos in Ecclesia esse alios Sacerdotes propriè dictos, qui non tantum metaphoricè, sed propria sacrificia Deo in missa offerant; sicut in populo Judaico erant Aaronici, & propriè dicti Sacerdotes, licet singuli de populo illo dicantur illo loco Exodi Sacerdotes metaphoricè propter sacrificia laudis, vitulos labiorum, & alia sacrificia improprie dicta, quæ unusquisque Deo offerre poterat. Quidam tamen interpretes accipiunt hîc, *Sacerdotes*, non metaphoricè, sed propriè, & ista verba, *Fecit nos Sacerdotes*, exponunt; Constituit in regno nostro, sive in Ecclesia Christianorû veros summi Dei Sacerdotes, qui quotidie hostiam incruentam Deo in missæ Sacrificio offerant; non autem, quasi singuli Christiani vocentur Sacerdotes.

DEO ET PATRI SHO. Qui sacrificia offerant Deo, qui est Pater ejus. Sed quia ipse & Spiritus S. idem Deus sunt cum Patre, etiam Christo & Spiritui S. eadem Sacrificia offeruntur. IPSI GLORIA. Christo gloria sit apud omnes Angelos & homines in cælo & in terra, propter illa beneficia humano generi præstita. ET IMPERIUM. Quod habet in omnem creaturam, quia constitutus est ad dexteram Patris in cælestibus supra omnem principatum & potestatem, ad Ephes. 1. v. 21. IN SECULA SECULORUM. Nec qualis est gloria & Imperium Principum hujus mundi, quæ cum vita extinguuntur, sed quæ durent in omnem æternitatem. A M E N. O ita sit, & omnes ei hanc gloriam & Imperium ex affectu amoris congratulentur.

7. ECCE VENIT. In proximo est adventus ejus ad Judicium. Nam particula,

particula, *Ece*, rem præsentem, & oculis subditam demonstrat; & verbum, *venit*, hic est præsentis temporis. Sic autem loquitur S. Joannes, quia oculis propheticiis rem post multa sæcula futuram quasi præsentem cernebat. CUM NUBIBUS Christus enim cinctus nubibus ex superiori aëris regione proprius ad terram descendet, ac in aëre supra vallem Iosaphat in nube, tanquam Iudicis throno sedebit. Nubes vero illæ Angelorum ministerio conformabuntur, & lumine corporis gloriosi Christi & Sanctorum perfusa, maiestatem Iudici & ailessoribus ejus addent. *Vibebunt filium hominis venientem in nubibus celi, cum virtute multa & maiestate*, Matth. 24. v. 30. Sicut enim nubes euntem in cælum suscepit ab oculis Discipulorum, ita nube amictus ad iudicium veniet.

Blasius Viegas & Sotus in 4. d. 47. q. 2. a. 1. dicunt nubes illas fore miraculosas, quia tempore Iudicii cælorum motus cessabunt ideoque nulli nubium vapores poterunt à sole naturaliter amplius elevari. Sed licet hoc daremus, poterunt tamen ex vaporibus antea elevatis nubes ab Angelis congregari, & in throni formam conglobari.

ET VIDEBIT EUM OMNIS OCVLVS. Omnium hominum tam electorum quàm reproborum corporei oculi Humanitatem ejus videbunt, quæ blanda electis terribilis reprobis apparebit. Hæc autem diversitas non tantum orietur ex videntium diversis conscientijs, sed etiam ex parte subjecti, & facie ipsa Iudicis, quæ diversimodè oculos videntium immutabit, inquit Carthusianus. ET QUI EUM PUPUGERUNT. Græcè, *Transfixerunt*: quomodo Interpres idem verbum græcum vertit Ioan. 19. v. 37. Illi enim pavidī & tremētes videbunt eum in nubibus venientem, & iudicem gloriosum, qui illum in Passione sua plagis & lancea, tanquam infamem latronem, in Cruce transfixerunt; quod olim etiam prophetatum Zachar. 12. v. 10. ET PLANGENT SÆ. Sua pectora plangendo & tundendo deplorabunt suam infelicitatem. SUPER EUM. Propter eum. OMNES TRIBUS TERRÆ. Reprobi ex omni tribu & natione Orbis terræ, quia vel in eum credere noluerunt vel fidem sine dilectione & operibus informem, veritatemque Dei in injustitia destinuerunt, Rom. 1. v. 18. magnitudinem verò & acerbitatem hujus planctus exprimens Zacharias, *Plangent eum*, inquit; *quasi super unigenitum*. Zach. 12. v. 10. parentes enim mortem unigenitorum in quibus spes familiæ, & posteritatis semen erat luctuosissimè deplorant.

Tantus tamen damnatorum planctus infructuosus erit, quia non ex amore Conditoris, sed ex solo horrore pœnarum expressus; *peni-*

quod superius versu 4. Deo Trino tribuerat, jam specialiter Christo tribuit, ut non solum hominem, sed Deum esse ostendat. ut Nazianenus Orat. 35. notat. OMNIPOTENS. Alij vertunt, *Ille omnipotens*, propter articulum græcum. Christus enim est Deus ille omnipotens; dem cum Patre & Spiritu S. Si autem omnipotens, nemo eum impedire potest, quo minus, quando cum millibus ad Iudicium veniet, iustos suos humiliet, & amicos exaltet.

9. EGO IOANNES. Finitâ præfatione, incipit narrare mysteria sibi in hac Apocalypsi revelata, designando personam, locum, tempus, causam hujus visionis. FRATER VESTER. Fide Christi, & adoptione in filium Dei. ET PARTICEPS IN TRIBULATIONE. Ut proinde animum respondere non debeatis, qui me Apostolum Christi, socium tribulationis & persecutionis habetis. ET REGNO. Quod nobis paratum est in caelis. Hâc spe regni cælestis obiter interjectâ, eos ad tolerantiam tribulationum animat. ET PATIENTIA IN CHRISTO IESU. Et participes in tolerantia earundem tribulationum propter Iesum Christum. Rectè addit, *In Christo Iesu*; quia etiam mali multas tribulationes sustinent in hoc mundo, quæ quidem habent supplicium, ait Richardus de S. Viêt. sed non perducunt ad regnum. Carthusianus, *In Iesu Christo*, exponit, Per gratiam Iesu Christi, à quo omnis vera patientia donatur, juxta illud; *Deo subiecta esto anima mea, quoniam ab ipso patientia mea*, Psal. 61. FUI IN INSULA. Missus eò ab Imp. Domitiano, iterâ post Neronem persecutione, circa annum Christi XCII: postquam S. Ioannes ex Asia Romam ad Domitianum perductus fuisset, & in dolum ferventis olei missus, ut Tertullianus & S. Hieronymusarrant. QUÆ APPELLATUR PATHMOS. Non procul ab Insula Samo in mari Myrtoo, quod est pars maris Egæi, alluens Asiæ littus, in qua Ephesus, & S. Ioannis habitatio. Unde non procul à domicilio in illam insulam relegatus est. Dicitur etiam ad metallum ibi fuisse amnatus. Abundat autem illa insula venis metallicis, ad quas eruentas rei olim, pœnâ leniorem quam mortis, sæpè damnabantur, ut hodie ad triremes. Pathmos hodie vocatur Pathmosam, nobilis adhuc monasterio S. Ioannis quod monachi S. Basilij inhabitant. PROPTER ERGUM DEI, ET TESTIMONIUM IESU. Propter prædicationem evangelicam Verbi Dei in Asia, quæ provincia S. Ioanni obrigerat in divisione orbis terrarum, & quò ex Iudæa migraverat, cum Virgine Matre, cujus à Domino constitutus erat cultus. Virgo autem jam viduum ante hoc S. Ioannis exilium obierat, & in cælum assumptarat, circa annum Christi 48. cùm esset ætatis 63.

ET PROPTER TESTIMONIUM JESU CHRISTI. Quo per Asiam testabar Christum esse Verbum Dei Incarnatum, Messiam & Salvatorem mundi. Maxime autem tunc temporis prædicationi S. Joannis Ephesini resistebat Apollonius Tyanæus Philosophus, & magus, quem Ephesini propter Miracula & præstigias diabolicas pro Deo colebant. Unde hic Tyanæus putatur fuisse potissima causa cur S. Joan. Ephæso in vinculis missus fuerit Romam ad dicendam causam coram Imperatore Domitiano.

10. FUI IN SPIRITU. In ecstasi, quâ spiritus ejus à sensibus alienatus, & à Spiritu S. docente assumptus est, ut alta & mystica possit intueri, ait Haymo. Narrat S. Ioannes se hæc spiritu vidisse, ne à carnali phantasmate lusus esse putaretur, ait Beda. IN DOMINICA DIE. Hinc patet, antiquissimam, & ab Apostolis consecratam esse Dominicam diem propter Domini resurrectionem. Unde verosimile est, quod notat Estius, diem Dominicam appellatam à Christianis fuisse, antequam à Gentilibus, dies solis, appellaretur, quia Dio Cassius, qui circa annum Christi 200. vivebat, lib. 37. testatur, non ita pridem ab Ægyptijs dies septimanæ nominibus Planetarum, ut Solis Lunæ, martis, &c. appellatos, nec veteres Græcos tali nomenclaturâ usos fuisse.

Locum autem, scilicet insulam Patmum, & tempus, nempe diem Dominicam, quando hæc visio ei ostensa fuit, exprimit S. Ioannes, ut solitudinem insulæ & diei otium sanctitatemque divinæ contemplationi maxime idoneam esse significet: Ducam in solitudinem, & loquar ad cor ejus, Osee 2. v. 14. solitudo enim & otium à temporalibus est doctrinæ cælestis schola, negotiationum cælestium apotheca, ubi Moyses accepit Decalogum, Elias vidit pertranseuntem Deum, Eliseus duplicem magistrum sortitus est spiritum, ait S. Basilius. ET AUDIVI. Non auribus corporis, sed spiritali auditu: sicut enim in spiritu positis spiritualia vidit, ita postquam audivit, spiritualis fuit. POST ME VOCEM MAGNAM. Hæc vox post tergum audita, significat eum à contemplatione rerum divinarum, quas ante se quodammodo intuebatur, revocari à Deo ad consideranda pericula instantium temporum, & alia quæ retro erant, quæ ipsum latebant. Vel, ut Richardus à S. Viç. S. Ioannes à strepitu mundi abstractus, quieti deditus omnem pastoralem sollicitudinem, cunctaque visibilia post se reliquerat, solisq; supernis & invisibilibus intendebat. Unde ad subditorum eruditionem reducit, & de ijs, quæ scribenda erant, per sensibilem similitudines edocetur, & quasi de anterioribus ad posteriora revocatur. Prælati enim

in Ecclesiæ non ita inhærere debent dulcedini contemplationis, ut serant cogitationem & curam sui gregis. Unde cum Sponsa petijisset iponso, *Indica mihi, ubi pascas, ubi cubes in meridie*, Cant. 1. v. 6. ut inpe suavi contemplationis osculo eum dissuaviare posset; respondet onfus, versu 10. *Muremulas aureas faciemus tibi: vermiculatas argento*; id est, pientiam cum eloquentia ad prædicationis officium dabimus tibi, ut erpretatur S. Bernardus Serm. 41. in Cant. *Ex quo sanè docemur*, inquit, *intermiscenda esse dulcia oscula propter latentia ubera*, quorum scilicet te Pastores filios suos spirituales nutriunt: Ideo sponsus versu 1. ait, *meliora sunt ubera tua vino*, & sitiens Sponsi præsentiam, filiorum inso pariendorum alendorumque sollicitudo inungitur. Unde illud Augustini lib. 19. Civit. Dei, cap. 19. *Locus superior, sine quo regius non potest, etsi ita teneatur atque administretur, ut decet; tamen indecens appetitur: quomobrem omnium sanctorum quaris charitas veritatis, negotiorum inusu, pietas necessitas charitatis; quam sarcinam si nullus imponit, percipiendane intinenda vacandum est veritati, si autem imponitur, suscipienda est propter veritatis necessitatem.*

TANQVAM TUBÆ. Qualis erat vox tubarum, quibus Judæi ad sonitates & publicos cætus populum convocare solebant, sicut homonitu campanæ solemus, ut patet num. 10. v. 2. & alibi. Vox em ista magna instar tubæ clangentis significat magnitudinem ren & mytteriorum, quæ Deus per Angelum vult S. Joanni revelare. 11. Dicentis. Igitur vox erat articulata, non confusa, ut sonitus us. Dicitur ergo, *tanquam tubæ*, quia magnitudine & clangore vortubæ imitabatur. QVOD VIDES. Quod statim visurus es in spiritu revelationem. SCRIBE IN LIBRO. Non tantum in memoria tua ro, ut Haymo interpretatur non benè, sed in hoc libro Apocalyp: unde sequitur, ET MITE, tanquam epistolam quamdam, SEEM ECCLESII. Septenarius est numerus universitatis, ut versu irto diximus. Unde septem istarum civitatum Ecclesiæ, sunt si a universalis Ecclesiæ septiformis, ait Beda. Ideo etiam S. Paulus tem scripsit Ecclesijs (hicet non iisdem, quibus S. Joannes) in quibus Ecclesiam universalem toto orbe diffusam erudit, ad Romanos, rinthios, Galaras, Ephesios, Philippenes, Colossenses, & Theonicensis; unde versus:

*Roma, Corinthe duplex; Galata, Ephesus atque Philippi,
Colossus simplex est, Thessalonica gemella,
Timotheus quoq; non tu Tite, Philemon & Heber.*

C

Ceteræ

Cæteræ enim ejus epistolæ ad personas singulares, ultima ad totam nationem Hæbræorum per varias Ecclesias dispersas destinantur.

QUÆ SUNT IN ASIA. Minori, cujus regionis Apostolus specialiter & Patriarcha erat S. Joannes. EPHESO. Primo loco Ephesum ponit, quia Asiæ metropolis, in qua Proconsul Asiam gubernans, & ipse Patriarcha S. Joannes residebat; Academia etiam ibi Philosophorum erat, & magicarum artium famosissima. Unde cum primum à S. Paulo Fides ibi annuntiata esset, multi magicos libros ad eum attulerunt & combusserunt, ACT. 19. v. 19. Et quæ hodie vocamus alta nomina, quibus homines arte dæmonis redduntur quodammodo invulnerabiles, olim vocabantur, *litteræ Ephesiæ*: Ephesus enim clarissima erat templo illo Dianæ, quod inter septem miracula mundi unum fuit, stabatque hoc adhuc Apostolorum tempore, ut ACT. 19. v. 27. patet.

ET SMYRNÆ. Quæ altera Asiæ sive Joniæ clarissima civitas, ab Amazonibus cum Epheso ibi ædificata ad litus maris *Ægei*, sæcunda olim ingeniorum mater, in qua erat celebre gymnasium cum Homeri Templo & statuâ, quia inter civitates contendentes Homerum civem suum esse, Smyrnæi sibi maximè vendicant. Portus etiam erat commodissimus, quò ex tota Asia & Græcia ad studia Philosophiæ & artis Oratoriæ plurimi confluebant.

ET PERGAMO. Pergamum urbs Troadis est, mediterranea, patria Galeni Medicorum Principis, olim Regia Attali Regis, qui nobilissimam toto orbe Bibliothecam ibi instituit, libris in pellibus hædinis scriptis, quod antea insolitum erat fieri: ideoque hodie adhuc charta ex pellibus animalium confecta *Pergamena* vocatur.

ET THYATIRÆ. Quæ est Mysiæ civitas, aut Lydiæ, de qua ACT. 16. v. 14. ET SARDIS. Hæc urbs est Lydiæ præcipua, olim Cræsi, Regumque Lydorum Regia, prope montem Tinolon, ex quo Pactolus fluit, aureas arenas vehens, unde putatur divitiæ illæ Cræso advenisse, quæ in proverbium abierunt. ET PHILADELPHIÆ. Hæc urbs in Mydiæ & Lydiæ sinibus sita est, ideoque de imperio ejus inter Myfos & Lydos olim certatum. Ab Attalo Philadelpho Rege nomen habet. Est & alia Philadelphia in Syria trans Jordanem, Metropolisterræ Ammonitarum, quæ ab Hæbræis vocatur Rabba, in cujus obsidione occisus est Urias Hethæus, gladijs filiorum Ammon expositus à Joab jussu Davidis 2. Reg. 11. v. 17.

ET LAODICIÆ. Urbs est minoris Phrygiæ, quæ olim erat parva, sed nostrâ, & Patrum ætate maximam accepit incrementum, ait Strabo lib. 12. Strabo autem sub Tiberio Cæsare, cum Christo Domino, & S.

S. Joanne vixit. Unde tempore scriptæ hujus Apocalypsis Laodicia missima erat civitas, & Phrigiarum urbium facillè maxima; terræ nen motibus maximè subjecta.

12. ET CONVERSUS SUM. Verti aciem mentis, non oculos corporis: intellectu enim, non sensu videre volebat. UT VIDEREM VOLUM. Ut cognoscerem, cujus esset vox. QUÆ LOQUEBATUR MECUM. Quia quispiam post me loqui ad me videbatur. Quia visus primus & bilissimus est omnium sensuum, ideo, *videre*, ad intellectum transfertur, & quidquid intellectu cognoscimus, videre dicimur. Unde intellectum non tam auditur vox, quàm videtur. ET CONVERSUS, DI. Spirituali visione. SEPTEM CANDELABRA AUREA. QUÆ erant e dubio similia candelabro, quod Deus iussit fabricari pro Tabernaculo, Exodi 25. v. 31. & quale vidit Zacharias, cap. 4. v. 2. ad totum erat ex auro mundissimum, habebatque sex calamos exili uno egredientes, ac in summitatibus totidem lucernas. Unde in majori lampade, quæ erat super caput hastilis, erant in unoquoque candelabro lucernæ septem.

Cum autem S. Joannes ignoraret quid septem ista candelabra designarent, Angelus Christi personam gerens infra v. ult. ei revelat, semper candelabra significare septem Ecclesias jam supra memoratas, ad id scribere jubebatur. Rectè autem per candelabra Ecclesiæ designantur, inquit Arethas, quia candelabra sunt tanquam basis & vilium lucernarum, quæ lumen non à se, sed à lucernis sibi impositis habent: sic etiam Ecclesiæ non à se, sed ab igne, quem Christus venit iterè in terram, lumen sapientiæ, & ardorem charitatis acciunt.

Aurea vero sunt candelabra, propter doctrinæ Ecclesiæ soliditatem, sicut aurum omnium metallorum est solidissimum & gravissimum. Sunt etiam aurea tota, & ex auro mundissimo, ut illud Exodi v. 31. & alterum Zach. 4. v. 2. quia doctrina Christiana non est illis Doctrinæ Philosophorum, & Sapientum hujus mundi, qui o suo plurimum scoriæ, id est, veris multa falsa permiscent.

3. ET IN MEDIO SEPTEM CANDELABRORUM. Tanquam Solem in medio Planetarum, lumine & calore suo accendens. Ecclesiarum in candelabra, sine isto sole lucernas eorum accendente, extinctæ erant. Nec in medio istorum candelabrorum quiescit, sed ambulat, licet infra cap. 2. v. 1 o satagens, & quasi discurrens inter suos, ad protegendum & opitulandum, quibus ait, *Eccè ego vobis sum usque ad consummationem sæculi*, Matth. ult. v. ult. S M I L E N

FILIO HOMINIS. Similem homini cuicumque ex cæteris hominibus. Unde non negat, eum esse vere hominem, sicut dicitur *in similitudinem hominum factus, & habitu iuventus ut homo*, ad Philipp. 2. v. 7. Apud Hebræos, *Filius hominis*, idem significat quod homo, quia homo quilibet ab alio homine generari solet. Quæ etiam simili phrasi Græci Medicos vocant, Filios Medicorum, quia Medicus est filius eruditionis Medici magistri, à quo artem accepit.

Filius hominis hoc loco non pro Christo particulariter, sed pro homine quolibet indifferenter accipitur, sicut in illo Psal. 35. *Filij autem hominum in tegmine alarum tuarum sperabunt*: nomen enim, *filius*, hoc loco articulum græcum præfixum non habet, sicut habet in Euangelio, ubi- cumque Christus *Filius hominis* vocatur, propter excellentiam personæ in communione ejusdem naturæ.

Beda & Haymo interpretantur Christum, jam post Resurrectionem gloriosum, dici similem filio hominis, quia figurâ & formâ hominibus mortalibus similis tantum non homo mortalis amplius fuit, juxta illud, *Si cognovimus secundum carnem Christum, sed nunc iam non novimus*, 2. ad Cor. 5. v. 16.

Ad similitudinem Christi in medio septem istorum candelabrorum ambulantis, Romano Pontifice solemniter missam celebrante, septem candelabra ponuntur in altari, quæ significant ipsum, septem, id est, omnium Ecclesiarum Pontificem esse.

VESTITUM PODERE. Veste talari usque ad pedes demissâ: unde & Græcus hoc nomen habet. Erat etiam manicata, ut testatur S. Hieronymus, cinguloque adstringebatur; erat ergo Sutanæ nostræ similima, nisi quod corporitam arcè esset obstricta, ut nullam rugam haberet. Fuit etiam hæc vestis olim quorundam Philosophorum; nam Laërtius narrat, Menedemum Cynicum in podere fuscâ, cingulo puniceo succinctâ, incessisse.

Verisimile autem est, podèrem, quâ S. Joannes Christum vidit amictum, hyacinthini, sive violacei coloris fuisse; qualis erat podères summi Pontificis, quæ describitur Exodi 28. v. 31. in cujus etiam extrema ora juxta pedes pendebant 72. tintinnabula aurea cum totidem malis puniceis. Christus enim in habitu isto, tanquam summus Pontifex, septem, id est, omnium Ecclesiarum curam gerens, apparebat.

Color autem podèris hyacinthinus, qui plus in cælo sereno apparet, significat summum Sacerdotem in omnibus cogitationibus & actionibus suis debere cælum & Deum aspicere: unde etiam in hyacinthinis,

anthis vittis, quæ pallijs Judæorum inferebantur, significatur cælestis intentio, quæ omnibus operibus nostris debet adjungi, ait S. Thom. 1. 2. q. 102. art. 6. ad 7. Eadem de causâ Episcopi hodie hyacintheâ veste utuntur, ut cogitent se Angelos esse terrestres, quorum licet corpora sint in terris, animus tamen & conversatio sit in cælis, ad Philipp. 3. v. 20.

Præter autem podèrem hyacinthinam summi pontificis, erat etiam podères linea minorum Sacerdotum, Exodi 28. v. 40. de qua multi hunc locum Apocalypseos interpretantur. Sed verius est, Christum hîc apparuisse in podère hyacinthina, linea summi Sacerdotis, non tantum in linea Sacerdotum minorum.

ET PRÆINCTUM AD MAMILLAS. Proximè infrà mamillas. Pontifex enim Aaronicus, & minores Sacerdotes super podère sua cingebantur balteo, sive zonâ satis altè inter umbilicum & pectus, ut ait S. Hieronymus Epist. 128. ad Fabiolam; quod videtur esse idem ac præcingi ad mamillas. Præcingitur autem Christus & Sacerdos Aaronicus Christi figuram gerens, non circa lumbos, ut cæteri hominum, sed ad mamillas, quia in lumbis Christi nulla erat concupiscentia prava, quæ cingulo coërceri deberet: sed succingit mamillas, ut charitas iram divinam in corde ejus contineat, inquit Arethas. Vel, ut alij, quia Lex Christi non tantum concupiscentiam lumborum, quæ in actum externum prodit, sed etiam concupiscentiam cordis, quod sub mamillis latet, prohibendo restringit. Unde, *Audistis*, inquit, *quia dictum est Antiquis, non machaberis: ego autem dico vobis, qui videris mulierem ad concupiscendam eam, iam machatus est eam in corde suo.* Hinc Angelus, qui Danieli in V. Testamento apparet, non ad mamillas, ut hic Novi Testamenti Angelus, sed ad renes auro obriso accinctus fuit, Dan. 10. v. 5. quia Lex vetus per pœnæ sententiam non peccata cogitationis, sed operis refecavit, ait S. Gregorius; & ut Hugo ait, *Lex prohibuit manum, non animum.*

ZONA AUREA. Quod est vinculum charitatis: aurum enim tam colore flammeo, quàm metalli præstantiâ, charitatem virtutum reginam significat. Zone autem quibus Sacerdotum podères cingebantur, similitudine pellis colubri, quâ senectutem exuit, in rotundum sic contextæ erant, ut marsupium longum putares, ait S. Hieronymus Epist. citatâ ad Fabiol. Tales etiam erant militum & viatorum olim Zone, ideoque pecuniam suam in eis abscondebant, erantque ipsis marsupij loco. Unde jam illud Christi intelligimus, *Nolite possidere pecuniam in Zonis vestris*, Matth. 10. v. 9. In aurâ etiam istâ charitatis zona, quâ Christus mamillas suas succingit, non tantum ira Divina coër-



cetur, sed nostræ redemptionis pretium etiam continetur.

14. CAPUT AUTEM EIUS. Divinitas ejus, quia *Caput Christi Deus*, 1. ad Cor. 11. v. 3. ET CAPILLI EIUS. In quibus residet color capitis. ERANT CANDIDI. Candore non deficientis senectutis, sed longævæ æternitatis. TANQUAM LANA ALBA. Imo, quod amplius est, ET TANQUAM NIX. Ne quis scilicet Filium Patre suo æterno juniorem putaret, quem Daniel *Antiquum dierum* appellat, *cuius capilli capitis tantamquam lana munda*, Dan. 7. v. 9. Nullus ergo capillitij in Christo Filio pilus, nisi simillimus Patri, & pari æternitate candidissimus. ET OCULI EIUS. quibus impios respicit, TANQUAM FLAMMA IGNIS. Præ ira scilicet, quæ in horribilem vindictam aliquando exibat: valde enim irati ardenti spiritu aliquo suos inflammant oculos; unde de Turno irato & furebundo Virgilius.

His agitur furis, totoq; ardentis ab ore

Scintilla absistunt, oculis micat acerbis ignis.

Hanc autem Christi Judicis tam ardentem iram septem Ecclesijs scribere jubetur S. Ioannes, ad terrorem impiorum, qui in illis erant.

15. ET PEDES EIVS. Humanitas ejus, quæ est natura infima in Christo, sicut caput sive Divinitas est suprema. SIMILES AURICHALCO. Æri sive cupro præstantissimo: nam aurichalcum inter omnia genera æris præcipuam bonitatem admirationemq; qui obtinuit: nec reperitur longo jam tempore effecta tellure, ait Plinius lib. 34. cap. 2. Aliter vocatur aurichalcum, quasi æs montanum, quia ex montibus, ut Libano & quibusdam alijs olim eruebatur: idèò hæc græcè, *similes chalcobano*, sive, æri Libani. Vocatur autem aurichalcum, vel quia aliquid aureæ venæ à natura admixtum habet, vel quia in fornacibus ad splendorem auri producit, ut alijs placet. Unde sequitur, SICUT IN CAMINO ARDENTI. Græcè, *sicut in camino ardentes*. Quale est aurichalcum, quando in fornace ardet, & ab igne elaboratur; caminus enim græcè, fornacem latinè propriè significat.

Pedes igitur, sive Humanitas Christi, per unionem hypostaticam ad caput, quod est aurum optimum, Cant. 5. v. 11. hoc est, ad naturam ejus divinam, aurum imitatur, & similes sunt aurichalco splendentis: deinde in camino tribulationis, & igne Crucis excocti gloriam illam Corporis meruerunt, quam Christus in monte Thabor tribus Discipulis ostendit. Pedibus etiam istis ardentibus hostes suos in fine sæculi conculcabit, & in ignes sempiternos detrudet. Beda tamen per *Pedes* Ecclesiam novissimi temporis, tamquam Corporis Christi mylli- ci extremam partem, intelligit, quæ sub Antichristo sævissimis exa-

minanda

minanda & probanda est pressuris. Ioachimus Abbas per oculos tanquam flammam: ignis, vitam contemplativam per pedes similes aurichalco in camino ardenti, vitam activam tropologicè significari dicit. Nam licet gratia Spiritus Sancti per utramque vitam diffusa sit, aliter tamen vita contemplativa, aliter activa eam recipit: nam vita contemplativa, sicut luculenta & tranquilla flamma ardet; activa, sicut aurichalcum in fornace agitatum & ignitum, fervet.

ET VOX ILLIVS, Quà mecum loquebatur. TANQVAM VOX AQUARVM MLTARVM, Non ampliùs tanquam vox simplicis tubæ, quali ne ad se videndum vocaverat supra versu 10. sed plenior, & tanquam vox aquarum multarum, ex loco altiori in præceptis ruentium: quo significatur vox illa Christi terribilis, quâ reprobos in pœnas æternas mittet, postquam tubæ ex sepulchris excitatos ad tribunal suum ad audiendam sententiam Iudicis convocaverit. Opus enim est voce plenissimâ & latissimâ, ut ad innumeros reproborum populos per vallem Iosaphat, & latissimè circa dispersos perveniat, & audiri possit. Sæpè autem in Scripturis vox talis lara & sonora comparatur voci aquarum multarum, ut Isa. 17. v. 12. Ezech. 1. v. 24. aut voci multitudinis, ut Ezech. eodem, & Dan. 10. v. 6.

Alij cum Beda per vocem *aquarum multarum*, malunt significari vocem Christi per Apostolos prædicatione Evangelicâ toto Orbe sonantem & sparsam. Quæ primò tanquam simplex tuba in Judæa sonuit, ait Haymo, quando Christus dicebat, *Mesiu quidem multa, operarij autem pauci*, Matt. 9. v. 37. postea verò per Apostolos, & plurimos filios Christi Discipulos in omnem terram exivit sonus eorum, ad Rom. 10. v. 18.

16. ET HABEBAT IN DEXTERA SUA. Quâ in nobiliori, & hierarchico Ecclesiæ ordine eas singulari tutelâ protegit: *Dexterâ suâ teget eos, brachio suo sancto defender eos*, Sap. 5. v. 17. Deinde sunt in dextera Christi, quia majora per eas Christus in Ecclesia operatur. STELLAS SEPTEM. Angelos, sive Episcopos septem Ecclesiarum, ut ipse interpretatur infra v. ult.

Episcopi autem & Pastores Ecclesiæ vocantur stellæ, propter lucis abundantiam, inquit Arethas, quâ à Christo illuminantur, sicut illæ à Sole: lumen deinde & influentias ab eo suscepras deorsum in debitos reflectunt, quando verbo & exemplo eos docent: *Sic luceat v. vestra coram hominibus, ut videant opera vestra bona &c.* Matth. 5. v. 16. Stellæ autem illæ septem non in manu Christi clausa, sed in expandentur apparuisse, ut eas S. Ioannes posset numerare. In vola

ergo

cetur, sed nostræ redemptionis pretium etiam continetur.

14. CAPUT AUTEM EIUS. Divinitas ejus, quia *Caput Christi Deus*, 1. ad Cor. 11. v. 3. ET CAPILLI EIUS. In quibus residet color capitis. ERANT CANDIDI. Candore non deficientis senectutis, sed longævæ æternitatis. TANQUAM LANA ALBA. Imo, quod amplius est, ET TANQUAM NIX. Ne quis scilicet Filium Patre suo æterno juniorem putaret, quem Daniel *Antiquum dierum* appellat, *cuius capilli capitis tanquam lana munda*, Dan. 7. v. 9. Nullus ergo capillitij in Christo Filio pilus, nisi simillimus Patri, & pari æternitate candidissimus. ET OCULI EIUS. quibus impios respicit, TANQUAM FLAMMA IGNIS. Præ ira scilicet, quæ in horribilem vindictam aliquando exibat: valde enim irati ardenti spiritu aliquos suos inflammant oculos; unde de Turno irato & sgribundo Virgilius.

Hic agitur furys; totosq; ardentis ab ore

Scintilla absistunt, oculi micat acris ignis.

Hanc autem Christi Judicis tam ardentem iram septem Ecclesijs scribere jubetur S. Ioannes, ad terrorem impiorum, qui in illis erant.

15. ET PEDES EIUS. Humanitas ejus, quæ est natura infima in Christo, sicut caput sive Divinitas est suprema. SIMILES AVTICHALCO. Eri sive cupro præstantissimo: nam aurichalcum inter omnia genera æris præcipuam bonitatem admirationemq; qui obtinuit: nec reperitur longo jam tempore effusa tellure, ait Plinius lib. 34. cap. 2. Aliter vocatur orichalcum, quasi æs montanum, quia ex montibus, ut Libano & quibusdam alijs olim eruebatur: idèd hæc græcè, *similes chalcolibano*, sive, æri Libani. Vocatur autem aurichalcum, vel quia aliquid aureæ venæ à natura admixtum habet, vel quia in fornacibus ad splendorem auri producit, ut alijs placet. Unde sequitur, SICUT IN CAMINO ARDENTI. Græcè, *sicut in camino ardentis*. Quale est aurichalcum, quando in fornace ardet, & ab igne elaboratur; caminus enim græcè, fornacem latine propriè significat.

Pedes igitur, sive Humanitas Christi, per unionem hypostaticam ad caput, quod est aurum optimum, Cant. 5. v. 11. hoc est, ad naturam ejus divinam, aurum imitatur, & similes sunt aurichalco splendentes: deinde in camino tribulationis, & igne Crucis excocti gloriam illam Corporis meruerunt, quam Christus in monte Thabor tribus Discipulis ostendit. Pedibus etiam istis ardentibus hostes suos in fine sæculi conculcabit, & in ignes sempiternos detrudet. Beda tamen per *Pedes* Ecclesiam novissimi temporis, tamquam Corporis Christi mystici extremam partem, intelligit, quæ sub Antichristo sævissimis examanda

minanda

minanda & probanda est pressuris. Ioachimus Abbas per oculos tanquam flammam ignis, vitam contemplativam per pedes similes aurichalco in camino ardenti, vitam activam tropologicè significari dicit. Nam licet gratia Spiritus Sancti per utramque vitam diffusa sit, aliter tamen vita contemplativa, aliter activa eam recipit: nam vita contemplativa, sicut luculenta & tranquilla flamma ardet; activa, sicut aurichalcum in fornace agitatum & ignitum, fervet.

ET VOX ILLIUS, Quam mecum loquebatur. TANQUAM VOX AQUARUM MULTARUM, Non ampliùs tanquam vox simplicis tubæ, quali me ad se videndum vocaverat supra versu 10. sed plenior, & tanquam vox aquarum multarum, ex loco altiori in præceptis ruentium: quo significatur vox illa Christi terribilis, quæ reprobos in pœnas æternas mittet, postquam tubæ ex sepulchris excitatos ad tribunal suum ad audiendam sententiam Iudicis convocaverit. Opus enim est voce plenissimâ & latissimâ, ut ad innumeros reproborum populos per vallem Josaphat, & latissimè circa dispersos perveniat, & audiri possit. Sæpè autem in Scripturis vox talis lara & sonora comparatur voci aquarum multarum, ut Isa. 17. v. 12. Ezech. 1. v. 24. aut voci multitudinis, ut Ezech. eodem, & Dan. 10. v. 6.

Alij cum Beda per vocem *aquarum multarum*, malunt significari vocem Christi per Apostolos prædicatione Euangelicâ toto Orbe sonantem & sparsam. Quæ primò tanquam simplex tuba in Judæa sonuit, ait Haymo, quando Christus dicebat, *Messiu quidem multa, operarij autem pauci*, Matth. 9. v. 37. postea verò per Apostolos, & plurimos alios Christi Discipulos in omnem terram exivit sonus eorum, ad Rom. 10. v. 18.

16. ET HABEBAT IN DEXTERA SUA. Quam in nobiliori, & hierarchico Ecclesiæ ordine eas singulari tutelâ protegit: *Dexterâ suâ reget eos, & brachio suo sancto defender eos*, Sap. 5. v. 17. Deinde sunt in dextera Christi, quia majora per eas Christus in Ecclesia operatur. STELLAS SEPTEM. Angelos, sive Episcopos septem Ecclesiarum, ut ipse interpretatur infra v. ult.

Episcopi autem & Pastores Ecclesiæ vocantur stellæ; propter lucis abundantiam, inquit Arethas, quæ à Christo illuminantur, sicut stellæ à Sole: lumen deinde & influentias ab eo susceperas deorsum in subditos reflectunt, quando verbo & exemplo eos docent: *Sic luceat lux vestra coram hominibus, ut videant opera vestra bona &c.* Matth. 5. v. 16.

Stellæ autem istæ septem non in manu Christi clausa, sed in expansa videntur apparuisse, ut eas S. Ioannes posset numerare. In vola
ergo

ergo aut palma dextera manus insculpta, tanquam cælo infixæ, apparuerunt. Glutinum autem, quo Prælati Christo, ut stella firmamento, insculpuntur & insinguntur, est excellens Dei & proximi charitas, quâ Christo assimilantur.

ET DE ORE LIVS GLADIVS. Sententia, quam in extremo iudicio vibrabit in impios. Significatur ergo potentia Iudicis, qui ad executionem sententiæ mortis non eget alio gladio quàm sententiâ oris sui: ipse enim dixit & facta sunt: Psalm. 148. UTRAQUE PARTE ACUTVS. Græcè, *duplex ore acutus*: more Hebræorum, qui aciem gladij vocant, os gladij, quia acie, tanquam ore & dentibus mordet. Unde tam sæpè in Historijs V. Testamenti, *percutere in ore gladij*, pro, acie gladij interficere; seu ut Galli loquuntur, *Au filé de l'espee*.

Eâdem de causâ, Latini gladium utraque parte acutum, vocant, *ancipitem*, quasi duo capita & ora, quibus mordeat, habentem; & interpretres latinus Prov. 5. v. 4. vertit, *bicipitem*, quem Hebræus textus vocat *gladium orium* sive *gladium acierum* ut Arias vertit. Talis autem gladius punctim profundissimè penetrat, quia viam ad penetrandum utrumque sibi dilatat, non sic ille, qui alterâ parte est obtusus. Quis verò gladius penetrabilior, quàm ista sententia Iudicis, *Ite maledicti in ignem æternum*?

Ex his patet, Christum Joanni sub figura summi sacerdotis, & simul Iudicis apparuisse: podêres enim ad Sacerdotem, gladius ad Iudicem spectat. Beda & Haymo idèd gladium istum utraque parte acutum esse dicunt, quia Christus de visibilibus & invisibilibus iudicat, & culpas tam operis, quàm cogitationis resecat. Gigneus tamen, & plurimi alij gladium Verbi Dei hîc intelligunt, quod ab Apostolis toto orbe prædicatum est, quia *sermo Dei est efficax, & penetrabilior omni gladio ancipiti & pertingens usque ad divisionem animæ & Spiritus, compagum quoque ac medullarum &c.* Hebr. 4. v. 12. & *assumite gladium spiritus*, quod est *Verbum Dei*, ad Ephes. 6. v. 17. Scriptura etiam sermonem Dei vocat gladium bis acutum, propter aciem geminam duorum Testamentorum, ait S. Augustinus lib. 20. de Civ. cap. 21. Verbum enim Dei ex utroque Testamento depromptum, si Spiritus S. aciem ejus acuat, & impetum addat, altissimè in corda hominum penetrat: idèq; e hoc unicum est instrumentum & telum, quo Pastores & Prædicatores corda subditorum ferire debent.

EXIBAT. Tanquam eum ore evomeret & in hostes excuteret. ET FACIES EIUS, tam lucida erat, SICUT SOL LUCET. Et multo amplius: sed nihil lucidius sole in mundo erat, cui faciem illam comparare posset, ait S. Hilarius. IN VIRTUTE SUA. Quando maxima est ejus
virtus

virtus & potentia, in meridie scilicet sudo & sereno calo. Talis autem erit facies Christi iudicis ad reproborum terrorem, & Sanctorum gaudium.

Splendor autem tantus faciei Christi non statim ab initio apparuit S. Joanni, quia aliàs in tanta luce non potuisset distinguere oculos ejus scintillantes tanquam flammam ignis v. 14. Hac autem mutatione flammantium oculorum in splendorem faciei antenissimum, Alcazar significari putat, conversionem Imperij Rom. ab idololatria, quam Christus iratis oculis antea aspexerat, in gloriam illam Ecclesie, quæ ei à Constantino Magno & deinceps conrigit.

Non solum autem Christus, sed omnes etiam Justi fulgebunt sicut Sol in regno Patris eorum, Matth. 13. v. 43. Sed non semper est idem Solis splendor: mane enim & vesperi minus splendet, quàm in meridie, quando est in virtute sua. Soli autem meridiano, non matutino aut vespertino Christi facies hic assimilatur. Undè alij sancti stellis Firmamenti potius quàm Soli comparantur Dan. 12. v. 3. aut etiam scintillis in arundinetis, Sap. 3. v. 7.

Rectissimè autem Christus assimilatur Soli, qui Ecclesiam tanquam Lunam illuminat: Ecclesia enim lumen non à se, sed à Sole suo Christo habet, lucetque ex parte spiritali, qua ipsum respicit, ex parte verò carnali obscura est, quæ à Christo avertitur, ut Psalm. 10. Augustinus disserit.

17. ET CUM VIDISSEM EVM. Spirituali intuitu; nam omnia in spiritu representabantur & agebantur, supra v. 10. CECIDI. Timore tanti splendoris & majestatis perterritus. Sic etiam Daniel cap. 10. v. 9. & Ezechiel cap. 2 v. 1. simili visione exterriti, viribus corporis deficientibus, cadunt in facies suas. AD PEDES EIVS. Unde proximè ante S. Ioannem, & tanquam pedibus terram calcans, figura illa filij hominis apparuit. TANQUAM MORTVVS. In magno enim pavore, spiritus ad cor retracti ipsum quodammodò suffocant, nervos corporis destituunt. & totum hominem ferè exanimant: *Non remansit in me fortitudo, emarcui, nec habui quidquam virium*, Dan. 10. v. 8. Non solum enim mali, sed etiam boni Angeli hominibus apparentes, eos consternare primum solent, ut in Daniele, Ezechiele, & alijs patet; hoc tamen discrimine, quod boni Angeli mox consternatorum animos blando sermone erigere solcant: *noli metuere*, Dan. 10. v. 12. *Fili hominis sta super pedes*, Ezech. 2. v. 1. Undè hic sequitur: ET POSUIT DEXTERAM SUAM SUPER ME. Ut me animaret, & in pedes erigeret. Non enim fuit simplex contactus dexteræ, sed qualis

D

Danielis;

Danielis; *Ecce manus*, inquit, *tetigit me*, & *erexit me super genua mea*. Dan. 10. v. 10. DICENS, *NOLI TIMERE*. Hinc patet, malè eos interpretari hunc locum, qui dicunt, S. Ioannem ex humilitate ad pedes Angeli cecidisse, ut eum adoraret, sicut infra cap. 19. v. 20. Non enim stupor propriæ vilitatis, ex comparatione divinæ Majestatis, quæ in Angelo relucebat, sed rei tam augustæ & insolitæ timor eum exanimaverat. Verum ergo est: sed huic loco non convenit, quod ait Joachimus, Nunquam melius tenebras suas mens humana dijudicat; quàm cum Divinæ sapientiæ lucem, & Summæ Justitiæ veritatem agnoscit. EGO SUM PRIMUS. Principium omnium creaturarum efficiens & exemplare; per Verbum enim omnia facta sunt & sine ipso factum est nihil. ET NOVISSIMUS. Et finis ultimus, in quem omnia recurrere & referri debent. Noli ergo timere sub manu tanti protectoris.

Loquitur autem Angelus non in sua, sed Christi, quam gerebat, persona, sicut Exodi 3. v. 6. dicit ad Moysen, *Ego sum Deus patris tui*, cum tamen S. Stephanus Act. 7. v. 30. dicat, non Deum, sed Angelum fuisse, qui loquebatur.

18. ET VIVUS. Sum vitâ corporali per resurrectionem: ET FUIT MORTUUS. Quod noli tu Joannes, qui morienti adstitisti. Non oportet igitur timere mori pro me, qui mortuos possum resuscitare. ET ECCE SUM VIVENS. Non sicut Lazarus, aut illi qui olim sic suscitati sunt à mortuis; ut postea iterum morerentur, sed IN SÆCULA SÆCULORUM. Vitâ immortalî & æternâ: nam *Christus resurgens ex mortuis, iam non moritur, mors illi ultra non dominabitur*, ad Rom 6. v. 9. ET HABEO CLAVES MORTIS. Potestatem, quâ possum vivos morti tradere, & mortuos à morte eripere, & clausa eorum sepulchra aperire: *Dominus enim mortificat & vivificat, deducit ad inferos & reducit* 1. Reg. 2. v. 6. Quid ergo times, qui tanti Domini servus, tanti Magistri es discipulus?

Multi Interpretes mortem spiritualem hîc intelligunt, cujus claves seu potestatem Christus habet, quia quos vult, à morte peccati eripit, alios verò iustè deserit, & in peccatum labi permittit.

ET INFERNI. Et habeo etiam potentiam mittendi homines in infernum, & potentiam inde eos iterum educendi. Misit enim olim Patres in limbum, & mittit quotidie multos ad Purgatorium, aut locum damnatorum, & deinde apertis quasi inferni claustris omnes educit, præter eos, qui sempiternis suppliciis sunt addicti.

Haymo, & alij multi, *infernum*, diabolum inferni incolam interpretantur

pretantur, quem Deus conclusum tenet, & subindè dat ei clavem, ut exeat suisque Electos exerceat, mox in carcerem retrahendus, & sub eadem clavi iterum recludendus, quia fidelis Deus non finit suos tentari supra id quod possunt, 1. Corinth. 10. v. 13. Hanc clavem acceperat Satanas, quando, data ei potestate tentandi Jobum, dixit ei Dominus, *Ecce universa qua habet, in manu tua sunt.* Job. 1. 12.

19. SCRIBE ERGO. Dixerat versu 11. *Qued vides, scribe in libro:* jam iterum icem inculcat, ut significet, excutiendum esse torporem ijs, qui vivâ voce vel scripto Dei verbum alijs annuntiare debent, inquit Haymo. QUÆ VIDISTI. Visionem hanc primam huius capitis, quomodo scilicet videris similem filio hominis in medio septem candelabrorum, sic vestitum, & sic adornatum, qui primum se & novissimum esse diceret, & c. ut nempe, & septem, & omnium Ecclesiarum fideles reverentur tam augusti Pontificis maiestatem, timeant tam tremendi iudicis severitatem. ET QUÆ SUNT. QUæ hoc tempore præsentis in septem Asiæ Ecclesijs geruntur, & quæ Angelus cap. 2. & 3. narrabit. ET QUÆ OPORTET FIERI. QUæ enim Deus fieri decrevit, aut futura prævidit, oportet & necesse est fieri necessitate saltem consequentiæ, si non consequentis. POST HÆC. Futuris ab hinc Ecclesiæ temporibus usque ad mundi finem: quæ à capite 4. incipit narrare Angelus.

20. SACRAMENTUM SEPTEM STELLARUM. Scribe arcanam significationem septem stellarum. Nomen, *Sacramentum* & nomen *candelabra* quod mox sequitur, esse accusativi casus, & regi à verbo, *scribe*, patet ex Græco. Sacramentum dicitur græcè *Μυστήριον*, à verbo *Μύω*, id est, *claudere*: unde propriè rem arcanam, & velut in arca clausam significat. Capitur tamen etiam vox metonymicè, pro ipso signo & significatione, sub qua res arcana clauditur & latet. Undè de matrimonio Adæ, quod erat signum arcani mysterij Incarnationis, *Sacramentum* (græcè, *mysterium*) *hoc magnum est*, ait Apostolus ad Ephes. 5. v. 32. Et septem Ecclesiæ mysteria sive Sacramenta idèò vocantur, quia sunt signa rei arcane & sacre, nempe gratiæ invisibilis, quam sub signo visibili claudunt & continent. Sacramentum enim est mysterium, ubi aliud videtur, & aliud intelligitur: sicut v. g. in Christi Corpore, ubi licet videatur panis, vera tamen est caro, ait Haymo Episcopus Halberstadiensis, qui anno Christi 830. vixit. Undè patet, qualis fides de Sacramento Corporis Domini, ante tempora Berengarii, ab ætinentis iam amplius annis in Ecclesia fuerit. Hinc ipsi Sacerdotes, addit ibidem Haymo, dicunt; *Sacramenta, qua sumus sumus,*

Domine, proficiant nobis ad salutem corporis & anima. Quæ est ferè oratio, quam adhuc hodie post Communionem legimus in missa Felli SS. Trinitatis. Ex quo proinde etiam patet antiquitas ritus Missæ, & orationum, quas post Communionem recitant Sacerdotes.

QUAS VIDISTI IN DEXTERA MEA. Fortassis in palmo extensæ dexteræ sic insculptæ erant istæ septem stellæ, ut singuli digiti firmam stellam, & planities manus binas haberet. **ET SEPTEM CANDELABRA AUREA.** Et scribe etiam septem candelabra, de quibus supra v. 12. Deinde istarum rerum interpretationem subiiciens Angelus, ait **SEPTEM STELLÆ, ANGELI SVNT.** Significant Episcopos, qui Angeli quidam terrestres cælestibus similes esse debent, scientiâ, contemplatione, castitate, charitate, agilitate, quâ Dei mandata exequuntur, & subditis suis, tanquam nuntij Dei ea annuntiant. Angelus autem græcè, *nuntium*, latinè significat: *Qui facis Angelos tuos spiritus, & ministros tuos ignem urentem*, Psalm. 103. Talis debet esse Episcopus, talis Pastor & Sacerdos, *quia Angelus Domini exercituum est*, Malach. 2. v. 7. Unde aiebat Paulus 2. ad Corinth. 10. v. 3. *In carne ambulantes, non secundum carnem militamus.* Denique Episcopi Angeli vocantur, quia in Ecclesiæ hierarchia sunt supremi: Angeli verò in cælesti hierarchia sunt infimi: infimum autem supremi, & supremum infimi propter propinquitatem, nomina sua invicem sæpè commutant, ut ait S. Dionysius.

Episcopi etiam per stellas aptè significantur, quia in tenebris ignorantie sæculi huius lucent, tanquàm stellæ firmamenti: *Situs sine reprehensione in medio nationis prava & perversa, inter quos lucetis, sicut luminaria in mundo*, ad Philipp. 2. v. 15. Sancti Hieronymus & Ambrosius, Origenem aliquando secuti, hunc locum de Angelis cælestibus illarum Ecclesiarum custodibus videntur exponere. Quibus tamen, quod mox sequitur cap. 2. v. 5. *Age penitentiam, & prima opera fac;* item versu 10. *Esto fidelis usque ad mortem*, non possunt convenire.

SEPTEM ECCLESiarVM. Aliæ: sed in septem istarum Ecclesiarum Episcopis, omnium Ecclesiarum Episcopi officij sui admonentur; septenarius enim est numerus universitatis, ut ante versu 4. cum Beda diximus. **ET CANDELABRA SEPTem.** Quæ versu 12. dixit esse aurea propter fidei dignitatem & puritatem, ait Arethas. **SEPTem ECCLESiÆ SVNT.** Rectè Ecclesiæ candelabra vocantur, quia facultatibus suis Prælatos & Pastores suos sustentant, sicut candelabra candelas & lucernas, quæ in ipsis lucent.

Ne autem hic liber totus esset clausus, & tæderet nos legere; ideo pauca

paucā quādam exposuit Angelus, ut per ea daretur ingressus ad intelligentiam ceterorum. Non omnia tamen exposuit, ne vilescerent, & minus attentē legerentur. Altitudo enim & obscuritas mysteriorum excitat studium legentium, & ut Spiritus Sancti illuminationem ad intelligendum jugiter efflagitent, ut Haymo & Carthusianus notant.

CAPVT II

SYNOPSIS CAPITIS:

Dictat Angelus Sancto Ioanni, quid velit scribi quatuor primis septem Ecclesiarum Episcopis, scilicet Ephesino à versu primo, Smyrnenſi v. 8. Pergamenſi v. 12. & Thyatirenſi v. 18.

vers. 1.

ANGELO EPHEſI ECCLEſIÆ SCRIBE. Prima epistola ad Archiepiscopum Ephesinum scribitur, quia Ephesus Metropolis erat septem civitatum. Deinde inter septem civitates Ephesus proxima erat Pathmo, unde S. Ioannes scribebat. Quis autem tunc fuerit Episcopus Ephesinus, incertum est. Lyranus ex sententia communi, ut ait, putat fuisse Timotheum, qui primus ibi Episcopus fuerat constitutus à S. Paulo, 1. ad Tim. 1. v. 3. Sed incredibile est, inquiunt quidam alij, S. Timotheum primam charitatem reliquisse, & alios defectus ei convenire, qui narrantur infra v. 4 & 5. Verum magni etiam Sancti inter persecutiones & pressuras tædio affecti, Deo hoc ad eorum humiliationem, & gratiæ suæ commendationem permittente, de fervore charitatis aliquid quandoque remittunt. Quale fortasse etiam acciderat ipsi Paulo, quando loquens de tribulatione, quæ ei acciderat in hac ipsa civitate Ephesina, ait: *Supra modum gravatus sum supra virtutem, ita ut taderet nos etiam vivere*, 2. ad Cor. 1. v. 8. Nam Apostoli etiam post missionem Spiritus S. peccabant quandoque, saltem venialiter; *Si dixerimus, quoniam peccatum non habemus, ipsi nos seducimus, & veritas in nobis non est*: 1. Ioan. 1. v. 8. Potuit etiam S. Timotheus faciliè ad hæc usque tempora supervixisse, quia admodum juvenis fuerat. creatus Episcopus, uti colligitur ex 1. ad Tim. 4. v. 12.

Verumtamen, si vera sunt, quæ in Martyrologio ad diem 16. Februarij, Baronius scribit, S. Onesimum, de quo mentio in Epistola ad Philemonem, creatum esse à S. Paulo Episcopum Ephesinum post

D 3.

Timos-

Timotheum, non vivebat amplius hoc tempore Domitiani Imperatoris S. Timotheus, martyrio jam pridem ante affectus sub Nerone ante ipsum S. Paulum. Unde Angelus Ephesi, de quo hic fit mentio, erit S. Onesimus discipulus & filius S. Pauli, ut eum vocat ad Philem. v. 10. Vixisse enim S. Onesimum usque ad tempra Trajani Imper. ex epistolis S. Ignatii ad Ephesos & Antiochenos colligitur.

HÆC DICIT. Quæ paulò post subiiciemus. QUI TENET SEPTEM STELLAS. Septem Angelos seu septem Episcopos septem Ecclesiarum, ut paulò ante interpretatus est. Verbum græcum, *κρατειν*, quod Interpres, *tenere*, vertit, propriè significat, aliquid vi aut fortiter tenere. Unde cum antea ostendisset S. Joanni septem stellas in dextera sua expansa, sic ut numerare posset, fortasse jam dexteram in pugnum contrahit, ut vi & fortiter, ne excidant, se eas tenere & complecti significet. IN DEXTERA SUA. Quæ eas peculiari sollicitudine protegit & regit: Deus enim, sicut Episcopos & Pastores abundantiori lumine gratiæ, ut Sol stellas minores, perfundit; ita maiori curâ, & speciali providentiâ dexterâ suâ potentia eos defendit & gubernat.

Hoc autem elogio & periphrasi, loco sui nominis Christus utitur in principio epistolæ ad Episcopum Ephesinum, ne desperaret, cum auditurus esset infra v. 4. *Habeo adversum te, quod charitatem tuam primam reliquisti*: cum enim nihilominus Christus adhuc eum teneat in dextera sua, videt se nondum abjectum esse, nec à gratia penitus excidisse, ut Richardus de S. Victore notat.

QUI AMBULAT. Tanquam curam gerens eorum, inspiciendo opera uniuscujusque, animando bonos, increpando malos, & varia Spiritus S. charismata in eos spargendo & dividendo singulis prout vult 1. ad Cor. 12. v. 11. IN MEDIO. Sicut Sol in medio planetarum, quos lumine & influentijs suis afflat & infundit. SEPTEM CANDELABORUM AUREORUM. Septem Ecclesiarum, ut cap. præcedenti v. ult. interpretatus est.

2. SCIO. Per scientiam & approbationem. OPERA TUA. Bona, quæ etiamnum operaris. Si enim in operibus bonis non perseverasset, bona præterita fuissent mortificata, ut notat Carthus. unde omnes iustitiæ, quas olim fecerat, jam non recordarentur, Ezech. 18. v. 24. ET LABOREM. In Episcopatus tui sedula & molesta administratione: nomen enim græcum non simplicem laborem, sed valde gravem & molestum significat. ET PATIENTIAM TUAM. Perseverantiam in laborum & molestiarum tolerantia. Richardus de S.

Victore

Victore tria illa sic distinguit: opera bona in necessitate exhibita proximis, laborem in afflictione corporis, patientiam in tolerantia cordis. **ET QUA NON POTES SUSTINERE MALOS.** Non dissimulas malorum hominum vitia, sed Zelo iustitiæ accensus liberè eos increpas, & præsertim hæreticos, qui fidem, commune Ecclesiæ bonum, conantur corrumpere; Episcoporum enim & Pastorum est, lupos, tam linguâ quàm manu à gregibus suis abigere.

Cæteri quoque peccatores à Prælati corripendi sunt, quando speratur correctio. Sed tamen etiam quandoque patienter sustinendi, ut quos severitas non frangit & emendat, patientia ad emendationem flectat. Sunt autem quidam Prælati Zelum se habere putantes, si subditos, à quibus sunt averfi, pro minimis culpis, impatienter corripiant, alios verò sibi placentes, in maioribus deprehenfos, totâ virtute defendant. Ô infelix amicitia, exclamat post Berengandum Carthusianus, quæ defendendo illum, quem diligit, diabolo tradit; & cui iratus est, corripiendo, diabolo eripit.

ET TENTASTI EOS. Experimentum cepisti de ijs, disputando nempe cum ipsis, & in eorum conversationem & mores inquirendo, ut ipsorum hypocrisim detegeres. **QUI SE DICUNT APOSTOLOS ESSE.** Missos esse à Christo, aut proximè, sicuti missus erat Paulus, aut remotè, sicuti Timotheus vel Titus. **ET NON SUNT.** Non enim legitimam missionem ad docendam Ecclesiam habere poterant, qui verorum Christi Apostolorum doctrinam oppugnabant. **ET INVENTI EOS MENDACES.** Tam doctrinæ falsitate, quàm morum hypocrisi. Tales eo tempore Cerinthus, Ebion, Basilides, & tota Gnosticorum Natio, qui sub specioso scientiæ pallio (à scientia enim Gnosticos se appellabant) obscœnissimos mores tegebant.

3. ET PATIENTIAM HABES. Tolerando patienter mala & opprobria, quibus illi hæretici te, & veros Christi Apostolos divexant. **ET SUSTINUISTI PROPTER NOMEN MEUM.** Non propter gloriam tuam, aut præmium temporale, sed propter me, & gloriam meam. **ET NON DEFECISTI.** Animum non despondisti præ labore & fatigatione, ut vox græca sonat. Has autem Episcopi Ephesini laudes præmittit, ut mollius & æquo animo exciperet reprehensionis aculeum, quem mox ei infigit. Sic S. Paulus objugaturus schismaticos Corinthios, ab eorum laudibus auspicatur, 1: ad Cor. 1. à versu 4. usque ad v. 10. Medicus enim, antequam faceret vulnus, timidum ægrotum diu palpat, ut semel & subito feriat, ut ait S. Gregorius.

4. SED

4. SED HABEO ADVERSUM TE. Aliqui codices latini addunt; *pauca*, ut increpatio, quam comminatur, reddatur minus formidabilis. Sed Græcus eâ particulâ caret, eamque Romani Bibliorum correctores omiserunt. QUOD CHARITATEM TUAM. Non tamen absolute & simpliciter, sed, PRIMAM RELIQUISTI. Primum illum fervorem charitatis, quo ardebas in principio Episcopatus tui.

Plerique interpretes, excepto Haymone, & paucis alijs, non existimant hunc Episcopum per peccatum mortale à charitate omnino excidisse, sed pristinum solum fervorem reliquisse. Nam opera ejus bona, laborem, patientiam, Zelum dicit se scire & approbare Christus, & non defecisse. Ad hoc existimandum moventur etiam Paterius, Alcazar, Viegas, A Lapide, & alij, quia putant hunc Episcopum esse S. Timotheum, tam sæpè à S. Paulo & præsertim ad Philipp. 2. v. 20. laudatum, quem lapsum fuisse in peccatum mortale, verosimile non est. Ex martyrologio tamen Rom. ad 16. Febr. magis auctè probavimus, hunc Episcopum esse S. Onezimum S. Timothei successorem. Verba autem martyrologij sunt: *Natalis B. Onezimi, de quo S. Paulus ad Philemonem scribit; quem etiam post S. Timotheum Ephesium Episcopum ordinavit.*

Nec oppositum colligi potest ex libris S. Dionysij Areopag. S. Timotheo inscriptis, ut ad Annum Christi 109. num. 55. advertit Baronius: licet idem Baronius, Rom. Martyrologij immemor, scribat S. Timotheum sub Imp. Traiano demùm Martyrio affectum, & Sancto Joanni superstitem fuisse. Carthusianus quoque reprehendit Lyranum, dum ait, expositores communiter existimare, Angelum istum Ephesi fuisse S. Timotheum: nam in nullo expositore id legi, inquit Carthusianus.

5. MEMOR ESTO ITAQUE UNDE EXCIDERIS. Ex quo charitatis fervore in teporem, ex quam alto culmine perfectionis in inferiorem communium Christianorum ordinem decideris. Scilicet, charitatem erga indigentes contrahendo, ut putat Arethas: aut studium prædicationis remittendo, cum videret se parùm proficere, ut Hugo credit: vel potiùs generaliter, sicut multi in principio susceptæ curæ pastoralis, aut in ingressu Religionis, in omnibus charitatis officijs ardent & volant; postea, subducente se abundantia gratiæ, & crescente molestia paulatim tepescunt, & signiores fiunt. Tale quid videtur accidisse illi Episcopo. ET AGE P NITENTIAM. Pro negligentijs & tepore tuo. Non enim ex illo culmine perfectionis deciderat sine multis peccatis venialibus, quæ non extinguunt quidem

quidem charitatem, sed refrigerant ejus fervorem. Hinc patet, pro peccatis, etiam venialibus, agendum esse penitentiam.

Malè autem Beza & Sèctarij vertunt, & *resipisce*, quia nullam præteritorum peccatorum penitentiam agendam esse putant, sed penitentiam, quæ nobis in Sacra Scriptura præcipitur esse solùm *resipiscentiam*, & mutationem vitæ in posterum. Sed sanè est aliud *penitere*, & aliud, *resipiscere*: penitentia enim respicit præterita, resipiscentia verò in futurum spectat. Unde de resipiscentia sequitur, ET PRIMA OPERA FAC. Omnia pietatis opera eodem fervore, quo in principio Episcopatus, operare, & si quæ fortasse omiseris, jam resume. SIN AUTEM. Si autem id non egeris. Græcè, *si verò non*. Addit ergo minas, quia tepidi & remissi sæpè magis comminatione, quàm blandâ admonitione corriguntur, ait Carthus.

Hinc patet, quàm parùm valeant homines, etiam sanctissimi, ut Sanctus Timotheus, ait Sanctus Onezymus, quando divinæ gratiæ fervore destituuntur; quandoquidem necesse sit, ut officio suo fungantur, minas interdum etiam adhibere.

VENIO TIBI. Græcè, *Venio tibi cito*. Jam jam veniam in poenam & malum tuum. Deus, qui ubique præsens est, loco non potest moveri, sed dicitur venire, ubi aliquid in bonam vel in malum nostrum operatur. Addidit, *cito*, inquit Richardus, ut festinatione adventus sui majorem timorem incuteret negligentibus. ET MOVEBO CANDELABRUM TUUM. Ecclesiam Ephesinam, cujus tu es Episcopus: nam per candelabra Ecclesias significari, cap. 1. v. ult. dixit. DE LOCO SUO. De manu tua, ne amplius eam manu teneas, nec custodias, ait optimè Richardus. Ecclesia enim dicitur moveri de loco, quando ab uno auferitur, & alteri Episcopo gubernanda in manus traditur. Non est ergo necesse, candelabrum hoc aliter accipere, quàm cap. 1. sed pro dignitate Episcopali, ut Ribera & quidam alij faciunt.

Quidam autem, ut Arethas narrat, hunc locum sic interpretantur, ut velint continere prophetiam de translatione Sedis Archiepiscopalis Ephesinæ Constantinopolim.

NI-I PENITENTIAM EGERIS. Beza iterum vertit, *nisi resipueris*, conformiter ad suam hæresin. Ex hac autem increpatione & comminatione, perpendite, inquit Richardus, quanta sit culpa, post acceptam gratiam agere negligenter, nec in ipsa proficere, sed magis deficere.

6. SED HOC HABES. Nempe boni. Unde licet tam severè se increpem, noli idcò desperare. Sicut increpationem à laudibus Jesus

inchoaverat, ita nunc iterum laudibus concludit, ut hilarem & spe bonâ plenum à se dimittat. Cælestis enim medicus, hominum, quos sanare vult, infirmitati se accommodat: primùm molliter palpat, deinde ulcus incidit, & rursus aperto vulnere oleum infundit. **QUIA ODIISTI FACTA NICOLAÏTARUM.** Hæreticorum, qui uxores habuerunt communes, & omnibus libidinum turpitudinibus se pollueri licitum esse dicebant, & idolothyta cum idololatris sine scrupulo edebant.

Origo eorum à Nicolao Antiocheno, uno ex septem primis Diaconis, Act. 6. v. 5. Hunc SS Epiphanius & Hieronymus tanquam hæresiarcham accusant: sed Clemens Alexand. Theodoretus, Augustinus, aliique excusant, nec hæresin docuisse, sed homines ventri & turpitudinibus antea deditos, ex facto imprudenti ejus occasione hæreseos arripuisse. Cum enim Nicolaus de Zelotypia pulcherrimæ suæ conjugis culparetur, ait S. Augustinus, velut purgandi se causâ permisisse fertur, ut qui vellet eâ uteretur. Quod ejus factum in sectam turpissimam versum est, quâ placet usus indifferens fœminarum. Non ergo ipse videtur docuisse hæresim, sed cum de Zelotypia accusatus, fortasse ex indignatione dixisset, en uxor mea, utimini, si libet, ut intelligatis, quam parum sim zelotypus: homines quidam alij ad libidines proni, rapuerunt inde occasionem docendi promiscuum uxorum & fœminarum usum, quasi ex sententia Diaconi Spiritu Sancto pleni id foret licitum. Unde S. Ignatius, qui eo tempore vivebat, falsum Nicolaïtarum nomen sibi sumpsisse dicit: idedque paulò post, mutato nomine, pro Nicolaïtis, Gnosticos se appellarunt, ut scribit Eusebius. Imò addit Hyppolitus, Nicolaum postea ex Diacono Episcopum Samaritanorum creatum fuisse.

QUÆ ET EGO ODI. Facta enim peccatorum, quæ non facit, odit Deus, licet peccatores & omnia opera manuum suarum, quia bona sunt, diligat.

7. **QUI HABET AUREM.** Cordis interiorē per gratiam Dei apertam. Indicat, non omnes hanc aurem habere; est enim gratiæ Dei donum, quod non omnibus datur. Unde Christus non *aures* simpliciter, sed *aures audiendi* appellat, Matth. 13. v. 9. *Aures autem audiendi, est ipsum donum obediendi*, ait S. Augustinus cap. 14. de dono perseverantiæ. **AVDIAT.** Per intelligentiam intellectus, & obedientiam voluntatis. **QVĪD SPIRITVS.** Sanctus, qui in Angelo loquebatur. **DICAT ECCLESĪS.** Loquitur in plurali, quia in una Ecclesia omnes orbis Ecclesias alloquitur: quia enim præmium promissum omnibus

omnibus erat commune, inquit Richardus, in hac & singulis sequentibus admonitionibus, non unam tantum, sed omnes Ecclesias debuit comprehendere, ut dum omnes communem audirent promissionem, festinarent ad retributionem. Dicit autem Spiritus S. id quod sequitur: *VINCENTI*. Diabolum, mundum, carnem, adversus quos *hostes milita est vita hominis super terram*, Job 7. v. 1. Arma autem militiæ nostræ, quibus vincimus, *non carnalia sunt, sed potentia Deo ad destructionem munitionum*, 2. ad Cor. 10. v. 4. Unde cum hæc arma solum ex virtute Dei potentia & valida sint ad victoriam, jubemur sine intermissione orare, 1. ad Thess. 5. v. 17. & post victoriam, perpetuas victori in nobis Deo gratias agere. Unde in Sulamite & anima devota armis divinis pugnante & vincente, non videmus, *nisi choros castrorum*, Cant. 7. v. 1. *Castra* sunt, in quibus pugnat; *chori castrorum*, in quibus post victorias singulas Deo laudes & gratias cantat. *DABO* *EDERE DE LIGNO VITÆ*. Vitam immortalem & æternam ei dabo, sicuti fructum ligni vitæ edentes, victuri erant in æternum, Gen. 3. v. 22. Dicit, *Dabo*, etiam si sit merces, & corona iustitiæ, quia nihilominus *gratia Dei vita æterna*. Ad Rom. 6. v. ult. *QVOD EST IN PARADISO*. In cælo empyreo, cujus figura fuit paradisus ille terrestris, in cujus medio plantatum fuit lignum vitæ, Gen. 2. v. 9.

Li èt autem hoc lignum vitæ, sive Christus, unde omnis vita gratiæ & gloriæ in electos manat, sit ubique per Divinitatem, & in Ecclesia militante per Sacramentalem præsentiam, inquit Carthusianus; in regno tamen cælesti propriè & apertè esse dicitur, ubi facie ad faciem cernitur.

DEI MEI. Christus Deum suum vocat propter humanitatem, quæ minor est Patre, ait Richardus. Lignum vitæ in Scriptura appellatur, quidquid alteri dat vitam, ut patet Prov. 3. v. 18. & cap. 11. v. 30. & alibi. Sed præcipuè lignum vitæ est Crux Christi, in qua ipse tanquam fructus ex arbore pendens, gratiæ & gloriæ vitam hominibus tribuit. Hic enim fructus ligni vitæ fideles in præsentī satiāt suo Corpore, in futuro satiabit suā contemplatione, inquit Haymo.

8. *ET ANGELO SMYRNÆ ECCLESIAE*. Plerique existimant, hunc Angelum esse S. Polycarpum, quem S. Ioannes Episcopum Smyrnensem ordinaverat. Et sanè virtutes ejus, quæ hic laudantur sine ulla reprehensione intermixta, sicut Angelum Ephesi reprehensum jam audivimus, indicant magnum & præclarum Episcopum fuisse.

Si autem hoc tempore S. Polycarpus erat Smyrnenſis Episcopus, oportet eum per annos, ut minimum 72. Episcopatum illum rexisse:

E 2

nam

itinerē vivendi, qui paupertate se subleuat, & non sub divitiarum onere suspirat. Undē qui Dei amore perituras divitias plus spernit, ait Carthusianus, eo amplius ditescit; & quanto diligentius temporales divitias querit, eo pauperior fit.

ET BLASPHEMARIS. Malediceris: nam cœtui malorum semper est odiosa vita bonorum, & quem Deus commendat, sermo pravorum blasphematur, ait Richardus. *Blasphemia* græcè idem est, ac latine *maledictum*, seu convitium, quo famæ aut honori alterius nocetur. Solet autem frequentius accipi pro maledicto jacto in Deum aut Sanctos ejus: interdum tamen generaliter pro convitio illato homini cui-cumque, ad Tit. 3. v. 2. **AB HIS QVI SE DICVNT JVDÆOS ESSE.** Qui gloriantur in nomine Iudæi, quod hebraicè confitentem & laudantem Deum significat; quasi ipsi verè confiterentur & laudarent Deum, qui Christum Dei Filium, & Messiam in Lege & Prophetis promissum, & servos ejus sævissimè persequabantur.

Judæi nomen derivatur à radice *Iadach*, quod confiteri & laudare significat. Ideoque Lia quartum filium Judam appellans; *modo confitebor Domino*, inquit, & *ob hoc vocavi eum Iudam*, Gen. 29. v. ult. A Tribu autem Juda, postquam ex captivitate Babylonica cum Tribu Benjamin rediit; pars illa terræ sanctæ, quam circa Jerosolymam inhabitaverunt, vocata est Judæa, & ipsi appellati Judæi.

ET NON SVNT. Veri enim Judæi & Confistentes sunt Christiani: *Non enim qui in manifesto, sed qui in abscondito, Iudæus est*, ad Rom. 2. v. ult. Veri enim Israëlitarum sumus, & verum semen Abraham, cui Deus promisit futurum patrem multarum gentium per Christum Abraham filium, omnium Christianorum toto orbe spirituales Patrem. **SED SVNT SYNAGOGA SATANÆ.** Congregatio satanica, à spiritu satanæ ad expugnandam Christi Fidem & Religionem congregata. Alludit enim ad Synagogas Judæorum, quas non solum Smyrnx, ubi hic Episcopus residebat, sed in omnibus ferè Asiæ, Macedonia, Græciæ, Achaïæ, civitatibus habebant, ut ex Actis Apostolorum patet. Varijs enim olim cladibus Judæi afflicti tempore Machabæorum, & postea à Pompeio Magno Romanorum Duce, aliasque sæpius, multi Judæam & Palestinam cæserebant; & per Asiam ac Europam dispersi, in plurimis civitatibus mercimonia & usuras, ut hodie, exercentes, suas etiam synagogas ad Religionis suæ cultum habebant. Synagoga autem nomen convenit Iudæis, nomen Ecclesiæ Christianis: unde nostram Apostoli nunquam Synagogam dixerunt, sed semper Ecclesiam, sive discernendi causâ; sive quod inter congregationem, unde dicitur Synagoga, & convocationem, unde dicitur Ecclesia, distet-

aliquid: quia scilicet congregari & pecora solent, quorum propriè greges dicimus: convocari autem est utentium ratione, sicut sunt homines, inquit S. Augustinus Psalm. 81.

10. NIHIL HORUM TIMEAS, QUAE PASSURUS ES. Nam ego ipse consolabor te: quis tu ut timeas ab homine mortali, qui quasi fenum ita arescet, Isa. 51. v. 12. Tales enim affligunt & occidunt corpus, animam autem non possunt occidere, Matth. 10. v. 28. ECCE MISSURUS EST DIABOLUS. Quod enim ministri ejus eo instigante faciunt, ipse diabolus facere dicitur, ait Richardus. ALIQUOS EX VORIS Ex Ecclesiae tuae Smyrnaensis subditis. Ecclesiam ergo per Episcopum futurorum periculorum admonet, ut colligant spiritum ad resistendum, & ut praevisa minus feriant. IN CARCEREM. Et deinde in mortem propter Christi fidem: quod paulò post accidit, initio nempe Imp. Trajani Anno Christi 100. aut 101. triennio circiter post scriptam hanc Apocalypsin. Et particula, ecce, quae rem quasi praesentem ostendit, non longo post tempore id evenisse significat, ut Haymo notat. UT TEMENTINI. Ut fides & constantia vestra probetur, an usque ad sanguinem possitis resistere. ET HABEBITIS TRIBULATIONEM DIEBUS DECEM. Multis diebus: nam, decem, in Scripturis multitudinem aliquam insignem significare solet, ut 1. Reg. 1. v. 8. & alibi. Unde etiam vulgari sermone, cum valde saepe nos aliquid dixisse, significare volumus, iam decem tibi dixi, dicere soleamus.

Quia tamen dies in Scriptura non raro pro anno accipitur, ut Exodi 13. v. 10. Levit. 25. v. 29: ubi qui in Hebraico vocatur dies, latinus interpret vertit annum: idè decem istos dies accipere possumus pro decem annis (maximè in Apocalypsi, ubi plurimè sunt locutiones symbolicae & obscurissimae) quibus proxima Trajani persecutio in Asia maximè saevijt. Nam Edictum illud Trajani mitius propter litteras Plinij II. Asiae Proconsulis, quo vetuit inquiri in Christianos, sed tantùm ultro oblatos puniri (quo ardor acerrimae persecutionis quòdammòdo extinctus fuit, ait lib. 3. cap. 27. Eusebius) in chronico Eusebij in Annum Trajani XI. incidit. Unde ardor persecutionis decem circiter annos durasse colligitur.

Haymo & quidam alij volunt hic esse prophetiam decem principalem persecutionum quibus Martyres Christi à decem Romanis Imperatoribus sunt exagitati, quas ordine recenset S. Augustinus lib. 18. cap. 52. Civit. Prima anno Christi 67. sub Nerone. Secunda anno 33. sub Domitiano. Tertia anno 101. sub Traiano; & hæc est, de qua jam loquitur S. Joannes. Quarta anno 143. sub Antonino Pio.

Quinta

Quinta anno 203. sub Severo. Sexta anno 237. sub Maximino. Septima anno 253. sub Decio. Octava anno 259. sub Valeriano. Nona anno 273. sub Aureliano. Decima, & omnium sævissima anno 285. sub Diocletiano & Maximiano, in qua putaverunt Gentiles totam Religionem Christianam extinctam fuisse, cum tamen planè contrarium acciderit. Nam paulò post Constantino Magno in Imperium succedente, & Fidem Christi amplectente, Religio Christiana magis, quàm unquàm ante, reffloruit.

ESTO FIDELIS. Constans in fide. USQUE AD MORTEM. Non tantùm usque ad carcerem. Mors autem & Martyrium S. Polycarpo, dudum postea, id est, plusquàm 70. annis obrigit, quando anno Christi 169. sub Marco Aurelio Imp: à Proconsule Asiæ Smyrnæ in suo Episcopatu vivus combustus est in decrepita senectute, & ut apparet, centenarij major. ET DABO TIBI CORONAM VITÆ. Reddam tibi fidelitatis & certaminis tui usque ad mortem præmij, quod erit vita æterna. Spectat hæc S. Joannes antithesin inter mortem & vitam: pro morte temporali dabitur vitæ æterna. Alludit etiã ad certamen athletarum, in quibus victores, loco præmij, lauro vel oleâ, vel quercu, vel myrto &c. coronabantur. Ad quem etiã morẽ S. Paulus 1. ad Cor. 9. v. 25. & 2. ad Tim. 2. v. 5. & alibi respicit. Hinc autem patet, quòd sicuti corona illa erat ex justitia victoribus athletis debita, ita vita æterna debita Martyrio, & bonis operibus Justorum, quidquid nostri temporis sectarij contradicant. Unde S. Paulus *Coronam iustitiæ* vocat 2. ad Tim. 4. v. 8.

II. QUI HABET AUREM, AUDIAT, QUID SPIRITUS DICAT ECCLESIIIS. Verbis ijsdem, quibus Angelum Ephesi, & Ecclesiam ejus monuit v. 7. & spe æternæ vitæ animavit, nunc Angelum Smyrnæ, ad spem similem excitandam, admonet audire, quid Spiritus S. dicat Ecclesijs, hoc nempe: QUI VICERIT. In certamine adversus diabolum, mundum, carnem, & hoc usque ad finem: athleta enim non coronatur, nec propriè dicitur vicisse, nisi in fine certaminis victor permanserit. NON LÆDETUR A MORTE SECUNDA. Ab inferni tormentis: nam ipse S. Joannes Apoc. 20. v. 14. & cap. 21. v. 8. mortem secundam interpretatur *flagnum ignis*. Mors prima est in separatione animæ & corporis, à qua omnes læduntur, quia hac morte statutum est omnibus semel mori, ad Hebr. 9. v. 27. Mors secunda in æterna cruciatione animæ & corporis consistit, ait S. Fulgentius lib. 1. c. 6. ad Monimum. *In tormentis enim vivere non est vita, sed mors perpetua: non enim est vera vita, nisi ubi feliciter vivitur*; ait S. Augustinus cap. 92.

Enchir.

Enchir. Vnde ubi infelix mori non finitur, inquit, ut ita dicam, mors ipsa non moritur.

Peccatum autem ipsum, licet tam propriè mors secunda dici non possit, quia non sequitur post mortem corporis, sed eam præcedit, est tamen mors quædam spiritualis, quia separat animam à vita sua spirituali, quæ Deus est; & hoc sensu, os quod mentitur, dicitur animam occidere, Sap. 1. v. 11. Peccatum etiam magnam aliquam similitudinem habet cum morte corporali, ut piè & ingeniosè contemplatur Carthusianus. Nam corpus primò distemperatur, inquit, deinde infirmatur, tertio moritur, quarto domo effertur, quinto sepelitur, sexto lapide contegitur, septimò & novissimè à vermibus consumitur. Sic anima peccatrix primò distemperatur per malam concupiscentiæ affectionem, deinde infirmatur per noxiam delectationem; tertio moritur per consensum, quarto effertur domo per malum opus externum; quinto sepelitur per malam consuetudinem; sexto tegitur lapide per obdurationem; ultimò vermibus & ignibus gehennæ torquetur in finem.

12. ET ANGELO PERGAMI ECCLESIÆ SCRIBE. Quis iste Angelus, sive Episcopus Pergamensis fuerit ignoratur. Lyranus ait Doctores communiter existimare, fuisse S. Carpum. Sed licet hic Sanctus sit Pergami martyrio affectus, non tamen Pergamensis, sed Thyatirensis fuit Episcopus, ut martyrologium Rom. ad diem 13. Aprilis habet. HÆC DICIT, QUI HABET, de ore suo exeuntem RHOMPHAM. Gladium: vocem enim græcam hîc reliquit interpret, quam Apoc. 1. v. 16. *gladium* vertit. UTRAQUE PARTE ACUTAM. Ideoque profundissimè penetrantem, ut loco jam citato exposuimus. Hac autem periphrasi jam se describit Christus, ut Episcopum, & totam Ecclesiam Pergamensem severitate iudicii sui terreat. Licet enim Episcopus ille vir bonus & Sanctus esset, non satis tamen magno Zelo adversus malos accendebatur. Et hoc fortasse ex nimia quadam prudentia, quæ humanas rationes sapè nimis ponderat, ne pax aut conscientia subditorum turbentur: ideoque Episcopi tales in nimiam & noxiam conniventiam facillè incidunt, remissiusque oves suas castigant, & lupos timidius arcent, quàm oporteret. Qualis etiam humanæ prudentiæ nimicitas, ut quidam interpretes notant, fuisse videtur causa, cur Angelus Ephesi primæ charitatis fervorem reliquerit suprà v. 4. Nam in isto Ephesino Episcopo magnæ prudentiæ opus fuit, quod Pseudo-apostolos ita tentaverit, ut eorum mendacium & hypocrisis detexerit, ut narratur v. 2.

13. SCIO, VBI HABITAS. Græcè, *Scio opera tua, & ubi habitas*. Novi & approbo opera tua bona, ut v. 2. Angelo Ephesi etiam dixit: & scio quoque, ac approbo, in qua civitate habites, fide & virtute firmus ac immobilis in medio nationis prava. UBI SEDES EST SATANÆ. Græcè, *ubi thronus*. Quæ est regia sedes, & solium regnantis satanæ. Non dixit, *ubi est via*, scilicet, *ubi est sedes satanæ*, inquit Richardus, quia satanas per quosdam tantum transit, quos obiter & subito in peccatum præcipitat, sed quia mox resurgunt, ius in eos regnandi amittit. In alijs verò per pravam peccandi consuetudinem sedem ad regnandum locat.

Vocat autem Pergamum *sedem satanæ*, quia Pergamenses supra omnes alias civitates Asiæ idololatriæ deciti erant, ait Arethas; aut certe propter pessimos ibi Judæos, similes aut peiores Smyrnenisibus, quos v. 9. *Synagogam satanæ* appellavit. *Satanas* enim latine *adversarius* significat. In omnibus autem civitatibus primaria instrumenta satanæ adversus Apostolos & fideles, erant Judæi, qui zelo Mosaicæ legis, cui putabant Evangelium contrariari, sævissimas excitabant persecutiones, & gentiles, inter quos habitabant, trahebant in conspirationem, ut patet Act. 17, v. 5. & 13. & cap. 18. v. 12. & alibi.

ET TENES NOMEN MEVM. Et nihilominus mente & opere fortiter retines (hoc enim propriè significat verbum græcum) professionem nominis Christiani. ET NON NEGASTI FIDEM MEAM. Et quamvis persecutionibus tentatus & exagitatus, in fide tamen immobilis mansisti. ET IN DIEBUS ILLIS. Quando non negasti fidem. ANTIPAS TESTIS MEVS FIDELIS. Fuit. Græcè clariùs: *Et in diebus, in quibus Antipas ille testis meus, ille fidelis*. Et quidem in tempore illo sævissimæ persecutionis non negasti fidem meam, quando Antipas excellens ille martyr, & testis fidei meæ fuit: qui enim latine *testis*, græcè, *martyr*, dicitur. Ex isto autem Christi testimonio, & articuli græci geminatione, *ille testis, ille fidelis*, colligitur, Antipam illustrissimum Martyrem fuisse.

QVI OCCISVS EST APVD VOS. Martyrologium Rom. die 11. Aprilis narrat, S. Antipam Pergami æneo bovi candenti sub Domitiano inclusum, & simili martyrio, quo non dudum postea S. Eustachius sub Adriano, consumptum esse, Tauri autem ænei ad cruciandum Martyres exemplum acceperant à Phalaride tyranno quondam Agrigenti in Sicilia; unde Ovidius:

*Sævor es tristi Busr de, sævor illo,
Quis falsum lento torrat igne bovem.*

UBI SATANAS HABITAT. Tanquam in regni sui sede & solio. Unde sicut Pergamum olim Regum Attallicorum, qui totius Asiæ minoris Imperio potiebantur, Regia fuerat, ita nunc satanæ & idolatriæ Regia erat.

Postquam verò Christus, commemoratis Angeli Pergami virtutibus, eum, sicut antea Angelum Ephesi, parumper palpavit, & quasi ulcus delinivit, reprehensionis aculeum ei infigit.

14. SED HABEO ADVERSUS TE. Et tamen, ne nimium reprehensionem formides, PAUCA. tanquam nævum aut ulcus parvum in pulchro corpore & sano. QVIA HABES ILLIC. Pergami, & eos nimis indulgenter & dissimulanter toleras. TENENTES DOCTRINAM BALAA. Qui docent, & opere exequuntur, quod olim docuit & suavit Balaam Ariolus, num. 25. v. 1. ubi dicitur populus fornicatus cum filiabus Moab, & per eas vocatus ad sacrificia Beelphegor, sive Priapi. Quod factum fuisse ex consilio pseudoprophetæ Balaam, colligitur ex num. 31. v. 16. & Josephus lib. 4. cap. 9. Antiq. fusè narrat. QVI DOCEBAT BALAC. Regem Moabitarum. MITTERE SCANDALVM. Occasionem peccandi, & quasi lapidem offensionis in via. CORAM FILIIS ISRAEL. Ut impingerent & ruerent in peccatum. EDERE. Græcus addit, *idolothya*. ut ederent cibos idolo Beelphegor immolatos. ET FORNICARI. Et ut fornicarentur cum Moabitarum puellis.

Balaam enim, cum videret se non posse, Deo resistente, maledicere populo Israëlítico, ad quod tamen fuerat à Rege Moabitarum Balac mercede conductus: ne pretio suo frustraretur, ut indicat S. Judas v. 11. dedit consilium Regi Balac, quo Deus averteretur à populo cui benedixerat: nempe, ut formosas Moabitarum puellas in castra Hebræorum, curiositate visendi, aut specie vendendi exercitui necessaria, mitteret, quarum pulchritudine adolescentes Israëlitz allekti, cum ijs fornicarentur: & postquam amoribus earum essent irretiti, invitarentur ad edendum cum ipsis idolothya ex sacrificijs Beelphegor, qui in proxima valle colebatur; imò etiam ad ei sacrificandum perducerentur: nam *initiatii sunt Beelphegor, & comederunt sacrificia mortuorum*, Psam. 105. Cum enim Moabitudæ illæ simularent se eos velle deferere, ut ex Hebræorum traditione narrat Josephus, & adolescentes Israëlitz earum amore capti vellent eas in uxores retinere; dixerunt hoc non posse fieri, nisi eundem Deum Beelphegor, eandemque religionem colerent. Quod scelus stulti illi juvenes perpetrare maluerunt, quam earum amoribus carere.

15. ITA HABES ET TV. In civitate & diœcesi tua, eosque ibi consistere pateris. TENENTES DOCTRINAM NICOLAITARVM. Quæ simillima est doctrinæ Balaam. Nam Nicolaitæ docebant, licitum esse fornicari, & edere cibos Idolis immolatos.

16. SIMILITER PŒNITENTIAM AGE. Sicut ego ante v. 5. præcepi Angelo Ephesi, ita & tu pro ista tua in corripiendis subditis tuis negligentia, age pœnitentiam. SI QVO MINVS. Gracè, *Si verò non egeris pœnitentiam. VENIAM TIBI CITO.* Ut pro meritis tuis in hac aut futura vita te castigem: cùm enim hæc vita sit tam brevis, Deus dicitur punire citò, etiam si pœnam usque ad mortem differat.

Attendant verò hæc quarumdam Ecclesiarum Præfules & Pastores, ait Richædus, qui & ipsi malè vivunt, & alios non corrigunt: aut si circa senectus ipsos vigilant, malè viventes castigare non curant.

Sed præcipiè vigilandum est, ne fornicationes & corruptelæ iuventutis in civitatibus multiplicari sinantur. Debent enim Episcopi & Pastores hinc imitari Saram, quæ cùm vidisset Ismaëlem ludentem cum suo parvulo Isaac, & aliquid fortasse turpiculum, ut quidam interpretantur, circa eum agentem & docentem, dixit statim viro suo, *Ejce ancillam hanc, & filium eius*, Gen. 21. v. 10.

Gravissimâ quoque pœnâ mortis punitus est Heli summus Sacerdos, quia filiorum suorum fornicationes cum mulieribus, quæ observabant ad ostium Tabernaculi, & alia eorum peccata nimis molliter reprehendit: *Nolite*, inquit, *filij mei, non est bona fama, quam ego audio*, 1. Reg. 2. v. 24.

ET PUGNABO. Non tantùm tecum, sed, CVM ILLIS. Nicolaitis, & perversis tuis subditis, quos tu gladio Verbi Dei corripere, & à reliquo populo rescindere negligis. IN GLADIO ORIS MEI. Illo nempe ancipiti, & utraque parte acuto, qui exibat de ore meo, quando æternæ damnationis sententiâ illos transfigam. Hæc enim est rhomphæa, quam v. 12. in capite pistolæ ad hunc Angelum Pergami posuit, ad terrendam ejus in corripiendis subditis negligentiam. Pari enim reatu tenetur, & ille qui prava docet, & Prælatus, qui prava doceri tacens permittit, inquit Haymo. Meritò autem gladio oris feriri dicuntur, qui doctrinam Balaam docent, autem sequuntur, sicut ipse Balaam gladio materiali olim periit, num 31. v. 8. Deinde Israëlitarum, qui fornicati cum Moabitidibus, ad viginti quatuor millia gladio interfecti sunt, num. 25. v. 9. *In gladio* se pugnaturum dicit, phrasi Hebræorum, qui *Beth* instrumenti, sive præpositionem ponunt ante nostrum ablativum, quando instrumentum significat.

17. QVI HABET AVREM, AUDIAT, QVID SPIRITVS DII AT

ECCLESIIIS. Septies repetitur hic versiculus in fine septem epistolarum ad septem Ecclesiarum Episcopos. Quæ clausula, quoties in Scriptura ponitur, magnum aliquid, & memoriâ valde retinendum significat, ut notat Carthusianus. Hoc autem dicit Spiritus S. Ecclesijs; VINCENTI. Omnes hostes animæ, sed præcipuè carnem, adversus quam nequidè pugnabant Nicolaitæ, sed ei obsequebantur tanquam naturali hominis corrupti inclinationi. Veri autem Christiani spiritu adversus carnem concupiscunt, & in carne ambulantes non secundum carnem militant, 2. ad Cor. 10. v. 3. non perficiunt desideria carnis, ad Gal. 5. v. 16. sed spiritu occidunt ac mortificant facta carnis, ad Rom. 8. v. 13. DABO MANNA ABSCONDITUM. In fine certaminis pro præmio & coronâ victoriæ, dabo meipsum tanquam manna, & panem de cælo descendentem, Jo. 6. 59. ex quo omnis dulcedo, & deliciæ Beatorum. Illud enim Manna nobis dabit, inquit Richardus, quando gloriâ suæ divinitatis nos satiabit. Sicut ergo Christus antea v. 7. vocavit se lignum vitæ, quia dat suis electis immortalitatem, ita jam vocat se manna, quia omnibus dat omnem, & maximè variam cælestium gaudiorum suavitatem. Veluti enim in Hebræorum manna, quod 40. annis pluit in deserto; omne delectamentum, & omnis saporis suavitas inerat, *deserviens uniuscuiusque voluntati, ad quod quisque volebat*, Sap. 16. v. 21. ita Christus in cælo visionis suæ dulcedine omnium Beatorum desideria implèt. Hoc autem manna est jam absconditum, quia *oculus non vidit, nec auris audivit, nec in cor hominis ascendit, quæ preparavit Deus his, qui diligunt illum*. 1. ad Cor. 2. v. 9. Nam verè tu es Deus absconditus, Deus Israël Salvator, Isa. 45. v. 15. Et quàm magna multitudo dulcedinis tuæ Domine, quam abscondisti timentibus te, Psalm. 30.

Hujus autem dulcedinis aliquam promulsidem & pregustum Sancti per spem & contemplationem experiuntur, etiam in hac vita, inquit Carthus. Hec enim est dulcedo & fructus suavissimas, quem deserere non potest ficus, ut inter ligna promoveatur, Jdic 9. v. 11. hoc est, inquit Hugo, Religiosus, qui gustavit dulcedinem Spiritus Sancti in vita contemplativa & humili, non vult eam dimittere pro prælatura, vel dignitate terrena.

Humanitas quoque Christi in Eucharistia est manna, quo spiritualiter pascimur & recreamur in hoc vitæ & peregrinationis deserto, usque dum ad terram promissionis perveniamus, ubi non amplius per fidem & spem, sed per speciem vivitur. Unde de Sacramento Eucharistiæ * Tichonius, & multi Interpretes hunc locum accipiunt.

Christus

* Comment. in Apocal. inter opera Augustini, non est Augustini, sed Tichonij.

Christus autem in hoc Sacramento est reverà manna absconditissimum, quia nec oculo corporeo, nec ullo intellectu creato Humanitas ejus ibi latens comprehendi potest. Hujus figura fuit gomor illud mannae, quod Dominus jussit abscondi in Arca Exodi 16. v. 33. ita ut summus Sacerdos semel in anno ingrediens Sancta Sanctorum illud non posset videre. Datur autem experientia dulcedinis hujus mannae ijs, qui carnales voluptates vincunt, & ab illis animum ad spiritualia convertunt. Unde tales optimè dispositi sunt, ut frequentius quàm ceteri ad sacratissimam hujus mannae mensam accedant.

ET DABO ILLI CALCVLVM CANDIDVM. Suffragium favorable, quo à pœna æternæ mortis absolvatur. Solent enim tam Romani quàm Græci Judices, quando sententiam vitæ aut mortis ferebant, calculos sive lapillos albos aut nigros in unam urnam concijcere: si superabant albi, reus absolvebatur, si plures erant nigri, damnabatur. Minus ergo benè, qui per calculum candidum, aut carbunculum, aut adamantem, aut alium lapidem pretiosum intelligunt: nam Christus videtur palàm allusisse ad hoc proverbium, Calculum album alicui addere, vel dare, quod significat, pro aliquo suffragari, aut ei favere. Imò hæc ipsa græca verba Apocalypseos, sunt ipsissima græci proverbij. Idem quoque nomen græcum, *psēphos*, sive calculus non pro lapillo pretioso, sed pro suffragio sive sententia accipitur, & ita vertit Interpres, Actor 26. v. 10. Nec, *candidus*, hic pro candentis seu fulgenti accipitur, quales sunt lapides pretiosi, sed pro albo simpliciter, quales sunt lapilli, aut fabæ albæ, quibus favorabile suffragium olim ferebatur, aut etiam dies fastus notabatur. Non enim in græco est *psēphos lamprea*. 1. calculus candidus seu fulgens, sed, *psēphos lence*, 1. calculus albus.

ET IN CALCULO NOMEN NOVVM. Quod rem novam, & hæcenus incognitam significat: hoc autem nomen est, *Filius Dei adoptivus*, adoptione videlicet perfectâ, & per gloriam animæ & corporis consummatâ. Hinc quia Ecclesia illa filiorum Dei sine macula & sine ruga erit, ac per omnia placens divinæ voluntati, Deus promittit toti isti Ecclesiæ *nomen novum*, quod os Domini nominabit, Isa. 62. v. 2. & deinde versu 4. nomen illud exprimit voce compositâ, *heptēfiba*. 1. *Voluntas mea in ea*; quia scilicet in Ecclesia Beatorum filiorum Dei beneplacitum divinæ voluntatis requiescit. SCRIPTVM. Videtur alludere ad morem, quo olim Magistratus sic à populo eligebatur, ut unusquisque calculo suo inscriberet nomen ejus, quem eligebat, & dignitatem ad quam eligebatur. Unde calculus candidus, quem dat

Christus suis electis, non tantum absolvit peccatores à pœna æternæ damnationis, sed ipsi etiam dignitatem filiorum Dei confert, quâ efficiuntur Patri similes, & divinæ consortes naturæ, 2. Petri, 1. v. 4. QVOD NEMO SCIT. Cujus nominis significationem nemo novit. Nescitur enim nomen, cuius significatio, & res significata adhuc ignoratur. NISI QVI ACCIPIT. Calculum, cui nomen illud inscriptum est. Solus enim expertus scire potest delicias consummatæ filiationis Dei, & beatitudinis æternæ: ut enim sciantur, oportet gustare. In hac autem peregrinatione nostra tantum à longè eas aspiciamus & salutamus, confidentes, quia peregrini & hospites adhuc sumus super terram, ad Hebr. 11. v. 13. Hugo nomen novum calculo inscriptum dicit esse, *Iesuani*. 1. *Salvati*. Sicut enim electi in hoc statu viæ vocantur *Christiani* à Christo, in cuius fide ambulant: ita in patria à Jesu. 1. Salvatore, vocantur *Iesuani*, quia perfectè salvati, quando luctus, & clamor, & dolor non erit ultra, & dicit, qui sedebit in throno, ecce nova facio omnia, Apoc. 21. v. 5.

18. ET ANGELO THYATIRÆ ECCLESIA SCRIBE. Aureolus hunc Episcopum Thyatirensensem putat esse S. Irenæum, qui postea Thyatirâ migraverit Lugdunum in Galliam. Sed bene hoc refellit Lyranus: nam S. Irenæus nondum Episcopus erat, imò nondum vivebat tempore scriptæ Apocalypsis, cum ipse lib. 3. cap. 3. tetteretur se in prima sua ætate vidisse S. Polycarpum S. Joannis discipulum valde senem; S. Polycarpus autem supervixit plusquam sexaginta annos post mortem S. Joannis. Probabilius est, quod quidam hunc Thyatiræ Angelum credunt esse S. Carpum, cuius mentio in martyrologio Rom. die 13. Aprilis: fuit enim Carpus Episcopus Thyatirensis, sed incertum est, an hoc tempore. HÆC DICIT FILIUS DEI. Naturalis, non adoptivus, cuius proinde potestas æqualis, eademque cum Patre, ac proinde valdè metuendus. QVI HABET OCVLOS TANQVAM FLAMMAM IGNIS. Plenos irarum, & quales ante descripti sunt Apocal. 1. v. 14. ET PEDES EIVS SIMILES AVRICALCO. Additur Apocal. 1. v. 15. Sicut in camino ardenti Græcè, *ardentes*. Splendentes & ardentes instar aurichalci, quod elaboratur in fornace ardenti. Quod etiam ad terrorem peccatorum videtur spectare, quia talibus pedibus Filius Dei omnipotens conculcat peccatores, quos oculis ardentibus, ut flamma ignis, aspicit.

Beda oculos flammeos refert ad cognitionem, quâ Christus intimè omnia cordium secreta clarissimè videt, quia infra v. 23. Christus dicit se scrutari renes & corda. Joachimus verò putat demonstrari Angelo

Angelo Thyatirensi perfecti Episcopi formam, cujus oculi contemplatione, ut flamma, lucent, pedes actione & motu, ut aurichalcum, nitent.

19. NOVI OPERA TVA. Bona & præclara. ET FIDEM. Non simplicem, sed rationibus credendorum ornatam, & purificatæ mentis intelligentiâ decoratam, ait Carthus. qualem habere debent Episcopi, Pastores, & Doctores, *ut potentes sint exhortari in doctrina sana, & eos, qui contradicunt, arguere*, ad Tit. 1. v. 9. ET CHARITATEM TVAM. Erga subditos tuos, & omnes, quos & spiritualiter & temporaliter adjuvas, quantum potes. ET MINISTERIVM. Quo magnâ sollicitudine & curâ totum universum officium Episcopale administras. ET PATIENTIAM TVAM. Quâ ab hæreticis, infidelibus, & malis Christianis illatas persecutiones fortiter toleras. ET OPERA TVA NOVISSIMA, quæ jam operaris, PLURA PRIORIBVS. Quæ gessisti in principio tui Episcopatus: nam auctâ per opera præcedentia charitate, magis fervent & multiplicantur opera posteriora: charitas enim est instar flammæ actiuosa & mobilis, quæ nescit otari.

20. SED HABEO ADVERSVS TE PAVCA. Suo more post laudum delinimenta ulcus tangit, quod vult sanare. QVIA PERMITTIS: ex negligentia aut dissimulatione. MULIEREM JEZABEL. Uxorem fortasse alicujus potentis & præcipui ex secta Nicolaitarum, quæ vel Jezabel vocabatur, vel moribus imitabatur uxorem Achab, Regis Israël, fæminam impiam, Prophetæ Eliæ, & Sanctorum persecutricem, cujus mores describuntur 3. Reg. cap. 19. & 21.

Multi tamen Interpretes, non unam singularem fæminam, sed totam hæresin Nicolaitarum, vel Synagogam Judæorum nomine Jezabelis hîc designari putant. Sed non est opus per fictam personam interpretari, quod facîle possumus per veram & propriam. Nam plerique veteres hæretici, ut Nicolaitæ, Simon Magus, Marcion, Appelles, Montanus, hæreses suas per fæminas adjutrices propagarunt. Per blanditias enim illius sexus, suavius & facilius in animos hominum corruptorum errores illabuntur.

S. Epiphanius verò existimat, non agi de aliqua Jezabele, quæ hoc S. Joannis tempore Thyatiræ vixerit; sed prophetiam esse de Maximilla aut Priscilla hæretici Montani adjutricibus & prophetissis, quæ demùm sub Antonino Pio Imp. in Asia exortæ sunt.

Sed cùm Christus hîc alloquatur, non aliquem futurum postea, sed præsentem Thyatiræ Episcopum, loquitur etiam consequenter de aliqua Jezabele, quæ tunc in ejus Episcopatu inter Nicolaitas eminebat. Nec mirum est, fæminam apud istos hæreticos tantæ auctoritatis,

ritatis, & quasi supremum eorum Pontificem fuisse: cùm enim ipsi in voluptatibus venereis summum bonum collocarent, tœminas etiã maximè æstimabant, & quasi adorabant.

Quod verò quidam aiunt, nullum hoc tempore S. Joannis Thyatiræ fuisse Episcopum, ad quem hæc scriberentur, non est verisimile; cùm Apostoli tam diligentes essent, ut in omnibus civitatibus ad fidem conversis statim statuerent Episcopos. Unde S. Paulus ad Titum, *Reliqui te Creta*, inquit, *ut conjunctus per civitates Presbyteros, sicut & ego disposui tibi*, ad Tit. 1. v. 5. Et de S. Joanne scribit S. Hieronymus, Quòd totas Asiæ fundaverit & rexit Ecclesias.

QVÆ SE DICIT PROPHETEN. Ut facilius alios seducat, & ei tanquam Prophetissæ credatur. Verisimile est etiã finxisse extases & divinos afflatus, ut Maximilla & Priscilla Montani Prophetissæ. DOCERE. Cùm tamen Apostolus Paulus dicat, *Docere autem mulieri non permitto*, 1. ad Tim. 2. v. 12. Apud Montanistas verò mulieres etiã fiebant Sacerdotes. ET SEDUCERE SERVOS MEOS. Et doctrinã suã pravã in errorem abducere fideles. Hæc enim est, & semper fuit hæreticorum indoles, non convertere paganos & infideles ad Christum, sed tantùm fideles pervertere. FORNICARI. Permittit, inquam, docere fornicari. Docebat enim illa Iezabel, fornicationem esse licitam, licitum esse humani sœtus procreationem impedire, & quo quisque pluribus turpitudinibus se pollueret, eo magis egregium & sanctiorem esse, ut de Nicolaitis narrat S. Epiphanius.

Hæc autem Iezabel tropologicè significat dissolutos Clericos, qui ad curam animarum & prædicandi munus assumuntur, ait Hago: omnes autem ferè nunc Clerici, inquit, facti sunt sicut mulieres; omnes volunt balneari, & mollibus indui.

ET MANDUCARE DE IDOLOTHYTIS. Et carnes Idolis immolatas comedere cum idololatriis, quando post sacrificia sua simul in idolio epulantur, quam Apostolus 1. ad Cor. 10. v. 21. *Mensam demoniorum* appellat. Aliàs, si quis extra idolum carnes immolatas, etiã sciens, manducet, modò absit scandalum infirmorum, non peccat, ut docet ibidem Apostolus v. 27. *Omne quod vobis apponitur, manducate, nihil interrogantes propter conscientiam*. Et se magis explicans v. 29. *Conscientiam autem dico*, inquit, *non tuam, sed alterius*; hoc est, propter conscientiam infirmi fratris, qui credit absolute illicitum esse, manducare idolothyta.

21. ET DEDI ILLI TEMPVS. Servavi eam in vita. UT POENITENTIAM AGERET. Si fortè Spiritus poenitentiae ei daretur: *non enim tempus ipsi datum ad poenitendum sufficit, nisi ille faciat poenitentem, qui respexit Petrum*

Petrum negantem, & fecit flentem, ait S. Augustinus cap. 5. de Correp. Unde & Paulus, cum dixisset, corripiendos esse cum modestia, qui resistunt veritati; protinus addidit, *Ne quando* (id est, *Si quando*) *deus eis Deus pœnitentiam ad cognoscendam veritatem, & resipiscant à diaboli laqueis* 2. ad Tim. 2. v. 25. Hæc enim est mutatio dexteræ excelsi quæ nisi occultè intus in corde peccatoris operetur; nec tempus ad pœnitendum datum, nec præcepta, nec correptio, nec flagella quidquam profunt.

Non est tamen consequens, ait S. Prosper ad object. 15. Vincen-
tij, sicut quidam putant, ut Deus, quibus pœnitentiam non dede-
rit, resipiscantiam abstulerit, & quos non levaverit, alliserit: cum
aliud sit, infontem in crimen egisse, quod alienum est à Deo; aliud,
criminoso veniam non dedisse, quod de peccatoris est merito.

ET NON VULT POENITERE. Impius enim, cum in profundum
peccatorum venerit, contemnit, Prov. 18. v. 3. A FORNICATIO-
NE SUA De fornicatione, quam ipsa exercet, & verbo ac exemplo
alios docet. Fornicatio autem Jesabelis duplex erat, una corporalis
in prostitutione sui corporis; altera spiritualis, comedendo in Ido-
lio cum idololatriæ idolothyta, & sic indirectè saltem favendo idolo-
latriæ, quæ fornicatio etiam appellatur in Scripturis: *Ne fornicari sa-
siant filios tuos in Deos suos*, Exodi 34. v. 16. *Adhuc fornicationes Iezabel,
& veneficia eius multa vigent*, 4. Reg. 9. v. 22.

22. ECCE MITTAM EAM IN LECTVM. Morbo & afflictione
corporali impœnitentem deiiciam in lectum mortis, ut locus forgi-
cationum & voluptatum sit ei in tormentum, ac deinde si nec sic resi-
piscat, mittam eam in lectum gehennæ infernalis, ut subter eam ster-
natur tineæ, & operimentum ejus sint vermes, Isa. 14. v. 11. & sic
duplici contritione conteratur, Jerem. 17. v. 18. *& operiatur sicut di-
ploide, confusione sua*, Psal. 108.

Haymo tamen lectum fornicationum suarum intelligit, in quem mit-
tere dicitur Dominus, quando turpius adhuc fornicari permittit, ut
peccatum gravius sit pœna prioris, tradendo eam in desideria cordis
sui, & in immunditiam, ut contumeliâ afficiat corpus suum, ad
Rom. 1. v. 24.

ET QUI MOECHANTVR CVM EA. Qui Mœchiam ejus corpora-
lem aut spirituales imitantur. IN TRIBVLATIONE MAXIMA ERVNT.
Temporalibz, & deinde æternâ. Sunt enim quidam reprobi, ut
ait S. Augustinus, qui in hac vita pœnarum suarum æternitatem in-
choant.

G

Quidam

Quidam Interpretes hanc Thyatiranorum, & totius Asiæ tribulationem extendunt Prophetice usque ad tempora Turcarum, qui circa annum Domini 1300. duce Othomanno, ex Scythia & montibus Caspijs egressi, Asiam propter fornicationes, hereses, & peccata antiquæ Jesabelis inundarunt, & maximis tribulationibus huc usque attriverunt.

Ioachimus verò ad vetustiora tempora Mahumetis & Saracenorum refert, qui paulò post annum Christi 600. occupato primùm regno Persarum, postea Rom. Imperium in Asia, Africa, Europa invaserunt, & plurimis cladibus affecerunt.

NISI POENITENTIAM AB OPERIBVS SVIS EGERINT. Benignitas Dei temperat comminationem, ne effrenato terrore, inquit Richardus, peccatores præcipitentur in desperationem.

23. ET FILIOS EIVS. D scipulos filiosque eruditionis ejus, qui pravam ejus doctrinam animo hauriunt, & opere exequuntur. INTERFICIAM IN MORTE. Sufficiebat dixisse, *interficiam*, quia non nisi morte homines interficiuntur. Addit autem, *in morte*, sive per mortem, geminatione & inculcatione Hebræis usitatâ, ut *qui tetigerit mortem, morte morietur*, Exodi 19. v. 12. & alibi, ut significetur mors aspera, & quasi duplex ac geminata. Itaque filij Jesabelis morte temporali dirâ & exemplari, ac deinde æternâ interficientur. ET SCIËNT. Ex exemplo & genere mortis, quo eos percutiam discent. OMNES ECCLESIE. Asiæ & vicinæ Europæ, ad quas fama ejus rei pervenerit. QVIA EGO SUM. Quòd ego sum. SCRUTANS RENES ET CORDA. Deus, cui proprium est scrutari & intueri, etiamsi nemo ipsi aperiat, intimos voluntatis affectus, & abditissimas cogitationes intellectus. Cor enim hîc significat intellectum, unde exeunt cogitationes, Matth. 15. v. 19. & quia cupiditas venerea, quæ flagrantissima & impotentissima putatur inter omnes affectus, sedem habere dicitur in renibus: ideo renes sæpè accipiuntur pro voluntate, quæ est facultas animæ, unde depromuntur humani affectus. Respicit autem hîc Christus ad Jerem. 17. v. 10. *Ego Dominus scrutans cor, & probans renes &c.* ET DABO UNICUIQUE VESTRVM. Impios Jezabelis filios alloquitur. SECUNDVM OPERA SVA. Quod merentur fornicationes, & pessima opera vestra. Cum enim magnitudo & meritum scelerum ex interiore animi affectu potissimum pendeat, ego, qui renum, & cordium scrutator sum, maximè etiam sum idoneus ad taxandam mensuram pœnarum, quæ sceleribus debentur, & reddendum unicuique secundum opera sua. Huic tamen justitiæ Dei, quâ reddit reprobis secundum

dum opera sua, miscetur etiam Dei misericordia, non quidem totaliter pœnas relaxans, sed aliquatenus allevians, dum punit eos citra condignum, ait S. Thom. 1. p. 2. q. 21. a. 4. ad 2. Unde particula, *secundum*, quando dicitur Deus dare impijs secundum opera sua, non significat arithmeticam æqualitatem inter peccatum & pœnam, sed geometricam potiùs proportionem, ab æterna Sapientia, juxta inscrutabiles providentiæ suæ leges taxatam.

Notant autem Chrysostomus & SS. Patres, quod Deus in Scripturis sapiùs de supplicio malorum, quam de præmio bonorum mentionem faciat, quia homines magis tormentorum metu, quàm promissione bonorum à peccatis avertuntur.

24. VOBIS AUTEM DICO. Sermonem à Jezabele & discipulis ejus ad fideles castè & religiosè viventes convertit. ET CÆTERIS. Etiam cæteris. Particulam, &, Richardus & multi codices non legunt, sensu clariori, nam ista conjunctio obscurat sensum, nisi per, *etiam*, exponatur, sicut fecimus: aut certè, *vobis*, referri debet ad Episcopum & Clerum, *cæteris*, autem ad reliquos fideles Thyatirenses QVI THYATIRÆ ESTIS. Multi enim boni erant in medio Nicolaitarum, & nationis prævæ.

Nimis quæsitum & subtile videtur, quod Alcazar per, *Thyatiram*, non Ecclesiam illius civitatis Asiæ particularem, sed Ecclesiam universalem significari putat, quia Thyatira hebraicè, secundum S. Hieronymum, *illuminatam* significat: omnes autem fideles sunt in Ecclesia universali, tanquam in civitate per fidem Christi illuminatâ.

QUICVMQUE NON HABENT DOCTRINAM HANC. Quicumque inter vos non tenent falsam & perversam doctrinam Jesabelis & Nicolaitarum. ET QUI NON COGNOVERUNT. Per assensum & approbationem. ALTITVDINES (græcè, *profunditates*) SATANÆ. Profunda mysteria doctrinæ Jezabelis & hæresis Nicolaitarum à satana ipsis suggesta, ut libertatem christianam in libertatem carnis converterent; quasi se vitiorum gurgiti immergere, hoc esset Christianum esse. QVEMADMODVM DICVNT. Sicut hæretici Nicolaitæ arcana doctrinæ suæ *profunditates* appellant: & illi quidem, non satanicas, sed divinas, profunditates vocabant; sed Christus de suo addit, *satana* potiùs esse ut eos mentiri significet.

Solent autem hæretici Catholicos, tanquam nimis simplices, irridere, doctrinam verò suam tanquam altam & profundam jactare, quæ à simplicibus non possit penetrari & capi.

Verisimile autem est, Nicolaïtas ex Philosophia Gentilium, & præcipuè Epicureorum, docuisse, concupiscentiam & appetitum carnalium voluptatum naturalem & licitum esse, quod postea etiam amplexi sunt Pelagiani.

Haymo & alij, qui *altitudines satanae*, superbiam diaboli interpretantur, non videnter textum græcum inspexisse, ex quo didicissent, *altitudines*, hoc loco non sublimitates superbix, sed potius profunditates scientiæ significare. Quo modo etiam, *altitudinem*, Apostolus capit, cum exclamat: *O altitudo divitiarum, sapientiæ, & scientiæ Dei*, ad Rom. 11. v. 22. *Altum* enim apud Latinos vel sublime, vel profundum æquivocè significat.

NON MITTAM SUPER VOS. Non imponam humeris vestris. ALIUD PONDUS. Quàm Apostoli olim vobis imposuerunt, quando in Concilio Jerosolymitano censuerunt, nihil ultra vobis imponere oneris, quam hæc necessaria, ut abstinere ab immolatis simulachrorum, à sanguine, & suffocato, & fornicatione, Act. 15. v. 29. Unde mentiuntur Jezabel & Nicolaitæ, quando vobis persuadere conantur, quòd Apostoli totum Legis Mosaicæ jugum velint humeris vestris rursus imponere, quando jubent vos ab idolothytiis & fornicatione abstinere.

Beda & quidam alij, *pondus* tribulationum intelligunt, quod Christus promittit se non aggravaturum, ne electi tententur supra id, quod sustinere possint, 1. ad Cor. 10. v. 13.

25. TAMEN ID QUOD HABETIS. Ponderus paucarum istarum observantiarum ex lege veteri, ut Judæi & gentiles faciliùs inter se in unam Christi Ecclesiam coalescant; & reliquum Christianæ legis jugum suave, & onus leve Matth. 11. v. ult. TENETE, DONEC VENIAM. Nolite Excutere, sed portate, donec veniam ad judicium universale, quod in morte & judicio particulari uniuscujusque quodammodo inchoatur. Unde v. 26. indicatur hic Christi adventus in fine vitæ uniuscujusque futurus, ut notat Arethas.

26. ET QUI VICERIT. Jezabelis & carnis, mundi & diaboli tentationes. ET CUSTODIERIT USQUE IN FINEM. Vitæ suæ. Ille enim solus verè vicit, qui in fine certaminis in arena victor permansit. OPERA MEA. Quæ ego præcipio, & etiam operor in ijs qui operantur ea, sicut oportet: *Deus est enim, qui operatur in nobis & velle, & perficere pro bona voluntate*, ad Philip. 2. v. 13. DABO ILLI POTESTATEM. Imperandi & judicandi sub Christo supremo Imperatore, & judice. SUPER GENTES. Super omnes reprobos, tam ex Judæis, quàm ex gentilibus.

Vox

Vox enim, gentes, interdum tam latè sumitur, ut etiam comprehendat Judæos: *Congregabuntur autem cum omnes gentes &c.* Matth. 25. v. 32. & alibi. Potestatem autem istam exercebunt Sancti in Iudicio universalis post hujus vitæ finem: nam dicitur tantum illis danda, qui mandata & opera Christi custodierint usque ad finem vitæ.

27. **ET REGET EAS.** Græcè, *Et pascet eas.* Licèt hebraicus textus hodie Psal. 2. unde hic versus desumptus est, *Conteres eas*, legat. Sed Christus hic versionem LXX. est secutus. **IN VIRGA FERREA.** Imperio & castigatione durâ, quomodo pastor pascere, & regere dicitur etiam illas oves, quas pedo pro meritis suis percutit. Sancti autem *iudicabunt nationes, & dominabuntur populis, & regnabit Dominus illorum in perpetuum*, Sap. 3. v. 8. Idè etiam ipsi cum eo regnabunt tanquam membra Ecclesiæ triumphantis, & Reipub. regnantis capitis. **ET TANQVAM VAS FIGULI.** A figulo formatum & percoctum: ideoque fragile, & virgâ ferreâ percussim facillè in partes dissiliens. **CONFRINGENTVR.** Non amittendo esse, sed perdendo benè esse, ait Carthusianus. Quando enim Christus percutiet reprobos virgâ oris sui. Isa. 11. v. 4. & durâ illâ sententiâ, *Ite maledicti in ignem æternum*: Sancti etiam sententiam iustissimi Iudicis approbantes, eodem quoque ictu percutient, & confringent gentes in virga ferrea.

Alij, *virgam ferream*, legem Christi inflexibilem intelligunt, juxta illud, *Virga directionis*, (id est virga rectissima) *virga regni tui*, Psal. 44. quasi servantibus mandata promittatur regimen Ecclesiæ, quo per ferream virgam oris sui confringant dura & lutea corda infidelium & impiorum, & sic confracta humili Christi iugo subijciant. Sed hoc Ecclesiæ regimen non datur omnibus iustis, nec datur post vitæ finem; quod tamen hic innuitur. Unde ista virgæ ferreæ acceptio non videtur huic loco satis congruere. Nisi *regere, & pascere*, tribuatur Sanctis in cælo regnantibus, quia per preces suas apud Deum, & per Angelos nostros custodes amicos suos, regimen Prælatorum Ecclesiæ adjuvant, & etiam gratiam benè regendi ijs impetrant, ut virgâ rectâ & inflexibili subditos suos, & seipsos frangant.

28. **SICVT ET EGO:** Potestatem regendi & confringendi reprobos ex omnibus gentibus. **ACCEPI A PATRE MEO.** Increatam potestatem accepit ut Deus, per generationem æternam: creatam accepit ut homo, ex hypostaticæ unionis merito. **ET DABO ILLI STELLAM MATVTINAM.** Meipsum. Christus enim vocat se stellam splendidam & matutinam, infra A. ioc. 22. v. 16. Cùm autem dicat, hanc stellam dandam esse ijs, qui custodierint mandata usque in finem vitæ, videtur esse præmium quod datur post hanc vitam.

G 3

Dabi-

Dabit ergo Christus iustis corpore exutis hanc stellam, quando claritas Dei illuminabit illos, Apoc. 21. v. 23. & infuso mentibus beatorum animarum lumine gloriæ, illuminabuntur à Christi Divinitate, tanquam à stella matutina, quæ antecedit plenum æternitatis diem, quando post resurrectionem ab eadem Divinitate, tanquam à Sole, uberius illuminabuntur, tam in anima, quàm in corpore. Unde non male Richardus: Stella matutina, inquit, est sola prima in cælo; illa autem stella mutabitur in solem meridianum in resurrectione, quando anima glorificabitur cum corpore resurgenti.

Alià ergò consideratione Christus dicitur Lucifer, seu stella matutina, 2. Pet. 1. v. 19. non quia lumine gloria Beatorum, sed lumine Fidei viatorum abundantiori, quàm lucernæ Prophetarum in nocte præditorum sæculorum, nos jam illuminat, ut ibi exposuimus.

QVI HABET AVREM, AVDIAT, QUID SPIRITVS DICAT ECCLESII. Solemni admonitione Epistolam ad Angelum Thyatirensē claudit, ut illam, & cæteras omnes Ecclesias inflammet desiderio habendi illam potestatem regendi gentes, similem Christo, & accipiendi stellam matutinam, quæ illuminat animas Beatorum ante diem resurrectionis & consummatæ beatitudinis.

C A P V T III.

SYNOPSIS CAPITIS:

Postquam Angelus in persona Christi quatuor epistolas ad quatuor priores Episcopos septem Ecclesiarum Sancto Ioanni dictavit; tres alias ad reliquos tres Episcopos, Sardensem, Philadelphensem, & Laodicensem jam dictat.

Verf. 1.

ET ANGELO ECCLESIE SARDIS SCRIBE. Quis iste Episcopus fuerit, nescitur, nec scire, admodum refert, quia ut malus & hypocrita, non ut Sanctus nobis depingitur: Sardis autem erat civitas capitalis Lydiæ. HÆC DICIT. Quæ sequuntur. QVI HABET. In conspectu throni sui, ut dixit Apocal. 1. v. 4. SEPTEM SPIRITVS DEI. Septem Angelos, sicut appellantur infra cap. 8. v. 2.

Hæc periphrasi se describit Christus, ut Episcopum Sardensem terreat,

reat, cùm audit septem istos Spiritus tanquam satellites circa Dei & Christi thronum accinctos stare, & ad omnem nutum paratos, ut in auxilium bonorum, & castigationem malorum evolent in terras.

ET SEPTEM STELLAS. Septem Ecclesiarum Episcopos, ut Apoc. 1. v. ult. interpretatus est. Quas habet in dextera sua, ut ibidem dixit, v. 16. Significat ergo Christus, se Episcopum Sardensem, & reliquos septem Ecclesiarum, habere in omnipotente manu sua. Quod etiam ad augendum Episcopi Sardenfis terrorem spectare videtur.

SCIO OPERA TVA. In speciem bona, & laudabilia exterius, licet non prodeant ex radice charitatis. Unde verbum, *scio*, non approbationem, sed simplicem notitiam hîc significat, ut benè notat Arethas. QVIA NOMEN HABES. Famam boni nominis apud alios, quos per hypocrisis fallis. QVOD VIVAS. Vitâ spirituali animæ, & opera verè bona fructifices. ET MORTVVS ES. Et tamen in morte peccati jaces separatus à Deo, qui est animæ vita.

2. ESTO VIGILANS. Excitare à somno, in quo jaces, & vigila super te, & gregem tuum: Cogita Episcopi nomen esse speculatoris & vigilantis. ET CONFIRMA CÆTERA. Et opera tua cætera, quæ tibi restant, ut fortè eleemosynas, orationes, prædicationes, & id genus alia, quæ exterius benè operaris sine interiori vita & stabilimento charitatis, fac ut confirmes & suffulcias interius; hoc enim verbum græcum propriè significat. QVÆ MORITVRA ERANT. Quæ aliàs collapsura erant, & amissura vitam illam imperfectam, quam adhuc habent, nisi ea fulcro internæ charitatis stabilivisses. Nam amiserat præcipua bona, charitatem & humilitatem, inquit Richardus, & quædam minora exterius speciosa retinebat, quibus æstimabatur apud homines. Sunt enim nonnulli, qui ea magis diligunt, quibus apud homines magni videntur, & ea parvi pendunt, sine quibus coram Deo non possunt esse iusti. Sed tales sæpè minora ista etiam perdunt, ut se divinâ gratiâ nudatos fuisse cernant, & de negligentia citiùs resipiscant, ait idem Richardus. Breviter ergo, qui cæterarum virtutum officia non operantur ex charitate, tandem ipsa etiam officia amittunt, & sic non tantùm coram Deo, sed etiam coram hominibus iusti esse desinunt.

Quidam hoc interpretantur de reviviscentia bonorum operum, per peccatum subsequens mortificatorum. Sed hic sensus non convenit cum ratione, quæ proximè subditur, *Non enim invenio*, &c.

Beda, & alij quidam, *Confirma cætera, quæ moritura erant*, putant continere monitionem, ut Episcopus ille subditos suos confirmet languis-

languidos, & in defectionem ac mortem tendentes. Sed nondum de subditis locutus fuerat. Et particula, *cetera*, videtur planè referenda ad, *opera tua*, quæ paulò ante præcesserant. Deinde quidam textus græci, & Arias non legunt, *quæ mortura erant*, sed, *quæ futurus eras abiicere*, live, *quæ abiecturus eras*. Quod sensui Bedæ non benè concordat; optimè autem cum sensu priori Richardi. Qui enim officia virtutum non conantur ex charitate operari, faciliè ipsa officia tandèm etiam deserunt & abiiciunt, & ex hypocritis fiunt apertè mali.

NON ENIM INVENIO. Dum renes & cor tuum scriitor, ac fundum, unde prodeunt, intueor. OPERA TVA PLENA. Non enim ex implet charitas, sed inflat vanitas. CORAM DEO MEO. Licet enim per ostentationem plena videantur coram hominibus; coram Deo tamen propter absentiam charitatis sunt vacua, inquit Richardus. Nulum enim opus bonum plenè, & verè bonum est sine charitate, quæ idèò vocatur, *plenitudo legis*, ad Rom. 15. v. 10. Unde scriptura non præcipit nisi charitatem, nec culpatur nisi cupiditatem, & eo modo informat mores hominum, ait Augustinus lib. 3. cap. 10. de doctr. Christ.

Christus Deum se habere dicit per Humanitatem, quam ex nobis & pro nobis assumpsit, ait Haymo: Humanitas enim Christi Deum suum Creatorem agnoscit.

Alij, *Non invenio opera tua plena*, referunt ad negligentiam illius Episcopi circa curam sui gregis, juxta illud, *ministerium tuum imple*, 2. ad Tim. 4. v. 5. Sunt enim quidam boni Sacerdotes, & quantum ad se attinet, casti & devoti, sed mali Episcopi & pastores, quia ministerium suum non implent, nec ovibus suis pabulum ministrant, quod deberent.

3. IN MENTE ERGO HABE. Memor esto. QUALITER (græcè, *quomodo*) ACCEPERIS ET AUDIERIS. Quænam monita, cum ordinatus es Sardinium Episcopus à tuis Ordinatoribus acceperis, quando ab ijs audisti, quantà curâ & sollicitudine oportet Episcopum sibi ipsi, & gregi suo invigilare. Solent enim Apostoli serio admonere novos Episcopos officij sui, sicut Paulus monet Timotheum, 2. ad Tim. 4. v. 1. & seqq. & Asiæ Episcopos Act. 20. v. 28.

Fuerat autem hic Episcopus Sardinis ordinatus, vel à S. Paulo, qui primus cum Barnaba regiones Asiæ ad fidem converterat; vel à S. Ioanne, qui S. Paulo in administrationem illarum Ecclesiarum successerat.

ET SERVA ea in posterum. ET PŒNITENTIAM AGE præteritorum,

rum. SI ERGO NON VIGILAVERIS. Super gregem tuum, & super teipsum, ut opera tua plena sint coram Deo. VENIAM AD TE. Græcè, *super te*: quo modo Interpres eandem græcam præpositionem vertit Luce 4. v. 18. TANQVAM FVR. De nocte, & ex improvifo. ET NESCIES. Sicut nescitur adventus furis: tempus enim capiat, quo homines minime venturum suspicantur. QVA HORA. An serò, an mediâ nocte, an galli cantu, an mane, Marci 13. v. 35. VENIAM AD TE. Græcè iterum, *super te*. Ut nempe superveniens te opprimam, & hypocritis ac negligentia tuæ in cura Episcopali pœnas expetam.

4. SED HABES PAUCA NOMINA IN SARDIS. Sed tamen non obstante negligentia tuâ, habes in tua civitate Sardenfi saltem paucos aliquos fideles, quorum nomina scripta sunt in catalago Libri vitæ; nam respici hîc ad librum vitæ, colligitur ex versu 5. Unde non dixit, *paucos homines*, sed, *pauca nomina*, quia Christus nomina suorum scribit in cælo Sanctorum, inquit Beda. Deinde vox pluralis numeri, *nomina*, sæpè etiam accipitur pro hominibus ipsis, quia homines nominatim censerî solent, quoties exquiritur eorum numerus, ait Erasmus Act. 1. v. 15. ubi pro, *turba hominum*, ut interpres noster vertit, græcus, *turba nominum*, legit. Simili ferè phrasi Latini, cohortes militum, numeros vocant, quia milites certo numero in albo militari describi solent, ut ad lib. 1. Hist. C. Taciti notat f. Lipsius. QUI NON INQUIREVERUNT. Per peccatum mortale. VESTIMENTA SVA. Candida innocentia vestimenta quibus induti fuerunt, quando Baptismi vel Pœnitentia gratiam susceperunt. Unde te Episcopum pudere debet, quod oves Pastore suo constantiores & sanctiores habeas. ET AMBULABUNT MECVM IN ALBIS. Conversabuntur mecum in æterna felicitate, induti stolis albis, hoc est, gloria animæ & corporis.

Richardus tamen & alij, intelligunt de conversatione, quâ Sancti ambulant in hac vita cum Christo per iustitiam, & Christus cum ipsis per gratiam: nam nisi per singula opera retribuere eis gratiam, non possent proficere per iustitiam, quia sine ipso nihil possunt facere, inquit Richardus ex doctrina præceptoris sui Augustini.

QUIA DIGNI SVNT. Ut mecum sic ambulent, eo quod inter tot tentationes pugnando & resistendo, candorem vestimentorum suorum immaculatum custodierint.

5. QUI VICERIT. Animæ suæ hostes, carnem, mundum, diabolum, & hoc perseveranter usque in finem. SIC VESTIETVR. Sicut illi electi, qui sunt in Sardis. Græcè tamen, *hic vestiatur*, sine comparatione ad Sardenfes. VESTIMENTIS ALBIS. Duplici stola albâ, quæ est glo-

est gloria animæ & corporis. Pro vestimento enim gratiæ in quo candidati usque ad finem vitæ hinc ambulaverunt in terris, meritò candida gloriæ vestimenta recipient in cælis. ET NON DELEBO NOMEN EIVS. Sicuti delentur nomina eorum, qui à gratia excidunt, & in peccato suo moriuntur. Minus dicit & majus intelligit, & dum unum negat, aliud confirmat, ait Richardus. Indicat enim talem per prædestinationem Dei Patris ab æterno indelebiliter in libro vitæ scriptum fuisse. DE LIBRO VITÆ. In quo descripta sunt nomina eorum, qui ordinantur ad vitam æternam.

Dupliciter autem aliquis potest in hoc libro vitæ scribi, per Prædestinationem, vel per gratiā, ut docet, & hunc Apocalypsis locum explicat S. Thomas 1. p. q. 24. art. 3. Qui per Prædestinationem inscriptus est, dicitur simpliciter scriptus in libro vitæ, ex quo non potest unquam deleri, quia *firmum fundamentum Dei stat, habens signaculum hoc, cognovit Dominus, qui sunt eius*, 2. ad Tim. 2. v. 19. Qui tantum inscriptus est per præsentem gratiam & iustitiam, quā ius habet, & ordinatus est ad vitam æternam, quam tamen propter finalem lapsum nunquam consequetur, tantum secundum quid scriptus est in libro vitæ, & ex eo potest deleri. Non quasi ex memoria Dei (quæ est iste liber vitæ) notitia ejus possit deleri, cum Deus numquàm desinat novisse, id quod semel novit, sed propter mutationem rei quam novit. Scit enim Deus aliquem prius ordinari ad vitam æternam, quando est in gratia: & scit, non amplius postea ordinari, quando excidit à gratiā, ait S. Th. loco citato.

ET CONFITEBOR NOMEN EIVS. Collaudando & glorificando cum ex merito suorum operum, dicendo, esse unum ex illis, quos ante constitutionem mundi Pater elegit, & locum in cælis præparavit. Non enim est Christi hominis dare electis locum, sed quibus paratum est à patre, Matth. 20. v. 23. CORAM PATRE MEO, ET CORAM ANGELIS EIVS. Tanquam testibus, & confessionis meæ approbatoribus. Angeli autem, qui comitabuntur Christum ad iudicium, vocantur hinc Angeli Patris per creationem.

6. QUI HABET AUREM, AUDIAT, QUID SPIRITVS DICAT ECCLESII. Jubentur hinc Ecclesiæ attendere ad promissionem præcedentem, non ad sequentem: nam per hanc clausulam epistola ad Episcopum Sardensem finitur.

7. ET ANGELO PHILADELPHIÆ ECCLESIAE SCRIBE. Quis iste Philadelphæ angelus fuerit iterum ignoratur: nam errat Lyranus cum Aureolo, putans fuisse S. Quadratum martyrem, cujus mentio in Martyro-

Martyrologio Rom. die 26. Maij. Nam Quadratus sub Adriano Imp. annis facile 30. post scriptam Apocalypsin, factus demum est Episcopus, nec Philadelphiz in Asia, sed Athenarum in Græcia. Undè Adriano Athenas venienti obtulit Apologiam pro Christianis, quæ tantæ admirationis fuit, ut persecutionem gravissimam illius excellens sedaret ingenium, ait post Eusebium S. Hieronymus. Fuit tamen præclarus vir ille Philadelphiz Angelus, & similis Angelo Smyrnenfi, qui de nulla culpa vel negligentia reprehenditur. HÆC DICIT SANCTVS. Græcè, *ille Sanctus*. Ille qui Sanctus per essentiam, & omnis sanctitatis fons est: ut scias, unde sanctitatem habeas, & à quo ejus incrementum petere debeas. ET VERVS. Græcè, *ille verus*. Ille etiam verus veraxque veritate prima, tam in assertis, quàm in promissis, ut proinde confidere debeas, cum facturum, quidquid promiserit.

Christus autem in initio omnium Epistolarum tali periphrasi se describit, qualem subsequens sermo requirit, ut notat Richardus. Undè facile colligitur ex sequentibus promissionibus, quare se Sanctum & verum appellet.

QVI HABET CLAVEM DAVID. Supremam potestatem regnandi in domo, & folio regis Davidis: sive in Ecclesia, quæ per domum & regiam Davidis mysticè designatur. Unde Angelus ad Virginem, *Dabit illi Dominus Deus sedem David patris eius*, &c. Lucæ 1. v. 32.

Clavis autem in Scripturis tam veteris, quàm novi Testamenti, ideò potestatem significat, quia qui clavem Palatii aut alicujus domus habet, potest liberè eam intrare, & alios intrmittere, aut excludere prout libuerit, adeoque cæteros quodammodo subiectos sibi habet.

Dixerat antea Christus se habere claves mortis & inferni, Apocal. 1. v. 18. jam verò, ut ostendat istas claves plura posse aperire & claudere, quàm carceres mortis & inferni, vocat claves domus & regni Davidis, quæ est Ecclesia, in qua Christus, tanquam supremus Princeps, omnia aperire & claudere potest.

Ribera, & alij multi, *clavem David*, intelligunt clavem templi Salomonis, quod est etiam templum Davidis, quia David præcepit illud ædificari à filio suo, & sumptus ad ædificium necessarios ei reliquit. Videtur enim Christus hinc respicere ad similia verba Isa. 22. v. 22. quibus Deus Eliacim summo Pontifici promittit clavem domus David, & summam potestatem in tempore Domini. Sed licet similia verba hinc usurpet Christus, videtur tamen ad sensum paulò differentius ea accommodare. Non enim dicit se habere clavem Eliacimi

H 2

Pontificis

Pontificis, sed clavem ipsius Regis David, quæ non significat potestatem Eliacimi in templo Domini, sed potestatem Davidis in totum suum regnum, etiam antequam templum esset ædificatum. Unde non sedem Summi Pontificis Judæorum, sed sedem David patris ejus promittit Gabriel Angelus Lucæ 1. v. 32.

QVI APERIT. Ostium domus David sive Ecclesiæ electis suis quos per fidem & gratiam in Ecclesiam militantem, & deinde per gloriam in triumphantem intromittit. Ita verò aperit, ut si quis sine ipso aperire voluerit, in vanum laboret. Unde ne operam perderent Paulus & Syllas, *vetati sunt à Spiritu Sancto loqui Verbum Dei in Asia*, Act. 16. v. 6. & *cum tentarent ire in Bithyniam, non permisit eos Spiritus Iesu*, ibid. v. 7. ET NEMO CLAUDIT. Nemo claudere potest, & ab Ecclesiæ accessu introitu arcere, quibus Deus per æternam prædestinationem aperire voluerit: *Quis nos separabit à Charitate Christi*, &c. ad Rom. 8. v. 35. CLAUDIT. Infidelibus & reprobis, qui propter peccata sua exclusi merentur. ET NEMO APERIT. Nemo aperire potest: Nam *si incluserit hominem, nemo est, qui aperiat*, Job. 12. v. 14. Claudit autem Deus, quando non aperit, quia humana mens sibi dimissa ad perditionem suam sufficit, ait in illum locum S. Gregorius. Quia verò Christus per meritum suæ Crucis ostium Ecclesiæ militantis & triumphantis electis suis aperit, ideo Crux Christi non male à quibusdam vocatur Christi Clavis.

8. SCIO OPERA TVA. Novi & approbo. Brevi enim hæc sententiâ totam & magnam laudem ejus est complexus, ut notat Richardus. ECCE DEDI CORAM TE OSTIUM APERTVM. Ego aperui ante te ostium Ecclesiæ, ut tu, qui es in Ecclesia, ex ostio jam aperto concionando, multos Judæos infideles ad Ecclesiam voces, & per ostium apertum introducas: loqui enim maximè de multitudine Judæorum ad fidem convertentem, colligitur ex versu sequenti.

Videtur autem considerare istum Episcopum Philadelphie, non tanquam extra Ecclesiam, sed ut in Ecclesia clausa consistentem & expectantem, ut Christus ostium ante faciem ipsius clausum ad aliquos intromittendos aperiat.

Simile ostium Ecclesiæ infidelibus clausæ sibi apertum dicit Paulus, 1. ad Cor. 16. v. 9. & Deus dicitur Gentibus aperuisse ostium fidei, Act. 14. v. 26. quod nihil aliud est, quàm per gratiam aperire cor infidelium, ut credant, & ita per fidem intrent in Ecclesiam, sicuti concionante Paulo dicitur Dominus aperuisse cor Lydiæ purpurariz Act. 16. v. 14.

QVOD

QVOD NEMO POTEST CLAUDERE. Nemo enim voluntati, quæ electos suos in Ecclesia, & vitam æternam vult intromitti, resistere potest. Gratia enim ejus corda hominum, etiam durissima, statim emollit, & indeclinabiliter, ac insuperabiliter, ut c. 12. de correptione loquitur S. Augustinus, ad se convertit. **QVIA MODICAM HABES VIRTUTEM.** Græcè, *Quia parvam habes potentiam*, seu facultatem & vires. Dabo Ego, inquam, ostium apertum, quia tu parum potes, nec illud viribus tuis aperire vales. Frustrâ enim Prædicator exterius clamat, nisi Deus interius cor aperiat, & aures audiendi donet. **ET SERVASTI VERBUM MEVM.** Et quia mandata mea fideliter observasti. **ET NON NEGASTI.** Cum accusareris apud Magistratus. **NOMEN MEVM.** Te esse fide & Religione Christianum. Unde illius constantiæ & fidelitatis merito, aperui tibi illud ostium, nè prædicando in vanum, sed cum egregio fructu, & animarum capturâ laborares. Sicut enim oratione fructum aliquem prædicationis nostræ in animis auditorum impetrare possumus; ita per opera bona præcedentia possumus hoc idem, saltem de congruo, promereri.

Hinc viri sancti, licet parvâ eloquentiâ, & modicis naturæ dotibus sint instructi, qualis videtur fuisse hic Philadelphiz Episcopus; maiorem tamen sæpe in animis auditorum impressionem faciunt, quàm alij à natura magis eloquentes & prompti: Sanctus enim Spiritus sæpe minus idonea instrumenta eligit, quia virtus divina convertens animas magis apparet, quando per inepta naturaliter instrumenta, quàm quando per aptiora operatur. Hinc piscatores & rudes homines ad convertendum orbem, non Oratores aut Philosophos elegit Christus, & *qua stulti sunt mundi, elegit Deus, ut confundat sapientes*, 1. ad Cor. 1. v. 27.

Non semper tamen, qui sanctiores sunt, plures convertunt, nè fortasse sibi in sanctitate & virtute sua nimis complacent. Unde S. Jacobus paucos in Hispania convertere potuit, ait Alcazar; licet F. Dexter Bivarij ad annum Christi 36. planè contrarium, & multas in Hispania erexisse Ecclesias, & creasse Episcopos dicat. Sed auctor iste, ut aliàs etiam diximus, apud multos meritò est suspectæ fidei, negantque esse Chronicon illius eruditi Flavij Dextri S. Hieronymo familiaris.

9. ECCA DABO DE SYNAGOGA SATANÆ. Dabo tibi convertendo eos ad fidem per tuam prædicationem aliquos ex Synagoga Judæorû, quæ non Dei, sed satanæ Spiritu regitur, & in sua infidelitate obstinata manet. **QUI DICUNT SE JUDÆOS ESSE.** Qui jactant se secundum carnem.

carnem & fidei spiritum ex Juda, Abrahamo, & Patriarchis oriundos esse. ET NON SVNT. Et secundum Spiritum fidei, quæ per charitatem operatur, revera non sunt Judæi, nec Spiritu Sanctorum suorum Patriarcharum aguntur, sed spiritu satanæ. Unde de ipsis Christus, *Vos ex patre diabolo estis*, Joan. 8. v. 44. *Non enim qui in manifesto Judeus est, sed qui in abscondito, Judeus est*, ad Rom. 2. v. 28.

Richardus & quidam alij putant alludi ad nomen, *Judeus*, quod confitentem significat, quasi ipsi dicerent se esse Deum confitentes, cum tamen Christum Dei filium blasphemarent.

SED MENTIVNTVR. Sed falsum dicunt. *Mentiri*, enim pro, *simpliciter falsum dicere*, licet contra mentem quis non loquatur, solet etiam à Latinis, & Cicerone ipso usurpari. Sufficiebat dixisse *Et non sum*; sed inculcat idem cum aliqua exaggeratione, ut significet, jactantiam eorum à veritate longissimè abesse.

ECCE FACIAM ILLOS, VT VENIANT. Per gratiam meam illos tales faciam, ut ad Ecclesiam per fidem veniant. Phrasis autem ista *faciam illos ut veniant*, similis est isti, *fac manus tua, ut salvet me*, Psal. 118. Nec tantum ab Hebræis & Græcis, sed etiam antiquis Latinis, ut Plauto & alijs, est usurpata. Videtur autem esse eclipsis, & subaudiri vocem *tales*, aut aliam similem, ut indicat Richardus. ET ADORENT ANTE PEDES, TVOS. Et ut magno fervore contritionis procident ante tuos, tanquam magistris, pedes, & præ humilitate minimos in Ecclesia se reputent, qui antea in Judaismo superbissimi erant. Sic Paulus minimum Apollolorum se vocat, quia antea tam ferventer persecutus fuerat Ecclesiam, ideoque ex Saulo Paulum, tanquam parvulum, se humiliando appellavit, ut S. Augustinus existimat. ET SCIENT. Tunc conversi, quod nunc ignorant aversi, arbitantes te persequendo, se obsequium præstare Deo. QVIA EGO DILEXI TE. Quod ego dilexerim te, tanquam fidelem verbi & voluntatis meæ ministrum, quod ignorabant, dum te permittebam examinari per tribulationem, inquit Richardus.

10. QVONIAM SERVASTI VERBUM PATIENTIÆ MEÆ. Præceptum patientiæ, quam ego præcipio & requiro in Ministris Evangelij. Volo enim eos multa pati, & mori potius, quam fidem negare, aut aliquid contra decus ejus committere. Aut certe, *patientia mea*, hoc est, quam propter me sustinuisi.

Phrasin autem istam, *servare verbum*, vel, *sermonem*, pro servare mandata, peculiarem esse Sancto Joanni, colligitur ex Evangelio ejus ut ex cap. 8. v. 51. & seqq. ex cap. 14. v. 23. & c. Unde hinc probabile

probabile argumentum trahi, eundem esse auctorem Evangelij S. Joannis, & hujus Apocalypsis, notat Alcazar, licet enim, *Verbum Dei*, pro, *Mandatum Dei*, legatur Luca 8. v. 11. & *servare mendata*, Matth. 19. v. 17. solus tamen S. Joannes duo illa simul, *servare verbum*, vel *servare sermonem*, valdè frequenter jungit. ET AGO. Etiam ego merito istius patientiæ. SERVABO TE. Auxilio gratiæ meæ ne tentatio tibi noceat & te superet. AB HORA TENTATIONIS. A tempore tentationis instantis quando constantia fidei Christianorum à Tyrannis tentabitur. QVÆ VENTURA EST. Brevi naniq; hora ista tentationis cœpit statim circa initium Imperij Trajani, quî anno Christi 100. cœpit imperare. Hec autem revelatio putatur circa annum Christi 97. S. Joanni fuisse facta. Ardor verò istius tentationis & persecutoris duravit 10. circiter annos, ut Apoc. 2. v. 10. diximus. IN ORBEM VNIVERSVM. Græcè, *in habitatan universam*. In terram quæ inhabitatur universam: sive in universum Rom. Imperium, quod tum temporis per omnem ferè terram habitabilem veteribus cognitam, extendebatur. Unde dicit Lucas, *exisse edictum à Casare Augusto. ut describeretur universus orbis*. Luca 2. v. 1. Et tamen Rom. Imperium latius adhuc fuit sub Trajano, quàm fuerat sub Augusto; nam Trajanus, adjectâ veteribus Imperij limitibus Arabiâ, Armeniâ, & Mesopotamiâ, Imperium ab Oriente usque ad Indos: additâ verò ultrâ Danubium Daciâ, versus Septentrionem usque ad Meotin paludem extendit, ut videre est apud Lipsium lib. 1. cap. 3. de magnitud. Rom.

Providentia autem divina voluit Imperium Rom. sic dilatari, ut fides Christiana facilius & longius brevi tempore propagaretur, dum ex urbe Româ capite Imperij, ubi fides Christiana vigeat, plurimi quotidie in omnes mundi provincias imperio subiectas mittebantur aut ultrâ ad mercimonia vel alia negotia ibant, simulq; fidem Christianam, aut famam ejus eò ferebant.

TENTARE HABITANTES IN TERRA. Ut Christianos toto orbe terrarum dispersos tentet, & tormentis, si fieri potest, ad fidem deferendam compellat.

Qualis verò tunc fuerit illa tentatio, ex Proconsule Bithyniæ Plinio juniore discimus, qui lib. 10. epist. ad Trajanum Imp. narrat, se Christianos innumeros, licet nullius sceleris compertos, supplicijs tamen afficere, quia pertinacia, & inflexibilis eorum obstinatio peccatam videbatur mereri. Additque, non tantum vrbes, sed etiam pagos & vicos in illo Asiæ tractu refertos esse Christianis omnis ætatis, generis & sexus. Unde cum tot quotidie catervæ jugularentur, ait Eusebius,

Eusebius, multitudo perterritus Proconsul Plinius coactus est consilium Romæ ab Imp. Trajano petere. Qui respondit ei, ne eos amplius conquereret, sed si ultro deferrentur, eos puniret.

II. ECCE VENIO CITÔ. Ad iudicium universale, ut reddam unicuique secundum opera sua. Animat enim ad perseverantiam in agone & temptationibus, spe coronæ, quam reddet legitimè certantibus, quando ad iudicium veniet. Citô autem veniet, quia in morte singulorum hominum, iudicium universale quodammodo inchoatur, ut alibi sæpè diximus. TENE QVOD HABES. Usque ad finem certaminis fortiter retine fidem, gratiam, & constantiam, quam à me habes, & per quam in hoc stadio pugnas. Alludit enim ad agonem & certamen Athletarum in stadio, ut ex nomine coronæ, quod statim sequitur, patet.

Ex hac phrasi, contra hæreticos nostri temporis colligitur, quod homines iusti fidem & iustitiam seculi adeptam possint amittere.

UT NEMO ACCIPIAT CORONAM TVAM. Ut nemo alijs coronam victoriæ ex præsentī fide & gratia tibi debitam rapiat, si ante finem certaminis à fide aut iustitiâ deficias. Alludit autem ad morem stadij, in quo victores appensam è loco eminentiori coronam manibus solebant arripere.

Ex hoc loco colligit S. Augustinus cap. 13. de corrup. numerum Prædestinatorum, certum & definitum esse. Si enim, inquit, alius non est accepturus coronam, nisi iste perdiderit, certus est numerus: talis enim locutio supponit alium accepturum esse, si iste defecerit. Undè si numerus lapidum vivorum, quibus Deus ab æterno cælestem Prædestinatorum civitatem construere statuit, non esset certus & determinatus, sed penderet ex fortuita determinatione liberi arbitrii, utentis aut non utentis gratiâ, quam ei Deus off. rt; posset aliquis perdere coronam, & tamen nullus ei substitui, coronamque ejus accipere: veluti etiam è contra, ille qui defecit, posset perseverare, & alius simul coronari, ac numerum Prædestinatorum augere.

Colligitur ergo, quod numerus hominum salvandorum, sit formaliter determinatus, sive, quod ad construendum & implendum illum exercitum Sanctorum, quem Sapientia Dei ab æterno constituit, tot homines debeant esse in prima, tot in secunda acie, sive tot inter Seraphinos, tot inter Cherubinos, &c. Non tamen hinc apertè colligi potest, numerum esse certum & determinatum materialiter, seu, quod talibus determinatè personis, & non alijs, Deus ante prævisa eorum merita, decreverit exercitum illum implere. Quamquam
hoc

hoc etiam, tanquam certissimum, aliundè doceat Aug. sinus.

Malè verò quidam recentiores hinc statuunt contra S. Augustinum, electionem ad gloriam factam esse post prævisa electorum merita: quia aliàs, inquit, frustra huic S. Episcopo Philadelphiz. & cuicumque electo diceretur, *Tene quod habes*, si coronæ ejus non esset ita posita in manu ipsius, ut eam posset amittere: responderet enim electus, inquit, depositam esse in manu Dei, de qua nemo alius rapere, nec electus amittere potest.

Sed verissimum est, coronam electorum positam esse in manu Dei: idè enim de ovibus electis, & earum coronis dicit Christus, *Non rapiet eas quisquam de manu mea*: Item, *Nemo potest rapere de manu patris mei*, Joan. 10. v. 28. & 29. Sed ista, *Tene quod habes* &c. dicuntur Sanctis, ait Augustinus cap. cit. quasi eos perseveraturos, haberetur incertum, nè altum sapiant, sed timeant, nec ullus se esse de numero Prædestinatorum, hic præsumat: ubi sic cavenda est elatio, inquit, ut etiam per Angelum Satanæ, ne extolleretur, tantus colaphisaretur Apostolus, 2. ad Cor. 12. v. 7. Quæ propriæ electionis ignorantia, propter tale periculū elationis, nobis admodum necessaria est, etiamsi electio post prævisa merita facta esset. Nam quomodocumque facta sit, est infallibilis; Ac proinde homines, si certò scirent, se esse de facto ad gloriam electos, etiamsi post prævisa sua merita, nimis securi, & fortasse elati essent, cum scirent, se ex libro vitæ nulla ratione delendos esse, & sic liberius peccarent, cum injuria & contemptu Creatoris.

Non colligitur ergo ex hoc loco, electionem ad gloriam, ante aut post prævisionem meritorum factam fuisse, sed nos de electione nostra incertos esse, & id nobis expedire.

Inter utramque verò sententiam solùm est ista distinctio: quod si electio facta sit post prævisa merita, ille cui dicitur, *Tene quod habes*, admonetur, ut libero arbitrio gratiam determinet: si autem electio facta est ante prævisionem meritorum, ut S. Augustinus, S. Thomas, & nostra schola docet, admonetur, ut gratiæ determinanti coope- retur.

Aliter hunc locum explicant Arethas & Estius: *Tene quod habes ut nemo accipiat coronam tuam*, id est, inquit, ut coronam tuam non amittas, etiamsi nemo alius accipiat, ut sibi retineat. Quo modo etiam dæmon diceretur accipere coronam alicujus, quem in peccatum pertraheret, destruendo, non sibi retinendo coronam ejus. Sed verba ista, *ut nemo accipiat*, &c. magis significant S. Augustini sensum, quem etiam Beda, Rychardus, Haimo & plerique sequuntur.

12. QVI VECERIT. Carnis, diaboli, mundi persecutiones instantes. FACIAM ILLUM COLUMNAM. Gratiâ robustiori firmabo illum, ut tanquam immobilis columna sit firmus per fidem, rectus per æquitatem, erectus per intentionem, sublimis per contemplationem, & alios sustentet verbo consolationis, alios suffragio orationis, alio exemplo actionis, inquit Richar. Per columnas enim propriè significantur Sancti & perfecti Ecclesiæ Prælati, qui verbo & exemplo Ecclesiam Dei sustentant, & egregie ornant: ideoque Paulus ad Gal. 2. v. 9. de Petro, Jacobo & Joanne loquens, *Qui videbantur*, inquit, *columnæ esse*. Unde hæc promissio propriè ad solos Prælatos, Pastores, & Prædicatores spectat, qui aliorum sunt sustentacula, & Ecclesiæ magnæ utilitati sunt & decori, ut ait S. Gregor. IN TEMPO DEI MEI. In Ecclesia Dei mei, quæ olim figurata fuit per templum Dei ædificatum à Salomone, cujus porticus elegantibus & pretiosis columnis sustentata fuit, licet in interioris templi ædificio nulla in Scripturis 3. Reg. 7. & 2. Paral. 7. aut alibi, sustentantium columnarum mentio fiat. Sed nomen templi, etiam porticum & atria exterioris muri ambitu comprehensa complectitur.

Sunt autem in Ecclesia quidam Prælati columnæ lapideæ per fidei firmitatem, alij columnæ æneæ per prædicationis sonitum, alij argenteæ per singularem eloquentiam, alij aureæ per sapientiam, inquit Richardus.

Christus autem vocat Deum suum propter humanitatem, quâ Deo est minor; vel certè propter arctissimam Divinæ naturæ cum humana in Christo unionem, ut existimat Arethas.

ET FORAS. Extra templum & Ecclesiam justorum. NON EGREDIETUR AMPLIUS. Per crimen & grave peccatum, quo à iustitia finali excidat: licet olim cum cæteris communi lapsu in Adamo, ut exponit Haymo, vel etiam per propriam fortè culpam actualem aliquando egressus fuerit de Ecclesia justorum. Peculiari autem assistentiâ solet Deus magnis illis Ecclesiæ columnis & infirmorum sustentaculis assistere, nè à iustitiâ finali excidant. Licet tamen etiam aliquando id fieri permiserit, ut de Tertulliano & Origene historiæ Ecclesiasticæ narrant: ut nemo certam perseverantiam sibi promittat, sed qui existimat se stare, videat ne cadat, 1. ad Cor. 10. v. 12. Ideo nec perseverantiæ donum voluit Deus sub meritum de condigno cadere, ut S. Thomas 1. 2. quæst. 114. art. 9. docet.

ET SCRIBAM SUPER EVM. Tanquam super trophæum, & columnam triumphalem, quibus inscribi solent res gestæ & tituli victoriarum,

riarum, ut patet ex columna Trajani Imp. & aliorum, quæ etiam nunc Romæ visuntur. NOMEN DEI MEI. Tanquam victoris & gloriosi in Sanctis suis: nomen enim victoris solet columnæ triumphali præcipuè inscribi. Gratia autem Dei est præcipua causa omnis victoriæ nostræ adversus carnem, mundum, diabolum, non humana nostra infirmitas. Undè soli Deo laudem & gloriam omnium trophæorum ac arcuum & columnarum triumphalium tribuere oportet, ut *qui gloriatur non in semetipso, sed in Domino gloriatur* 2. ad Cor. 10. v. 17. & *semper Deo gratias agamus, qui dat nobis victoriam per Dominum nostrum Iesum Christum* 1. ad Cor. 15. v. 57.

Beda, quem plerique sequuntur recentiorum, putat alludi ad inscriptiones duarum columnarum, quæ erectæ fuerant in porticu ante fores templi Salomonis, quæ nihil sustentabant, sed instar duorum trophæorum, mirabili opere, ex ære fusili factæ erant, quarum unam, Jachim, alteram, Booz, Salomon appellavit, nomine utroque à fortitudine deducto, ut plerique interpretes dicunt; licet LXX. Jachim *directiorem*, Booz, *fortitudinem*, vertant, 2. Paral: 3. v. ult.

ET NOMEN: Etiam scribam super eum. CIVITATIS DEI MEI. Ecclesiæ electorum, quos Deus meus per æternam prædestinationem à malsâ confusâ & damnatâ nullis ipsorum meritis in unam civitatem Dei collegit. Hinc S. Augustinus quosdam libros suos, *de Civitate Dei* inscripsit. Solet autem in columnis triumphalibus non tantum inscribi nomen victoris, sed etiam civitatis & populi ejus. NOVÆ JERUSALEM. Quæ civitas Dei est nova Jerusalem, in qua homines per gratiam novi, & novæ creaturæ habitant, *creata in Christo Iesu in operibus bonis, quæ præparavit Deus, ut ambulent in illis*, ad Ephes. 2. v. 10. *Si quæ ergo in Christo nova creatura, vetera transierunt: ecce facta sunt omnia nova*, 2. ad Cor. 5. v. 17.

Merito ergo ista vocatur nova Jerusalem, cum illa vetus & terrestis, quæ erat: figurâ novæ & cælestis, tota constaret veteribus & peccatoribus hominibus, quia lex vetus, ad cujus normam exterius vivebant, gratiam renovantem non tribuebat: *si enim per legem iustitia, ergo gratis Christus mortuus est*, ad Gal. 2. v. ult. Nec refert, quod isti homines novi in peccati vetustatem aliquando recidunt, quia in æterna Dei prædestinatione novi sunt, & in fine hujus vitæ novi ex hoc mundo exeunt.

QUÆ DESCENDIT DE CÆLO. Quæ adhuc quotidie descendit de cælo per gratiam, quæ de cælo in terram pluit, ut novos ibi homines germinet, & in unam militantem Ecclesiam collectos, post victo-

riam in cælum ad triumphum revehat. Verbum, *descendit*, hîc est præsentis temporis, ut ex Græco patet. Unde significat civitatem illam Dei novam, quotidie usque ad finem mundi de cælo descendere, & colligi. A DEO MEQ, Quia per dona gratiæ descendit, quæ *descendunt à patre luminum, apud quem non est transmutatio* &c. Jac. i. v. 17. ET NOMEN MEVM NOVVM. Et etiam scribam super eum nomen meum novum Christi, quod per incarnationem adeptus sum, cum antea tantum essem Deus & Verbum, nondum Homo.

Meritò autem præter nomen Dei Patris, nomen etiam Christi hominis super electos, tanquam columnas triumphales, inscribitur, quia non solus Deus Pater in electis suis; carnem, mundum, diabolum, vincit, sed etiam homo Christus Jesus, ex cujus Passione & merito fortitudo ista vincendi à patre luminum descendit.

Et ad hoc fortè adumbrandum, duplex in vestibulo templi Salomonis columna triumphalis erecta fuit. *Iachim. 1. fortitudo*, vel, *directio* juxta LXX. Interpretes pro triumpho Dei Patris, qui actionum nostrarum intentiones, in terram curvas & depressas, sursum in cælum dirigit: & *Booz. 1. in ipso fortitudo*, pro Christi trophæo, per quem omnis gratiæ victricis fortitudo nobis venit. Et ideo *Iachim* à dextris, *Booz* à sinistris posita erat, 2. Paral 3. v. ult. quia Pater Christo homine est major.

Nec columnas istas duas statui ante fores Ecclesiæ, tanquam figuras trophæorum gratiæ victricis novi Test. quis mirabitur, si cogites quod omnia illi populo in figura contingebant, & totum Vetus Testamentum sit perpetua allegoria novi.

Sed præcipuè victrix gratia Christi, propter quam *Verbum caro factum est*, multis modis figuranda fuit. Unde altissimo & saluberrimo Sacramento, universa facies Scripturarum benè intuentes id admonere invenitur, ait S. Augustinus cap. 98. Enchir. ut qui gloriatur, in Domino gloriatur: quia videlicet ubique facies ista Scripturarum figuris & typis gratiæ Christi victricis, & humani arbitrij infirmitatis insignita est.

14. QVI HABET AVREM &c. Juber audiri & attendi ad promissiones v. præced. *faciam illum columnam*, &c. Vide quid in simili v. 6. diximus.

Quia vero Episcopus, cujus virtutes à versu 7. huc usque recitantur, appellatur Angelus Philadelphiæ; hoc est, charitatis fraternæ; Joachim Abbas Florentis, Ord. S. Benedicti in Calabria, vaticinatur, ut narrat hîc Viegas, eo nomine designari, quemdam Ordinem in Ec-

in Ecclesia novum exoriturum, valde spiritualem, & charitatis fraternæ amantissimum, cui cætera etiam convenient, quæ de hoc Angelo Philadelphię scribit S. Joannes. Et aliud S. Vincentij ex Ordine Prædicatorum, omnino simile Vaticinium addit Viegas: ubi S. Vincentius vocat Ordinem illum, statum hominum pauperrimorum, simplicissimorum, mansuetorum, humilium, abjectorum, charitate ardentissimâ sibi conjunctorum, nihil cogitantium, aut loquentium, aut saporantium; nisi solum Jesum Christum, & hunc crucifixum, nec de hoc mundo curantium, sui que oblitum, supremam Dei & Beatorum gloriam contemplantium, & ad eam medullitus suspirantium, &c.

Et quia Joachimus ait, esse Ordinem, quem designat Jesus, non desunt, inquit Viegas, qui ad Societatem nostram pertinere arbitrentur. Alij quidam ad alios, & suos quisque ordines hæc vaticinia trahunt.

Sed si perpendantur verba prophetiæ Joachimi, & quid de eo Guido Carmelita anno 1342. & post eum Alphonsus à castro scriberet, facile videbitur, quo ista spectent, nempe ad renovationem veteris ordinis S. Benedicti, potius quàm ad novum aliquem, in Ecclesia hæctenus inusitatum. Distinguit enim Joachimus tres mundi status: primus ab Adamo usque ad Christum, quo homines secundum carnem vivebant: secundus à Christo usque ad S. Benedictum quo homines medio modo inquit, inter spiritum & carnem vixerunt. Tertiùs à S. Benedicto, (qui circa annum Christi 494. vitæ monasticæ fundamenta jacere cœpit) usque ad mundi finem, quo tempore homines perfectè, secundum Dei Spiritum, sunt victuri. Sed perfecta ista spiritualitas non statim cum S. Benedicto, sed tempore Joachimi, anno Christi 1260. incipere debebat, & ordo Clericorum in Ecclesia desinere. Primum enim statum ab Adamo usque ad Christum, Joachimus statum Conjugatorum, à Christo ad S. Benedictum statum Clericorum, à S. Benedicto ad finem mundi, statum Monachorum appellabat.

Sed cum quidam Petrus Joannis ex Ordine Franciscanorum vidisset, ordinem Clericorum in Ecclesia non defecisse, anno 1260. juxta vaticinium Joachimi, vaticinatus est & ipse, defecturum saltem anno 1300. & tempora aliter dimetiens, dixit, statum Clericorum debere extendi à Christo, non solum usque ad S. Benedictum, sed usque ad S. Franciscum. Vitam autem spiritualemente reformandam, & Evangelium spiritualiter prædicandum esse, non per Monachos Benedictinos, sed per fratres sui Ordinis.

Duo autem isti, Joachimus & Petrus Joannis, à Guidone & Alphonso à Castro gravissimi erroris & hæresis redarguntur, quod dixerint, secundum illum statum à Christo usque ad S. Benedictum aut Franciscum, fuisse minus spirituales, quam statum sequentem Monachorum, quandoquidem sub secundo illo statu tempora Apostolorum & SS. Patrum comprehendantur. Deinde, quod dixerint, Ordinem Clericorum in Ecclesia extinguendum esse, & regimen Ecclesiæ ad Monachos suorum Ordinum devolvendum esse, cum ad Ordinem Clericorum ex officio pertineat Sacramenta Ministrare, non ad Monachos, aut Fratres Minores, inquit Guido. Nam Christus Apostolis, & in eis Episcopis & Sacerdotibus dixit, *Euntes docete omnes gentes*, &c.

Et de Joachimo generaliter, licet quidam virum pium & sanctum fuisse narrent, Alphonfus à Castro tamen lib. adversus hæreses, hominem levem, & vanæ gloriæ cupidum vocat, quia ut se futurorum præcium ostenderet, inquit, in omnibus ferme libris suis solet miscere prognostica, quod maximæ levitatis & gloriæ cupiditatis est indicium, præsertim cum postea res aliter se habuerint, quam prædixisset. Petrus Joannis verò pro Apostata & hæretico habitus fuit.

14. ET ANGELO LAODICIÆ ECCLESIÆ SCRIBE. Laodiciam inter celeberrimas eo tempore Phrygiæ majoris urbes fuisse ex Strabone diximus Apoc. 1. v. 11. Quis fuerit verò hic illius urbis Episcopus, cujus tepor & vitia hæc accusantur, est incertum. HÆC DICIT AMEN. Veritas æterna & Deus ipse. Nam *Amen*, quando est nomen, ut hic, hebraicè *veritatem* aut *fidelitatem* significat: quando verò adverbialiter, sicut plerumque solet, accipitur idem est ac, *verè*, vel, *fideliter*. TESTIS FIDELIS. Qui fideliter hominibus omnia communicat, quæ communicanda habuit à patre suo: Ego quod vidi apud patrem meum, loquer, Joan. 8. v. 38. ET VERUS. Imo ipsa veritas, quæ nec falli, nec fallere potest. Per duas istas voces, *fidelis*, & *verus*, explicatur, quid hebraicum *Amen* significet.

Dat autem sibi Christus istos titulos, ut Episcopus ille intelligat, verissima esse, quæ mox ei dicturus est.

QUI EST PRINCIPIUM. Qui ut Deus est causa efficiens prima & exemplaris, tanquam Verbum Patris. CREATURÆ DEI. Quam Deus in Principio creavit: & insuper ut homo, est principium novæ creaturæ, quam Deus ex merito Verbi incarnati recreavit. Homo enim per gratiam Christi ad justitiam renovatus, vocatur sæpè nova creatura, ut 2. ad Cor. 5. v. 17. ad Galat. 6. v. 15, &c.

Hoc

Hoc autem Christus de se jam prædicat, ut Episcopus ille iustitiæ vacuus, sciret, unde eam deberet petere: sicut enim sine Christo, inquit Richardus, nemo potest habere originem existentiae, ita nemo potest sine ipso habere initium iustitiæ, nam ab eodem est esse, & bonum esse.

15. SCIO OPERA TVA. Mala, quæ mihi displicent, unde scire hic sumitur, ut supra v. 1. pro simplici, non autem approbationis notitia. QVIA NEQUE FRIGIDVS ES. Quod neque frigore manifestorum criminum appareat in te extincta omnis charitas & pietas. NEQUE CALIDVS. Græcè, *neque fervidus*. Neque igne charitatis fervidus & ebulliens. Neutrum enim in illo Episcopo apparebat, nec frigus impietatis, per grandia & visibilia peccata, nec charitatis calor per fervorem, quo sursum ebulliret. Revera tamen interius frigidus erat, quia miser, miserabilis, pauper, cæcus, & nudus erat, ut v. 17. mox dicebat, ac proinde omni charitatis internæ calore destitutus. UTINAM FRIGIDVS ESSES. Vellem potius apertè malus & criminofus esses. Sæpè enim facilius convertuntur, qui in turpe aliquod & apertum flagitium cadere sinuntur. Unde illud celebre dictum Augustini lib. 14. cap. 13. Civit. *Audeo dicere; superbis esse utile, cadere in aliquod apertum manifestumque peccatum, unde sibi displiceant; qui iam sibi placendo ceciderant; salubrius enim Petrus sibi displicuit quando flevit, quam sibi placuit, quando præsumpsit*. Et Cassianus alicubi notat, & dicit: *Frequenter vidimus de frigidis & carnalibus ad spiritualem pervenisse fervorem, de tepidis & animalibus omnino non vidimus*. Unde etsi absolute optare lapsum alterius in peccatum, sit illicitum, licet tamen comparative minus malum, majore malo alicui præoptare, quia sic minus malum induit rationem alicujus boni. Hinc Medicus sapiens in remedium majoris morbi, permittit infirmum in morbum leviozem cadere, ait S. Th. 2. 2. q. 162. a. 6. ad 3. Deinde permissio peccati alterius non est mala, cum Deus eam velit ad gloriam suam, aut etiam ad bonum ipsius peccatoris. Unde homo etiam illam permissionem optare potest, modo non sibi placeat in peccato. AVT CALIDVS. Fervens igne divinæ Charitatis, quod est per se optabile, & propter quod frigus præfertur tepori, ut citius per frigoris quasi antiperistasin ad calorem salutarem perveniatur.

16. SED QVIA TEPIDVS ES. Medius inter apertè bonum, & apertè malum. Socors enim & languidus inter utrumque apparebat ille Episcopus, multa interim peccata occultè per ignorantiam, vel ignaviam, vel etiam hypocrisin committens. Unde peccata multa sic

sic multiplicata majus malum erant, quàm unum aut alterum grandius & infame, quo ad resipiscentiam & fervorem fortè excitaretur.

Sicuti autem in aqua tepida modicus calor modico frigori permiscetur; ita tales peccatores socordes & remissi, per fidem mortuam, aliqua languida opera, quæ exterius videntur bona, permiscunt vitijs suis, quæ ignorant, aut per hypocrisis tegunt; ideoque magna & insignia non apparent.

ET NEC FRIGIDVS NEC CALIDVS. *Nec caro nec piscis*, ut vulgari adagio dici solet. Explicat, quid vocet esse tepidum, qui nempe nec frigore horret, nec calore fervet, sed ex utroque extremo quasi remissè compositus, quantùm ad opera ejus externa spectat. **INCIPIAM TE EVOMERE.** Qui enim ad vomitum sollicitantur, prius aliquam stomachi convulsionem patiuntur, quâ cibum aut potum naseant, & per ructus evomere incipiunt aut tentant. Græcè tamen, *futurus sum te evomere*. Sed verbum græcum sæpè sumitur pro eo, quod mox futurum est, & jam quasi incipit fieri, ut patet Joan. 4. v. 47. ubi pro, *incipiebat mori*, Græcus habet, *futurus erat mori*, scilicet jam jam. Unde Erasmus vertit *agebat animam*. **EX ORE MEO.** Erat ergo Episcopus ille aliquo modo, per fidem saltem informem, in Christo, ex cujus stomacho & ore poterat evomi.

Alludit autem S. Joannes ad aquæ tepidæ proprietatem, quæ resolvendo stomachum provocat nauseam & vomitum, cum impensè frigida vel fervida illum juvent, & bene afficiant; frigida quidem stomachum contrahendo, ut cibum arctius & melius complectatur; fervida autem coquendo cum ipso cibum, & calorem ejus naturalem intendendo.

Peccator autem tepidus, & fide mortuâ tantum fidelis, evomitur ex ore Christi, quando per sententiam damnationis separatur in perpetuum à Christi corpore, & omni fide supernaturali exutus, in tenebras exteriores, tanquam vomitus & res execrabilis projicitur. Crudus enim & indigestus est, nec idoneus, ut glutino dilectionis transeat in membrum Christi.

17. **QUIA DICIS.** In corde tuo, & coram hominibus etiam iactas, **QVOD DIVES SVM.** Particula, *quod*, superflua hæc est per Pleonasmum Hebræis familiarem. Divitem autem se dicit, donis naturæ, ut ingenio, eloquentiâ, alijsque acquisitis, ut scientiâ, prudentiâ, episcopali dignitate, &c. **ET LOCUPLETA RV.** Et donis supernaturalibus insulis affluenter locupletatus. Vel ceruè bis idem dicit per exaggerationem, *Dives sum & locupletatus sum*, ut sublimius rerum quantitas attolle-

attollatur, inquit Richardus. Arethas tamen, & quidam alij, has divitias ad bonorum temporalium abundantiam referunt, quasi nimis opes semen Verbi Dei in ipso suffocassent, & Spiritum Dei extinxissent. ET NULLIVS EGEO. Quod necessarium mihi sit ad vitam hanc beatam. Talibus enim bonis, in quibus perfecta salus minimè consistit apud se extollebatur, ait Richardus, & coram hominibus gloriabatur. ET NESCIS. Typho superbix & complacenti tui excusatus. QVIA TU ES MISER In te ipso, ET MISERABILIS. Alijs qui tuam miseriam oculis spiritualibus vident, quam tu ignoras. Viri enim spirituales, qui in luce divinæ veritatis, non in fumo vanitatis omnia aspiciunt, talium præsulum in divitijs, & honoribus suis, aut naturæ vel gratiæ donis sibi complacentium & superbientium miseriam facile vident, Deumque, ut aperiant ipsis oculos, orant.

Ambrosius, Beda, Haymo, existimant hunc Episcopum fuisse in errore hæreticorum, qui credunt, solam fidem, sine charitate & operibus, ad salutem sufficere.

ET PAUPER. Verarum divitiarum inops, qui eum charitate & Dei amicitia caret etiamsi cætera omnia possideat, pauperrimus est. ET CÆCVS. Cæcitate spirituali, quæ res divinas & quid tibi ad veram felicitatem expediat, non vides, nec intelligis. Itaque oculos non stibio fallacis jactantiæ, sed divinæ scientiæ collyrio perunge inquit Beda. ET NUDVS. Justitiæ, & bonorum operum vestimento exutus.

Breviter ergo iste Episcopus miser erat & miserabilis apparebat, quia virtute charitatis, cognitione veritatis amictu boni operis amissus, pauper, cæcus, & nudus remanserat, inquit Richardus.

18. SVADEO TIBI. Suadere se dicit, quod tamen Deus præcipit, ut doceat, quomodo Prælati & superiores molli suavitate & bonitate potius, quàm aspera iussione debeant subditos suos ad observantiam mandatorum Dei inflectere. EMERE A ME. Nempe pretio orationis, elemosinæ, pœnitentiæ, & mortificationis: hoc enim est emere absque argento, & absque ulla commutatione, ut loquitur Isaïas, cap. 55. v. 1. Dicit a me, quia in Christo sunt omnes spirituales divitiæ, & thesauri scientiæ, & sapientiæ absconditi, ad Coloss. 2. v. 3. AVRVM IGNITVM PROBATVM. Græcè, aurum ignitum ex igne. Charitatem, quæ est instar auri probati, & purificati igne, quando ex fornace extrahitur: sicut enim tale aurum præstantissimum & ditissimum omnium metallorum est, ita charitas inter omnes virtutes tenet principatum. UT LOCUPLES FIAS. Veræ enim divitiæ spirituales

tualis consistunt in auro illo purissimo charitatis Dei & proximi: quasi careas, licet cætera omnia ad sint, pauper manes.

Quia dixerat antea, eum esse pauperem, etsi id nesciret, jam docet modum, quâ ratione verè dives fieri possit. Emitur autem à peccatore prima charitas sanctificans & ditans, non merito de condigno, sed merito quodam de congruo, per dispositiones orationis & bonorum operum præcedentes, quæ tamen & ipsæ sunt dona Dei. Quidam tamen dicunt, charitatem emi per meritum de condigno, sed non nostrum, verum Christi, qui nobis eam pretio Sanguinis sui ex iustitia promeritus est, juxta illud, Empti enim estis pretio magno 1. ad Cor. 6. v. ult.

ET VESTIMENTIS ALBIS INDUARIS. Bonis operibus, quæ sunt, vestimenta alba & candida Sanctorum. *Induite vos, sicuti electi Dei, sancti, & dilecti, viscera misericordie, benignitatem, humilitatem, modestiam, &c.* ad Coloss. 3. v. 12. Candor autem iste provenit à fulgore auri charitatis, quæ nisi in opera bona subintret & ex ipsa fiant, non cadent, neque grata sunt oculis Dei, sed tenebrosa omnia & plena nigredine peccatorum, ut lib. 4. cap. 3. cont. Jul. S. August. loquitur, unde sapiens monet, *omni tempore sint vestimenta tua candida.* Eccles. 9. vers. 8.

Multi etiam interpretes putant alludi ad vestimenta alba candidatorum qui imbibant Magistratus apud Romanos: quasi Sancti per candidam ex auro & filis aliarum virtutum contextam vestem, sint in hoc mundo candidati regni caelorum.

ET NON APPAREAT, in oculis Dei & Sanctorum. CONFUSIO NUDITATIS TÆ. Turpitudine nuditatis, qua vestimento candido charitatis & iustitiæ exutus es. In spiritualis enim vitæ conversatione non est illa varietas vestium ut una sit nigra, alia viridis, &c. sed vestis bonorum, & charitate lucentium operum candida est unica vestis, cæteræ non vestiunt animam, nec fovent, ideoque nuditas potius, quàm vestimenta sunt. Quia igitur antea dixerat, eum esse nudum docet jam, quibus vestimentis indui debeat, ut nuditas ejus tegatur. ET COLLYRIO INVNGE OCVLOS TVOS. Dixerat etiam eum cæcum esse, nunc remedium cæcitatis præscribit collyrium, quod est medicamentum humores oculorum educens, & lippitudines siccans, caliginis & albugines discutens, cujus varios componendi modos docet Galenus, lib. 4. de compositione medicamentorum.

Collyrium hoc spirituale est *Præceptum Domini illuminans oculos*, Psal. 18. *sive Sacra Scriptura, cujus lectione & scrutatione, velut inunctione quadam*

quadam, ut Beda, Richardus, alijque interpretantur, oculus animæ, siue intellectus conficitur, & cognitione sui illuminatur, cum fluxu humorum & lacrymarum, quibus pœnitentia peragitur, & perfecta peccatoris sanitas recuperatur. Amaritudo enim pœnitentiæ, ait Richardus, per compunctionem clarificat sensus cordis, sicut collyrium, per effusionem lacrymarum, oculos carnis. Collyrium enim amaritudine & acrimoniâ quâdam carnem mordet, sicut pœnitentia animam compungit.

Alij per collyrium intelligunt tribulationes, quas Deus peccatoribus, & cæcitate laborantibus immittit, quæ si patienter tolerantur, & ijs, tanquam collyrio, oculi cordis inungantur divina gratia eos sanat, ut & miseriam sui status videre, & ad Deum respicere valeant. Quæ interpretatio cum versu sequenti satis aptè cohæret.

UT VIDEAS. Non dicit, ut potentiam videndi recipias, sed ut eam antea impeditam in actum videndi exeras. Non erat ergo propria & perfecta cæcitas, nec collyria talem cæcitatem, quâ facultas ipsa videndi amissa est, sanare possunt, sed tantum caligines & humores discutere, qui officium videndi impediabant quibus proinde collyrijs aptissimè comparatur, declaratio Sermonum Dei, intellectum dans parvulis, Psal. 118. quæ potentiam intelligendi non reddit, quæ amitti non potest, sed superbix fulgines, fumosque tantum dissipat, & terrenarum rerum, quæ intellectum offuscant, exundantes amorum humores detergit.

19. EGO QVOS AMO. Electos meos, quibus æterna bona volo. Amare enim aliquem, est bonum ei velle, ut Aristoteles definit. ARGVO. Occultè per internas reprehensiones, vel palam per Pastores meos & prædicatores.

Ne Episcopus ille desperaret, & gravem illam reprehensionem, quâ eum miserum & miserabilem, &c. & evomiturum ex ore suo dixerat, putaret esse certum signum reprobationis, eum jam consolatur & erigit.

ET CASTIGO. Doloribus & verberibus, quando verba non prosunt. Verbum Græcum propriè significat castigationem, quâ pœnitentiæ Parentibus, aut Pædagogis, non ex odio, sed ex amore, ad disciplinam & formandos mores castigantur. Nec semper propter peccata præterita, electos, quos amat, castigat Deus, sed aliquando propter virtutum custodiam, sicut Paulum per Angelum satanæ colaphisabat: vel ad exercitium, & incrementum virtutum ut Jobum & Tobiam, inquit Haymo; reprobos verò, ait, tanquam virgulos occisioni destinatos

stinatos, liberius in pascuis saginari permittit. Aliquando tamen etiam duplici contritione, & hujus, & futuræ vitæ malis eos contemnit, ut appareat esse providentiam in cælis, quæ peccatores impunitos esse non sinit.

ÆMULARE ERGO. Græce, *zelare*. Zelum & emulationem adversus languorem & vitia tua arripere: irascere tibi ipsi, & torporem excutere. **ET PÆNITENTIAM AGE.** Peccata enim jam sua, miseriam & paupertatem Christus ei detexerat, quæ antea ignorabat, cum diceret se divitem esse, & nullius indigere.

20. ECCE STO AD OSTIUM. Cordis tui, unde me per peccatum exclusisti. **ET PULSO.** Per illuminationem & gratiam prævenientem, qua peccatores ad pœnitentiam excito: ut proinde spem bonam pœnitentiæ & reditus ad justitiam concipere possis; Deus enim est, qui debet dare pœnitentiam, 2. ad Tim. 2. v. 25. **SI QVIS AUDIERIT VOCEM MEAM.** Pulsantis & vocantis per internas illuminationes, vel externas ministrorum meorum admonitiones. Pulsando enim loquitur Christus, quando fortius instat, ut ei aperiatur: unde sponsa, *Vox dilecti mei pulsantis, aperi mihi soror mea*, &c. Cant. 5. v. 2. Notanda particula, *si quis*, ait Richardus, quia pauci sunt, qui obedienter vocem pulsantis audiunt, & ostium cordis sui aperiunt. **ET APERVERIT MIHI IANUAM.** Cordis sui per obedientiam voluntatis, quâ consensuat vocationi & illuminationi intellectus: atque ita pectus ostij, & impedimenta removeat, quæ dilecti ingressum morabantur. Unde iterum sponsa, *Pectus ostij mei aperui dilecto meo*, &c. Cant. 5. v. 6. **INTRABO AD ILLUM.** Per gratiæ sanctificantis infusionem, quâ Christus, & Pater, & Spiritus S. animam Iusti intrant & inhabitant: *ad eum veniemus, & mansionem apud eum faciemus*, Ioan. 14. v. 23. **ET CŒNABO CUM ILLO.** Non tantum ero immemor injuriæ, quâ ex habitaculo cordis sui per peccatum me eiecerat; sed etiam delectabor in ejus præsentia, & bonis ipsius, tanquam jucundissimâ cœnâ, ac epulo gaudebo. **ET IPSE ME CUM.** Per pacem cordis, per spiritualia gaudia, cogitationes, & refectiones sanctas, quæ justificationem peccatoris, & operationes novæ creaturæ comitari solent: nam *secura mens, quasi iuge convivium*, Prov. 15. v. 15. *Vox exultationis & salutis in tabernaculis Iustorum*, Psalm. 117. *Quam dulcia faucibus meis eloquia tua, super mel ori meo*, Psalm. 118.

Richardus tamen cœnam istam cum Christo, non in terris, sed in cælo, perfici intelligit, juxta illud, *Beati, qui ad cœnam nuptiarum Agni vocati sunt*, Apoc. 19. v. 9. In hac enim vita Iusti per fidem, spem, charita-

charitatem, quali levi prandio se reficiunt, post vitæ autem vesperam, cœnam plenam per beatitudinem in cælo celebrant. Solent enim Antiqui in meridie singuli & seorsim leviter prandere, refectionem verò plenam cum alijs in cœnam differre: nam, cœna, græco idiomate, commune, & cum multis simul accumbentibus, epulum significat.

21, QVI VICERIT. Tres illos juratos hostes, carnem, mundum, & diabolum, qui perpetuò exercent electos. DABO EI SEDERE MECUM, tanquam regni mei consortem. IN THRONO MEO. In cælesti meo folio, Cælum enim sedes mea, Isa. 66. v. 1. *Nos confedere fecit in cælestibus in Christo IESV*, ad Ephes. 2. v. 6.

Thronus auctoritatem, & potestatem Christi regiam significat, cuius participes erunt omnes electi in cælis. Unde non promittit hæc æqualitatem confessus, sed similitudinem. Nam licet omnes victores mundi sint futuri Reges in cælo; Christus tamen Rex est, in cujus semore scriptum est, *Rex regum, & Dominus dominantium*, Apoc. 19. v. 16.

Multi hæc referunt ad concessum judiciale super sedes duodecim, ad judicandum duodecim tribus Israël, Matth. 19. v. 28. Sed Christus hæc non loquitur de concessu in nubibus ad judicandum, sed de concessu, quali jam Christus sedet ad dexteram Patris in cælo, ut mox patebit. Deinde, sedere ad judicandum duodecim tribus Israël, non est omnium electorum & vincendum mundum, sed quorundam peculiarium, qui reliquerunt omnia, ut Apostoli, & secuti sunt Christum.

Græcè verbotenus, *Vincens dabo ei sedere mecum*, &c. quæ locutio tam secundum latinam, quàm græcam phrasin, solecismus est; sed de solecismi minima est Ecclesiæ cura, inquit Arethas.

SICUT ET EGO VICI. Externos hostes, diabolum & mundum: nam internum hostem, fomitem carnis non habuit Christus. ET SEDERE CUM PATRE MEO. Et quidem à dextris ejus, ne propter humanæ carnis indumentum viderer ei esse inæqualis. IN THRONO EIVS. Idem enim est Patris, & Filij, & Spiritus Sancti Thronus. Sedent ergo Electi in throno SS. Trinitatis, si in Christi throno sedèant, sed tamen infra Christum, tanquam membra corporis, cuius ipse est caput.

22. QVI HABET AVTEM, &c. Jubet audire, quæ jam dixit de victoria, & victoriæ præmio, ut Episcopum istum spe animet, & torporem ei excutiat: atque ita septem epistolarum ad septem Episcopos dictationem absolvit; quorum duo, Smyrnæ & Philadelphię, sine ulla

reprehensione laudantur; duo alij, Sardis & Laodiceæ, sine ulla laude reprehenduntur: tres reliqui, Ephesi, Pergami, & Thyatiræ, laudem suam reprehensioni permixtam habent.

CAPVT IV.

SYNOPSIS CAPITIS.

Post descriptam primam visionem cap. 1. & dictas duobus sequentibus capitibus Epistolas septem, quibus Episcopi Asia, & in ipsis tota Ecclesia informatur, secundam visionem principalem jam incipit describere. Videt ostium apertum in celo, Deum sedentem, & resurgentem in throno, seniores 24. circa ipsum, de throno procedentes voces, fulgura & tonitrua. Videt etiam quatuor animalia plena oculis, quæ describit, & simul laudes quas dabant sedenti super thronum.

AD hoc cap. usque ad finem Apocalypsis, omnia longè obscuriora sunt, quàm in tribus primis capitibus. Imò hic liber est mirabiliter, & super omnes Prophetarum libros difficilis, inquit Carthusianus. Unde nemo eum perfectè intelligit, quia literalis sensus non per voces, sed per res, figuras, & similitudines exprimitur. Unde Interpretes longissimè à se invicem discedunt, & omnes interpretationes, ait idem Carthus. infra certitudinem sunt.

V. I. POST HÆC. Post primam visionem tribus primis capitibus descriptam. VIDI. Visione imaginariâ, quâ corporales quædam species imaginationi objectæ sunt, sub quibus mysteria futurorum temporum Ecclesiæ militantis latebant, quæ S. Ioannes intelligebat, nobis autem abscondita sunt, nisi quantum per conjecturas, & SS. Patrum expositiones possumus attingere. ET ECCE OSTIUM APERTUM. Apparuit mihi esse apertum. IN CÆLO. Ut possem introspicere aliqua abscondita, quæ in cælo latent, quando ostium clausum est. Similis ferè fuit visio Ezechiëlis, *Aperti sunt celi & vidi visiones Dei, Ezech. 1. v. 1.*

ET VOX PRIMA, QUAM AUDIVI. Et ecce vox illa, quam primò audiveram, Apoc. 1. v. 10. visa est insonare auribus meis, TANQUAM

TVBÆ

TVÆ LOQVENTIS MECVM. Magna & clara instar clangoris tubæ; sono tamen articulado me alloquens. Non enim ore tubæ, sed Angeli, clamor ille edebatur. Ideò autem Angelus sic vociferatur, ut de rebus magnis & admirandis loqui se velle significet, & auditorem magis attentum faciat. **DICENS, ASCENDE HVC.** In cælum, non gressu corporali, sed motu & aspectu spiritali: quò etiam indicatur, valde abdita esse, & in cælo tantùm cognita mysteria, quæ vult ei pandere. **ET OSTENDAM TIBI.** Sub imagine rerum corporearum, quarum significationes intellectu percipies. **QVÆ OPORTET.** Quia prædestinata sunt à Deo, vel præcognita per scientiam visionis immutabilem. **FIERI.** In Ecclesia militante. **POST HÆC.** Futuris temporibus, usque ad adventum Anti-christi, & finem mundi.

Multi olim textus latini particulam, *cito*, huc transtulerunt ex simili loco Apoc. 1. v. 1. sed non benè; & ideò Romani correctores eam expunxerunt.

Quia autem illa, quæ hic S. Joanni in cælo ostenduntur, ad Ecclesiam militantem pertinent, & in ipsa gerenda sunt; plerique sub nomine, *cæli*, Ecclesiam militantem mysticè intelligunt, quæ licèt adhuc versetur corpore in terris, spiritu tamen per fidem, spem & charitatem, à rebus terrenis in altum erecta, conversationem habet in cælis, ad Philip. 3. v. 20.

2. **ET STATIM FUI IN SPIRITU.** Per extasim supra sensus, & animam sensitivam in apicem spiritus sublevatus, ut non tantùm corporeo phantasmate, sed etiam intellectu imagines cernerem, & simul ad intelligentiam mysteriorum, quæ velabantur, penetrarem. **ET ECCE SEDES POSITA ERAT IN CÆLO.** Subitò oculis spiritus mei apparuit in cælo sedes, & solium regium. **ET SVPER SEDEM SEDENS.** Nec sedes ista vacua erat, sed super eam regia quædam majestas sedebat, quàm multi Christum intelligunt; sed verius, quod Carthus. & alij, fuisse imaginem Dei Patris, aut Dei in essentia unius & in personis trini. Nam postea Apocal. 5. v. 7. *Agnus occisus*, id est, Christus, accipit librum de dextera sedentis in throno. Unde apertè colligitur, eum qui sedet, alium esse ab Agno.

3. **ET QUI SEDEBAT.** Deus unus & trinus, *qui sedet super gyrum terræ, & habitatores eius sunt quasi locustæ*, Isa. 40. v. 22. Quia enim per suæ Divinitatis majestatem & potentiam supra omnes creaturas eminet, dicitur in cælo sedere, & terræ gyrum infra se despicere, & homines quasi locustas, vel, ut alij vertunt, quasi cicadas, & minutissima animalcula super terram salientia, contemplari, & superbiam eorum irridere.

irridere. SIMILIS ERAT ASPECTUI LAPIDIS IASPIDIS. Colori & speciei, qua aspicitur lapis pretiosus sive gemma Iaspis. Viret autem, & sæpè translicet jaspis. Alibi tamen glauci aut aërii coloris reperitur, ut narrat Plinius lib. 37. cap. 8. ET SARDINIS. Sardium, aut sardinum, lapidem rubro & ardenti colore insignem, nec aliam gemmam apud Antiquos usu frequentiore, ait Plinius lib. 37. cap. 7. Nomen habet, quia Sardibus civitate Lydiæ primum reperta.

Cùm autem duæ istæ gemmæ sint tam diversi coloris, media pars Dei sedentis in throno videtur similitudinem unius, altera alterius habuisse, sicut Ezech. 1. v. 27. & Ezech. 8. v. 2. pars inferior à lumbis deorsum apparuit ignea, superior coloris electri. Hinc igitur etiam pars superior à capite usque ad lumbos colore jaspidis virentis, inferior à lumbis usque ad pedes Sardij ardentis & fulgore videtur tincta fuisse. Græca autem phrasis clarior, *Similis erat aspectu lapidis iaspidis & sardino.*

Quid autem in Dei imagine diversitas ista colorum significet, hoc opus, hic labor est intelligere. Nihil probabilius videtur, quàm quod dicit Richardus, colorem virentis jaspidis in parte superiori, amœnissimam, & semper virentem beatam æternitatem electis promissam, & dandam in celo: ardorem verò Sardij in parte inferiori, ignem æternum reproborum significare. Sic enim fermè Apoc. 1. v. 15. pedes Christi, quibus inimicos suos calcatur, dicuntur similes aurichalco in camino ardenti. Itaque Dei Majestas superne amabilissima est propter benignitatem, quâ arridet electis; inferne terribilissima, propter indignationem, quâ irascitur reprobis.

Beda & Tichonius duplici illo colore, duo generalia Dei Iudicia, unum per aquam, alterum per ignem, significari putant: color enim jaspidis ferè glaucus & aqueus est, Sardij igneus.

Ambrosialter, & alij, qui non Deum trinum, sed solum Christum sedere faciunt in illo throno, per colorem subviridem & cælestem Iaspidis, Divinitatem Christi, per ruborem Sardij Humanitatem sanguine suo rubricatam volunt designari.

ET IRIS ERAT IN CIRCVITV SEDIS. Et arcus cælestis varius, & multicolor magno gyro circuibat sedem divinæ Majestatis. SIMILIS VISIONI SMARAGDINÆ. Aspectui seu colori Smaragdi. Nomen enim græcum, quod paulò antè vertit, *aspectui*, jam vertit, *visioni*, per metonymiam scilicet exprimendo objectum nomine actus, qui circa ipsum versatur.

Arcus autem iste nihil probabilius videtur significare, quàm Dei misericordiam & benignitatem, quâ attingit à fine usque ad finem fortiter,
 & dispo-

& disponit omnia suaviter, Sap. 8. v. 1. in cælum summâ arcus curvaturâ quasi assurgens & imis cornibus terram tangens. Deinde iris est signum pacis & benevolentiae inter Deum & homines: *Arcum meum ponam in nubibus, & erit signum fœderis inter me & inter terram*, Gen. 9. v. 13.

Idco etiam iris ista dicitur fuisse similis visioni Smaragdinae, id est, extraordinario & jucundissimo virore admirabilis, qualis est viror geminae Smaragdi, quo nullam visu esse jucundiorẽ, & implere, non satiare visum, lib. 37. c. 5. scribit Plinius: ita enim viret, ut aërem circa se virore inficiat. Unde nullâ fermè similitudine misericordia Dei hominibus amœnissima, & jucundissima aptius repræsentari potest.

Quia verò solius viroris Smaragdini S. Joannes meminit; Alcazar iridem illam unicolorem, & totam viridem fuisse existimat. Sed verius est, multicolorem fuisse, qualis esse solet, quæ tempore pluvio, ut Poëta canit,

Mille trahit varios adverso sole colores.

Hæc enim colorum varietas aptior est, ad depingendam multiplicium beneficiorum varietatem, quæ Deus in Orbem, & quasi in circuitu sedis suæ, per omnes creaturas dispergit.

Et sicut color viridis in iride inter puniceum in summo & purpureum in imo arcu medius est, & utrumque attingit; ita misericordia & benignitas Dei, tam in cælo, quàm in terra, tam in magnis & illustribus, quàm in infimis & obscuris ejus operibus maximopere elucet. Et hæc forte est ratio, quare tantum Smaragdini viroris in ista iride, non aliorum colorum S. Joannes meminerit. Quia cum in vulgaribus, quæ à sole depinguntur iridibus, color puniceus sit omnium maximè conspicuus; in hac tamen, quam circa thronum Dei vidit, viror quidam extraordinarius, admirabilis & jucundissimus præcipue eminebat, quia *suavis Dominus universis, & miserationes ejus super omnia opera ejus*, Psal. 144.

4. ET IN CIRCVTV SEDIS. Extra tamen gyrum iridis, quæ propinquis istam Dei sedem ambiebat. SEDILIA VIGINTI QVATVOR. Per quæ significatur sublimitas meritorum in quibus tanquam sedilibus, sancti illi seniores conquiescunt. ET SVPER THRONOS. Non aliud sunt throni & sedilia, sed vocem græcam *ῥόνοι*, nunc retinet interpret, nunc, *sedilia*, vel *sedes* vertit. VIGINTI QVATVOR SENIORES SEDENTES. Duodecim ex Veteri, & totidem ex novo Testam. eminentiores Sancti meritis cani, & multa prole spiritali sæcundi. Fuerunt ergo instar XII. Patriarcharum veteris, & XII. Apostolorum novi Testamenti.

Plures tamen sunt, quam duodecim ex utroque Testamento qui

L

circa

circa thronum Dei in cælo sedent, sicuti plures erunt, quam duodecim Apostoli sedentes in nubibus super sedes duodecim, judicantes duodecim tribus Israël, Matth. 19. v. 28. Sed numerus duodenarius est numerus universitatis omnium, qui à quatuor mundi partibus per fidem SS. Trinitatis ad cælum vocantur, & circa thronum Dei sedent, ut S. Augustinus interpretatur. Si enim quatuor in tria ducantur, exurgent duodecim. Omnes igitur Seniores, & illustriores SS. Patres, qui ab Ortus, Occasu, Septentrione, Meridie, in Fide Trinitatis per dilectionem operante, & plurimos Christo filios generante, circa thronum Dei sedebunt, ad numerum istorum duodecim ex veteri, & duodecim ex novo Testam. pertinent. Quidam existimant, alludi ad viginti quatuor vices, seu familias sacerdotum, quas instituit David, 1. Paralip. 24. ut ordine & vice suâ in templo ministrarent. Sed cum istæ Sacerdotum vices sub Summo Pontifice ministrarent, minorum potius Sanctorum imaginem repræsentabant, quam summorum illorum Sanctorum & Seniorum, qui circa thronum Dei proximè sedent, ut advertit Carthusianus.

In Concilio Basileensi sessione 23. statutum est, ut ad horum viginti quatuor Seniorum imitationem, Cardinales, qui Summi Pontificis sedem circumstant in terris, sicut illi Seniores sedem Dei in cælis, non nisi viginti quatuor in universum eligerentur, ne superflua numerositate, ut Concilium loquitur, ordo ille vilesceret: & tantum viri senili prudentiâ, doctrinâ, pietate graves assumerentur, super quos, tanquam cardines, ostia universalis Ecclesiæ verterentur.

Sed id non servatur, & tot hodie Cardinales eliguntur, quot placet Summo Pontifici, & Ecclesiæ negotia videntur requirere. Negant tamen plerique, decens esse, ut numerum LXXII. Ch. isti discipulorum excedant.

CIRCUMMICTI VESTIMENTIS ALBIS. Confectis ex bonorum operum textura, quæ amiciunt animam, sicut vestimentum corpus. Candida autem sunt, quia suffunditur ipsis lux ex igne charitatis, sine qua illa bonorum operum textura candescere, & Deo placere non potest, ut Apoc. 3. v. 18. diximus. **ET IN CAPITIBUS EORUM.** Tanquam regnantium cum Deo & Christo, ac simul tanquam victorum in hujus mortalis vitæ luctis & certaminibus. Solent enim victores coronari in Athletarum certaminibus, in capitibus autem adest, in mente & opice spiritus coronantur isti Seniores, quia mente videtur & amatur Deus; sæpe enim capitis nomine mens solet intelligi, inquit Beda. **CORONÆ AVREÆ.** Non laureæ, myrthæ, oleaginæ, &c. ut olim

olim in Græcorum certaminibus, sed ex nobilissimo auri metallo, propter excellentiam præmij cælestis, quale nec oculus vidit, nec auris audiuit, nec in cor hominis ascendit. Aureæ etiam sunt ardore charitatis, & fulgore divinæ contemplationis, inquit Richardus. Hæc est illa corona justitiæ, quam certamini & cursui suo repositam, & aliquando à Domino reddendam, gloriatur, Paulus 2. ad Tim. 4. v. 8.

5. ET DE THRONO. Dei : PROCEDEBANT FVLGURA ET VOCES. Articulatæ. ET TONITRVA. Permixa vocibus ; aut certè, tonitrua ista non erant aliud, quàm voces articulatæ magnæ & tonantes : ita ut particula, &, sumatur exegeticè, sive explicativè, pro, *id est*, nam infra Apocal. 10. v. 3. dicuntur septem tonitrua locuta voces suas, tanquam scilicet tōnitrua articulata.

Fulgura autem & tonitrua exiliunt è throno ad Majestatem sedentis, & terrorem incutiendum spectantibus : unde Dominus ad Jobum, *Si habes brachium sicut Deus, & si voce simili tonas*, Iob 40. v. 4. & ut ostenderet præsentiam suam in vertice montis Sinai, ubi legem Moysei daturus erat, operuit montem nube, ex qua emicabant fulgura & tonitrua, Exod. 19. v. 16.

Sed quia pleraque omnia, quæ hîc videt S. Soannes, aliquid in Ecclesia militante gestum aut gerendum significabant : Beda, Haymo, Richar. Carth. per *fulgura* putant significari miracula Sanctorum, quæ illuminant & terrent mentes hominum ; per *voces*, simplicem prædicationem, quâ homines promissis ad fidem alliciuntur : per *tonitrua*, terrores, quibus compelluntur. Sancti enim novi Testamenti miraculis coruscant, vocibus prædicant, nimis terribiliter tonant, ait Richardus.

Omnia enim ista, non ex sedilibus 24 Seniorum, sed ex throno Dei videntur procedere, ut advertit Rupertus, quia virtutem patrandi fulgura miraculorum, vel vocibus aut terroribus tangendi, & convertendi corda hominum, Sancti non à se, sed ex virtute sedentis in throno habent.

ET SEPTEM LAMPADES ARDENTES. Quid autem istæ significant, mox dicit. ANTE THRONVM. Dei quasi pendentes. QVI SVNT SEPTEM SPIRITVS DEI. Angeli septem ex ordine Principatuum, quorum Princeps est Michaël, ut Apoc. 1. v. 4. pluribus explicavimus. Hi autem tanquam septem satellites stant in conspectu throni Dei, ut ad nutum sedentis evolent, & divinæ Providentiæ jussa per totam Ecclesiam militantem, per se, vel per suos inferiores exequantur. Lam-

padibus autem ardentibus comparantur, quia luce intelligentiæ mentes hominum illuminant, & charitatis ardore inflammant.

Beda tamen, Richardus, & veterum plurimi, per 7. istas lampades, 7. Spiritus S. dona intelligunt, quæ in oleo divinæ charitatis ardent. Charitas enim est radix 7. donorum Spiritus S. ut docet S. Th. 1. 2. quæst. 63. art. 4. unde sunt veluti 7. quædam flammæ, quæ oleo charitatis & accenduntur, & nutriuntur. Licet autem unicus sit Spiritus S. numerum tamen accipit à suis donis, sub quibus latet, ideoque *septiformis munere* appellatur. Ab istis autem septem lampadibus omnes iusti accenduntur, quia charitas nunquam à septem donis Spiritus S. separatur.

6. ET IN CONSPECTU SEDIS. Coram throno, vel ante thronum, ut verfu præced. eandem vocem græcam vertit. TANQVAM MARI VITREVM. Multi Codices græci particulam, *tanquam*, omittunt.

Videtur alludere ad mare æneum, sive vas ingens ex ære fusili plenum aquâ, collocatum in templo Salomonis. 3. Reg. 7. v. 23, in quo lavabantur Sacerdotes, cum ad sacrificandum accederent, 2. Paral. 4. v. 6. Istud tamen erat ex ære, hoc autem, quod vidit S. Ioannes in cælo, erat ex vitro pellucido.

SIMILE CRYSTALLO. Vitrum istius vasis purissimum nitidissimumque, nec fragile, sicut vitra esse solent, sed solidissimum durissimumque erat instar crystallo.

Tichonius, Beda, Haymo, Richardus, mari isto vitreo Baptismum significari credunt; vel potius utrumque simul Sacramentum Ecclesiæ, ad ablutionem peccatorum principaliter destinatum, & in Ecclesiâ publicè expositum, nempe Baptismum & Pœnitentiam, quibus Christiani spiritualiter quotidie abluuntur, ut olim Sacerdotes Levitici corporaliter in mari æneo templi Salomonis.

Vitreum est, quia ista Sacramenta luce Euangelicâ jam pellucunt, dum virtus eorum, & ea, quæ continent, clarissimè in Lege nova docentur & transparent. Ænea verò & opaca materia ænei maris templi Salomonis, significat obscuritatem, quâ mysteria novæ Legis sub antiquæ tenebroso cortice occultabantur.

Vitrum illud est soliditate & duritie simile crystallo, quia utrumque Sacramentum usque ad finem mundi in Ecclesiâ durabit, nec ullis Ecclesiæ concussionibus confringetur.

Multi recentiores vitrum istud & crystalum, non ad vas aliquod vitreum & crystallinum, sed ad aquarum maris pelluciditatem referunt, & vel multitudinem Angelorum, vel Sanctorum hominum, instar
vitri

vitri crySTALLINI splendentium, significari volunt. Alij ad aquas, quæ super cælos sunt, vel ad cælum aliquod crySTALLINUM, vel denique ad cælum empyreum referri malunt.

Sed cùm mare istud vitreum dicatur fuisse coram throno Dei, non circumquaque quasi in immensum diffusum, sicut aquæ supercælestes, vel amplissima alicujus cæli machina; videtur potius vas aliquod significare, quale erat illud mare æneum templi Salomonis. Veluti etiam septem lampades versu præced. imaginem habent septem lampadum, quæ erant in unoquoque candelabro templi Salomonis, quæ dicuntur similiter, ut mare vitreum, fuisse ante thronum Dei. Sicuti etiam multi interpretantur 24. Seniores habuisse similitudinem cum 24. Principibus familiarum, quæ ministrabant in templo. Ut proinde S. Ioannes in cælo, sive in Ecclesia, viderit omnia ista ad similitudinem eorum, quæ visebantur in templo Salomonis, quod erat Ecclesiæ imago.

Unde etiam per se jam apparet minus probabile esse, quod Ribera & alij, mare vitreum interpretantur Angelorum aut Sanctorum splendentium multitudinem. Et licet aquæ in Scriptura multitudinem populi mysticè interdum significant; non tamen ita mare. Deinde mare indicatur ex vitro simili crySTALLO concretum fuisse; quod potius in vas continens aquam fluidam, quàm in ipsam aquam marinam videtur quadrare: non solent enim aquæ marinæ ullo gelu, instar vitri vel crySTALLI sic concreescere.

ET IN MEDIO SEDIS. Ante thronum Dei, & ante oculos ipsius sedentis: hic enim locus dicitur medius respectu laterum; & sic capi solet medium, quando Iudex pro tribunali sedens, jubet aliquem prodire in medium. ET IN CIRCVITU SEDIS. Et circumcirca sedem, tam à lateribus, quàm à parte posteriori. QVATVOR ANIMALIA. Quæ sic videntur fuisse disposita, ut primum animal directè esset in medio ante sedem Dei, deinde duo utrimque ad latera sedis, quartum post sedem directè primo animali oppositum, ita ut figuræ quadranguli sibi corresponderent, proximè circa sedem, & intra circulum majorem, quo viginti quatuor Seniores sedem illam Dei longius ambiebant. PLENA OCVLIS ANTE ET RETRO. Quæ non tantùm geminos oculos habebant in facie, ut cætera animalia solent, sed universa corporis superficies anterior & posterior plena erat oculis, ut ante & retrò, ac undique omnia prospicere possent, sicut ferè Poëtæ olim finxerunt Argum quemdam centum habuisse oculos, varijs corporis partibus infixos.

7. **ET ANIMAL PRIMVM.** Ordine sitûs videtur dici primum, quia erat in medio ante sedem Dei, ut versu præced. dixit, unde & primum in oculos S. Ioannis spectatoris incurrerat. **SIMILE LEONI.** Non enim erat reverà Leo, sed species & imago Leonis objecta menti Prophetæ ad aliquid aliud ei significandum.

Discrepat autem hæc visio à visione Ezechielis, qui similiter quatuor vidit animalia circa currum Dei triumphalem: nam apud Ezechielem primum animal habet faciem hominis, & secundum faciem leonis, Ezech. 1. v. 10.

Sicuti autem animalia Ezechielis erant Cherubini, ad similitudinem Cherubinorum Tabernaculi Moyſis, & tanquam juvenes alati, habentes supernè singuli quatuor quidem facies, Ezech. 1. v. 6. infernè tamen erant humanà specie, præter pedes vituli: ita multi recentiores contendunt, unumquodque quatuor animalium S. Joannis tantum habuisse faciem leonis, aut vituli, aut hominis, &c. infra verò non bruti alicujus, sed hominis speciem habuisse.

Sed verius est, quod textus hic, & SS. Patres magis indicant, & picturæ veteres leonem, vitulum, & aquilam, non tantum capite & facie, sed toto corpore habuisse speciem istorum animalium. Nec enim absolute dicitur, aliquod animal simile leoni, si caput solum fuit leoninum, cætera autem membra humanæ formæ.

ET SECUNDVM ANIMAL. Positum fortasse ad dexteram sedentis in throno. **SIMILE VITULO.** Toto corpore simile bovi, sicut Ezech. 1. v. 10. quoddam etiam animal appellatur simile bovi. Non enim vitulus hîc accipitur pro vitulo recenter nato, sed pro grandiseulo, quales sunt qui armenta sequuntur, & olim offerri solent in sacrificijs. *Tolle de armento vitulum* &c. 1. evit. 9. v. 2. Undè S. Dionysius Areopag. huic vitulo Apocalypſico tribuit etiam cornua. **ET TERTIVM ANIMAL.** Positum fortè ad sinistram throni partem. **HABENS FACIEM QVASI HOMINIS.** Meminit peculiariter faciei humanæ, quia ex facie maximè dignoscitur, an aliquod animal sit homo. Interim tamen cætera membra deorsum erant etiam humana, & respondentia faciei. **ET QUARTVM ANIMAL.** Fortasse post sedem Dei sedentis positum: erat enim ultimum animalium quæ erant in circuitu sedis. **SIMILE AQVILÆ VOLANTI.** Aquilæ, quæ in aëre elevata est, & expansis alis se liberat, etiamsi inde non avolet. Undè licet fortasse post sedem sedentis collocatum esset, poterat tamen videri à S. Joanne quia non terram tangebatur, sicut tria priora animalia. sed in aëre pendulum eminebat.

B. ET

8. ET QVATVOR ANIMALIA. Græcè, *Et quatuor animalia unum secundum seipsum*. Et hæc quatuor animalia ita constituta erant unumquodque per se, & seorsim ab alijs. SINGVLA EORVM HABEBANT ALAS SENAS. Non erant ergo secundum alas omnino similia Cherubinis Ezechielis, qui tantum quatuor pennas sive alas habebant Ezech. 1. v. 6. sed similia erant duobus Seraphinis Isaïæ, in quibus sex alæ uni, & sex alæ alteri, Isa. 6. v. 2. Unde etiam verisimile est, alas eodem modo in corpore istorum animalium dispositas fuisse, ut duabus alis velarent faciem suam, duabus velarent corpus suum usque ad pedes, & duabus volarent, id est, quæ in humeris eorum expansæ essent, tanquam paratæ ad volandum, Isa. ibid. ET IN CIRCVITV. Et in tota undique externa corporis superficie, supra ipsas etiam alas, quibus tegebant corpus. ET INTVS. Et etiam in interiori corporis superficie sub ipsis alis. PLENA SVNT OCVLIS. In quo iterum à Cherubinis Ezechielis discrepant: nam Cherubinis nulli oculi tribuuntur, sed tantum quatuor rotis currus Dei triumphalis, quem Cherubini illi comitantur; Ezech. 1. v. 18. Similiter neque Seraphinis Isaïæ ulli oculi adduntur.

Ex quibus patet hæc S. Joannis animalia (licet multi contendant esse eadem cum Cherubinis quos vidit Ezechiel) aliqua quidem habere cum ipsis communia, ut numerum quaternarium, & easdem facies quatuor animalium, in aliquibus tamen etiam differre, & potius ex Cherubinis Ezechielis, & partim ex Seraphinis Isaïæ esse figurata.

Quid verò ista animalia significant; Interpretes sine fine variant. Multi recentiores patant significasse quatuor Principes Angelorum ex superioribus ordinibus qui semper assistunt throno Dei. Sed non fuisse Angelos, vel si fuerint, hominum tamen personam gessisse, colligitur ex Apoc. 5. v. 9. Ubi inter laudes Agni quatuor animalia ista cum viginti quatuor Senioribus cantant, *Redemisti nos Deo in Sanguine tuo*: homines autem, non Angeli, redempti sunt Sanguine Agni.

Alij quatuor Ecclesiæ Doctores primarios S. Ioanni ostensos fuisse credunt. In Leone S. Ambrosium adversus Theodosium Imp. & sæculi Principes pro gloria Dei animosissimum: in vitulo sive bove, S. Hieronymum nocte dieque in Scripturæ S. libros scribendo Ecclesiæ campum laboriosè arantem: in facie hominis S. Gregorium in morali, & hominibus accommodato Scripturarum sensu defudantem: in Aquila S. Augustinum acumine ingenij, & anagogicis divinæ sapientiæ alis supra omnes volantem.

Alij omnes Ecclesiæ veros Prælatos, qui in persequendis vitijs Leones, in laboribus boves, in misericordia homines, in contemplatione Alij

Alij quatuor sedes Patriarchales, Jerosolymitanam, Antiochenam, Alexandrinam, Constantinopolitanam. Alij quatuor virtutes cardinales. Alij totam Ecclesiam. Alij Christum, qui fuit homo in prædicatione, bos in passione, leo in victoria mortis & Resurrectione, aquila in Ascensione.

Sed ex Sanctorum DD. antiquâ traditione, ut ait Richardus, & ex S. Irenei sententia, qui temporibus Apostolorum tam propinquus fuit, ut S. Polycarpum, S. Ioannis discipulum, se vidisse testetur, per quatuor ista animalia quatuor Euangelistæ repræsentati fuerunt. Et licet S. Ioannes esset unus ex illis, seipsum tamen in figura Aquilæ videre potuit. Erant enim quatuor Angeli, qui quatuor Euangelistarum personas gerebant. Sunt autem quatuor Euangelistæ, veluti quatuor animalia victricis quadrigæ Verbi Incarnati, quibus in Ecclesia militante per universum orbem vehitur, debellando & convertendo ad fidem & castra sua infideles & peccatores hostes suos. Quidquid enim infidelitatis & vitiorum toto orbe per gratiam Christi expugnatur, quatuor Euangeliorum ministerio & doctrinâ perficitur: gestant enim gladium *Spiritus*, quod est Verbum Dei, ad Ephes. 6. vers. 17. *Efficax & penetrabilis omni gladio ancipiti, perstringens usque ad divisionem animæ & spiritus*, ad Hebr. 4. v. 12. Unde mirum esset, si S. Joanni, cui status Ecclesiæ militantis in hac Apocalypsi revelatur, nihil sub aliqua imagine de quatuor Euangelistis, qui sunt quasi primarij duces, & instrumenta militiæ Christi, ostenderetur.

In quatuor etiam Cherubinis Ezechiëlis, rotarum oculatarum & currus triumphalis stipatoribus, quo divina & occulta Dei providentia per omnes creaturas rotatur & ambulat, humiliando superbos, & exaltando humiles, quatuor Euangelistas adumbratos, sicut vetus Testamentum occultat novum, SS. Hieronymus, Gregorius, & passim SS. PP. interpretantur.

Euangelistæ autem sunt pleni oculis ante & retrò, quia tam in præteritum veteris Testam. quod per novum impleri docent, quàm in futurum novi, usque ad adventum Antichristi & consummationem sæculi, acutissimè, & multis modis tanquam oculis prospiciunt. Nec solum in extrema corporis superficie, sed etiam intus oculos habent, quibus jugi contemplatione & reflectione Deum intra se respiciunt.

In tam numerosis etiam oculis, vigilantia, prudentia, & circumspectio signatur eorum, qui Euangelium annuntiant: qui enim cum auditorum fructu, & sine spiritali suo damno, Verbum Dei prædicare volunt, coram quibus, de qua re, quo loco, quo tempore circumspicere

aspicere debent : Deum etiam intus introspicere , ne quid propter vanam gloriam , aut temporale lucrum , sed omnia ad Dei honorem , & spiritualem proximi utilitatem referant. Unde oculis istis interioribus & exterioribus vigilare , opus Euangelistæ , appellat Paulus 2. ad Tim. 4. v. 5. ut notat Hugo.

Singula animalia alas scnas habent , ut celerrimè volant , & in omnem terram exeat sonus eorum &c. ad Rom. 10. v. 18. aut certè sicut Seraphini , Isa. 6. duabus alis superioribus velant facies suas , quia supremis , quos in capite gestant oculis Dei sedentis in throno Majestatem sine velamento aspicere non audent. Duabus verò alis inferioribus femora , & inferiora corporis usque ad pedes , id est , imperfectiorem partis suæ animalis & inferioris ante conspectum Dei velant : duabus denique alis medijs volant , ut corpus Euangelij per totum orbem terrarum portent.

Sed licet omnia animalia volent , S. Ioanni tamen comparata pedibus insedere videri possunt , ideoque ille non turturi aut columbæ , sed aquilæ volanti comparatur.

Per primum animal simile leoni , S. Hieronymus & communior sententia S. Marcum designari putat , quia à clamore , & quasi rugitu S. Ioannis Bapt. in deserto Euangelium suum incipit : In vitulo S. Lucas , quia à Sacerdotio & Sacrificio , in quibus frequens erat vitulorum oblatio : in homine S. Matthæus , qui ab humana Christi genealogia : in aquila S. Ioannes qui sublimi volatu à Divinitate Christi , initium Euangelij sui facit , creditur significari. Sicut enim quinq; libri Pentateuchi Moysis à primo cuiusque libri vocabulo apud Hebræos nomina sortiuntur : ita sola Euangeliorum initia , in animalium istorum distributione , inspicienda esse existimant. Quod maximè verisimile esset , si tantum capita animalium essent leonina , vitulina , &c. reliquum verò corpus humanà Cherubinorum specie , ut quidam imaginantur.

Verùm istud non placet S. Augustino lib. 1. cap. 6. de cons. Evang. quia totum corpus Euangeliorum , inquit , potius quàm sola principia oportet considerare. Igitur in leone animalium Rege putat S. Matthæum designari , qui plurima de Christo Rege , & leone de tribu Juda dicit. Nam statim Regium Christi itemma à Davide & Regibus deducit : apud eum Rex novus à Magis adoratur , Rex ab Herode timeatur , Rex cum servis rationem ponit , Rex nuptias filio suo facit , Rex segregat oves ab hædis. Facies autem hominis apud S. Augustinum Marcum significat , qui nihil de regali aut sacerdotali Christi potentia locutus , tantùm gesta ejus ut hominis simpliciter narrat. In

M

vitulo

vitulo autem & aquila cum Hieronymo & communi Augustinus convenit. Augustinum ex veteribus, præter alios, sequatur Beda, & Primasius, ex recentioribus Estius & Hesselius.

Cur verò Ezechiel hominem, id est, Matthæum, juxta S. Hieronymum & magis vulgarem opinionem, S. Ioannes autem leonem, id est, Marcum, primo loco ponat, difficillimum est dicere. Multi credunt, quod Ezechiel ordinem temporis, quo scripta sunt quatuor Evangelia, S. Ioannes ad rem ipsam, sive ad Christum, cujus historiam quatuor Evangelistæ scribunt, respexerit. Quia enim post Resurrectionem facta est S. Ioanni hæc revelatio, occurrit ei primo loco victor mortis leo de tribu Iuda: deinde ordine retrogrado versus principia vitæ Christi retrocedendo, occurrit sacrificium Crucis, quo, omnium vitulorum & animalium sacrificijs abrogatis, *una oblatione consummavit in sempiternum sanctificatos*, ad Heb. 10. v. 14. Deinde prædicatio & vita Christi, quæ edendo, bibendo, & omni humanâ conversatione se hominem esse ostendit. Denique quarto loco, eminentia divinitatis ejus per aquilam volentem adumbrata, quæ in principio prædicationis manifestata est, quando in baptismo ejus vox de cælo venit, *Hic est filius meus dilectus, in quo mihi complacui*, Matth. 3. v. ult.

ET REQUIEM NON HABEBANT. Non cessabant: nec enim ullâ requie indigebant, qui nunquam lassabantur. DIE AC NOCTE. Omni tempore. Simile est, quod Ecclesia canit in Hymno *Te Deum: Tibi Cherubim & Seraphim incessabili voce proclamant*. DICENTIA. Ad illum qui in throno sedebat: unde videbantur leo, vitulus, aquila voces humanas ore non humano sonare. Quod minus mirum est, quàm olim asinam Balaam sermone humano loqui: quod enim hîc S. Ioannes narrat, reipsa non fiebat, sed extaticâ & spiritali solùm visione sic fieri apparebat. SANCTVS, SANCTVS, SANCTVS. Ter dicunt, *sanctus*, quia trinus est in personis. DOMINVS DEVS OMNIPOTENS. Quod tantum semel pronuntiant propter unitatem Divinitatis.

Vocabulum *sanctus*, latine à verbo, *sanctificare*, derivatur, quod fecerit aut pactum, causâ hostiâ, firmare, & inviolabile reddere significat. Unde sanctum pro inviolabili & incorruptibili, ac ab omni labe remoto accipitur; cui consonat hebraicum, *kadosh*: quod propriè, purum, & ab omni immunditiâ segregatum significat. Unde quia tale maxime venerandum & odorandum est, Græci ἅγιος, id est, *sanctum* à verbo ἁγιάζω derivant, id est, *veneror*, quia quod inviolabile & ab omni immunditia remotum, maxime venerabile est.

Dic autem & nocte quatuor Evangelistæ toto orbe Deum *sanctum, sanctum,*

Sanctum, Sanctum, proclamant; quia ex quatuor Euangeliorum prædicatione per Concionatores & Ecclesiæ Ministros Dei Sanctitatem & laudes quotidie incessanter usque ad finem sæculi hominibus annuntiant.

QVI ERAT. In principio, cum Deus primam conderet creaturam, sicut Sapientia æterna, quæ Deus est, de seipsa prædicat, *Quando præparabat Calos aëtherem* &c. Prov. 8. v. 27. quâ phrasi æternitas Dei significatur: quod enim ante omne tempus & creatam durationem existit æternum est. Ideoque, *erat*, cum præfixo articulo Græco, *ἦν*, ponitur hic, tanquam nomen proprium Dei. **QVI EST.** *ὁ ὢν* ens; quod iterum est nomen proprium Dei respondens hebraico tetragrammato, *יהוה* *Iehova*, quod nomen sanctum esse dicit Deus Exodi 3. v. 14.

Hinc quidam nimis pijs sumpsērunt occasionem dicendi, Deum solum ita habere esse ut creaturæ revera nihil sint: & rationem etiam addunt, quia aliàs Dei essentia limitaretur, & finem acciperet, ubi creatura inciperet aliquid esse, quod non esset Deus. Sed ad vitandam Dei limitationem sufficit, quod omnis creaturæ perfectio, omni deposita imperfectione, eminenter intret Dei essentiam. Deus autem solus est altissimo modo omnis essentiae abyssus, omnem omnino essentiae perfectionem formaliter aut eminenter complexens, ideoque omnis essentiae creaturæ extra eum manantis fons. Hoc modo S. Joannes negat, Baptistam esse lucem veram, *Non erat ille lux* &c. Joan. 1. v. 8. & tamen Christus fatetur illum esse lucernam ardentem & lucentem, Joan. 5. v. 35. ut notat Augustinus cap. 14. de perfectione justitiæ.

ET QVI VENTVRVS EST. Ad judicium universale: non enim solus filius, qui in carne visibili apparebit, sed Pater etiam & Spiritus S. invisibiliter vivos & mortuos judicabunt.

9. ET CVM DARENT ILLA ANIMALIA GLORIAM ET HONOREM. Prædicando illum ter sanctum, Dominum omnipotentem, & alios titulos ei dando, qui sunt materia divinæ gloriæ & honoris.

Gloria & honor differunt, quod gloria propriè sit clarissima fama laudi conjuncta, quâ quis ab omnibus aut plurimis excellentibus virtutibus ornatus agnoscitur: honor verò exhibitio signi externi, quo excellentiam alicujus testamur.

ET BENEDICTIONEM. Græcè, *Eucharistiam*, quod propriè significat gratiarum actionem, quam Deo dant Sancti, maxime propter æternæ prædestinationis, & Incarnationis Verbi beneficium. **SEDENTI SUPER THRONVM.** Tanquam cæli & terræ supremo dominatori

natori & iudici. **VIVENTI.** In seipso vitâ immortalî, & omnis vitæ fonti, unde cætera omnia viventia vitam hauriunt. **IN SÆCULA SÆCULORVM.** In omnem æternitatem, quæ non est aliud, quàm duratio vitæ Dei.

Hinc autem gloriam, honorem, benedictionem quatuor animalia in Ecclesia militante dant tam verbo quàm scripto, quando ex prædicatione vel lectione Euangeliorum glorificatur, honoratur, benedicitur SS. Trinitas, ab ijs, qui inde gloriosa ejus attributa, & beneficia humano generi impensa discunt.

10. PROCIDEBANT in facies suas **VIGINTI QVATVOR SENIORES.** Tanquam Princeps Ecclesiæ universum Ecclesiæ corpus representantes. **ANTE SEDENTEM IN THRONO.** Quandoquidem ipsorum sedilia essent disposita in circuitu throni, ut dixit v. 4. videntur illi, qui retrò erant, relictis sedilibus suis concurisse cum alijs in modum semicirculi ante thronum, & ibi omnes simul in facies suas procidisse. **ET ADORABANT.** Cultu patriæ toto corpore prostrato.

Alius præterea mos adorandi fuit, quo Gentiles Idola & Deos suos adorabant, manum scilicet, ad os referendo, & osculando, ac deinde versus idolum extendendo. Vnde verbum, *adorare*, formatum existimatur. De hoc adorandi ritu, Iob, cum dicere vellet, se nunquam astra adorasse, sicut idololatræ solebant, ait : *Sividi solem, cum fulgeret, & lunam &c. & osculatus sum manum meam ore meo.* Iob 31. v. 26.

ET MITTEBANT CORONAS SVAS. Detractas ex capitibus suis projiciebant. **ANTE THRONVM.** Significantes se eas Deo sedenti in throno acceptas referre. Coronæ enim istæ sunt præmia victoriarum, quibus tentationes carnis, mundi, diaboli, pugnante & vincente in ipsis Deo, vicerunt. Nam omne bonum meritum in nobis non facit, nisi gratia, & cum Deus coronat merita nostra, nihil aliud coronat, quàm munera sua, ait Augustinus epist. 105. *ipse enim facit, ut faciamus, quo in nobis operante, fit omne bonum, quod facimus*, ait S. Fulgentius lib. 1. cap. 14. ad Monimum. Propterea, inquit, nullatenus sinimur, imò salubriter prohibemur, tam in nostra fide, quàm in nostro opere, tanquam nostrum, nobis aliquid vindicare. Hinc integras coronas suas, nullâ particulâ sibi reservatâ, viginti quatuor isti Seniores projiciunt ante thronum. Unde etiam, cum 1. ad Cor. 15. v. 10. S. Paulus dixisset, *Abundantius illis omnibus laboravi*, ne aliquid sibi ex labore suo tribueret, statim se corrigit, *Non ego autem, inquit, sed gratia Dei mecum* : græcè clarius, *gratia Dei, qua mecum est.* Non enim gratiam faciat comitem & pedissequam liberi sui arbitrij, ut quidam pessimè interpretantur, sed Principem & Dominam, quæ labores illos

illos in ipso operata est. Quem sensum planè indicant verba ista Apostoli, *Non ego autem, sed gratia* &c. ubi negat, se principalem causam & auctorem laborum suorum esse, sed gratiam Dei, *qua cœt me*, ut Græca verbotenus habent, & Arias vertit. Quæ phrasis non aliud significat, quàm quod Apostolus proximè ante dixerat, *gratia eius in me*, sive ut Græcus iterùm habet, *Gratia eius, qua in me, vacua non fuit.*

11. DICENTES, DIGNVS ES DOMINE DEVS NOSTER. Cum sit Deus & creator omnium, specialiter tamen, & maximè est Deus electorum, idèoque appellant, *nostrum*, ut Chartus. notat. ACCIPERE GLORIAM ET HONOREM. Ut omnes homines, & universa creatura intellectualis te summè glorificent & honorent. ET VIRTUTEM. Græcè *potentiam*. Dignus etiam es accipere omnipotentiz & virtutis tuæ confessionem, titulos & præconium. Solemus enim per metonymiam dicere, nos alicui dare virtutem aut dignitatem suam, quando titulos dignitati debitos tribuimus. Unde cum mulieres occiso Goliath, occurrerunt Sauli & Davidi, cum tympanis cantantes *Percussit Saul mille, & David decem millia*; iratus Saul dixit, *dederunt David decem millia, & milia mille dederunt*, 1. Reg. 18. v. 8. cum tamen non decem millia, sed laudem decem millium occisorum dedissent. QVIA TV CREATI OMNIA. Unde non tantum gratia redemptionis, sed etiam gratia creationis à te est: nec tantum bene esse, sed ipsum primum & fundamentale esse, ex omnipotentia tua manavit. ET PROPTER VOLUNTATEM TVAM. Non necessario, sed per liberale voluntatis tuæ beneplacitum: græca enim præpositio, *δια*, cum accusativo, quam Interpres vertit, *propter*, verti etiam potest & clarius, *per voluntatem*, ut, *per viscera misericordie*, Lucæ 1. v. 78. & *per invidiam*, Matth. 27. v. 18. ERANT. Post creationem, suam jam ab initio in esse suo creato perseverabant; ita ut non satis fuerit Cælum & terram &c. creari, & ex suo nihilo primâ productione extrahi, ut in illo esse novo perseverarent; sed etiam tunc conservatione & dependentiâ à voluntate tuâ continuò indigerent, non minus quàm nunc ubi post tot sæcula quasi senuerunt.

Chartusianus tamen, & quidam alij, illud, *erant*, exponunt de esse ideali, quod creaturæ ab æterno in mente divina habuerunt, ex quo per productionem in tempore ad esse reale processerunt, quomodo Joan. 1. dicitur, *in ipso vita erat*: & Aristoteles dicit, domum exemplariter esse in mente artificis, antequam fabricetur.

ET CREATA SVNT. Et sicut per tuam voluntatem olim & nunc omnia conservantur, ita etiam per eandem voluntatem ex nihilo suo

creata & educta sunt. Omnia igitur tam in fieri, quàm in conservari, ab omnipotente tua voluntate dependent & suspenduntur.

CAPUT V.

SYNOPSIS CAPITIS.

Narrat S. Ioannes se postea vidisse in dextera Dei sedentis, librum scriptum intus & foris, clausum sigillis septem. Quem proinde nemo aperire ad legendum poterat. Et cum S. Ioannes idcirco multum fletet, tandem repertus est Agnus, qui aperuit. Unde quatuor animalia, & viginti quatuor Seniores, cum millium Angelorum millibus magno gaudio exultant, & effunduntur in laudes Agni.

vers. 1.

ET VIDI IN DEXTERA SEDENTIS SUPRA THRONVM. Dextera Deus tenebat librum ut alicui porrigeret, si quis dignus accipere, & illum aperire inveniretur. LIBRVM SCRIPTVM INTVS ET FORIS. In utraque parte voluminis exteriori & interiori, quam duplicem scripturam tunc nondum videre poterat S. Ioannes, clauso adhuc, & sigillato volumine, sed postea intellexit, quando apertum & expansum vidit.

Solebant autem antiquitus ex corticibus arborum, qui propriè libri vocabantur, aut ex pergamena charta, volumina librorum, circa parvos cylindros convolvere, non autem compingere paginatim, sicut hodie facimus: & plerumque in sola interiori parte voluminis, sive in concava superficie scribebant; aliquando tamen etiam in exteriori superficie, sive à tergo, quando valde multa scribenda essent.

SIGNATVM SIGILLIS SEPTVM. Ne quis aperire posset, sicuti sigillo obsignamus litteras, ne quis aperiat, & secretum videat. Erant autem ista septem sigilla verisimiliter secundum longitudinem voluminis, certis intervallis apposita & appensa.

Quid autem liber iste significet, tot sunt expositiones, ut multitudo confusionem, obscuritatem, & fastidium pariat, inquit Carthus. Sed nihil probabilius, quàm quod ipse, & plurimi post ipsum existimant, nempe, non alium esse, quam hunc ipsum Apocalypsis Librum, cujus sigilla sequentibus proximè capitibus aperiuntur, ac deinde posterioribus capitibus liber ipse apertus legitur: hoc est figura ejus & enigmata

enigmata nobis exhibentur, sed vera eorum intelligentia, quam S. Joannes olim per revelationem accepit, nobis absconditur, nisi quantum divinâ ope, & probabilibus conjecturis possimus assequi. Vel certè, ut magis distinctè cum Aretha loquamur, quandoquidem liber iste, quem Ioannes vidit, scriptus erat ante conscriptam hanc Apocalypsin, significabat sapientissimam & incomprehensibilem Dei memoriam, in qua descripta erant divinæ providentiæ decreta, quibus reclusus est Ecclesiam militantem usque ad adventum Antichristi, & mundi finem, quæ revelata sunt S. Ioanni, & in hac Apocalypsi postea descripta.

Sigilla septem significant, res valde arcanas contineri in eo libro, qui tot obleratur sigillis. Septenarius autem sigillorum numerus, significat juxta Aretham, universitatem temporis usque ad finem mundi, quia universum tempus hebdomadatim per numerum septenarium dierum volvitur. Sub illius autem temporis varietate totum quod in Dei memoria, & postea in hac Apocalypsi scriptum est, tanquam sub sigillis clauditur.

Intus & foris liber scriptus est, quia quidam eventus ab humano sensu remotiores, quidam viciniore sunt. Deinde duplici istâ Scripturâ, intus & in dorso voluminis, significatur multitudo mysteriorum quæ hoc libro continentur, ut res tam multæ non potuerint interiori voluminis superficie comprehendere, sed etiam debuerint quædam in tergo describi.

Beda tamen, Richardus, & plurimi veterum, librum istum S. Scripturam interpretantur, qui scriptus est intus per allegoriam, foris per historiam: intus per spiritualem intelligentiam, foris per litteram; intus ad spirituali exercitationem, foris ad simplicium eruditionem: intus, ut secretum Sapientiæ immundis occultetur; foris, ut veritas mundis reveletur, ait Richardus.

Gagnæus verò, & quidam alij, solam veteris Testamenti Scripturam intelligunt, quæ scripta est intus sensu spirituali, in quo Christus, & novum Testamentum latent, scripta verò foris sensu literalis.

2. ET VIDI ANGELVM FORTEM. Aliquem verisimiliter ex illis septem, qui Apoc. 1. v. 4. & cap. 4. v. 5. dicuntur adstare ante thronum Dei. Illi enim sunt septem ex ordine Principatuum, quorum ministerio utitur Deus in gubernatione universi, & salutaris electorum, putanturque esse, Michaël, Gabriël, Raphaël, Uriël, Sealthiël, Jehudiël, & Barachël, ut diximus Apoc. 1. v. 4.

Hic autem Angelus licet naturæ & gratiæ viribus fortis & validus, librum

librum tamen aperire & futuros casus qui Ecclesiæ militanti maxime circa finem evenient, prospicere & intelligere non valet: futura enim contingentia Angelos sæpe latent, quia non omnia eis revelat Deus;

Quia autem nomen *Gabriel*, significat hebraicè, *fortitudo Dei*; *Lyranus*, & quidam alij hunc Angelum fortem putant fuisse *Gabriëlem*. verum alij Angeli sunt etiam fortes: nec *Angelus fortis*, hoc loco est nomen proprium sed appellativum.

PRÆDICANTEM. Instar præconis proclamantem: **VOCE MAGNA.** Ut significaret, res magnas & admirabiles contineri in isto libro. **QVIS EST DIGNVS.** Quis tantam à Deo dignitatem præstantiam, & fortitudinem accepit ut possit **APERIRE LIBRVM**, ET **SOLVERE SIGNACULA EIVS.** Idem sunt, *aperire librum*, & *solvere signacula*: vel scilicet tota difficultas aperiendi in solutione sigillorum consistit unde particula, &, non copulativè, tanquam diversa copulans, sed identicè accipi debet.

3. ET NEMO POTERAT. Quia nemini per scientiam naturalem, vel per divinam revelationem manifestata sunt, quæ in hoc libro continentur: veluti Christus de fine mundi dicit, *de die illa & hora nemo scit, neque Angeli Calorum, nisi solus pater*, Matth. 24. v. 36. **NEQUE IN COELO.** Nullus Angelorum. *Neque in terra.* Nec ullus etiam sanctissimorum hominum, qui habitant in terra. **NEQUE SVBTVS TERRAM.** Nec ullus justorum carnis vinculo absolutus sub terra degens, ait Beda & post eum Rich. Unde hoc loco uti possumus aduersus hæreticos negantes Purgatorium: nam animæ justorum sub terra post Christi Ascensionem non sunt, nisi in Purgatorio.

Inter eos etiam, qui sunt subtus terram, numerari possunt boni Angeli, qui ad consolationem animarum Purgatorij eò descendunt, inquit Carth. Quidam etiam sub ijs, qui sunt subtus terram, comprehendunt dæmones. Unde S. Gregorius lib. 4. Dial. cap. 42. ex hoc loco probat, infernum esse sub terra.

APERIRE LIBRVM, & per consequens, **NEQUE RESPICERE IL-LVM.** Scripturam ejus aspicere & legere, quæ continebantur in eo. Nam licet foris, sive exterius à tergo, etiam scriptus esset, ut versu 1. diximus; exterior tamen illa superficies in rotundum convoluta erat, & ipso volumine abscondita.

4. ET EGO FLEBAM MVLTVM. Ex dolore & desiderio magno sciendi, quænam scripta essent in libro illo. Nam non dubitabat plenum esse magnis mysterijs, aut magnis & tragicis casibus, qui even-turi erant Ecclesiæ futuris temporibus. Fortè etiam meminerat similis
libri

libri, quem Deus ostendit Ezechieli, scriptum etiam intus & foris
sive, *Epistographum*, ut Græci appellant, in quo scriptæ erant lamen-
tationes, & carmen, & vñ Templi, ac urbis Ierosolymitanæ per
Chaldeos brevi evertendæ, Ezech. 2. v. 9. Sic etiam Zacharias vi-
dit volumen volans, in quo scripta erant scelera, & supplicia futura
Judæorum, Zach. 5. v. 1. Unde solet Deus per tales libros Prophe-
tis suis repræsentare, quid lætum aut triste hominibus in futurum de-
creverit, & in memoriâ suâ, tanquam libro clauso, reseruet.

5. ET VNVS DE SENIORIBVS. Illis 24. qui sedebant in circuitu
Throni. Quis autem fuerit ille, nemo scire potest. Quidam divinan-
do coniectant fuisse S. Matthæum, ut narrat Lyranus, quia quod
mox sequitur de Leone de tribu Juda, affine est illi, quod S. Matth.
refert, Christum dixisse, *data est mihi omnis potestas* &c. Matth. 28. v. 18.
Sed hæc coniectura est tenuis. Deinde S. Matth. unum erat ex 4. anima-
libus potius, quàm ex 24. Senioribus. Quo etiam argumento refelli
potest Alcazar, qui S. Lucam fuisse existimat. DIXIT. MIHI. Ad
consolationem meam. NÅ FLEVERIS. Nam inventus est, quem la-
crymis istis requirebas. ECCE VICIT LEO. Omnium difficultatum
& obsaculorum, quæ apertionem libri impediabant victor & supe-
rior effectus est ille Leo: sic enim græcè etiam verti potest, ut fiat vis
in articulo græco, qui voci, *Leo*, præponitur. DE TRIBU JUDÆ.
Propter alterum articulum græcum verti iterum potest, ille de tribu Judæ;
id est, singularis ille, & nominatus Leo, qui à Patriarcha Jacob morituro
prædicatur nasciturus ex tribu Juda: *Catulus Leonis Iuda & requiescens*
accubusit ut Leo, Gen. 49. v. 9. Sicut enim Leo fortissimus & Rex est
omnium animalium: ita Christus secundum naturam etiam humanam
quam ex tribu Juda accepit omnium creaturarum Rex est, & poten-
tiâ ac fortitudine longè omnes superat, cùm ei à patre *data sit omnis po-
testas in Cælo & in terra* Matth. 28. v. 18. Unde mortem, peccatum, &
diabolum etiam vicit, quando *expolans principatus, & potestates, tradidit*
confidenter, palam triumphans illos in semetipso, ad Colos. 2. v. 15. RADIX
DAVID. Virga sive virgultum de radice Davidis pullulans & ascen-
dens. Hebræi enim per metonymiam virgultum vocant radicem,
nomen causæ tribuentes effectui. Vel certè, Christus est radix ex se-
mine David procreata, ex qua arbor & innumeri rami, flores & fru-
ctus electorum succo gratiæ pullulant & aluntur. Propter articulum
græcum verti potest, *Ille radix David*, cuius scilicet magnifica mentio
est apud Prophetam, *Egredietur virga de radice Iesse*, Isa. 11. v. 1. Item,
ascendet sicut virgultum coram eo, & sicut radix de terra sicens, Isa. 53. v. 2.

APERIRE LIBRUM. Ut aperiat librum. **ET SOLVERE SEPTEM SIGNACULA EIVS.** Et ut solvat &c. Quia enim est Rex, Dux, & Conditor Ecclesiæ militantis, idè ipsi etiam ut homini, per scientiam infusam, revelatus est integer status Ecclesiæ, & quidquid illi eveniet in futurum usque ad finem mundi. Hinc quando de consummatione mundi dicit, *De die illo vel hora nemo scit, neque Angeli in celo, neque Filius, nisi Pater*, Marci 13. v. 32. non negat filium, ut hominem, absolute hoc scire, sed tanquam patris legatum, quia inter articulos legationis suæ non habebat, ut illud secretum hominibus revelaret.

6. ET VIPI. Et asperi versùs thronum, declinando oculos ab illo seniore, qui mihi loquebatur. **ET ECCE IN MEDIO THRONI.** In medio spatio ante thronum, juxta pedes Dei in throno sedentis, sicut, *in medio sedis, seu throni*, accipiendum diximus Apoc. 4. v. 6. **ET QUATUOR ANIMALIUM.** Nam quatuor animalia erant in circuitu throni, ita ut thronum & Agnum intra circuitum suum includerent. **ET IN MEDIO SENIORVM.** Qui adhuc ampliori circuitu, tam 4. animalia, quam Agnum & thronum includebant. **AGNUM STANTEM.** In pedes suos erectum, non autem jacentem, ut exponit Alcazar propter id quod sequitur. **TANQUAM OCCISVM.** Tanquam si aliquando occisus fuisset (sicut reverà occisus fuerat) quia in corpore ejus adhuc vulnere cicatrices apparebant. Particula, *tanquam*, non similitudinem tantùm, sed veritatem occisi hîc significat. *Occisus autem non est hîc nomen, sed participium præter. temporis*, ut ex græco patet.

Alij, *tanquam occisum*, interpretantur, quasi non tam occisus, quam brevi somno prostratus fuerit, quandoquidem tam citò surrexerit à mortuis. Sed Agnus iste videtur aliqua signa præteritæ occisionis in corpore suo gestasse, quæ S. Ioannes adverterit. Ex constitutione autem corporis Agni sciri non poterat, an citò, an tardè surrexisset.

Stat autem Agnus, quia licèt antea occisus jacuisset, jam tamen surrexerat à mortuis. Deinde stat, tanquam advocatus noster juxta thronum Patris. In medio autem, inter thronum & animalia ac Seniores stat, quia *Mediator Dei & hominum homo Christus Iesus*, 1. ad Tim. 2. v. 5. Deinde omnes ad eum, velut in medio positum, intendunt, ut ab ipso pariter, licèt non æqualiter, dona gratiarum accipiant, inquit Richardus.

Quem antea vocavit leonem, jam Agnum appellat, quæ tamen duo animalia moribus & naturâ maxime distant. Sed in Christo etiam ut homine, utriusque animalis similitudo invenitur. Leo est potentiâ, fortitudine, & iracundiâ erga hostes; Agnus humilitate & mansuetudine

tudine erga amicos. Præterea Agnus est maximè, quia *sicut oris ad occisionem dulcis est, & quasi Agnus coram tondente se obmuscus*, Isa. 53. v. 7. Deinde, quia est Agnus Dei, qui tollit peccata mundi, figuratus olim mactatione Agni Paschalis, & duorum illorum Agnorum, qui quotidie manè & vesperi offerebantur in iuge sacrificium.

HABENTEM CORNUA SEPTEM. Etiam si sit Agnus, non tamen est instar aliorum imbecillis, sed in capite gerit 7. cornua, quibus ventilat inimicos, & amicos defendit. Unde licet toto corpore speciem Agni, & plurimum de mansuetudine Agni habeat, cor tamen, ubi animis opus est, leoninum, & caput taurinum, & quidem 7. cornibus armatum gerit, quod perfectam & omnipotentem fortitudinem significat, quia numerus septenarius, ut Apoc. 1. v. 4. diximus, est numerus perfectionis & universitatis. **ET OCULOS SEPTEM.** Ita ut unumquodque cornu oculum suum iuxta se in fronte defixum habeat: ut Agnus iste non tantum sit fortis in agendo, sed etiam prudens & perspicax in providendo. Exponens autem, quid sint illa septem cornua, & 7. oculi addit. **QVI SUNT SEPTEM SPIRITVS DEI.** Quæ cornua & oculi idem significant, nempe 7. Angelos principales, quorum fortitudine & perspicacitate utitur Agnus in Ecclesiæ suæ, & totius universi gubernatione: sunt enim cornua oculata, quorum fortitudo non est cæca, & temeraria, sed oculis & sapientiâ mentis regitur.

Sicut ergo Apoc. 4. v. 5. exposuit, quid essent septem lampades ardentes, nempe 7. spiritus Dei; ita hic etiam manifestat, eosdem Angelos significari per 7. cornua oculata Agni, quæ sunt septem principalia viventia instrumenta fortitudinis, & providæ sapientiæ Agni.

Ad horum Spirituum oculatorum similitudinem, Archidiaconi, id est, principales ministri Episcoporum in Ecclesijs cathedralibus, vocantur oculi Episcoporum, quia Episcopi per eos diocæsis suis provident, & eorum vigilantia & prudentia eos gubernant.

MISSI IN OMNEM TERRAM. Qui ex officio mitti solent ad Ecclesiæ toto orbe dispersæ, & totius Universi gubernationem. Beda tamen, Haymo, Richar. Arethas, & veterum interpretum plurimi, hos septem spiritus Dei, mysticâ potius quàm litterali intelligentiâ, 7. S. Spiritus dona interpretantur, quæ propter eminentiam potestatis, cornibus, propter gratiæ illuminationem, oculis comparantur, inquit Beda. Mittuntur autem in omnem terram, quia de omni terra aliquos Spiritus S. per dona sua, ad regni cælestis celsitudinem, tanquam cornibus eventilat, & ad spiritualium bonorum contemplationem, radijs oculorum illuminat, ait Richardus.

vitulo autem & aquila cum Hieronymo & communi Augustinus convenit. Augustinum ex veteribus, præter alios, sequatur Beda, & Primasius, ex recentioribus Estius & Hesselius.

Cur verò Ezechiel hominem, id est, Matthæum, juxta S. Hieronymum & magis vulgarem opinionem, S. Ioannes autem leonem, id est, Marcum, primo loco ponat, difficillimum est dicere. Multi credunt, quod Ezechiel ordinem temporis, quo scripta sunt quatuor Evangelia, S. Ioannes ad rem ipsam, sive ad Christum, cujus historiam quatuor Evangelistæ scribunt, respexerit. Quia enim post Resurrectionem facta est S. Ioanni hæc revelatio, occurrit ei primo loco victor mortis leo de tribu Iuda: deinde ordine retrogrado versus principia vitæ Christi retrocedendo, occurrit sacrificium Crucis, quo, omnium vitulorum & animalium sacrificijs abrogatis, *una oblatione consummavit in sempiternum sanctificatos*, ad Heb. 10 v. 14. Deinde prædicatio & vita Christi, quæ edendo, bibendo, & omni humana conversatione se hominem esse ostendit. Denique quarto loco, eminentia divinitatis ejus per aquilam volentem adumbrata, quæ in principio prædicationis manifestata est, quando in baptismo ejus vox de cælo venit, *Hic est filius meus dilectus, in quo mihi complacui*, Matth. 3. v. ult.

ET QUIETEM NON HABEBANT. Non cessabant: nec enim ullæ requie indigebant, qui nunquam lassabantur. DIE AC NOCTE. Omni tempore. Simile est, quod Ecclesia canit in Hymno *Te Deum: Tibi Cherubim & Seraphim incessabili voce proclamant*. DICIENTIA. Ad illum quæ in throno sedebat: unde videbantur leo, vitulus, aquila voces humanas ore non humano sonare. Quod minus mirum est, quàm olim asinam Balaam sermone humano loqui: quod enim hæc S. Ioannes narrat, re ipsa non fiebat, sed extaticâ & spiritali solum visione sic fieri apparebat. SANCTVS, SANCTVS, SANCTVS. Ter dicunt, *Sanctus*, quia trinus est in personis. DOMINVS DEVS OMNIPOTENS. Quod tantum semel pronuntiat propter unitatem Divinitatis.

Vocabulum *Sanctus*, latinè à verbo, *sanctare*, derivatur, quod sedus aut pactum, cæsâ hostiâ, firmare, & inviolabile reddere significat. Unde sanctum pro inviolabili & incorruptibili, ac ab omni labe remoto accipitur; cui consonat hebraicum, *kadus*, quod propriè, purum, & ab omni immunditiâ segregatum significat. Unde quia tale maxime venerandum & odorandum est, Græci *ἅγιος*, id est, *sanctum* à verbo *ἁγιάω* derivant, id est, *veneror*, quia quod inviolabile & ab omni immunditiâ remotum, maxime venerabile est.

Die autem & nocte quatuor Evangelistæ toto orbe Deum *Sanctum*,
Sanctum,

Sanctum, Sanctum, proclamant; quia ex quatuor Euangeliorum prædicatione per Concionatores & Ecclesiæ Ministros Dei Sanctitatem & laudes quotidie incessanter usque ad finem sæculi hominibus annuntiant.

QVI ERAT. In principio, cum Deus primam conderet creaturam, sicut Sapientia æterna, quæ Deus est, de seipsa prædicat, *Quando præparabat Cælos aedificabat* &c. Prov. 8. v. 27. quâ phrasi æternitas Dei significatur: quod enim ante omne tempus & creaturam durationem existit æternum est. Ideoque, *erat*, cum præfixo articulo Græco, *ἦν*, ponitur hic, tanquam nomen proprium Dei. QVI EST. *ὁ ὢν* est, quod iterum est nomen proprium Dei respondens hebraico tetragrammato, יהוה *Iehova*, quod nomen sanctum esse dicit Deus Exodi 3. v. 14.

Hinc quidam nimis pijs sumperunt occasionem dicendi, Deum solum ita habere esse ut creaturæ revera nihil sint: & rationem etiam addunt, quia aliàs Dei essentia limitaretur, & finem acciperet, ubi creatura inciperet aliquid esse, quod non esset Deus. Sed ad vitandam Dei limitationem sufficit, quod omnis creaturæ perfectio, omni deposita imperfectione, eminenter intret Dei essentiam. Deus autem solus est altissimo modo omnis essentiae abyssus, omnem omnino essentiae perfectionem formaliter aut eminenter complectens, ideoque omnis essentiae creaturæ extra eum manantis fons. Hoc modo S. Joannes negat, Baptistam esse lucem veram, *Non erat ille lux* &c. Joan. 1. v. 8. & tamen Christus fatetur illum esse lucernam ardentem & lucentem, Joan. 5. v. 35. ut notat Augustinus cap. 14. de perfectione iustitiæ.

ET QVI VENTURUS EST. Ad iudicium universale: non enim solus filius, qui in carne visibili apparebit, sed Pater etiam & Spiritus S. invisibiliter vivos & mortuos iudicabunt.

9. ET CVM DARENT ILLA ANIMALIA GLORIAM ET HONOREM. Prædicando illum ter sanctum, Dominum omnipotentem, & alios titulos ei dando, qui sunt materia divinæ gloriæ & honoris.

Gloria & honor differunt, quod gloria propriè sit clarissima fama laudi conjuncta, quâ quis ab omnibus aut plurimis excellentibus virtutibus ornatus agnoscitur: honor verò exhibitio signi externi, quo excellentiam alicujus testamur.

ET BENEDICTIONEM. Græcè, *Eucharistiam*, quod propriè significat gratiarum actionem, quam Deo dant Sancti, maximi propter æternæ prædestinationis, & Incarnationis Verbi beneficium. SEDENTI SUPER THRONVM. Tanquam cæli & terræ supremo domi-

natori & iudici. **VIVENTI.** In seipso vitâ immortalî, & omnis vitæ fonti, unde cætera omnia viventia vitam hauriunt. **IN SÆCULA SÆCULORVM.** In omnem æternitatem, quæ non est aliud, quàm duratio vitæ Dei.

Hanc autem gloriam, honorem, benedictionem quatuor animalia in Ecclesia militante dant tam verbo quàm scripto, quando ex prædicatione vel lectione Euangeliorum glorificatur, honoratur, benedicitur SS. Trinitas, ab ijs, qui inde gloriosa ejus attributa, & beneficia humano generi impensa discunt.

10. PROCIDEBANT in facies suas **VIGINTI QVATVOR SENIORES.** Tanquam Princeps Ecclesiæ universum Ecclesiæ corpus representantes. **ANTE SEDENTEM IN THRONO.** Quandoquidem ipsum sedilia essent disposita in circuitu throni, ut dixit v. 4. videntur illi, qui retrò erant, relictis sedilibus suis concurrisse cum alijs in modum semicirculi ante thronum, & ibi omnes simul in facies suas procidisse. **ET ADORABANT.** Cultu patriæ toto corpore prostrato.

Alius præterea mos adorandi fuit, quo Gentiles Idola & Deos suos adorabant, manum scilicet, ad os referendo, & osculando, ac deinde versus idolum extendendo. Vnde verbum, *adorare*, formatum existimatur. De hoc adorandi ritu, Iob, cum dicere vellet, se nunquam alitra adorasse, sicut idololatræ solebant, ait: *Si vidi solem, cum fulgeret, & lunam &c. & osculatus sum manum meam ore meo.* Iob 31. v. 26.

ET MITTEBANT CORONAS SVAS. Detractas ex capitibus suis proijciebant. **ANTE THRONVM.** Significantes se eas Deo sedenti in throno acceptas referre. Coronæ enim istæ sunt præmia victoriarum, quibus tentationes carnis, mundi, diaboli, pugnante & vincente in ipsis Deo, vicerunt. Nam omne bonum meritum in nobis non facit, nisi gratia, & cum Deus coronat merita nostra, nihil aliud coronat, quàm munera sua, ait Augustinus epist. 105. *ipse enim facit, ut faciamus, quo in nobis operante, fit omne bonum, quod facimus*, ait S. Fulgentius lib. 1. cap. 14. ad Monimum. Propterea, inquit, nullatenus sinimur, imò salubriter prohibemur, tam in nostra fide, quàm in nostro opere, tanquam nostrum, nobis aliquid vindicare. Hinc integras coronas suas, nullâ particulâ sibi reservatâ, viginti quatuor isti Seniores proijciunt ante thronum. Unde etiam, cum 1. ad Cor. 15. v. 10. S. Paulus dixisset, *Abundantius illis omnibus laboravi*, ne aliquid sibi ex labore suo tribueret, statim se corrigit, *Non ego autem, inquit, sed gratia Dei mecum*: græcè clarius, *gratia Dei, qua mecum est.* Non enim gratiam faciat comitem & pedissequam liberi sui arbitrij, ut quidam pessimè interpretantur, sed Principem & Dominam, quæ labores illos

illos in ipso operata est. Quem sensum planè indicant verba ista Apostoli, *Non ego autem, sed gratia* &c. ubi negat, se principalem causam & auctorem laborum suorum esse, sed gratiam Dei, *qua cum me*, ut Græca verbotenus habent, & Arias vertit. Quæ phrasis non aliud significat, quàm quod Apostolus proximè ante dixerat, *gratia eius in me*, sive ut Græcus iterùm habet, *Gratia eius, qua in me, vacua non fuit*.

II. DICENTES, DIGNVS ES DOMINE DEVS NOSTER. Cum sit Deus & creator omnium, specialiter tamen, & maximè est Deus electorum, idèdque appellant, *nostrum*, ut Chartus. notat. ACCIPERE GLORIAM ET HONOREM. Ut omnes homines, & universa creatura intellectualis te summè glorificent & honorent. ET VIRTUTEM. Græcè *potentiam*. Dignus etiam es accipere omnipotentia & virtutis tuæ confessionem, titulos & præconium. Solemus enim per metonymiam dicere, nos alicui dare virtutem aut dignitatem suam, quando titulos dignitati debitos tribuimus. Unde cum mulieres occiso Goliath, occurrerunt Sauli & Davidi, cum tympanis cantantes *Percussit Saul mille, & David decem millia*; iratus Saul dixit, *dederunt David decem millia, & milia mille dederunt*, 1. Reg. 18. v. 8. cum tamen non decem millia, sed laudem decem millium occisorum decisissent. QVIA TV CREATI OMNIA. Unde non tantùm gratia redemptionis, sed etiam gratia creationis à te est: nec tantùm bene esse, sed ipsum primum & fundamentale esse, ex omnipotentia tua manavit. ET PROPTER VOLUNTATEM TVAM. Non necessariò, sed perliberale voluntatis tuæ beneplacitum: græca enim præpositio, *δια*, cum accusativo, quam Interpretes vertit, *propter*, verti etiam potest & clarius, *per voluntatem*, ut, *per viscera misericordiae*, Lucæ 1. v. 78. &, *per invidiam*, Matth. 27. v. 18. ERANT. Post creationem, suam jam ab initio in esse suo creato perseverabant; ita ut non satis fuerit Cælum & terram &c. creari, & ex suo nihilo primâ productione extrahi, ut in illo esse novo perseverarent; sed etiam tunc conservatione & dependentiâ à voluntate tuâ continuò indigerent, non minus quàm nunc ubi post tot sæcula quasi senuerunt.

Chartusianus tamen, & quidam alij, illud, *erant*, exponunt de esse ideali, quod creaturæ ab æterno in mente divina habuerunt, ex quo per productionem in tempore ad esse reale processerunt, quomodo Joan. 1. dicitur, *in ipso vita erat*: & Aristoteles dicit, domum exemplariter esse in mente artificis, antequam fabricetur.

ET CREATA SVNT. Et sicut per tuam voluntatem olim & nunc omnia conservantur, ita etiam per eandem voluntatem ex nihilo suo

creata & educta sunt. Omnia igitur tam in fieri, quàm in conservari, ab omnipotente tua voluntate dependent & suspenduntur.

CAPVT V.

SYNOPSIS CAPITIS.

Narrat S. Ioannes se postea vidisse in dextera Dei sedentis, librum scriptum intus & foris, clausum sigillis septem. Quem proinde nemo aperire ad legendum poterat. Et cum S. Ioannes idè multum fletet, tandem repertus est Agnus, qui aperuit. Unde quatuor animalia, & viginti quatuor Seniores, cum millium Angelorum millibus magno gaudio exultant, & effunduntur in laudes Agni.

vers. 1.

ET VIDI IN DEXTERA SEDENTIS SUPRA THRONVM. Dextera Deus tenebat librum ut alicui porrigeret, si quis dignus accipere, & illum aperire inveniretur. LIBRVM SCRIPTVM INTVS ET FORIS. In utraque parte voluminis exteriori & interiori, quam duplicem scripturam tunc nondum videre poterat S. Ioannes, clauso adhuc, & sigillato volumine, sed postea intellexit, quando apertum & expansum vidit.

Solebant autem antiquitus ex corticibus arborum, qui propriè libri vocabantur, aut ex pergamena charta, volumina librorum, circa parvos cylindros convolvere, non autem compingere paginatim, sicut hodie facimus: & plerumque in sola interiori parte voluminis, sive in concava superficie scribebant; aliquando tamen etiam in exteriori superficie, sive à tergo, quando valde multa scribenda essent.

SIGNATVM SIGILLIS SEPTVM. Ne quis aperire posset, sicuti sigillo obsignamus litteras, ne quis aperiat, & secretum videat. Erant autem ista septem sigilla verisimiliter secundum longitudinem voluminis, certis intervallis apposita & appensa.

Quid autem liber iste significet, tot sunt expositiones, ut multitudo confusionem, obscuritatem, & fastidium pariat, inquit Carthus. Sed nihil probabilius, quàm quod ipse, & plurimi post ipsum existimant, nempe, non alium esse, quam hunc ipsum Apocalypsis Librum, cuius sigilla sequentibus proximè capitibus aperiuntur, ac deinde posterioribus capitibus liber ipse apertus legitur: hoc est figuræ ejus & ænigmata

enigmata nobis exhibentur, sed vera eorum intelligentia, quam S. Joannes olim per revelationem accepit, nobis absconditur, nisi quantum divinâ ope, & probabilibus conjecturis possimus assequi. Vel certè, ut magis distinctè cum Aretha loquamur, quandoquidem liber iste, quem Joannes vidit, scriptus erat ante conscriptam hanc Apocalypsin, significabat sapientissimam & incomprehensibilem Dei memoriam, in qua descripta erant divinæ providentiæ decreta, quibus rectorus est Ecclesiam militantem usque ad adventum Antichristi, & mundi finem, quæ revelata sunt S. Joanni, & in hac Apocalypsi postea descripta.

Sigilla septem significant, res valde arcanas contineri in eo libro, qui tot obleratur sigillis. Septenarius autem sigillorum numerus, significat juxta Aretham, universitatem temporis usque ad finem mundi, quia universum tempus hebdomadatim per numerum septenarium dierum volvitur. Sub illius autem temporis varietate totum quod in Dei memoria, & postea in hac Apocalypsi scriptum est, tanquam sub sigillis clauditur.

Intus & foris liber scriptus est, quia quidam eventus ab humano sensu remotiores, quidam viciniore sunt. Deinde duplici istâ Scripturâ, intus & in dorso voluminis, significatur multitudo mysteriorum quæ hoc libro continentur, ut res tam multæ non potuerint interiori voluminis superficie comprehendere, sed etiam debuerint quædam in tergo describi.

Beda tamen, Richardus, & plurimi veterum, librum istum S. Scripturam interpretantur, qui scriptus est intus per allegoriam, foris per historiam: intus per spiritualem intelligentiam, foris per litteram; intus ad spirituali exercitationem, foris ad simplicium eruditionem: intus, ut secretum Sapientiæ immundis occultetur; foris, ut veritas mundis reveletur, ait Richardus.

Gagneus verò, & quidam alij, solam veteris Testamenti Scripturam intelligunt, quæ scripta est intus sensu spirituali, in quo Christus, & novum Testamentum latent, scripta verò foris sensu litterali.

2. ET VIDI ANGELVM FORTEM. Aliquem verisimiliter ex illis septem, qui Apoc. 1. v. 4. & cap. 4. v. 5. dicuntur adstare ante thronum Dei. Illi enim sunt septem ex ordine Principatum, quorum ministerio utitur Deus in gubernatione universi, & salutis electorum, putanturque esse, Michaël, Gabriël, Raphaël, Uriël, Sealthiël, Jehudiël, & Barachël, ut diximus Apoc. 1. v. 4.

Hic autem Angelus licet naturæ & gratiæ viribus fortis & validus,
librum

libri, quem Deus ostendit Ezechieli, scriptum etiam intus & foris sive, *Epistographum*, ut Græci appellant, in quo scriptæ erant lamentationes, & carmen, & vñ Templi, ac urbis Ierosolymitanæ per Chaldaeos brevi evertendæ, Ezech. 2. v. 9. Sic etiam Zacharias vidit volumen volans, in quo scripta erant scelera, & supplicia futura Iudæorum, Zach. 5. v. 1. Unde solet Deus per tales libros Prophetis suis repræsentare, quid lætum aut triste hominibus in futurum decreverit, & in memoriâ suâ, tanquam libro clauso, reseruet.

5. ET VNVS DE SENIORIBVS. Illis 24. qui sedebant in circuitu Throni. Quis autem fuerit ille, nemo scire potest. Quidam diuinando conieciunt fuisse S. Matthæum, ut narrat Lyræus, quia quod mox sequitur de Leone de tribu Juda, affine est illi, quod S. Matth. refert, Christum dixisse, *data est mihi omnis potestas* &c. Matth. 28. v. 18. Sed hæc coniectura est tenuis. Deinde S. Matth. unum erat ex 4. animalibus potius, quàm ex 24. Senioribus. Quo etiam argumento refelli potest Alcazar, qui S. Lucam fuisse existimat. DIXIT MIHI. Ad consolationem meam. NĒ FLEVERIS. Nam inventus est, quem lacrymis istis requirebas. ECCE VICIT LEO. Omnium difficultatum & obstaculorum, quæ apertionem libri impediabant victor & superior effectus est ille Leo: sic enim græcè etiam verti potest, ut fiat vis in articulo græco, qui voci, *Leo*, præponitur. DE TRIBU JUDÆ. Propter alcesum articulum græcum verti iterum potest, ille de tribu Juda; id est, singularis ille, & nominatus Leo, qui à Patriarcha Jacob morituro prædicitur nasciturus ex tribu Juda: *Catulus Leonis Iuda & requiescens accubusque ut Leo*, Gen. 49. v. 9. Sicut enim Leo fortissimus & Rex est omnium animalium: ita Christus secundum naturam etiam humanam quam ex tribu Juda accepit omnium creaturarum Rex est, & potentia ac fortitudine longè omnes superat, cùm ei à patre data sit omnis potestas in Cælo & in terra Matth. 28. v. 18. Unde mortem, peccatum, & diabolum etiam vicit, quando *expositus principatus, & potestates, tradidit confideret, palam triumphans illos in semetipso*, ad Colos. 2. v. 15. RADIX DAVID. Virga sive virgultum de radice Davidis pullulans & ascendens. Hebræi enim per metonymiam virgultum vocant radicem, nomen causæ tribuentes effectui. Vel certè, Christus est radix ex semine David procreata, ex qua arbor & innumeri rami, flores & fructus electorum succo gratiæ pullulant & aluntur. Propter articulum græcum verti potest, *illa radix David*, cuius scilicet magnifica mentio est apud Prophetam, *Egredietur virga de radice Iesse*, Isa. 11. v. 1. Item, *ascendet sicut virgultum coram eo, & sicut radix de terra siccanti*, Isa. 53. v. 2.

N

APRIL-

APERIRE LIBRUM. Ut aperiat librum. **ET SOLVARE SEPTEM SIGNACULA EIVS.** Et ut solvat &c. Quia enim est Rex, Dux, & Conditor Ecclesiæ militantis, ided ipsi etiam ut homini, per scientiam infusam, revelatus est integer status Ecclesiæ, & quidquid illi eveniet in futurum usque ad finem mundi. Hinc quando de consummatione mundi dicit, *De die illo vel horâ nemo scit, neque Angeli in celo, neque Filius, nisi Pater*, Marci 13. v. 32. non negat filium, ut hominem, absolute hoc scire, sed tanquàm patris legatum, quia inter articulos legationis suæ non habebat, ut illud secretum hominibus revelaret.

6. ET VIDI. Et aspexi versùs thronum, declinando oculos ab illo seniore, qui mihi loquebatur. **ET ECCE IN MEDIO THRONI.** In medio spatio ante thronum, juxta pedes Dei in throno sedentis, sicut, *in medio sedis*, seu *throni*, accipiendum diximus Apoc. 4. v. 6. **ET QUATTUOR ANIMALIUM.** Nam quatuor animalia erant in circuitu throni, ita ut thronum & Agnum intra circuitum suum includerent. **ET IN MEDIO SENIORUM.** Qui adhuc ampliori circuitu, tam 4. animalia, quàm Agnum & thronum includebant. **AGNUM STANTEM.** In pedes suos erectum, non autem jacentem, ut exponit Alcazar propter id quod sequitur. **TANQUAM OCCISUM.** Tanquam si aliquando occisus fuisset (sicut reverà occisus fuerat) quia in corpore ejus adhuc vulnerum cicatrices apparebant. Particula, *tanquam*, non similitudinem tantùm, sed veritatem occisi hîc significat. *Occisus* autem non est hic nomen, sed participium præter. temporis, ut ex græco patet.

Alij, *tanquam occisum*, interpretantur, quasi non tam occisus, quàm brevi somno prostratus fuerit, quandoquidem tam citò resurrexerit à mortuis. Sed Agnus iste videtur aliqua signa præteritæ occisionis in corpore suo gestasse, quæ S. Ioannes adverterit. Ex constitutione autem corporis Agni sciri non poterat, an citò, an tardè resurrexisset.

Stat autem Agnus, quia licèt antea occisus jacuisset, jam tamen surrexerat à mortuis. Deinde stat, tanquam advocatus noster juxta thronum Patris. In medio autem, inter thronum & animalia ac Seniores stat, quia *Mediator Dei & hominum homo Christus Iesus*, 1. ad Tim. 2. v. 5. Deinde omnes ad eum, velut in medio positum, intendunt, ut ab ipso pariter, licèt non æqualiter, dona gratiarum accipiant, inquit Richardus.

Quem antea vocavit leonem, jam Agnum appellat, quæ tamen duo animalia moribus & naturâ maximè distant. Sed in Christo etiam ut homine, utriusque animalis similitudo invenitur. Leo est potentiâ, fortitudine, & iracundiâ erga hostes; Agnus humilitate & mansuetudine

cudine erga amicos. Præterea Agnus est maxime, quia *sicut ovium ad occisionem ductum est, & quasi Agnus coram tondente se obmutuit*, 1la. 53. v. 7. Deinde, quia est Agnus Dei, qui tollit peccata mundi, figuratus olim maceratione Agni Paschalis, & duorum illorum Agnorum, qui quotidie manè & vesperi offerebantur in iuge sacrificium.

HABENTEM CORNUA SEPTM. Etiam si sit Agnus, non tamen est instar aliorum imbecillis, sed in capite gerit 7. cornua, quibus ventilat inimicos, & amicos defendit. Unde licet toto corpore speciem Agni, & plurimum de mansuetudine Agni habeat, cor tamen, ubi animis opus est, leoninum, & caput taurinum, & quidem 7. cornibus armatum gerit, quod perfectam & omnipotentem fortitudinem significat, quia numerus septenarius, ut Apoc. 1. v. 4. diximus, est numerus perfectionis & universitatis. **ET OCVLOS SEPTM.** Ita ut unumquodque cornu oculum suum juxta se in fronte defixum habeat: ut Agnus iste non tantum sit fortis in agendo, sed etiam prudens & perspicax in providendo. Exponens autem, quid sint illa septem cornua, & 7. oculi addit. **QVI SVNT SEPTM SPIRITVS DEI.** Quæ cornua & oculi idem significant, nempe 7. Angelos principales, quorum fortitudine & perspicacitate utitur Agnus in Ecclesiæ suæ, & totius universi gubernatione: sunt enim cornua oculata, quorum fortitudo non est cæca, & temeraria, sed oculis & sapientiâ mentis regitur.

Sicut ergo Apoc. 4. v. 5. exposuit, quid essent septem lampades ardentes, nempe 7. spiritus Dei; ita hic etiam manifestat, eosdem Angelos significari per 7. cornua oculata Agni, quæ sunt septem principalia viventia instrumenta fortitudinis, & providæ sapientiæ Agni.

Ad horum Spirituum oculatorum similitudinem, Archidiaconi, id est, principales ministri Episcoporum in Ecclesijs cathedralibus, vocantur oculi Episcoporum, quia Episcopi per eos diocæsis suis provident, & eorum vigilantia & prudentia eos gubernant.

MISSI IN OMNEM TERRAM. Qui ex officio mitti solent ad Ecclesiâ toto orbe dispersæ, & totius Universi gubernationem. Beda tamen, Haymo, Richar. Arethas, & veterum interpretum plurimi, hos septem spiritus Dei, mysticâ potius quàm litterali intelligentiâ, 7. S. Spiritus dona interpretantur, quæ propter eminentiam potestatis, cornibus, propter gratiæ illuminationem, oculis comparantur, inquit Beda. Mittuntur autem in omnem terram, quia de omni terra aliquos Spiritus S. per dona sua, ad regni cælestis celsitudinem, tanquam cornibus eventilat, & ad spiritualium bonorum contemplationem, radijs oculorum illuminat, ait Richardus.

7. ET VENIT. Tanquam homo, & eatenus Patre, & Deo sedente in throno minor: minoris enim est accedere ad maiorem. ET ACCEPIT. Primore pede, tanquam manu: sicut enim Agnus ille revera erat homo, sub imagine Agni apparens, ita pede videbatur uti tanquam manu. Unde etiam 4. animalia statim v. 8. dicuntur cum 14. Senioribus habuisse citharas & Phylas aureas, quas leo, vitulus, aquila sine dubio pedibus, tanquam manibus, tenere videbantur. DE DEXTERA SEDENTIS IN THRONO LIBRUM. Non tamen tunc demum accepit, quando S. Ioannes hoc vidit, ut notat Carthus. sed à primo instanti Incarnationis Deus humanitati Christi illum librum porrexit, & potestatem dedit solvendi signacula, quando omnium rerum futurarum scientiam illi infudit. Vidit ergo tunc S. Ioannes, quod antea factum fuerat.

8. ET CUM APERVISSET LIBRUM. Græcè, *Cum accepisset librum*: & inciperet solvere primum libri signaculum, ut illum aperiret. Non enim adhuc librum planè aperuisse poterat, cum prius oporteret solvere septem signacula, quæ tantum resolvuntur seqq. capitibus, & solum initio capitis 6. S. Ioannes primum signaculum perfectè resolutum viderit. Itaq; quod textus noster habet, *Cum aperuisset librum* (quo modo etiam quidam codd. græci legunt) oportet interpretari, cum aliquam primi signaculi aperturam fecisset ad illud aperiendum, & reliqua signacula, ac tandem ipsum librum. QUATVOR ANIMALIA, ET VIGINTI QUATVOR SENIORES. Inde conjectantes, Agnum habere potestatem aperiendi librum. CECIDERUNT CORAM AGNO. Eum ob tantam potestatem & dignitatem adorantes. Nec tantum genua flectunt, ut notat Rupertus, sed in facies suas cadunt, quod est signum perfectæ adorationis: quos imitantur Religiosi, quando toto corpore prostrati Christum adorant. HABENTES SINGULI CITHARAS. Quibus Dei & Agni laudes & gloriam personabant. Licet autem vox, *singuli*, expressè solum referatur ad viginti quatuor Seniores, eadem tamen est ratio quatuor animalium, quæ etiam Apocalyp. 4. v. 9. dicuntur dare gloriam & honorem sedenti super thronum.

Animalia verò hæc symbolica, quia revera homines, & quatuor Evangelistæ erant, visa pedibus primoribus tanquam manibus citharas pulsasse. Quatuor enim Evangelia sunt citharæ, quæ toto orbe Christi & Dei laudes sonant. Et velut Amphionis & Orphei citharæ, feras, arbores, lapides, suavitate cantus attrahebant, id est, homines duros & feroces ad humanitatem emolliebant: ita Evangelistarum citharæ barbaras & efferas nationes, ut Clemens Alexan. disserit, ad suave-

ad suave Christi & Religionis jugum adducunt. Et quidem longè potentius, quàm Amphionis & Orphei citharæ, quia sonante foris Evangelicâ prædicatione, Pater corda auditorum movet, & attrahit ad filium: *Nemo potest venire ad me, nisi pater, qui misit me, traxerit eum,* Ioan. 6. v. 44.

Tropologici passim per citharam, mortificationem intelligunt, quia cithara ex ligno mortuo & sicco conficitur: animus enim in corpore mortificato meliùs & suaviori in auribus Dei melodiâ, divinas laudes resonat. Tenduntur verò in eo, tanquàm in cithara, cordæ operum passionem mortificantium, aliæ magis, aliæ minùs, prout virtutum concentus, & harmoniæ suavitas exigit.

Quidam recentiores ad eò hunc locum ad litteram intelligunt, ut putent, Sanctos in cælo habituros veras & proprias citharas, aliæque musica instrumenta, ut majori strepitu, & suaviori melodiâ Deum laudent, & sensum auditus demulceant. Sed cùm per ignem conflagrationis, omnia mixta, præter hominem, resolvenda & consumenda sint, nulla tunc post resurrectionem amplius erunt ligna, & materiæ cithararum aut organorum, nisi quis fingat, ex materia quadam alia, & cælesti fabricanda esse.

Itaque exaltationes Dei potius erunt in gutture eorum, Psal. 149. & fauces, lingua, dentes, labia, quibus cælestem empyrei auram mirâ arte & ineffabilibus modis frangere, & articulatè modulari poterunt, pro citharis, lyris, tubis, & organis inarticulatis ipsis erunt, & sonitum suaviorem efficient.

ET PHYALAS AVREAS. Quales erant illæ centum in templo Salomonis, 2. Paral. 4. v. 8. ad vinum & alia libamina fundenda in sacrificijs. S. Hieronymus interdum pro Phyalis, *mortariola* vertit: erant autem lagunculæ ventre tumidiori, ideòque, juxta Richardum, & pleròque veteres interp. corda Sanctorum charitatis igne dilatata, & aureo fulgore lucentia significant. PLENAS ODORAMENTORVM. Qualis olim erat compositio Thymiamatis, ex stacte, orycha, galbano & thure in tenuissimum pulverem redacti, sicut Exodi 30. v. 34 præscribitur. Quid verò ista odoramenta significant, mox dicit. QVÆ SUNT ORATIONES SANCTORVM. Fumi enim thuris & odoramentorum in cæli scandentium, orationes & elevationes mentis in Deum in Scripturis significant: *Dirigatur oratio mea sicut incensum in conspectu tuo,* Psalm. 140.

Animalia ergò, & 24. Seniores, non tantùm citharas ad laudandum cantu musico Deum, sed etiam phyalas plenas odoramentorum in manibus.

manibus tenent, ut significant, instrumentorum & faucium cantus nullius momenti esse apud Deum, nisi laus cordis, & oratio mentis conjungatur.

Deinde citharas gestant, opera sua Deo, per cantus & laudes tribuendo: phylas verò, orationes aliorum offerendo, inquit Richard. Quod tamen non placet Bezz, nè indè probemus, Sanctos in cælis offerre orationes nostras, & orare pro nobis. Ideò Beza hujus loci interpretationem ad Act. 10. v. 4. remittit, ubi dicuntur orationes Cornelij ascendisse in memoriam in conspectu Dei: unde per phylas plenas odoramentorum vult tantum significari orationes peregrinantium in terris, non beatorum in cælis. Sed frustra, cum etiam Christus ipse jam in cælis orationes nostras Patri offerat & interpellat pro nobis, ad Rom. 8. v. 34. Deinde Jerem. 15. v. 1. significatur quod Moyses & Sàmuel, & 2. Mach. ult. v. 14. quòd Jeremias ex limbo orent pro populo suo judaico. Si autem Sancti in limbo, ergò multo magis etiam beati in cælo orare possunt pro vivis.

9. ET CANTABANT CANTICVM NOVVM. Sacramenta novi Testamenti, quæ in Christo sunt completa, inquit Beda; mysteria nempe Incarnationis, Passionis, Resurrectionis Agni, & Redemptionis humani generis pretio Patri jam oblato: quæ omnia erant materia cantici novi, quia veteris Testamenti. Patres hæc cantare non poterant, sed solum tempus talium gaudiorum à longè in futurum prospicere, & suspirando potiùs, quàm cantando clamare, *Vtinam dirumperes calos, & descenderes!* Isa. 64. v. 1. DICENTES, DIGNVS ES DOMINE. Agnum Dominum suum vocant, tanquam servi ejus emptitij, ut mox dicent. ACCIPERE LIBRVM. In quo descripta sunt futurorum sæculorum secreta. ET APERIRE SIGNACVLA EIVS. Ut legas, & alijs per revelationem illa secreta communices. QVONIAM OCCISVS ES. Unde sicuti quædam alia præmia, ut gloriam corporis, & glorificationem tui nominis morte tuâ promeritus es; ita etiam potestatem aperiendi librum secretorum Dei, & eâ revelandi alijs; licet omnia ista alio etiam titulo, propter divinæ quam geris personæ dignitatem, tibi deberentur. ET REDEMISTI NOS DEO. Ut simus Dei, qui antea eramus diaboli. Unde loquitur de efficaci, & propria illa redemptione, quæ spectat ad electos; qui sunt peculiariter Dei, & populus Dei, de quibus Christus ad patrem dicit: *Tu eras, & mihi eos dedisti,* Joan. 17. v. 6.

In græco non est verbum compositum, *redemisti*, sed simplex, *emissimus*: non enim propriè empti à diabolo, oblato pretio, antea fueramus,

ramus, sed tanquam bello capti ei serviebamus: à quo enim quis superatum est, huius & servus est, 2. Pet. 2. v. 19.

Loquuntur autem 4. animalia, & 24. Seniores isti nomine Ecclesie omnium Electorum, sicuti solet Magistratus nomine totius populi, ut mox patebit.

IN SANGVINE TVO. Hoc enim fuit pretium magnum istius emptio-
nis: emptus est pretio magno 1. ad Cor. 6. v. ult. Ex OMNI TRIBU.
Ex omni cognatione. Non quasi nulla tribus sit ex qua aliqui non sunt
redempti; sed quia quicumque ex aliqua tribu redempti sunt, tu eos
redemisti; sicut similes Scripturas S. Augustinus solet explicare, decla-
rans istà similitudine: omnes intrant domum istam per ostium; non
quòd omnes homines intrent, sed quia quicumque intrent, non
aliunde, sed per ostium intrant. ET LINGVA. Ex omnibus homini-
bus eàdem lingua utentibus: quod latius patet, quàm Tribus. ET PO-
PULO. Gradatim ascendit, nam iterum populus latius patet, quàm
homines ejusdem lingue: populus enim, ut S. Aug. lib. 19. civit. c. 21.
ex Cicerone definit, est cætus multitudinis, iuris consensu, & utilitatis com-
munionem sociatus. Unde subditi ejusdem Principis, qui iisdem legibus re-
guntur, unus populus sunt, & tamen sæpè linguis discrepant, ut in
populo Belgarum cernimus. ET NATIONE. Quæ adhuc latius ex-
tenditur quàm populus, ut videre est in natione Germanica, quæ mul-
tos populos diversis principibus & legibus subditos complectitur.

Richardus tamen magis ingeniosè quàm verè, inverso modo hunc
locum explicat, ut Tribus latissimè pateat, & sermo gradatim ad stric-
tiora descendat. Tribus dicitur, inquit, à tribus ordinibus gentium
filiorum Noë, in quibus sunt 72. lingue: in singulis linguis pluri-
mi populi; in unoquoque populo plurimæ nationes. Verum nec
tribus dictæ sunt à triplici posteritate trium filiorum Noë, sed à po-
pulo Rom. initio in tres partes diviso. Nec S. Joannes ad 72. lin-
guarum divisionem factam in turri Babel videtur respexisse, sed ad om-
nium linguarum in toto orbe discrimina, quæ sunt longè plures, quàm
72. licet matrices cæterarum, præter linguas novi orbis, numeren-
tur tantummodo sex, ut lingua Hebraica, Græca, Latina, Sclavonica,
Germanica, Tartarica.

10. ET FECISTI NOS. Merito mortis tue. DEO NOSTRO REG-
NYM. Ut Deus noster regnet in nobis per gratiam, in quibus diabolus
antea regnabat per peccatum & concupiscentiam. Hæc significatione
subditi regi populus, vocatur regnum Regis sui. Græcè tamen,
Fecisti nos Deo nostro Reges: ut Deo nostro non simplices & vulgares
subditi

subditi simus, sed subditi, qui etiam sunt reges per gratiam tuam, quæ spiritus in corpore nostro regnat, domando pravas & rebelles concupiscentias. ET SACERDOTES. Et etiam fecisti nos sacerdotes, dum sacrificamus & mortificamus membra nostra, quæ sunt super terram, ad Col. 3. v. 5. & sic exhibemus corpora nostra hostiam viventem, sanctam, Deo placentem, ad Rom. 12. v. 1. Sicuti ergo omnes electi qui tali sacrificio metaphorico seipsos mortificant, mactare se dicuntur tanquam hostias; eadem metaphorâ Sacerdotes sæpe in Scriptura dicuntur: præter quos tamen sunt etiam quidam propriè dicti sacerdotes in Ecclesia. Vide quæ in simili sententia diximus Apocal. 1. v. 6. ET REGNABIMUS SUPER TERRAM. Atque ita, licet serviemus tibi, erit tamen servitus regnans, quia servire tibi in hac terra morientium, nihil aliud est, quàm carnem, mundum, & diabolum subjugare, donec perveniamus ad possessionem terræ viventium, ubi sub te, capite & rege nostro, de bellatis omnibus hostibus, in pace æterna tecum regnabimus.

Possunt etiam sacerdotes intelligi hic non metaphoricè, sed propriè; non quod omnes Christiani sint proprii sacerdotes, sed quia aliqui inter ipsos tales sunt: atque ita illud, *Regnabimus super terram*, intelligi potest, ut notat Carthus. de Sacerdotibus, Episcopis, & Pastoribus, qui sunt reges & principes Ecclesiæ militantis super terram; regunt enim spirituali regimine animas, & de Ecclesia militante ad triumphantem traducunt.

III. ET VIDI. Longius & ultra confessum Seniorum oculos mentis attollendo. ET AUDI. Sicut visio, ita auditio ista spiritualis fuit. VOCEM ANGELORVM MULTORVM. Voces humanas mente tanquam auditu, percipere sibi videbatur; licet Angeli Deum laudent, non voce, quæ est istus aëris, inquit Richardus, sed quæ est affectus devotionis. Angeli enim eo sublimius laudem creatoris concinunt, quo se magis in ejus amore extendunt. Aut certè, vox angelicæ laudis, ait S. Gregorius, est admiratio intimæ contemplationis. IN CIRCVITV THRONI. Thronum enim erat quasi centrum illius circuli. ET ANIMALIVM. Quæ proximè erant circa thronum. ET SENIORVM. Qui remotiores erant à throno. Unde multitudo illa Angelorum suo circuitu includebat Seniores, animalia, & thronum, ad augendam maiestatem sedentis, qui tot & talibus stipatoribus cingebatur. Deinde Angeli suo circuitu vallant Sanctos, in periculo labentis sæculi adhuc constitutos, ut contra reproborum spirituum impetus defendant, ait Richardus. ET ERAT NUMERVS EORVM MILLIA MILLIVM. Innumerabilis numerus: sic enim loqui solemus, quando nume-

numerus maximum, & nobis innumerabilem exprimere volumus, *nunquid enim est numerus militum eius?* Job 25. v. 3.

Si autem numerus Angelorum infimæ solùm hierarchiæ, qui custodiunt Ecclesiam, sit tam innumerus, quantus erit superiorum hierarchiarum, cum secundùm Dionysium Areopagitam, quò Angelorum chori sunt sublimiores, eò sint multitudine numerosiores, adeo ut juxta S. Thomæ philosophiam 1. p. quæst. 50. art. 3. quantum corpora superiora in universo magnitudine inferiora superant, tantùm chorus superior Angelorum inferiorem multitudine excedat. Unde sicut tota regio sublunaris est modicum quid, ait S. Thomas, si ad magnitudinem cælorum compareretur; ita numerus Angelorum numero substantiarum materialium est incomparabiliter major.

12. DICENTIVM VOCE MAGNA. Magnitudo vocis significat magnitudinem affectus, & admirationis sapientiæ & bonitatis Dei, in tota œconomia Redemptionis generis humani. Si enim *gaudium est Angelis Dei super uno peccatore penitentiam agente*, Lucæ 15. v. 7. quantum super omnium electorum salute gaudium, quanta exultatio erit? **DIGNVS EST AGNVS QVI OCCISVS EST.** Et si tam infirmus in sua morte apparuerit. **ACCIPERE VIRTVTEM ET DIVINITATEM.** Encomia & titulos summæ potentiz & Divinitatis. Nam morte suâ istam nominis sui exaltationem promeruit.

Virtus, & divinitas &c. metonymicè pro encomio & titulo virtutis & Divinitatis accipiuntur, quo modo nomen objecti solet actibus, qui circa ipsum versantur, attribui, ut Apocal. 4. v. 11. diximus. Unde patet, hunc locum non favere Nestorio, qui Christum purum hominem, sanctitate vitæ meruisse Divinitatem dixit, sive, ut persona divina humanæ personæ se conjungeret. Posuit enim Nestorius duas in Christo personas.

Græcus tamen non, *divinitatem*, sed, *divitias* legit, quæ duæ voces in lingua græca, *πτορος*, &, *πλετος*, longissimè à se distant, ut una in aliam propter vicinitatem non facilè commutari potuerit. Vnde Barth. Petrus credit, nostrum interpretem vertisse, *divinitatem*, vocabulo abstracto & ficto à *dives*; quod postea librarij non intelligentes, unâ syllabâ additâ, mutaverint in, *Divinitatem*: vixisse enim videtur noster Interpres sub Imp. Antoninis, quando multi eruditi, veteris eloquentiæ amore, verba latinæ linguæ obsoleta revocabant in usum, aut etiam nova interdum, ad expressius aliquid significandum, liberius fingeant, ut in Suetonio, A. Gellio, Apulero, Tertulliano, & alijs illorum temporum scriptoribus est videre. Aut certè pro, *divitias*, interpretos

interpretes consulto vertit, *Divinitatem*, ut significaret, fontem omnium tam temporalium, quàm spiritualium divitiarum, quæ in creaturas rationales manant, esse divinitatem, & infinitum illud boni pelagus undique sui diffusum.

ET SAPIENTIAM. Quâ susceptam humani generis redemptionem sapientissimè, & miris ac ineffabilibus modis ad finem perduxit. ET FORTITUDINEM. Quâ hostes suos aëreas potestates debellavit. ET HONOREM, ET GLORIAM, ET BENEDICTIONEM. Vide supra Apoc. 4. v. 9. nisi quod, *benedictio*, ibi gratiarum actionem, hîc verò propriam benedictionem, quâ quis laudando benedicitur, significet, ut in græco patet.

13. ET OMNEM CREATURAM, QUÆ IN CALO EST. Ut præter Angelos, etiam sidera, aquæ quæ super calos sunt, nubes & volucres cæli: nam calum hîc accipitur, ut sæpe aliàs, pro aggregato omnium corporum transparentium, à globo terræ & aquæ, usque ad mundi culmen. Non tantum autem creaturæ rationales, sed etiam insensibiles per prosopopœiam, dicuntur laudare Deum, quia contemplatione sui creaturam rationalem ad creatoris laudem excitant. ET SUPER TERRAM. Ut homines, pecora, ligna, montes, colles, maria, flumina, &c. ET SUB TERRA. Animæ piæ defunctorum, quæ ibi purgantur: deinde dæmones & damnati, intellectû quo agnoscant Deum laudabilem, etsi non affectu, eum laudant; denique lapides, metalla, & subterraneæ abyssi: *Ut in nomine Dei & Iesu Christi omne genu flectatur, caelestium, terrestrium, & infernorum, & omnis lingua confiteatur*, &c. ad Philipp. 2. v. 10. ET QUÆ SVNT IN MARI. Ut pisces & quidquid perambulat semitas maris. ET QUÆ IN EO. Ita, inquam, etiam omnia quæ sunt in mari usque ad minimas arenas, licet sub aquis marinis nulla creatura rationalis habitet: quæ cognoscat Deum. Videtur enim istâ repetitione ideo peculiariter confirmare, quod ea, quæ sunt sub mari, etiam laudent Deum, quia nulla creatura illis, quæ Deum agnoscant, sicut est in cælo, in terra, & sub terra. Græca tamen hodie pluraliter legunt, *Et ea, quæ in eis*, id est, & universim ea, quæ sunt in creaturis illis, quas jam enumeravi. OMNES AUDIVI DICENTES. Cum enim miramur, & dicimus, Magnus Deus, qui hæc fecit; creaturæ illæ loquuntur & laudant Deum de vocibus nostris, ait S. Augustinus Psal. 148. SEDENTI IN THRONO ET AGNO. Regnanti Divinitati, & Humanitati unitæ Divinitati, inquit Richardus. POTESTAS. Græce, *robur*, quo inimicos suos quamvis rebelles subjugat, & scabellum pedum suorum ponit. Cætera

v. 12. & Apocal. 4. v. 9. exposuimus.

14. ET QUATVOR ANIMALIA DICEBANT, AMEN. Ita sit, ita fiat. Ad officium enim Euangelitarum & concionatorum maximè spectat, divinæ laudis testimonia confirmare, inquit Richardus, imò in choris laudantium Dum debent alijs præcinere.

ET VIGINTI QUATVOR SENIORES CECIDERVNT IN FACIES SVAS. Et corpore & mente ante Dei & Agni tantam maiestatem se prosternentes. ET ADORAVERVNT. Excitati laudibus omnium creaturarum. Ad Episcopos enim, Prælatos & Pastores Ecclesiæ, quos illi 24. seniores repræsentant, maximè spectat, voces creaturarum laudantium Deum audire, id est, Dei in eis officium & gubernationem attendere, & illam infinitam potentiam & sapientiam quadam admirationis extrahi frequenter adorare. VIVENTEM IN SÆCULA SÆCULORVM. Vita æternâ & indefectibili, ut semper sit fons plenus, unde omnis naturæ, gratiæ, gloriæ vita, & omne esse creaturæ, cum omnibus suis perfectionibus & modis perpetuò fluere, & conservari possit.

CAPVT VI.

SYNOPSIS CAPITIS.

Agnus sex prima sigilla libri clausi aperit, & S. Ioannes videt quatuor equos, & alia, quæ ad apertionem singulorum sigillorum se manifestant. Septimi verò sigilli apertio usque ad c. 8. differtur. In ista autem apertione septem sigillorum, manifestantur per figuras septem Ecclesiæ status, quibus exactis aperitur liber, in quo legitur ultimus status Ecclesiæ sub imperio Anti-Christi

vers. 1.

ET VIDI, QUOD APERVISSET AGNVS. Pergit S. Ioannes Christum appellare Agnum, quasi istud proprium nomen eius esset; ut significet, & Ecclesiam, & omne Ecclesiæ bonum ex maceratione & sanguine illius Agni profluxisse. VNVM DE SIGILLIS SEPTEM. Primum in ordine, quo septem illa sigilla clauderant oblongum libri volumen. Vnum, autem pro, *primum*, hic accipitur more Hebræorum, ut, *dies unus*, Gen. 1. v. 5. *Vna sabbatorum*, Marci 16. v. 2. unde S. Ioannes versu 3. sigillum, quod post hoc primum aperitur, secundum appellat. ET AUDI VI VNVM DE QVA-

O 2

TVOR

TVOR ANIMALIBVS. Quod animal primum simile Leoni appellavit Apoc. 4. v. 7. Unde hic iterum, *unum*, pro, *primum*, accipit. Dicens, TANQAM VOCEM TONITRVI. Quasi magna & stupenda loqueretur de conversione totius mundi ad Christum, per tonitrua prædicantium, & miraculorum coruscationes.

Congruebat autem ad intuendum primum hunc nascentis Ecclesiæ statum à Leone primo animali S. Joannem invitari, quia in hoc statu Christus fortitudinem Leonis, in debellandâ tam citò infidelitate, maximè ostendit. Deinde per Leonem significari putatur S. Marcus, qui in fine Euangelij sui plura & expressiora de Apostolorum prædicatione, & primo Ecclesiæ post Christi resurrectionem statu, quàm cæteri Euangelistæ, dixit.

VENI. Per affectum & attentionem. **ET VIDE.** Per spiritualem intelligentiam, quâ S. Joanni non tantum figuræ rerum, ut nobis; sed res ipse figuratæ spirituali lumine manifestabantur. Jubetur ergo accedere, ut illuminetur. Appositè autem per 4. animalia, seu 4. Euangelistas admonetur, ut status futurorum Ecclesiæ temporum contempletur, quia Euangelistæ Christi vitam, & miracula describentes, multa de temporibus istis prænuñtiaverunt.

2. ET VIDE, ET ECCE EQUIS ALBIS. Subitò, quasi sub sigillo latuisset, in medium ante sedentem in throno prodijt, ut primus iste Ecclesiæ status cæteri que ordine suo, non casu evenisse, sed sub Dei providentia exivisse significantur. Candor autem primi equi gaudium & lætitiâ primi status Ecclesiæ significat, sub Tiberij, Caligulæ, & Claudij Imperio: alba enim festiva, nigra lugubria sunt.

Inter plurimas autem quatuor istorum equorum interpretationes ea maximè videtur verisimilis, quæ quatuor primos Ecclesiæ status sub Apostolis, sub Tyrannis &c. designari credit. Nam Spiritus S. pœnè familiare est, per similes bestias, de Regnis, & Regnorum statibus Prophetas suos instruere. Sic Dan. 7. per leonem, ursum, pardum, & bestiam sine nomine omnium terribilissimam, quatuor Regna, Chædæorum, Persarum, Græcorum, Romanorum, sunt significata: eademque regna per 4. quadrigas equorum ruforum, nigrorum, alborum, & maculosorum representantur Zach. 6.

Ad singulorum autem sigillorum apertiones apparent equi, vel aliarum rerum figuræ, ut sub sigillorum istorum involucris, varij rerum futurarum status tanquam absconditi fuisse videantur, per quos Ecclesia transire debet, antequam ad integram apertionem, & lectionem libri perveniatur, in quo extrema tempora Anti-Christi, & secundi ad-

ventus

ventus Christi describuntur: Veluti enim Prophetæ veteris Test. varias res lætas aut luctuosas, populo suo eventuras tempore stantis synagoga usque ad primum Christi adventum prædixerunt: ita S. Joannes novi Test. Prophetæ, varios Ecclesiæ status & casus prophetat, qui divinâ providentiâ evenire debent ante secundum Christi adventum.

ET QUI SEDEBAT SUPER ILLVM. Nempè Christus Dominus, ut SS. Patres, post antiquissimum Jrenæum lib. 4. cap. 38. ferè interpretantur. Christus enim in primo Ecclesiæ statu, prædicatoribus Evangelicis, tanquàm equis albis infidebat, & celerrimo cursu in omnem terram vectus, infideles, non homines, sed infidelitatem eorum interficiebat. Unde sequitur. HABEBAT ARCVM. Evangelicam prædicationem, cujus sagittæ erant verbum Dei: hoc enim telò, corda infidelium conficebat. Igitur prædicator Evangelicus tanquàm equus albus, equitem Christum, arcu, pharetrâ, & sagittis armatum, tantummodo videri, ictus & vulnera ab equite hostibus intelliguntur, quia in negotio fidei, & conversionis infidelium, *neque qui plantat, neque qui rigat, est aliquid, sed qui incrementum dat Deus*, 1. ad Cor. 3. v. 7. Hoc Apostolico equo albo, & arcu Evangelico, Christus ab Ascensione sua. 1. ab anno circiter 18. Imperij Tiberij Cæs. per sequentem Caligulae & Claudij principatum, usq; ad initium Neronis, spatio annorum solùm 24. totum ferè orbem notum, per Asiam, Europam & Africam satissimè sibi subjecit: Deo providente, ne tres isti primi Imperatores Evangelio resisterent, sicuti postea ab alijs factum est. ET DATA EST EI. A patre. CORONA. Regia potestas, quæ in Judæis & gentibus regnaret, ac eos Ecclesiæ suæ imperio subiceret: ipse enim *constitutus est rex ab eo super Sion*, id est Ecclesiam, *montem sanctum eius, prædicans*, per se & Apostolos suos, *præceptum eius*, Psal. 2. Unde Pater ei promittit, *Dabo tibi gentes hæreditatem tuam, & possessionem tuam terminos terræ* Psal. eodem: Licet autem hæc regia potestas data sit Christo homini in ipsa Verbi Incarnatione; phrasi tamen Scripturæ dicitur dari, quando primum exercetur, & hominibus manifestatur. ET EXIVIT VINCENS. Et statim atque exire cepit per prædicationem Evangelicam, vincere & dominari in medio inimicorum suorum, & populi sub ipso cadere cœperunt, quia sagittæ ejus acutæ in corda inimicorum Regis, Psal. 44. Hinc ad primam concionem S. Petri, tria millia, Act. 2. v. 41. ad secundam quinque millia infidelium Judæorum spiritualiter occisa sunt, Act. 4. v. 4. Sagittæ enim gratiæ Christi initio statim novæ Ecclesiæ in gentem suam judaicam densissimè depluerunt,

ut Deus ostenderet, quomodo lex vetus Judæis fuisset pedagogus ad Christum, ad Gal. 3. v. 24. De istis enim primis Judæis ad fidem conversis hunc Apostoli locum præcipue explicat S. Augustinus, non de Judæis ante Christi adventum, quorum paucissimi, inquit, ad Christum & salutem pervenerunt. Nunc verò usque ad sæculi finem, dura corda Judæorum sagittas illas non amplius sentiunt. In fine tamen reliquæ eorum iterum convertentur, *quia jam cæcitas ex parte contigit in Israël, donec plenitudo Gentium intraret, & si omnis Israël salvus fieret*, ad Roman. 11. v. 25. **UT VINCERET.** Et victorias suas continuaret, debellando & convertendo etiam Gentes; quod per Apostolos missos in omnem terram, & præcipue per doctorem Gentium Paulum perfecit: istos enim primum ex gente Judæorum vicit, ut per ipsos gentes cæteras vinceret.

3. **ET CUM APERVISSET SIGILLVM SECVNDVM.** Ordine temporis, aiunt quidam; sed potiùs, secundum ordine situs localis, quia septem illa sigilla ordine & serie quadam disposita erant in volumine libri. **AVDVI SECVNDVM ANIMAL.** Vitulum nempè, ut patet Apoc. 4. v. 7. **DICENS VENT, ET VIDE.** Nullum animal poterat convenientius S. Ioanni revelare statum hunc secundum Ecclesiæ, in quo tot martyrum Myriades cæduntur gladijs more bidentium & vitulorum, quàm vitulus S. Lucæ, animal sacrificio & immolationi destinatum.

4. **ET EXIIT ALIVS EQUVS RVFVS.** Colore suo significans secundum Ecclesiæ statum, sanguine martyrum rubentem. Incæpit verò à Nerone, cujus Imperij anno 10. qui erat Christi 66. mota est prima persecutio in Christianos, duravitque usque ad tempora Constantini Magni, qui anno Christi 306. circiter imperare cæpit.

Igitur equi rufi & innumerabilium martyrum sanguine cruentati sunt, hi præsertim temporis intermedij Imperatores, Nero, Domitianus, Trajanus, Hadrianus, Antoninus Pius, Marcus Aurelius, Septimius Severus, Julius Maximinus, Decius, Valerianus, Aurelianus, & denique omnium cruentissimi Diocletianus & Maximianus.

Nec insolitum est, ut Prophetis per equos rufos Imperia sanguinolenta repræsententur: nam per ruforum equorum quadrigam, Nabuchodonosor & alij Chaldæorum reges sanguinarij demonstrati sunt, Zach. 6. v. 2. In equis etiam superbis, & petulantibus animalibus, nisi labore edomentur, aptissimè reges & principes figurantur, quos potentia & opes equis indomitis similes sæpè faciunt.

ET QVI SEDEBAT SVPER ILLVM. Diabolus, qui tyrannis illis
cruc-

eruentis, tanquam equis rufis infidens, ferro, & omni genere tormentorum, novam Christi Ecclesiam excindere voluit.

Alij infessorem equi rufi dicunt esse Neronem, & quemvis alium Ecclesie persecutorem. Sed potius per equum rufum, quam per ejus infessionem Nero, & persecutores repræsentantur: unde sicuti Christus equi albi, sive prædicatoris Evangelici infessor fuit; ita magis concinnè diabolus dicitur cruentis tyrannis inequitare, & per eos, tanquam animata instrumenta, efficere quæ sequuntur.

DATVM EST EI. Concessum sive permissum est à Deo. Quando enim Deus potestatem Diaboli relaxat, tollendo frænum, quo antea eum coercerat, more loquendi Scripturæ, dicitur ei dare potestatem.

UT SVMERET PACEM DE TERRA. Ut excitando tyrannos, & calcaria quasi subdens equis suis, tolleret pacem & quietem, q̃ à primi Christiani ubique ferè terrarum fruebantur. **ET VT INVICEM SE**

INTERFICIANT. Ut alij alios, tyranni videlicet, & eorum satellites interficiant Christianos: non autem quasi Martyres bello dimicent contra persecutores, & occidant, occidanturque vicissim ab ipsis, quandoquidem Christiani non canes, sed oves futuri essent inter lupos: unde pro, *invicem*, Arias vertit, *alij alios*. Horum temporum præfatus Christus: *Non veni mittere pacem in terram, sed gladium; veni enim separare hominem adversus patrem suum, &c.* inquit Matth. 10. v. 34. **ET**

DATVS EST EI GLADIVS MAGNVS. Magna potestas interficiendi. Imperium enim Rom. per Europam, Asiam, Africam latissimè diffusum, maximus gladius erat, quo ubique terrarum ferire poterat Christianos. Imò sub Christianorum sævissimis omnium persecutoribus & tyrannis Diocletiano & Maximiano, maximum & victoriosissimum Rom. Imperium fuit: nam Diocletianus de Gothis, Bastarnis, Carpis, Sarmatis, Quadis, Ægyptis, Persis: Maximianus verò de Francis, Alemannis, Britannis, & Mauritanis triumphavit. Cùm verò duo isti Cæsares omnibus bellis victores essent, felicitatem istam propter persecutionem Christianorum à Dijs sibi rependi existimabant; unde crudeliùs in dies sæviebant: & hinc factum est, ut Diocletianus in Oriente, Maximianus in Occidente, innumerabilem Christianorum multitudinem varijs supplicijs trucidaverint, statuerinque Christianismum toto orbo extinguere. Quod secùs omninò accidit: nam sicut Deus in primo Ecclesie statu, seminatione verbi, fidem voluit crescere; ita in secundo Martyrum sanguine voluit irrigari, & uberius germinare. Nam exemplo tantæ fortitudinis, & lûce miraculorum, quæ undique in Martyris & Martyribus coruscabant, innumeri ad fidem convertebantur.

Non

Non bene igitur Viegas per equum rufum, folum Neronem intelligit; quia Diocletiani & Maximiani, imò aliorum Cæfarum tyrannorum gladius, tempore & loco major fuit, quàm Neronis. Pàucò enim tempore perſecutio Neronis duravit, nec extra Romanam urbem ſe extendit. Aliorum verò gladius diuturnior, & per omnes, aut pluriſimas Imperij provincias exivit. Unde unico meoſe numerata ſunt 17000. Martyrum trucidata à Diocletiano. Quot millia triennio illo perſecutionis Neronianæ occiſa ſunt, numerari non poſſunt; & tamen ſaniena Diocletiani decennio toto duravit.

5. ET CUM APERVISET SIGILLUM TERTIUM. Sub quo tertius Eccleſiæ ſtatus occultabatur. AUDIVI TERTIUM ANIMAL. Habens faciem quaſi hominis, ut narravit Apoc. 4. v. 7. Dicens, VENI ET VIDE. Satis aptè animal ſimile homini invitat ad videndum homines; qui blanditijs fictæ humanitatis, & humanis argumentis oppugnaturi erant Eccleſiam. ET ECCE EQUUS NIGER. Quo tertius Eccleſiæ ſtatus ab hæreticis, mirum in modum exagitatus figurabatur. Sicut enim veritas fidei lux eſt; ita hærefes, extinctâ veritatis luce, tenebræ; & vita hæreticorum, opera tenebrarum ſunt: oculus enim eorum nequam, totum corpus tenebroſum facit, Matth. 6. v. 23. & plenum nigredine peccatorum, ut lib. 4. contra Iulian. cap. 3. loquitur S. Auguſtinus, ET QUI SEDEBAT SUPER ILLUM. Diabolus iterum, qui ex equo rufo deſilierat in iſtum equum nigrum. Ubi enim vidit, ſe externo bello per Imperatores infideles parùm profeciſſe, imò ſanguine Martyrum potiùs accendiſſe, quàm extinxiſſe Religionis Chriſtianæ fervorem; inſtino & civili bello per filios Eccleſiæ à fide apoſtatas, ſub Constantino Magno & deinceps, Eccleſiam aggreditur. Licet enim etiã tempore tyrannorum hærefes quædam exortæ fuiſſent; rariores tamen, nec tam ſubtiles & periculofæ, nec tam latè ſparſæ: & perſecutionibus gentilium tyrannorum ex patre reprimebantur, cum illi in hæreticos etiã, tanquam in Chriſtianos, ſe virent.

Tales igitur equi nigri, & inequitantis diaboli instrumenta fuerunt Donatus, Arius, Sabellius, Manichæus, Paulus Samofatenus; Photinus, Appollinaris, Macedonius, Pelagius, Neſtorius, Eutyches, & plurimi alij, qui ab anno Chriſti 300. uſq; ad 500 & ultra, ſub Imperatoribus Chriſtianis, mirabiliter exagitarunt Eccleſiæ ſtatum. Unde Deus, qui Eccleſiam ſuam non deſerit, illis duobus ſæculis adverſus lupos iſtos, gregi ſuo de canibus egregiè providit, excitando ſanctiſſimos & doctiſſimos Patres, quibus Eccleſia eo tempore maximè floruit, quales fuerunt Athanaſius, Hilarius, Servatius, Baſilius, Gregorius

gorius Nazian. Ambrosius, Hieronymus, Augustinus, Cyrillus, Leo, &c. Unde Augustinus Psal. 104. Ecclesiam sui temporis, propter scientiæ fulgorem, lunæ plenæ comparat, & cæcum esse ait illum, qui jam in isto plenilunio errat. Nam ut epist. 105. iterum dicit, Hæreticorum inquietudine, tanquam de somno ignaviæ, Catholicorum excitatur industria, ut vigilantius perferrentur Scripturas, ut illis possit occurrere, ne gregi Christi noceant.

Blasius Viegas per *equum nigrum* Imp. Rom. nigrum & lucuosum Judæis, per infessorem verò Titum Imper. qui Ierosolymam evertit, intelligit. Sed eversionem Judæorum prophetare, ad Prophetas veteris Testam. potius, quàm ad S. Joannem novi Testam. Prophetam, pertinuit: deinde Christus ipse Lucæ 19. v. 43. eversionem Ierosolymæ per Titum clarissimè prædixerat: & denique ipso jam factores manifesta erat, ut non fuerit opus tam obscurè rem præteritam & notissimam à S. Joanne figurari. Eversa enim fuit Civitas anno primo Imp. Vespasiani, qui fuit Christi 72. cum tamen S. Joannes hanc Apocalypsin scribat circa annum 14. Imp. Domitiani filij Vespasiani, qui fuit annus Christi circiter 97.

HABEBAT STATERAM IN MANU SUA. Ut in staterâ suâ dolosâ librando & pensiculando Verbum Dei, falsam doctrinam, tanquam cibum vitæ ponderaret, & distribueret plurimis, antè fidelibus, quibus pro pane venenum ministravit, & in hæresi enutrivit.

6. ET AUDIVI TANQUAM VOCEM. Vox enim non erat, quæ aures feriret, sed imago tantum vocis, imaginatione aut intellectu apprehensa IN MEDIO QUATUOR ANIMALIUM. Et inde ad aures meas quasi tractam. DICENTIUM. Igitur 4. animalia uno quasi ore vocem illam emittere videbantur: quatuor enim Evangelistæ multa de futurorum temporum hæreticis prænuntiaverunt. Græca tamen hodie, dicentem, legunt: unde multi Interpretes vocem illam, quam audiuit S. Joannes, non ab animalibus, sed ab eo, qui erat in medio animalium, id est, à Deo sedente in throno, vel ab Agno qui erat juxta thronum, perfectam interpretantur. BILIBRIS TRITICI. Græcè, *Chenix tritici*, id est, mensura duarum librarum tritici, quæ tantum pendit, quantum panis homo unus die uno olim absumere solebat. Unde Patres familias per fidelem aliquem dispensatorem, solebant bilibrem chœnicem tritici admetiri in singulos dies singulis famulis. Unde Christus ad hunc morem respiciens, *Quis putas, est fidelis dispensator, &c. ut des illi in tempore tritici mensuram*, ait Lucæ 12. v. 42. Interpres autem, *chenix*, vertit, *bilibris*, substantivè, ut indicaret, non majorem chœnicem

P

intelligi

intelligi, quæ 4. libras, sed chœnicem atticum minorem, quæ duas libras, sive 24. uncias pendebat, ex qua mensura, panis 32. unciarum confici poterat: nam lex certa naturæ est, ait Plinius, lib. 18. cap. 7. ut in quocumque genere frumenti, pani militari tertia portio ad grani pondus accedat.

De tali etiam Chœnice proverbiale illud Pythagoræ, *Chœnici ne infideas*, à Plutarcho intelligitur: quo significatur, ut homo non sit contentus mensurâ panis, quam eo die comedere potest, sed in futurum etiam prospiciat; quod quodammodo Christi præcepto contrarium est, *Nolite solliciti esse in crastinum*, Matth. 6. v. ult.

DENARIO. Decem assibus, scilicet vendetur, quantum erat diurnum militis stipendium sub Cæsare Augusto; quamquam sub Domitiano, quando hanc Apocalypsin scripsit S. Joannes, stipendium illud ad 15. asses excrevisset, ut lib. 4. Dial. 16. de militia Rom. probat J. Lipsius. Significat ergo S. Joannes, magnam futuram spiritualis annonæ caritatem, cum 10. assibus ad solum unius Diei triticeum panem opus esset. Et TRES BILIBRES HORDEI DENARIO: Et tres chœnices, id est, sex libræ hordei vendentur 10. assibus: quia enim hordeum triplo vilius esse solebat tritico, tres chœnices hordei in pretio æquant unam chœnicem tritici. Unde significatur, quod hordei pretium augendum sit ad proportionem tritici, & utrumque futurum valde carum, quia rarum.

Triticum autem, quia est cibus hominum, significat doctrinam & intelligentiam sublimiorum DD. Ecclesiæ; quæ propter hæreses latè grassantes, & Episcopos ac DD. Ecclesiæ à fide deficientes, valde minuitur: Unde quod incorruptum superest, sit pretiosum & carum, sicut solet in annona frumenti. Hordeum autem est cibus jumentorum potius, quàm hominum: unde significat veræ fidei rudimenta, quæ dantur hominibus simplicibus, tanquam hordeum jumentis. Christiani enim simplices nomine jumentorum in Scriptura quandoque appellantur: *Homines & iumenta salvabit Domine*, Psal. 35. Unde eosdem simplices ac stupidos homines, per asinas mysticè significari, interpretatur S. Gregorius in illud Job. 1. v. 14. *Boves arabant, & asina pascebant: iuxta eos.*

Talis autem tritici & hordei caritas in Ecclesia fuit, quando circa annum Christi 360. in fine Concilij Ariminensis, Valens Arianus Episcopus dolose concepit novam formulam fidei, quâ non tantum præcedentia decreta illius Synodi, sed etiam Synodi Nicenæ implicitè revocabantur, & prætextu publicæ pacis, 490. Patres, partim

persuasi

persuasi, partim à Constantio Imp. Ariano coacti sunt subscribere, resistente inter primos Servatione, siue Servatio Tungrorum Episcopo, ut narrat Severus Sulpitius proximus illorum temporum scriptor. Tunc Episcopi Ariani, aut Catholici ab Arianis seducti, ad diocesanas suas redeunt, Arianorum erroribus oves suas pascere cœperunt. Unde, ut loquitur S. Hieronymus, *Damnatio Nicœna fidei conclamata fuit, & ingemiscens orbis terrarum se Ariarium esse, miratus est.* Unde patet, non tantum triticum hominum, sed etiam hordeum iumentorum illis temporibus rarum ac carum fuisse. Quam etiam caritatem paulò post invexerunt Gothi & Wandali, Galliam, Italiam, Hispaniam, Africam inundantes, hæresiarianâ infecti.

ET VINUM ET OLEVM NE LÆSERIS. Attamen licet triticum & hordeum doctrinæ christianæ læseris, & redegeris ad istam caritatem, per hæreses & sinceræ fidei corruptelas; inibetur tamen tibi, qui super equo nigro sedes, ut Ecclesiæ Sacramenta non corrumpas: sunt enim vinum & oleum, quæ Samaritanus vulneribus faucij peregrini infudit, Lucæ 10. v. 34. id est, quibus duo vulnera peccati originis, concupiscentia, & ignorantia sanantur: vinum enim cor, siue voluntatem hominis, ad pugnandum contra concupiscentiam carnis, lætificat & roborat; oleum autem lucem accendit, quâ ignorantie tenebras pellit. Hanc autem lucem & spirituale robur Sacramenta ministrant, dum gratiam infundunt.

Hinc patet, hæreticos nostri temporis deteriores in ea parte esse Arianis, & cæteris Ecclesiæ illius ævi hæreticis, qui vinum & oleum ita læserunt, ut universa Ecclesiæ Sacramenta, præter Baptismum, sustulerint.

7. ET CVM APERVISSET SIGILLVM QVARTVM. Sub quo quartus Ecclesiæ status, & calamitas latebat, præcedentibus longè luatiosior. Cùm enim diabolus nec per gentiles tyrannos, nec per hæreticos Christi fidem, & Ecclesiam excindere potuisset, novum Religionis monstrum Mahumetismum excogitavit, ex Gentilitate, Iudaismo, & Christianismo compositum: cujus originem & progressum infra narrabimus. Licet enim multi Interpretes aliter hujus quarti sigilli apertionem interpretentur; Abbas Joachim tamen, Aureolus, & alij omnium probabilissimè de secta Mahumetica, quæ jam per 1000. amplius annos Ecclesiam infestavit, accipiunt: incredibile enim est, S. Joanni Prophetæ novi Testamenti non esse revelatam tantam Ecclesiæ cladem. AVDIVI VOCEM QVARTI ANIMALIS. Aquilæ. DICENTIS, VENI ET VIDE. Licet Aquila quartum Evangelismum,

S. Ioannem Euangelistam repræsentaret; quia tamen sub aliena specie repræsentabat, potuit in imagine aquilæ eum alloqui, & ad videndum invitare.

8. ET ECCE EQUVS PALLIDVS. Interpres infra Apoc. 8. v. 7. & 9. v. 4. eandem vocem græcam *χλωρός*, vertit, *viridis*; est enim propriè color herbarum & foliorum, tam virentium ætate, quàm autumno in pallorem morientium. Uterque autem color Mahometæ & Mahometanis rectè congruit, qui vitijs pallidis, invidiæ, avaritiæ, libidinis sunt deditissimi. Schytæ etiam & Turcæ, qui Mahometismum maximè propagaverunt, naturâ suâ sunt pallidi. Color etiam viridis fuit Mahometi peculiaris: unde hodie inter Turcas nemo potest cidarim viridem capite gestare, nisi fuerit ex progenie Mahometis. ET QUI SEDEBAT SUPER EVM. Diabolus nempe, qui præcedentium duorum equorum rufi & nigri fuit etiam infessor. Ipse enim est principalis auctor cladum, quæ Christi Ecclesiam invadunt, ad quas uritur infidelibus, tanquam equis; & instrumentis animatis. NOMEN ILLI MORS. Per metonymiam diabolus *mors* appellatur, quia auctor mortis tam corporalis, quàm spiritualis.

Quidam Interpretes mortem istam Mahometem interpretantur: sed conformius ad præcedentia sigilla, equus ipse pallidus est Mahometes, equus verò diabolus auctor mortis. Hunc autem equum potius, quàm præcedentes duos, mors inequitat, quia nec tyranni gentiles primis trecentis Ecclesiæ annis, nec hæretici trecentis sequentibus, tot hominum animas interfecerunt, quot secta Mahometica, quæ per mille amplius annos hodie adhuc in pluribus terræ regionibus durat.

ET INFERNVS SEQUEBATUR EVM. Ut hiatus aperto innumerabiles animas absorberet, quas diabolus Mahometi inequitans interficit: à nulla enim secta, major, quàm à mahometica, inferno mæssis fuit.

Quidam per, *infernum*, intelligunt dæmones inferni incolas, diaboli equitis satellites, qui ipsum & Mahometem sequuntur, ut eorum conatus adjuvent. Alij, *infernum*, putant Antichristum esse, cujus inter præcipuos præcursores fuit Mahometes.

ET DATA EST ILLI POTESTAS. Divinâ providentiâ, propter peccata Christianorum, id permittente & concedente. SUPER QUATVOR PARTES TERRÆ. Super omnes quatuor terræ plagas, Orientalem, Occidentalem, Septentrionalem, & Australem, ut plurimos scilicet ubique terrarum interficiat. Secta enim Mahometis ab Arabia, unde tanquam à centro suo incepit, per vicinam Persiam, & vastissimas alias regiones, ac plurimas Oceani Indici insulas, ad ultimum

Orientem

Orientem excurrit. In Occidentem verò per uniuersam Africæ longitudinem, usque ad fretum Herculeum, & vicinam Hispaniam, cuius optimam partem Saraceni Mahometani per 800. circiter annos occupauerunt: In Septentrionem per Syriam & Palæstinam, ac totam Asiam Minorem, & maris Ægæi insulas, per Græciam, Thraciam, Hungariam, Illyricum; deinde ultra pontum Euxinum, mare Caspium, & Paludem Mæotim, in Tartariam latissimè effunditur: In Austrum per totam Ægyptum usque ad Abyssinos, complectendo etiam plurimas Oceani Africani insulas, expanditur. Unde hæc secta plus terræ & maris hodie, quàm olim Rom. Imperium complectitur, etsi Imperium Turcicum amplitudine superetur à Romano, ut ostendit Iustus Lipsius lib. 1. de magnitud. Rom. cap. 3.

Verùm secta Mahometis multò latius, quàm Imperium Turcicum patet; nam Persæ, Tartari, & alia regna Orientis sunt religione Mahometani, licèt Turcarum Sultano subditi non sint. Non unus tamen est omnium Mahometismus, propter varias Alchorani interpretationes. In quatuor enim sectas diuisi sunt Mahometani, quarum prima est Arabum & Maurorum, secunda Persarum, tertia, & omnium molissima Turcarum, quarta Tartarorum.

Græci codices hodie non legunt, *Super quatuor partes terræ*, sed *super quartam partem terræ*. Minùs benè: nam illa superstitione mahometica, videtur plusquam quartam partem orbis terræ habitabilis, & cogniti tempore S. Ioannis, occupasse.

INTERFICERE GLADIO. Data, inquam, est ei potestas ad interficiendum gladio, tam materiali, quàm spiritali. Nam Mahometes, postquam Arabiæ regnum est adeptus, gladio & armis religionem suam in vicinas provincias cœpit propagare, interficiendo eos, qui eius Alchoranum nollent recipere, & seruando eos, qui vellent; unde *Muselmannos*, id est, *Conservatos*, vocauit, sicuti Romani bello captos, & à morte conservatos, servos, appellauerunt.

Gladius autem spiritalis est verbum Dei adulteratum, quò Mahometes & hæretici animas suorum sectariorum interficiunt. Mahometes enim ex Mecha Arabiæ felicitis urbe oriundus, circa annum Christi 620. imperante apud Romanos Heraclio, Alchoranum suum, tanquam à Deo per Angelum Gabrielem dictatum, composuit, adiutore Sergio, Hæresis Nestorianæ, aut, ut alij, Arianæ hæresis Monacho, qui multa ex Dei verbo, secundùm hæresim Nestorianam interpretato ei suggestit, miscendo etiam aliqua de Gentilismo & Iudaismo, quo plures ad suam sectam alliceret. Deinde omnem carnalium volupta-

voluptatum licentiam permittendo, quoddam Moyses & Christi leges nimis severas, & hominum inclinationi minimè consentaneas fuisse diceret. Cæteros verò, qui istis illecebris attrahi non poterant, non prædicatione nuda, sicut Moyses & Christus, sed gladio, & vi adhibita, cogere statuit, unâ manu Alchoranum, alterâ gladium gestans.

A Monacho autem illo Nestoriano putatur vestes talares, & tot in oratione genuflexiones & procubitus accepisse, aliosque Monachorum orientalium ritus, quos adhuc hodie servant Turcæ.

FAME. Tam corporali, quàm spiritali; Saraceni enim & Turcæ quacumque incedunt, omnia ad pulverem usque devastant, & famem, ac terræ in futurum sterilitatem inducunt: unde dicere solent, Non crescere amplius herbam, ubi magni Sultani equus calcavit. Agri enim passim relinquuntur inculti, cum Turcæ naturâ suâ sint admodum pigri: Christianos verò cædet agros colere pro Turcis, qui omnia ipsorum, quando libuerit, solent diripere.

Fame quoque spiritali, id est, subtractione Sacramentorum & omnis alimenti spiritualis, innumerabiles animas à tot jam annis interfecit secta Mahometis, severissimè interdicens omnem in materia religionis disputationem, ne ipsi ad fidem Christi convertantur, & ad penum & apothecas spiritualium alimentorum in Ecclesia Christi perveniant. Unde nulli, aut paucissimi Mahometani ad fidem convertuntur.

ET MORTE, id est, mortalitate, sive peste corporali & spiritali. Videtur enim S. Ioannes respexisse ad tria ordinaria flagella Dei, quæ sunt, gladius, fames, & pestis. Dicitur autem mors specialiter eos interficere, qui peste moriuntur, quia nullæ aliæ causæ externæ apparent, à quibus vita adimatur, sicuti apparent, quando homines gladio aut fame pereunt.

Peste autem corporali innumeros homines perdit secta Mahometis, quia docet, fatali necessitate mortem unicuique homini evenire, nec fugâ, aut ullo remedio posse evitari. Unde pestem grassantem Turcæ non declinant, sed sani cum ægris conversantur, edunt & cubant: unde peste vix unquam carent.

Morte etiam, sive peste spiritali suorum animas interficit Mahometes, hoc est, mortiferâ persuasionem & securitatem, quâ se solos sanctos & Deo gratos esse existimant: unde Christianos per contemptum canes appellant. Illa enim tam firma persuasio & securitas est instar occultæ pestis, quæ eos sopit, & sine sensu viscera depascit.

ET

ET BĒSTIIS TERRÆ. Corporalibus bēstijs plurimos mortales interfecerunt Mahometani, dum vastatis & perditis eorum urbibus & regionibus, in sylvas & deserta à feris devorandos disperferunt. Bēstijs etiā spiritualibus, id est, concupiscentijs & affectibus belluinis, superbia præsertim leonina, harpyarum avaritiā, libidine caninā, suorum animas perdunt. Superbissimi enim, & avarissimi, & libidinosissimi sunt Turcæ & Mahometani.

Sed ad libidinem maximè eis præivit Mahometes, dum tot unicuique uxores habere permisit, quot posset alere; & docuit præcipuam hujus & futuræ vitæ beatitudinem in voluptatibus venereis consistere: unde omni turpitudinum genere, tam secundum quàm contra naturam, se polluunt Turcæ. Qui nuper Constantinopolim peregrinati sunt, narrant, Amurathem, qui hodie eis imperat, quadringentas uxores in suo palatio alere.

9. ET CVM APERVISSET SIGILLVM QVINTVM. Nullo jam animalium amplius eum vocante, ut veniret & videret, quia quod jam visurus est, continetur sub omnibus quatuor Ecclesiæ statibus, ad quos videndum quatuor animalia S. Ioannem singula suo ordine invitarunt. **VIDI SVBTVS ALTARE.** Non in terra, sed in cœlo ipso. Nam animæ istæ amictû stolis albis dicuntur esse ante thronum Dei, Apoc. 7. v. 15.

Altare verò illud cæleste est Christus, ut SS. Patres passim interpretantur: quia super ipsum, & Martyrum cruenta, & divinæ laudis ac bonorum operum incruenta sacrificia Deo Patri immolantur: nam super Christi merita fundantur, & inde habent, quòd in odorem suavitatis ad Deum patrem ascendant. Unde tam altare holocaustorum, in quo cremabantur animalia, quàm altare thymiamatis, in quo thura & suffitus adolebantur, fuerunt Christi Domini figura; sicut totum templum judaicum figura cœli.

ANIMAS INTERFECTORVM. Quatuor primis illis Ecclesiæ temporibus, quæ per equos album, rufum, nigrum & pallidum designata fuerunt.

Multi recentiores interpretantur, S. Ioannem vidisse animas istas Martyrum sub altari, quia corpora Martyrum solent olim sub altaribus in cryptis sepeliri; & ideo dixisse, visas à se animas, ubi sunt eorum corpora. Aut certè, *animam*, hic accipi pro toto homine, ut dicat se vidisse S. Petrum, S. Paulum, &c. sub altari, sub quo eorum corpora, aut Reliquiæ sepultæ erant. Verùm hæc interpretatio videtur violenta: vidit enim S. Ioannes nudas animas, quandoquidem pro resurrectione & reditu ad sua corpora Deo supplicent; deinde vidit eas in cœlo sub altari cœlesti, non sub altaribus terrestribus, ubi
sunt

sunt earum corpora. Denique, quia altare cœlestē Christus unicum est, cum altaria terrestria, sub quibus reliquæ Martyrum jacent, sint innumerabilia, ideo videtur singulari numero dixisse, *subtus altare*.

Videtur ergo respexisse ad Christum, ut figuratum per altare holocaustorum Templi Salomonis, ideoque vocasse ipsum, *altare*: quod inde fermè evidens est, quia infra Apocal. 7. v. 15. dicit illas animas interfectorum esse ante thronum Dei, & servire Deo in templo ejus die ac nocte; cœlum nomine templi appellans, & animas, tanquam Sacerdotes in templo Salomonis ministrantes considerans. Unde restat, ut altare cœlestē sit instar altaris holocaustorum, super quo animalia munda, sicuti super Christo Martyres, immolabantur.

Dicuntur autem animæ beatæ ante resurrectionem esse sub Christo altari, quia cum careant carne propriâ, requiescunt in corpore Christi, quasi sub carne aliena, donec in resurrectione, resumptis proprijs corporibus, ponantur super altare, ut gloria corporum ipsorum omnibus jam sit conspicua, nec sub corpore Christi glorioso tanquam abscondita; etiam si minor sit, quàm gloria ipsius altaris. Denique super altare ponentur in sacrificium novæ laudis, quâ agnoscent se hoc novissimum beneficium ex merito Christi adeptas esse.

S. Bernardus Serm. 4. in Festo omnium Ss. dicit ponendas super altare, non prælatione, sed contemplatione: quia nempe animæ illæ Divinitatem Christi, quæ eminentior est quàm Humanitas, post resurrectionem excellentiori modo contemplabuntur, ut ipse existimat: quia adeò viget in eis, naturale desiderium corporis, ait ibid. Serm. 3. ut necdum tota earum affectio liberè pergat in Deum; sed contrahatur quodammodò, & rugam faciat, dum sui desiderio inclinantur: Unde notat S. Ioannem infra Apocal. 14. v. 5. dixisse, illas animas sine macula, non autem sine ruga esse ante thronum Dei.

Hæc verò privatæ affectionis ruga non est imperfectio contracta ex peccato originis, sed ex essentia ipsa animæ, quæ natura sua est solum quædam medietas integri & completi entis. Hinc cum anima rationalis, etiam secundum gradum rationalem sit forma corporis; secundum etiam inclinationem rationalem, quæ nihil aliud est quàm voluntas, desiderio quodam, seu velleitate etiam elicitâ inclinatur naturaliter ad corpus, quàm naturam gratia etiam supernaturalis beatitudinis non destruit.

Nec etiam ista velleitas cum perfecta in divinæ voluntatis beneplacitum resignatione pugnat: nolunt enim beatæ animæ contra Dei voluntatem, sed vellent resumere sua corpora, & beatitudinem suam

com-

compleri, si Deo placeret; sine carne enim compleri earum lætitia, perfici gloria, consummari beatitudo non potest, ait Bernardus ibid. Serm. 3.

Atque ita hæc S. Bernardi sententia, quæ vehementer ab aliquibus recentioribus oppugnatur, probabiliter defendi potest: quæ etiam est S. Augustini & Haymonis hoc loco; imò S. Thomæ in suppl. quæst. 93. art. 1.

Nec verum est, quod quidam recentiorum aiunt, nullam esse sympathiam inter operationes naturales & supernaturales animæ rationalis: ut proinde, etiam si naturale desiderium ad corpus in animabus beatis maneret, non ideo, inquit, visio & amor Dei remitti posset. Nam contrarium D. Thomas 2. 2. quæst. 175. art. 4. ad 1. indicat, & contra Molinam & Suarez docet Smisingus de Deo Uno tract. 2. disp. 6. quæst. 9. n. 293. Et nos certè experimur ex desiderio alicujus boni creati, voluntatem nostram per quamdam sympathiam reddi languidiorem ad eliciendos actus charitatis supernaturalis.

PROPTER VERBUM DEI. Quod prædicabant vel fide tenebant: idcirco enim Martyres sunt à tyrannis interfecti. ET PROPTER TESTIMONIUM (Græci quidam codices interponunt, Agni) QUOD HABEBANT. Et quia ex sua, aut aliorum testificatione sciebantur esse Christiani, cujus nominis odio ab infidelibus fuerant interfecti.

10. ET CLAMABANT VOCE MAGNA. Quæ magnum significatur earum desiderium. DICIENTES; USQUEVO DOMINE. Non quòd moræ impatientes sint, aut tempus resurrectionis à Deo constitutum velint breviri. Cum enim sua desideria ex Dei voluntate suspendant, nefas est credere, eas quidquam contra Dei nutum cupere. Solum ergo illo modo loquendi significatur magnitudo desiderij rerum carum, quas sciunt Deum velle, inquit Beda. SANCTVS. Qui es tam sanctus & purus in temetipso, ideoque maculas peccatorum, & scelera tyrannorum adeò detestaris. ET VERVS. Et verax in promissis tuis, quibus nobis ultionem promissisti de inimicis nostris. NON IVDICAS. Non instituis iudicium. ET NON VINDICAS SANGVINEM NOSTRVM? Effusum à tyrannis super terram. DEIS, QUI HABITANT IN TERRA. Græcè; *ab us.* Repetendo scilicet illum de manu ipsorum, & puniendo eos, qui adhuc vivunt, & impunè habitant in terra. Respiciunt autem maximè ad extremam illam in iudicio universali vindictam: optant enim diem illum ultimæ & universalis vindictæ cum regno Christi advenire, ut corpora sua resumant, & animo ac corpore beati cum Christo regnent.

Postulant autem vindictam fieri ab eo, cujus est vindictam sumere: nec ex odio inimicorum suorum sed amore & Zelo divinæ justitiæ. Sicut enim Deus vult vindictam exercere, tanquam justam & sibi gloriosam; ita Sancti ex eodem motivo, & divinæ voluntati se conformando, possunt illud idem optare. Optant etiam ex charitate erga ipsosmet Tyrannos; ut si prædestinati sint, flagellis convertantur ad poenitentiam; si reprobi, ut citius eripiantur e vita, desinantque peccare, ut mitius postea torqueantur in inferno: quod utique charitatis est & misericordiæ, inquit Haymo.

II. ET DATÆ SUNT ILLIS SINGULÆ. Græcè, *data sunt singulis*. Sed Interpres voluit clarius significare, non nisi singulas singulis, non autem duplices singulis datas fuisse. STOLÆ ALBÆ, id est, Gloria animæ, donec in resurrectione corporum duplicibus vestiantur.

Duæ igitur sunt stolæ: prima est felicitas & requies animarum, secunda immortalitas & gloria corporum, ait S. Bernardus Serm. 3. in festo omnium SS. Non negat ergo S. Bernardus, animas Sanctorum beatas esse, & videre Deum ante resurrectionem corporum, ut multi eum interpretantur, (aliàs enim utramque stolam simul in resurrectione corporum diceret accipi) sed docet solum cum S. Augustino beatitudinem animæ tunc augendam, quando rota ejus affectio, ut loquuntur, completo naturali desiderio ad corpus, liberius in Deum ferretur. Existimare autem videtur S. Bernardus, visionem illam futuram non tantum intensiorem, sed eminentiorem, & alterius rationis: Ideoque Serm. 4. dicit, Christum tunc ministraturum animabus in corpore glorioso, novas delicias ante illud tempus penitus inexpertas manifestæ suæ contemplationis.

Aliàs eodem Serm. 4. discrimen ponit inter duos Abrahamæ sinus, quorum unus fuit in tenebris & inferno (qui est limbus patrum, ubi animæ sanctæ ante Christi adventum in fide & expectatione Salvatoris quiescebant) alter in lucē multa, & in Cælo, ubi sunt animæ, quas subitus altare S. Joannes vidit. Lux autem illa, de qua loquitur S. Bernardus, non corporalis sed spiritualis, & in aliqua Dei visione consistere videtur.

Stola autem propriè est vestis muliebris, instar poderis demissa usque ad talos; cujus candor gloriā & gaudium, quo animæ illæ totæ perfunduntur, & quasi vestiuntur, significat: unde alibi *stola gloriæ* appellatur, Eccli. 15. v. 5.

ET DICTUM EST ILLIS. Per inspirationem cognitionis in Verbo vef extra Verbum: UT REQUIESCERENT. Quiete illā, quam in beati-

beatitudine solius animæ possident. ADHVC TEMPVS MODICVM. Reverà enim modicum & momentaneum tempus est hinc usque ad resurrectionem generalem, si comparetur ad æternitatem gloriæ animæ & corporis quæ sequetur. Post istud verò modicum tempus exaudientur, & plenissimè vindicabitur sanguis earum confusione illâ publicâ Tyrannorum in iudicio universali, & æternitate poenarum, quæ mox sequentur. DONEC COMPLEANTVR. Numero & multitudine illâ, quâ Deus per æternam prædestinationem decrevit ædificare, tanquam lapidibus vivis, Ecclesiam suam triumphantem. Ex quo colligitur contra veteres semipelagianos certum & definitum esse à Deo numerum prædestinatorum, nec à fortuito liberi arbitrij cum gratia concursu, posse extendi aut contrahi. CONSERVI EORVM. Electi, qui eidem Domino usque ad finem sæculi servituri sunt. ET FRATRES EORVM. Et præsertim Martyres, qui peculiari societate martyrij, confratres eorum, & dilectissimi filij ejusdem patris sunt. QUI INTERFICIENDI SVNT, SICVT ET ILLI. Quibus etiam decreta est laurea martyrij: undè modicum tempus adhuc fluere debet, ut illam ipsi mereantur, & sint tyranni, qui necem inferant. Quo audito acquieverunt tanquam exauditi: oratio enim Beatorum semper exauditur, ait Carthus, quia non alio modo, tempore, loco aliquid fieri postulant, quàm Deo placet. Quo modo etiam omnes pii in hoc mundo orationum suarum formulas concipere debent.

12. ET VIDI, CVM APERVISSET SIGILLVM SEXTVM. Cum dictum esset animabus SS. Martyrum, ut requiescerent, donec completur numerus caeterorum interficiendorum, transvolando tempora intermedia, in quibus numerus ille paulatim colligitur, revelatur S. Joanni novissimum mundi tempus, quando ultimum complementum fiet, & plurimi tam ex Gentibus, quàm ex Judæis ad Christum ab Elia & Henoch conversi ab Anti-Christo interficiantur. ET ECCE TERRÆ MOTVS MAGNVS, Maximus fortasse omnium quotquot à condito orbe præcesserunt. Quia enim status orbis terræ & totius Universi immutandus est, verisimile est hunc ultimum terræ motum futurum universalem; ideoquæ Christus de tempore illo ait, *Erunt terræ motus magni per loca*, Lucæ 21. v. 11. & de magnitudine ejus quali intensiva Isaias ait, *Concutientur fundamenta terræ, confractioe confringetur terra, convulsione conteretur terra, commotione commovebitur terra, agitatione agnabitur terra*; sicut etiam, Isa. 24. v. 19. Undè videtur totus orbis terræ ab imis fundamentis concutiendus, & elevandus extra centrū.

FACTVS EST. De re futura tanquam de præsentī loquitur, propter

prophetiæ certitudinem. ET SOL FACTVS EST NIGER. Facies ejus nigra apparuit hominibus à terra spectantibus. Sicuti enim sol matutinus per vapores sanguineus, aut per nebulam pallidus apparet; ita tunc conspicuâ manente ejus figurâ, per nubes crassiores niger apparebit. Fortasse etiam, nigre illæ maculæ quas recentiores Astronomi nuperprehenderunt magno numero circa solem ambulare, congregandæ sunt simul in facie Solis obversa terris, ut obscuretur & nigrescat in toto hemisphærio, etiamsi nubes non totum illud hemisphærium obnubilent. TANQVAM SACCVS CILICINVS. ex-nigris animalium pilis contextus, qualem faccum in magnis calamitatibus lugentes solent induere, ut Dei misericordiam provocent, ut Amos 8. v. 10. Joannæ 3. v. 5. 4. Regum 6. v. 30. & alibi. Color ergo ille solis cilicinus significat luctum, qui tunc imminet toti orbi. ET LVNA TOTA FACTA EST SICVT SANGVIS. Velut solet in-Eclipsi illa totali, quam Astrologi Martialem vocant, quia sanguineum illum colorem putant bella, & sanguinis effusionem significare.

13. ET STELLÆ DE CÆLO CECIDERVNT SVPER TERRAM. Stellæ crinitæ, & aliæ exhalationes in cælo superiori aëreo instar verarum stellarum lucentes, non tantum ibi accenduntur, & postea extinguuntur, ut solent: sed etiam ad terram usque decident ad augendum terrorem.

Tales autem stellæ, quando magnæ & publicæ calamitates instant, etiam nostris temporibus in superiori aëre, vel etiam inter vias planetarum accendi solent, ut nuper Anno 1618. ante bellum Germanicum, quod hoc anno 1646. adhuc durat, vidimus. Tunc verò plures magnitudine, & facie inusitatâ apparebunt, ut ultimam, & omnium maximam mundi calamitatem significant.

Cælum autem hîc totam expansionem corporum transparentium à terra usque ad mundi culmen significat, in qua comprehenditur aër, æther, & stellarum regio: unde nunc pro cælo aëreo, nunc pro æthereo, aut siderum regione accipitur.

Quidam tamen proprias stellas à cælo sidereo in terra lapsuras interpretantur: quod non convenit magnitudini & moli, quam veris stellis dant Astronomi: unica enim talis stella si caderet, univèrsam orbem terrarum cooperiret.

SICVT FICVS EMITTIT GROSSOS SVOS, id est, tam densè, quam arbor ficus decutit in terram ficus suas immaturas & ramis malè herentes. CVM A VENTO MAGNO MOVETVR. Imitatur Isaiam, qui de iisdem extremis temporibus loquens, ait, *Omnis militia cælorum defluet, sicut*
defluat

defluit folium de vinea & ficu, Iſa. 34. v. 4. Phraſi autem iſtâ hyperbolice ſignificatur, ſuperioris aëris aut ætheris cometas cælo ſuo infirmiter hærentes decutiendos eſſe in terram tam denſe, quàm flores, folia & immatura poma, valido vento decuti ſolent in terram.

Myſtico autem ſenſu groſſi ſunt homines adhuc imperfecti, & nondum bonorum operum maturitate ſolidati, qui magno tunc perſecutionum vento decutientur in terram, id eſt, timore amittendi vitam & res terrenas à fide deficient.

De iſſdem prodigijs Chriſtus Dominus, *Sol obſcurabitur*, inquit, & *Luna non dabit lumen ſuum*, & *ſtelle cadent de cælo*, Matth. 24. v. 29.

14. ET CÆLVM RECESSIT. id eſt, & cælum, in quo ſidera celata, & tanquam aurei characteres divinæ Maieſtatis inſcripti ſunt, ex oculis mortalium recedet & evaneſcet, abſcondito ſcilicet Sole, Lunâ, & Stellis. SICVT LIBER INVOLVTVS. Sicut Scriptura libri abſcondi & evaneſcere ſolet, nec legi poteſt, quando in volumen convolvitur. Libri enim Veterum erant quædam volumina ex corticibus arborum, aut pellibus animalium, quas non paginatim, ut hodie, compingebant, ſed in volumina circa cylindros convolvebant, ut Apoc. 5. v. r. iterum diximus.

Iſaias eadem tempora reſpiciens, *complicabuntur*, inquit, *sicut liber, cæli*, Iſa. 34. v. 4. quibus verbis aliqui ceſſationem etiam motus cœli ſignificari putant; ſicuti liber involutus & complicatus non amplius movetur & evolvitur ad legendum, ſed quieſcit ſine motu. Quod ſi verum eſt; S. Ioannes ſub hoc ſigillo per anticipationem ponit, quod eventurum eſt poſt omnia ſigilla, & poſt mortem Antichriſti, imo poſt iudicium generale, & omnium rerum conſummationem, nam ceſſatio iſta motus cœli, & temporis univerſalis abolitio videtur omnium futura poſtrema.

ET OMNIS MONS ET INSVLÆ. Quæ nihil aliud ſunt, quàm montes maris, quorum cacumina habitantur ab hominibus. DE LOCIS SVIS MOTÆ SVNT. Spiritus aliquo ſub radicibus montium & inſularum rarefacto, & ſuperpoſitas moles in altum excutiente, aut etiam de loco in locum transferente, ut de quibuſdam montibus terræ motu evulſis, & contrario motu inſtar arietum concurrentibus narrat Plinius lib. 2. cap. 83. & colles quosdam aliò migraviſſe in Anglia Anno 1375. & arboreta in Hibernia Anno 1586. reſert Ribera.

Nullæ autem terræ regiones facilius terræ motu concutiantur, quàm montes & inſulæ, propter concavitates, quibus ſpiritus terræ motorem continent, & propter alimenta ignium, qui ſæpè ſub montibus & inſulis ardent.

Q. 3.

Licet.

Licet autem tales terræ motus causas suas naturales habeant; solet tamen Dei providentia ita illas disponere, ut tales effectus producant, quando bellorum, pestis, famis calamitates instant, ut homines præmoneantur, ut ad eas excipiendas se præparent, aut precibus avertant.

15. ET REGES TERRÆ. Qui cæteris terrori esse, non ipsi facile terrentur solent. ET PRINCIPES. Græcè, *Magnates*. Principes minores infra regiam maiestatem. ET TRIBUNI. Græcè, *Chilarchi*. Qui mille militibus præfunt: sub quibus centuriones, & cæteri belli duces intelliguntur, qui periculis affecti maximè intrepidi esse solent. ET DIVITES. Quos aliàs superbia divitiarum comes à turpi fuga conungere solet. ET FORTES. Animo, qui non faciliè pavore consternantur. ET OMNIS SERVVS ET LIBER. Ac denique omnis universim, cuiuscunque conditionis homo. ABSCONDERVNT SE IN SPELVNCIS, ET IN PETRIS MONTIVM. Homines enim in maximo & publico terrore solent fugere urbes, & in montibus ac sylvis se abcondere.

Describit ergo ingentem & panicum quemdam omnium impiorum terrorem, quo visis illis cœli & terræ prodigijs, à nente quasi alienati, nullo conditionis suæ pudore & respectu, turpi fugâ per montium speluncas & petrarum antra dispergentur. *Erant enim tunc tribulatio, quæ non fuit ab initio mundi, neque fiet.* Matth. 24. v. 21.

16. ET DICVNT. Spiritu prophetico video quasi iam dicentes. MONTIBVS ET PETRIS. Sub quibus latitabant. CADITE SVPER NOS. Verba sunt hominum ad extremam desperationem redactorum. Quæ etiam usurpat Isaias in descriptione captivitatis duarum tribuum à Nabuchodonosore, Isa. 2. v. 19. & Osce in captivitate decem tribuum à Salmanazare, Osce 10. v. 8. & Christus in exordio Jerosolymæ à Tito Imp. Lucæ 23. v. 30. Quæ tres Judæorum calamitates fuerunt figuræ ultimæ & publicæ mundi calamitatis, de qua loquitur hic S. Joannes. ET ABSCONDITE NOS. Opprimendo videlicet: A FACIE SEDENTIS SVPER THRONVM. Dei Judicis. ET AB IRA AGNI. A vindicta illa, quæ Christus impios in ignem æternum mittit. Licet enim amicis suis Agnus sit, erga tamen inimicos iram leoninam gerit. Impij autem eo tempore, vel per fidem, si fideles fuerint; vel relatu fidelium, cognoscent signa illa præambula esse futuri tremendi iudicii universalis.

17. QVONIAM VENIET DIES MAGVVS. Dies iudicii in Scriptura solet, *Dies Domini*, sæpius appellari: sed, *Dies magnus*, etiam vocatur Sophon. 1. v. 14. & Malach. 4. v. 5. quia res magnas & stupendas
illa

illâ die suâ Dominus operaturus est. IRÆ IPSORVM. Dies, inquam, iræ Dei & Agni, quam in impios exercebunt. Græcè, ipsius, Agni, qui in humilitate visibili iram suam exeret, terribilem illam sententiam fulminando, *Ite maledicti in ignem æternum.* Ex hoc loco, & Sophon. 1. v. 14. & 15. accepit Ecclesia, quod canit in officio Defunctorum: *Dies illa, dies ira, calamitatis & miseria, dies magna & amara valde.* ET QVIS POFERIT STARE? Quis erit tam fortis, ut animo & corpore non deficiat, & exanimis concidat ante tam tremendi Iudicis conspectum. Similis locutio est apud Malachiam cap. 3. v. 2. *Quis stabit ad videndum eum?* nam oculi eius tanquam flamma ignis, & de ore eius gladius utraque parte acutus exiit, ut dixit Apoc. 1. v. 14. & 16.

CAPVT VII

SYNOPSIS CAPITIS.

Quatuor Angeli tenentes quatuor ventos prohibentur nocere terræ & mari, donec centum quadraginta quatuor millia Electorum ex omni tribu Israël signata fuerint, ne improborum plagis involvantur. Deinde S. Ioannes illos cum innumerabili Electorum Gentilium turba vides sublatos in cælum laudantes Deum, & regnantes cum Deo & Agno.

Verf. 1.

POST HÆC. Post tantam illam omnium impiorum fugam & consternationem. VIDI QVATVOR ANGELOS. Boni an mali Angeli fuerint, est incertum: nam utrorumque ministerio ad puniendos homines impios utitur Deus. Sodoma & Gomorra per bonos Angelos eversa sunt, Gen. 19. Decem verò plagæ Egypto amissæ per Angelos malos, Psal. 77. v. 49.

Ribera tamen hos Angelos apocalypticos fuisse bonos, colligit ex v. 3. sed Estius verisimilius fuisse malos ex Apocal. 9. v. 14. liquidem iidem sunt Angeli quatuor, de quibus hæc & ibi fit mentio.

STANTES SUPER QVATVOR ANGELOS TERRÆ. Qui parati & accincti ad divinæ vindictæ executionem, stabant super quatuor principalibus horizontis terræ angulis & cardinibus, unde stant quatuor venti cardinales, Eurus ab Ortus, Zephyrus ab Occasu, Auster à Meridie, Boreas à Septentrione. Sub istis autem quatuor principalibus intelliguntur

guntur quoque eorum collaterales usque ad triginta duos. TENENTES QUATVOR VENTOS TERRÆ. Spiritum videlicet & materiam ventorum colligendo, & vi retinendo, ne disfluere: hoc enim propriè verbum græcum *παρῳκῆς*, id est, *senentes*, significat. Retinent autem & comprimunt, ut majori deinde impetu emittantur, & terras turbine perfleat.

Quidam Interpretes ex hoc loco, Aristotelem in causis motûs ventorum assignandis errasse, & ventorum etiam ordinariorum flatus ab Angelis potiùs excitari, quàm à nubibus repelli, vel pondere deorsum ruere colligunt; adeoque Angelos quosdam, tanquam Æolos ventis, sicut alios cælis movendis, præpositos esse philosophantur.

Sed colligi tantùm potest, Deum in extraordinarijs plagis per ventos & elementa mundo inferendis, bonorum aut malorum Angelorum ministerio uti; non autem Angelos esse ordinarios ventorum motores: aliàs enim nihil erit causæ, quare non etiam dicere oportet, Angelos movere fontes & flumina, ac maris æstus. Ad Angelos autem recurrere, quando aliæ causæ magis naturales & propinquæ inveniri possunt, est ad asylum ignorantiz confugere, ut Philosophi loquuntur.

NE FLARENT SUPER TERRAM. Atque ita materia eorum per partes disfluere. NEQUE SUPER MARE. Quod tamen seîd nunquam est sine ventis, etiam quando est maxima malacia super terram. NEQUE IN VLLAM ARBOREM. Quarum tamen cacumina, levi saltem vento plerumque perstringuntur, quando nullus ventus sentitur in terra, præsertim si arbores proceræ sint, vel montanæ. Describit ergo S. Joannes summam in terra, mari, aëre malaciam & tranquillitatem.

Ribera existimat, retentionem istam ventorum esse ipsam plagam, quia, inquit, sine ventorum flatu, quo aër, animalia, & plantæ ventilantur, omnia paulatim marcescunt. Sed verius est solum esse præparationem ad futuram plagam & tempestatem, collecto per malaciam præcedentem spiritu multo, & impetu ventorum.

Plerique veterum Interpretum sub isto cortice litteræ longè aliud contineri, & quidem principaliter à Spiritu S. intentum existimant. Quatuor enim Angelos quatuor reges interpretantur, qui quatuor amplissima regna, qualia olim Assyriorum, Persarum, Græcorum, Romanorum, possidebunt proximè ante Anti-Christi adventum. Isti tenebunt quatuor ventos, id est, inquirunt, quatuor Evangeliorum prædica-

prædicationem, ne ex ulla parte mundi salutaris doctrinæ aura aspires regionibus terræ, insulis maris, aut ulli omnino homini, quem per arborem significari volunt. Alij aliud pro suo quisque ingenio excogitant. Sed præstat ad litteram, quantum fieri potest, hanc & alias Scripturas interpretari.

2. ET VIDI ALTERVM ANGELVM. Michaëlem fortasse, qui est princeps illorum septem Angelorum, qui adsunt ante Deum, tanquam satellites ad omnem ejus nutum parati Apocal. 1. v. 4. Apocal. 4. v. 5. ASCENDENTEM. E terra, ubi versabatur occupatus in ministerio salutis hominum: per illos enim septem Angelos Deus res humanas, & mundi inferioris administrat. AB ORTV SOLIS. Quod eum res lætas adferre significat, sicut Sol ascendens supra horizontem nobis diem revehit. HABENTEM SIGNVM DEI VIVI. Tenentem in manu sua signatorium quoddam instrumentum, quo signarentur frontes servorum Dei: solent enim olim apud Romanos, & alias nationes, servi, sicut quædam animalia, ut oves & equi, notis & stigmatibus quibusdam distingui, qui idcirco *stigmati* dicebantur. Dicit, *Dei vivi*, ad distinctionem Deorum idololatrarum, qui nec vitam in se habent, nec alijs dare possunt. Jubentur autem servi Dei hoc signaculo insigniri, ut vitam ab eo accipiant. ET CLAMAVIT VOCE MAGNA. Sicut clamare solemus, cum quis paratus est ad magnum malum alicui inferendum, ut eum à facinore avertamus. QVATVOR ANGELIS. Qui stabant tenentes quatuor ventos. QVIBVS DATVM EST. Facta est à Deo potestas, sive Angeli isti boni, sive mali fuerint. NOCERE TERRÆ ET MARI. Immitendo ventos, & excitando terrâ marique tempestates, quibus omnia dissiparent & perderent.

3. DICENS, NOLITE NOCERE TERRÆ ET MARI. Angeli enim boni, qualis erat iste, possunt malis Angelis imperare, & eos propriâ, vel saltem divinâ virtute cohibere. Alijs verò bonis Angelis voluntatem Dei sibi revelatam annuntiant. NEQVE ARBORIBVS. Specialiter nominat arbores, quia inter omnia terræ viventia arbores propter suam altitudinem maximè sunt obnoxiaë flatibus ventorum. QVOD VIQUE SIGNEMVS. Signaverimus. Videtur autem ex verbo isto plurali Angelus iste non fuisse solus, sed comites habuisse alios Angelos bonos, qui juvarent illum ad signandum. SERVOS DEI NOSTRI. Pios homines & electos, ne ipsis per ventos & tempestates noceatis.

Quia dicit, *Dei nostri*, Ribera colligit, quatuor Angelos, quibus loquitur, fuisse bonos; quia Deus propriè est bonorum, non malorum.

lorum Angelorum. Sed infirma est collectio: videtur enim, ut jam dixi, *Deum nostrum*, appellare, respectu aliorum Angelorum bonorum, qui comites ejus erant, & in signando futuri adiutores.

IN FRONTIBVS HORVM. Ibi enim olim signari solent servi, ut signum frontis omnibus conspicuum esset. Deinde veluti in captivitate Babylonica, quæ fuit figura persecutionis Anti-Christi, Deus pios gementes & dolentes super scelera & abominationes, quæ fiebant in urbe Jerusalem, iussit signari frontes eorum signo *Tau*, Ezech. 9. v. 4. ita hîc jubet signari electos, qui erunt in fine mundi, nè ipsis noceant publicæ calamitates, & persecutio Anti-Christi. Unde signum hîc à S. Joanne visum, verisimiliter etiam fuit littera *Tau*, quæ olim in veteribus Hæbræorum litteris, quibus adhuc hodie Samaritani utuntur, habebat figuram crucis, inquit Ezech. 9. S. Hieronymus. Unde hoc signo indicatur, eos, qui signantur, per meritum Crucis Christi liberandos esse, nè plagæ novissimæ spiritualiter ipsis noceant, sed omnia adversa cooperentur in bonum, *ijs, qui secundum propositum vocati sunt sancti*, ad Rom. 8. v. 28.

Quidam hanc signationem interpretantur de signo crucis, quæ in Sacramento Baptismi & Confirmationis frontes suscipientium signantur. Verum quia hoc signo Sacramentali etiam quidam reprobi signantur; indicatur potius signatio per gratiam efficacem, quæ electi ad singulos actus bonos perseveranter usque in finem & vitam æternam signantur: hæc enim est signatio propria Electorum. Unde nec frontes eorum reverà signabuntur litterâ *Tau*, aut alio signo externo, sed sub imagine talis signi S. Joanni repræsentata est interna animæ signatura, quâ Deus electos suos adversus gravissimas illorum temporum calamitates & tentationes conservabit, & veluti signo in frontibus eorum impresso, non eousque ab Angelis percussoribus vult affligi, ut succumbant.

Illa autem gratiæ signatura Angelis tribuitur, quia ad illam cooperantur tanquam *administratorij spiritus in ministerium missi*, propter eos, qui *hereditatem capient salutis*; ad Hebr. 1. v. ult.

Illius rei etiam figura fuit signatio illa sanguinis Agni in utroque posse, & superliminari domorum in quibus habitabant Israëlita in Ægypto; quo signo viso, Angelus primogenita Ægyptiorum percitens, domos ipsorum præteribat, Exodi 12. v. 7. & 13. multorumque opinio est, signum illud sanguinis figuram litteræ *Tau*, sive crucis etiam habuisse. Unde ipsi Ægyptij in suis olim hieroglyphicis litteram *Tau*, id est, signum crucis pro signo vitæ usurpabant: quod
verisimi-

verissimiliter acceperant ab Israëlitis.

Notandum quoque, quòd S. Bonaventura, quem non pauci ejusdem ordinis sequuntur, Angelum alterum de quo v. 2. & 3. S. Joannes loquitur, interpretetur fuisse S. Franciscum, qui propter stigmata vulnere Christi ei impressa dicatur habere signum Dei vivi: unde inter S. Francisci encomia, Angelum sexti signaculi vocare eum solent. Sed ista interpretatio videtur magis accommodatitia quàm literalis.

4 ET AVDIVI. Aure spiritali per Angeli vel Dei revelationem: nam oculis tantam multitudinem numerare & discernere non facile poterat. NUMERVM SIGNATORVM. Postquam scilicet Angelus ille, & comites ejus eos signassent. CENTVM QVADRAGINTA QVATVOR MILLIA SIGNATI. Signata: nam interpretes ad homines, ex quibus conflata erant illa millia, non ad vocem respexit. Ex OMNI TRIBU FILIORVM ISRAEL. Ex omnibus tribubus simul sumptis, excepta tamen tribu Dan, quæ propter certas rationes hæc omittitur.

Ribera, & quidam alij putant totidem præcisè Iudæorum millia in fine mundi per prædicationem Eliæ & Enoch, convertenda, signanda, & salvanda esse: aiuntque S. Ioanni præcisum illum numerum hæc revelatum fuisse; quod alijs Prophetis fuerat absconditum.

Sed cum iterum infra Apocal. 14. v. 1. dicantur centum quadraginta quatuor millia virginum sequi Agnum quocumque ierit, videtur potius in isto numero mysterium aliquod latere. Deinde mirum, & vix credibile est, in qualibet tribu præcisè duodecim millia, non plures nec pauciores salvandos esse.

Quid etiam causæ esset, quod ex tribu Ioseph in duas Ephraim & Manasse tribus divisâ, sint duplo plura millia signata, quàm ex tribu Iuda, vel aliâ quacumque.

Denique non est verisimile, quod ex tribu Dan, quæ hæc omittitur, nullus omnino salvandus sit: nam licet fortasse Antichristus ex illa tribu nasciturus sit, ideoque Danitæ, pertinaciùs quàm cæteri Iudæi, sint ei adhæsurî; tamen ubi ex Elia & Enoch se ab eo deceptos intelligent, ad Christum quoque convertentur. Vnde S. Paulus non tantum centum quadraginta quatuor millia Israëlitarum in fine mundi, sed omnem Israëlẽ salvandum dicit, ad Rom. 11. v. 26.

Itaque dicamus potiùs cum Beda & Veteribus numerum 144. esse quadratum, cum duodecies duodecim illum conficiant; ac proinde esse numerum stabilitatis & perfectionis, qui optimè convenit statui perfectæ beatitudinis electorum.

Duodenarius etiam, ex quo tanquam radice refultat, quorū millia signatorum ex qualibet tribu futura perhibentur, licet sit numerus determinatus, maximè tamen idoneus est ut significet nobis indeterminatum & incognitum numerum omnium Judæorum, qui à quatuor mundi partibus in fide SS. Trinitatis congregati baptizabuntur & salvabuntur, ut S. Augustinus interpretatur: quater enim tria duodecim conficiunt. Propterea etiam Christus 12. Apostolos elegit, & 12. Patriarchas, quorum familias duodecim per mare rubrum & desertum in terram promissionis perduxit. Quæ fuit figura prædestinationis; quâ Deus electos per Baptismi aquam, & hujus vitæ desertum ad æternæ felicitatis patriam perducit.

5. EX TRIBU JUDA &c. Ponuntur primo loco signati ex tribu Juda, quia nobilissima tribuum, ex qua Messias natus est. Deinde trepidantibus cæteris ante ingressum maris rubri, prima Moysen per medias undas versus terram promissionis secuta est. Transitus autem iste per mare rubrum & desertum in terram promissionis, figura fuit, ut ante dixi; transitus, quo millia signatorum ad æternam felicitatem tendunt. Aliàs autem ordine Nativitatis Judas inter filios Jacob quartus tantum fuit. Ex TRIBU RUBEN &c. Licet Ruben maximus natus fuerit inter 12. fratres, non tamen idcirco proximus ponitur post Judam, quia ordo ætatis in sequentibus non observatur: aliàs enim post Ruben collocandi proximè erant Simeon & Levi.

Ribera & alij quidam purant in toto hoc catalogo servari ordinem nativitatis spiritualis, sive conversionis ad fidem per prædicationem Eliæ & Enoch.

Verum obstat, quod Judæi jam non sint amplius per tribus distincti, nec vulgò sciant, ex quamam tribu oriundi sint. Unde inter se confusi & permixti Eliam & Enoch concionantes audient, & simul ad Christi fidem convertentur.

Fortasse autem ordinem sanctitatis, & zeli spiritualis pro Christo adversus Antichristum S. Ioannes secutus est: eo argumento, quod tribus Juda primo loco posita sit, quæ pietate & zelo pro Regibus suis ubique semper prima fuit, ut omnino etiam verosimile sit, futuram zelosissimam pro Christo suo adversus Antichristum.

EX TRIBU GAD: Mirum est post Ruben statim subijci Gad, septimum filiorum Jacob, & quidem non ex libera; sed ex Selpa ancilla Lix. Unde nisi fervoris & zeli spiritualis ordo spectetur; nihil ferè verosimile conjectare possumus. Plerique sensus mysticos in nominibus proprijs filiorum Jacob venantur; sed nos litteræ sensum præcipue querimus.

6. Ex

6. EX TRIBV ASER. Hic octavus filiorum Jacob est ex eadem cum Gad matre Selpha. Ex TRIBV NAPHTHALI. Sextus est filiorum, natus ex Bala ancilla Rachel, cujus uterinus frater fuit Dan, de quo hic nulla mentio.

In terra promissionis tribus Nephthali totam fermè Galilæam superiorem, usque ad fontes Jordanis, & Damascus, hoc est; terram irriguam, & valde fertilem occupavit. Hinc de ea prophetaverat Moyses: *Nephthali abundantia perfruetur, & plenus erit benedictionibus Domini*, Deut. 33. v. 23. Quod per allegoriam etiam referri potest ad benedictiones, quibus signati ad vitam æternam ex ista tribu in cælo perfruentur.

EX TRIBV MANASSE. Iste non Jacobi, sed Josephi naturalis filius fuit, sed cum fratre suo Ephraim à Jacob moriente adoptatus, Gen. 48. v. 16. unde quia ex una tribu Joseph duæ tribus, scilicet Manasse & Ephraim, factæ sunt, fuerunt in universum 13. tribus; & totidem hic enumerandæ essent, nisi tribus Dan omitteretur.

7. EX TRIBV SIMEON. Hic fuit natu maximus post Ruben; Tribus autem ejus minima omnium quæ intraverunt terram promissionis: unde non propriam sortem, sed partem tantum sortis tribus Judæ in ultimo angulo australi terræ sanctæ accepit, Iosue 19. v. 1. Ex ista tribu maxima pars Scribarum & Phariseorum fuisse putatur, qui Christum Dominum ita persecuti sunt. Ex TRIBV LEVI. Proximus natu post Simeonem fuit Levi, audaci, & animi ferociâ similis Simeonis: hi enim duo fuerunt auctores cædis Sichimorum ob sororis suæ Dinæ stuprum, Gen. 34. Unde Iacob moriens, vocat eos *vasa iniquitatis bellantia: in consilium eorum non veniat*, inquit; *anima mea*, Gen. 49. v. 6. Quibus verbis in allegorico sensu putatur Iacob etiam respexisse ad consilium, quod adversus Christum Scribæ & Pharisæi posteris Simeonis, cum Pontificibus & Sacerdotibus posteris Levi aliquando initura erant.

Unde etiam in fratrem suum Ioseph, qui Christi figuram gessit, duo isti acerbissimi fuisse videntur, sicut Targum, & traditio Hebræorum habet. Quæ causa fortasse fuit, cur Ioseph Simeonem potius, quam alium quemlibet fratrum, ligari, & in carcerem detrudi voluerit, tanquam obsidem, donec ad eum Benjamin adduceretur, Genes. 42. v. 25.

Sicut tamen statim à morte Christi, quem interfecerant, multa turba Sacerdotum conversa est ad fidem per Apostolos Act. 6. v. 7. ita minimè mirum, si plurimi Levitæ in fine mundi per Eliam &

Enoch ad Christum convertantur, & in vitam æternam signentur. Sicuti enim in malum, ita in bonum valde zelosi fuerunt etiam olim Levitæ, ut patet, quando statim obtulerunt operam suam Moyfi, ad scelus adorati vituli vindicandum, occideruntque uno die 23000. suorum fratrum. Quo facto meruerunt, ut tribus illa fieret sacerdotalis, Exo. 32. v. 29.

EX TRIBU ISSACHAR. Nonus fuit iste filiorum ex Lia, cujus tribus in sorte terræ promissionis felicissimam & amœnissimam Galilææ partem juxta Iordanem est sortita.

8. EX TRIBU ZABULON. Decimus fratrum & ultimus hic est gentium ex Lia. Tribus ejus in Galilæa à mari Ienefareth usque ad mare magnum, sive mediterraneum protendebatur.

Magna hujus tribus felicitas, quod in ea fuerit Nazareth, ubi Christus conceptus & educatus est. Bethsaida quoque in Galilæa est, patria SS. Petri, Andreæ, & Philippi: civitas etiam Capharnaum, in qua Christus tam diu habitavit, & ubi Evangelij prædicationem inchoavit Matth. 4. v. 13. in finibus Zabulon & Nephtali erat; & breviter plerique Apostoli, aut Zabulonitæ, aut Nephtalitæ fuisse putantur (ut ad Annum Christi 32. Baronius testatur) præter fratres Domini, qui licet in terra illarum tribuum habitarent, & ibi essent educati; origine tamen ex tribu Juda erant, sicuti S. Joseph, B. Virgo, & ipse Christus, quibus erant cognati. Quod quidam colligunt ex illo Psal. 67. *Principes Juda daces eorum, principes Zabulon, principes Nephtali.*

EX TRIBU JOSEPH. Cum tribus Manasse ante nominata fuerit, tanquam distincta à tribu Joseph, intelligitur hic tribus Ephraim filij Joseph, & fratris Manasse. Et quia tribus Ephraim multorum Ducum, ut Josue, Jeroboam, &c. mater fuit, adeoque nobilior tribu Manasse: ideo tribus Ephraim sæpè, *tribus*, vel, *domus Joseph* in V. Testamento appellatur. EX TRIBU BENIAMIN. Licet ætate ultimus fratrum fuerit Benjamin, non tamen ideo in hac serie tribus ejus ultima ponitur, quia S. Joannes non sequitur ordinem ætatum Patriarcharum ut ante notavimus. Sanctitate ergo fortasse ultima erit in fine mundi: quod videri potest significatum esse per sortem, quam Benjamitæ latitudine & longitudine omnium brevissimam adepti sunt olim in terra promissionis. Vel certè, pauciores, quam aliæ tribus, signatos tunc habebit, quia numerus Benjamitarum valde accisus fuit propter uxorem Levitæ ab ipsis oppressam, Judic 20. Unde fortè jam & temporibus Anti-Christi tribus Benjamin minima sanctissimam tribuum erit, Aliàs in terra promissionis sortem omnium sanctissimam habuit

habuit, quia Ierosolymam includebat, in qua postea templum Domini edificatum fuit.

Quare verò tribus Dan hic omittatur, incertum est. Plerique tamen veterum S. Irenæum secuti, credunt Anti-Christum ex illa tribu nasciturum; & ideo paucos admodum signandos ex ista tribu, quia pertinacius, quam cæteræ tribus, Anti-Christi contribulis sui castra sequentur. Aut certè, si reliquæ tribus Dan per Eliam & Enoch etiam convertendæ sint, omittitur tamen Dan, tanquam pater Antichristi, qui in filio suo omnium reproborum personam gerit: ut Dan inter 12. Patriarchas sit, quod Judas Iscariotes inter XII. Apostolos. Et quia populo illi omnia in figura contingebant, hujus rei etiam figura præcessisse videtur, quando tribus Dan non contenta parte fortis tribus Juda, sibi assignatâ in terra Philisthym, à Juda longissime recessit, & armatâ manu locum sibi fecit in ultima septentrionali parte terræ sanctæ ad montem Libani, & fontes Iordanis, expugnatâ urbe *Lays*, quam deinceps *Dan* appellaverunt Iudic. 18. Recessit enim iste à Iuda & vicina Vrbe Ierusalem ad ultimum Aquilonem, videtur esse figura apostasiæ à Christi religione ad diaboli cultum, qui in lateribus Aquilonis sedere dicitur, Isa. 14. v. 13.

9. POST HEC VIDI TURBAM MAGNAM. Græcè, *Post hæc vidi & ecce turba multa.* Postquam illa centum quadraginta quatuor millia signatorum ex Iudæis conspexissem, alia visio mihi subito objecta fuit, videlicet turba plurima signatorum & salvandorum ex Gentibus. QVAM DINUMERARE NEMO POTERAT. Quam nullus homo mortalibus numerare posset; tanto intervallo excedebat centum quadraginta quatuor millia signatorum ex Iudæis.

Utitur perperam hoc S. Ioannis testimonio Catharinus, ut probe, præter speciales quosdam, & maximos sanctos à Deo sine prævisis meritis ad gloriam electos (quos centum quadraginta quatuor millium signatorum numero significari putat) esse alios innumerabiles, quibus demùm post prævisa merita Deus decrevit gloriam.

Sed ista diversitas prædestinatorum à Catharino conficta, ab alijs passim meritò rejicitur: omnes enim homines, aut ante prævisa merita prætestinati sunt ad gloriam, sicut S. Augustinus, S. Thomas, & veritas habet: aut omnes post prævisa merita, ut docent, qui gratiam & prædestinationem hominum & Angelorum confundunt.

EX OMNIBVS GENTIBVS. Ex omni natione; sicut eandem vocem græcam vertit Interpres Apoc. 5. v. 9. ET TRIBVVS. Et cognationibus. ET POPVLIS. Unusquisque autem populus multas tribus & cognas

& cognationes continet. ET LINGVIS. Una etiam lingua per multos aliquando populos diffunditur.

Alio ergo ordine Apoc. 5. v. 9. S. Iohannes ista enumerat: tribus enim, quæ minimè omnium latè patet, ponitur ibi primo loco, & gradatim ascenditur ad nationem, sive gentem, quæ latissimè omnium patet. Hic verò latissimum primo loco, deinde strictissimum ponitur, & postea iterum reditur sursum, ad populos nempe & linguas.

STANTES ANTE THRONVM. Erecti in Dei contemplationem, qui sedebat super thronum. ET IN CONSPECTV AGNI. Et etiam ante Agnum, qui tanquam occisus stabat in medio throni & animalium, Apocal. 5. v. 6. Stant autem Sancti in conspectu Agni, quia ex Humanitatis ejus contemplatione specialigaudjo reficiuntur, inquit Carthus. AMICTI STOLIS ALBIS. Qui vestiti erant gloriâ animæ & corporis, tanquam longis & candidis stolis, quæ à capite eis defluunt usque ad pedes. ET PALMÆ IN MANIBVS EORVM. In signum victoriæ omnium tentationum, quas à carne, diabolo, mundo, in hac vita passi sunt. Alludit ad Græcorum certamina, in quibus præter varias coronas, ex lauro, olea, myrtho, quercu, ramus palmæ insuper dabatur in manum victoribus, ut lib. 8. cap. 4. Symphos. testatur Plutarchus.

10. ET CLAMABANT VOCE MAGNA. Magna vox magnum fervorem charitatis significat DICENTES: SALVS DEO NOSTRO. Sic immortalis & æterna salus Deo nostro, qui salutis nostræ fons est & origo. Non orant ut Dei salus non deficiat, quæ deficere non potest; sed congratulantur ei de salute & immortalitate, quam habet per essentiam, & unde omnis salus in creaturas fluit per participationem.

Homines sancti *Deum suum* vocant potiori ratione, quàm sancti Angeli infra versu 12. quia beneficium prædestinationis excellentius est in hominibus, quàm in Angelis.

QVI SEDET SVPER THRONVM. Hic enim Deus Pater erat, qui homines è massa damnata elegit, ad salutem & felicitatem æternam. ET AGNO. Per cujus immolationem & meritum electio & prædestinatio Dei Patris executioni mandatur.

11. ET OMNES ANGELI STABANT. Tanquam Dei satellites ad mandata & nutum ejus paratissimi. IN CIRCVTV THRONI. Majori videlicet circulo dispositi, quo Angeli cingebant non tantum thronum Dei, sed quatuor animalia, & 24. Seniores. Vide quæ diximus Apoc. 5. v. 11. & 12. ET CECIDERVNT IN CONSPECTV THRONI. Proster-

Prosternentes se ante Deum in profundissimæ humilitatis & obedientiæ signum. IN FACIES SVAS. Angeli ergo isti facie & specie humanâ S. Joanni apparebant. ET ADORAVERVNT DEVM. Cadere enim in faciem suam olim ritus adorantium fuit.

12. DICENTES, AMEN. O ita sit, salvus sit, & vivat Deus noster & Agnus in æternum, à quibus homines salutem perditam recuperaverunt. Per illud ergo, *Amen*, Angeli confirmant laudem & congratulationem, quam homines paulò antè Deo & Agno dederunt: BENEDICTIO. Laus: laudando enim benè de aliquo dicimus. ET CLARITAS. Græcè, & gloria: Nam per gloriam aliquis fit clarus, & nominatus apud omnes. Gloria enim, ait S. Augustinus tract. 100. in Ioan. est frequens de aliquo fama cum laude. ET SAPIENTIA. Id est, sapientiæ fons, ex quo omnis sapientia creata descendit. ET GRATIARVM ACTIO. Quia enim ex ipso omnia bona promanant, perpetuâ gratiarum actione honorari debet. HONOR, ab omnibus creaturis intellectualibus ei exhibendus. ET VIRTVS. Potentia, quâ omnia facit & operatur in coelo & in terra. ET FORTITVDO. Quæ virtutem & potentiam ejus insuperabilem facit: hæc enim est illa fortitudo, quâ attingit à fine usque ad finem fortiter, Sap. 8. v. 1. DEO NOSTRO SIT IN SÆCULA SÆCULORVM. In omnem æternitatem. AMEN. Quâ clausulâ sancti Angeli ex amoris æstu desiderium suum super omnia præcedentia reflectunt, iterumq; Deo benedictionem, claritatem &c. exoptant. Omnia enim quæ Deus habet per naturam Divinitatis, sunt ei iterum iterumque referenda per canticum laudis, ait Richardus.

13. ET RESPONDIT. Locutus est mihi: Hebræi enim respondere, sæpè usurpant pro, simpliciter alloqui, etiamsi nemo interrogaverit, ut Matth. 11. v. 25. & alibi. Aut certè admirationi S. Joannis, & tacito desiderio cognoscendi respondit. UNVS DE SENIORIBVS. Ex illis viginti quatuor, qui sedebant in circuitu throni, Apocal. 4. v. 4. Quidam autem conjectant hunc senioresem fuisse Petrum principem Apostolorum, ut ait Carthus. Petrus enim & alij Apostoli multa nobis de gloria Sanctorum revelaverunt. Alcazar putat fuisse S. Lucam, Actuum Apostolorum scriptorem. HI, QVI AMICTI SVNT STOLIS ALBIS, QVI SVNT? Senior interrogat S. Ioannem, non ut ab eo discat, sed ut eum doceat, postquam ignorantiam suam fuerit confessus. ET VNDE VENERVNT? Unde & per quam viam ad tantam gloriam ascendere potuerunt?

14. ET DIXI ILLI: DOMINE MI, TV SCIS. Ego utrumque ignoro, & qui sint, & unde venerint: tu verò utrumque nosti, &

S

à te do-

à te doceri debeo. ET DIXIT MIHI. Ignorantiz enim confessio tam humilis doceri merebatur. HI SVNT, QUI VENERVNT DE TRIBVLATIONE MAGNA. Græcè verti potest, *De illa tribulatione, illa magna*. Quæ formula loquendi exaggerat tribulationem illam omnium maximam, quâ fideles tam Martyres, quàm Confessores exercebantur sub imperio Antichristi. ET LAVERVNT STOLAS SVAS. Ut mirum non sit, eas tam mundas esse. ET DEALBAVERVNT EAS. Nectantùm maculas eluerunt, sed etiam candore superfuso dealbaverunt. Quo significatur, justificationem peccatoris non esse nudam peccatorum ablu-tionem, sed gratiæ etiam sanctificantis infusionem. IN SANGVINE AGNI. Hoc autem non tantùm convenit Martyribus, qui & Agni, & suo sanguine dealbant stolas suas, sed etiam Confessoribus, quales plurimi erunt inter illos signatos & candidatos, tam ex Iudæis, quàm Gentibus. Omnes enim Electi gratiæ & gloriæ candorem ex sanguine, id est, ex merito Passionis Agni adepti sunt.

Sed quomodo stolas non potiùs rubricarunt, quam dealbaverunt in sanguine Agni, qui ruber, non albus est? Resp. Quia non rubedine suâ, sed aliâ virtute agit ille sanguis, nec est causa univoca, sed æquivoca, ut loquuntur Philosophi, respectu illius candoris. Deindè, ut Albertus Magnus, & pij quidam contemplantur: sicut sanguis ruber colore cordis & mamillarum in lac album transmutatur; ita Sanguis Christi calore charitatis cordis ejus decoctus, candorem induit, quo stolæ justorum dealbantur.

15. IDEO SVNT ANTE THRONVM DEI. Stantes videlicet, ut dixit v. 9. in contemplationem & admirationem Dei erecti. Cujus rei causam significat particula, *ideò*, quia scilicet justitiæ & gloriæ candore vestiti sunt: nulli enim alijs ante thronum Dei stare, & eum contemplari possint. ET SERVIVNT EI DIE AC NOCTE. Semper, & sine ulla cessatione. Cum enim nox quiete aliquâ actiones hujus vitæ interpellet, in cælo nulla hujusmodi interpellatio erit.

Non ergo significatur, successionem diei & noctis in cælo futuram; quod expresse negatur infra Apocal. 21. v. 25. sed modus loquendi viæ transfertur ad phrasin patriæ: in hebraicâ enim, & omni ferè linguâ, cum volumus dicere aliquid perpetuò & incessanter fieri, dicimus fieri die ac nocte, quia dies & nox comprehendunt & inter se dividunt omne tempus.

Servitus autem illa Sanctorum est libera per charitatem, & infatigabilis per delectationem: *Torrente voluptatis tuæ potabû eos. quoniam apud te est fons vitæ*, Plal. 35. ideoque torrens ille nunquam exarescit, quia fontem

tem juxta se habet ex quo abundantia perpetuò suppletur.

IN TEMPLO EIUS. Cælum enim est templum, in quo perfectè servitur Deo: cujus figura tantum & umbra fuit tabernaculum & templum Salomonis, in quo Sacerdotes *exemplari & umbra ueserviebant cælestium* ad Hebr. 8. v. 5. Sicut enim in templo manufacto & hujus creationis ad Hebr. 9. v. 11. Sacerdotes die ac nocte in sacrificijs, vel alijs sacris ministerijs erant occupati, ita beati in cælo sacrificia laudis, & omne genus cultus, quod illi placere sciunt, Deo perpetuò offerunt. ET QUI SEDET IN THRONO. Licet extra ipsos sedere & habitare videatur, attamen, HABITABIT SUPER ILLOS. Fixo quasi super ipsos tabernaculo suo, ut obumibret & protegat eos. Hoc enim verbum græcum significare hîc videtur: unde quidam vertunt, *Umbraculo proteget eos*. Non dirigendo eos ad finem adipiscendum, inquit Carthus. sed conservando eos immobiliter in fine adepti. Isti enim, de quibus S. Joannes loquitur, non amplius in via sed in termino erant: Unde sequitur.

16. NON ESURIENT NEQUE SITIENT AMPLIUS: Nullâ molestiâ internâ, qualis est molestia simis & satis amplius torquebuntur. Nec CADIT SUPER ILLOS SOL, NEQUE VLLVS ÆSTVS. Nec ullâ etiam amplius afficiuntur molestia exteriori, qualis est illa, quæ à radijs solis media & torridâ æstate in nos cadentibus, vel ab æstu ex labore itineris, aut simili causa nascitur. Videtur alludere ad incommoditates, quas milites in bello interiùs exteriusque patiuntur: *Militia enim est vita hominis super terram* Job 7. v. 1. Vel alludit ad molestias athletarum, qui famem, sitim, solem, & æstum in certaminibus sustinent, & ab omnibus se abstinent, ut corruptib. dem coronam accipiant 1. ad Cor. 9. v. 25. Sancti verò ab iisdem abstinent, ut accipiant incorruptâ.

Respiciit autem manifestè S. Joannes ad istum Isaia locum, *Non esurient neque sitient, & non percutiet eos æstus & sol*, Isaia 49. versu 10.

Quidam interpretes per *esuriem & sitim* hîc generaliter intelligunt desideria rerum terrenarum, adversus quæ Sancti in hac vita pugnant, & finiuntur demùm in altera. Ubi tamen etiam sine desiderio non erunt, juxta illud, *In quem Angeli desiderant prospicere*. 1. Pet. 1. v. 12. sed desiderio minimè cruciante. Quia enim Beati Deo fruuntur sine fastidio, idèò desiderant in sempiternum frui: qui enim illum edunt, adhuc esurient, & qui bibunt, adhuc sitient.

Solem verò & æstum, interpretantur externas à diabolo & mundo persecutiones: nam sicut Sol quibusdam corporaliter nocet, ut quando Sol ortus percussit super caput Iona, & æstuabat, Iona 4. v. 8. ita non

semper Sol mysticè in bonam partem accipitur, ut quando Sole orto
semen exstiterit, & eo, quod non habebat radicem, exaruit, Marci 4. v. 6.

17. QUONIAM AGNUS QUI IN MEDIO THRONI EST. Qui in medio juxta & ante thronum est, ut Apoc. 5. v. 6. diximus. Nam talis ordo confessus erat, ut in centro circuli esset sedes Dei Patris sedentis in throno; proximus ei, & ante pedes ejus staret Agnus: deinde quatuor animalia, postea 24. Seniores, ac postremò maxima multitudo Angelorum, qui omnes includerent. REGET ILLOS. Sicut Pastor regit pascendo suas oves: hoc enim verbum græcum propriè significat. Unde Arias & alij vertunt, *pascet illos*: quod mirum videtur, quia Agni non solent pascere & regere oves. Sed hic Agnus metaphoricus est simul pastor verus: *Ego sum pastor bonus &c.* Ioan. 10. v. 11. Ipse verò electas suas oves, non tantùm in Ecclesia militante, sed etiam in triumphante pascit, quia & lumen quo Deum vident, & charitatem quâ amant, & omnia bona quibus affluunt, suppeditat: gratiæ enim ejus dona sunt. ET DEDUCET EOS, sicut pastor solet oves suas æstu meridiani Solis æstuantes; AD VITÆ FONTES AQUARVM. Quidam græci codices habent: *Ad vivos fontes aquarum*, id est, ex quibus aqua semper scaturit; & quidem aqua vitæ, quæ tribuit bibentibus vitam æternam. *Apuđ te est fons vitæ, & in lumine tuo videbimus lumen*, Psalm. 35.

Quia verò oves istæ, quas Agnus sic reget & deducet, perditæ fuerant, & ab ipso miserante rediitæ, Isaias Agnum *miseratorem* appellat: *Miserator eorum reget eos, & ad fontes aquarum potabit eos*, Isa. 49. v. 10.

ET ABSTERGET DEVS OMNEM LACHRYMAM. Sicut pia mater parvulorum suorum lachrymas abstergere solet, etiam quas ipsa castigando expressit. Dicit, *omnem lachrymam*; quia plurima sunt genera lachrymarum, sicut afflictionum, quas iusti patiuntur in hac vita mortali, quæ ideo vallis lachrymarum merito appellatur. AB OCULIS EORVM. Indicat, semper aliquam lachrymam, totâ hac vitâ durante, pendere ex oculis iustorum. Unde in altera demùm vita oculi eorum ab omni lachryma perfectè siccantur: *Omnes enim, qui piè vivere volunt in Christo Iesu, persecutionem patientur*, 2. ad Tim. 3. v. 12.

Lachrymæ tamen hujus vitæ sine gaudio non sunt, cum gratia & charitas, quam Spiritus S. diffundit in cordibus nostris, sit gaudium & dulcedo quædam spiritualis; & quidem tanta, ut tristitiam lachrymarum ita diminuat, ut Apostolus, *quasi tristitiam* appelleret: *quasi tristes, semper autem gaudentes*, 2. ad Cor. 6. v. 10. ut cum Poëta dicere possint: *Mens innotata manet, lachryma volucrius inanes.*

CAPVT

CAPUT VIII.

SYNOPSIS CAPITIS.

Aperitur septimum sigillum. Septem Angeli tubicines prodeunt in medium. Quatuor hoc capite tubis suis canunt, quintus & sextus capite seq. septimus in cap. 11. differtur. Ad singulos tubarum sonitus, grando, ignis, sanguis, & alia prodigia in terram vel aquas cadunt, aut Sol, Luna & Stella eclipsis feriuntur.

Verf. 1.

ET CUM APERVISSET. Agnus, penes quem est scientiæ clavis. SIGILLUM SEPTIMUM. Quod ultimum est inter sigilla libri signati, quem vidit Apoc. 5. v. 1. FACTUM EST SILENTIUM IN CÆLO. Quatuor animalibus, & 24. Senioribus, omnique multitudine Angelorum, qui in circuitu throni & Agni erant, tacentibus, & expectatione suspensis, cum præter cæterorum sigillorum morem non statim in lucem prodiret, quod sub hoc sigillo septimo latebat. Quod rei magnitudinem, & magni moliminis apparatus significat. QUASI MEDIA HORA. Hoc enim tempus satis longum fuit ad indicandum rem magnam & extraordinariam exituram, quæ sub hoc septimo & extremo sigillo latebat; horrendas scilicet calamitates, ad sonitus sex primarum tubarum infligendas illis, qui non habent signum Dei in frontibus suis, ut dicit Apocal. 9. v. 5.

Beda & Richardus, *mediam horam*, interpretantur tempus breve, quo Ecclesia in silentio & magna tranquillitate erit post necem Antichristi: hoc enim tempus tantum 45. dierum futurum interpretatur S. Hieronymus, Dan. 12. v. 12. Sed hæc tranquillitas Ecclesiæ sequetur omnes istas plagas, quas Angeli tubicines evocant, & interponetur inter Antichristi necem, & adventum Christi ad iudicium, ut ibi S. Hieron. docet. Silentium autem hoc mediæ horæ antecedit plagas; imò præcedit Angelos tubicines, qui in fine silentij apparent parati ad eas infligendas.

Haymo post S. Gregorium & Bern. mysticè & pulchrè hoc mediæ horæ silentium interpretatur quietem contemplationis, quando anima cogitationum tumultus reprimendo, in internæ quietis secretum, quasi in quoddam silentium, ingreditur. Sed quia animo renitente;

S 3

cogita-

Duodenarius etiam, ex quo tanquam radice resultat, quot millia signatorum ex qualibet tribu futura perhibentur, licet sit numerus determinatus, maximè tamen idoneus est ut significet nobis indeterminatum & incognitum numerum omnium Iudæorum, qui à quatuor mundi partibus in fide SS. Trinitatis congregati baptizabuntur & salvabuntur, ut S. Augustinus interpretatur: quater enim tria duodecim conficiunt. Propterea etiam Christus 12. Apostolos elegit, & 12. Patriarchas, quorum familias duodecim per mare rubrum & desertum in terram promissionis perduxit. Quæ fuit figura prædestinationis; quâ Deus electos per Baptismi aquam, & hujus vitæ desertum ad æternæ felicitatis patriam perducit.

5. **EX TRIBU IUDÆ &c.** Poniuntur primo loco signati ex tribu Iudæ, quia nobilissima tribuum, ex qua Messias natus est. Dânde trepidantibus cæteris ante ingressum maris rubri, prima Moysen per medias undas versus terram promissionis secuta est. Transitus autem istò per mare rubrum & desertum in terram promissionis, figura fuit, ut ante dixi; transitus, quo millia signatorum ad æternam felicitatem tendunt. Aliàs autem ordine Nativitatis Judas inter filios Jacob quartus tantum fuit. **EX TRIBU RUBEN &c.** Licet Ruben maximus natus fuerit inter 12. fratres, non tamen idcirco proximus ponitur post Judam, quia ordo ætatis in sequentibus non observatur: aliàs enim post Ruben collocandi proximè erant Simeon & Levi.

Ribera & alij quidam purant in toto hoc catalogo servari ordinem nativitatis spiritualis, sive conversionis ad fidem per prædicationem Eliæ & Enoch.

Verùm obstat, quod Iudæi jam non sint amplius per tribus distincti, nec vulgò sciant, ex quamam tribu oriundi sint. Unde inter se confusi & permixti Eliam & Enoch concionantes audient, & simul ad Christi fidem convertentur.

Fortasse autem ordinem sanctitatis; & zeli spiritualis pro Christo adversus Antichristum S. Ioannes secutus est: eo argumento, quod tribus Iudæ primo loco posita sit, quæ pietate & zelo pro Regibus suis ubique semper prima fuit, ut omnino etiam verosimile sit, futuram zelosissimam pro Christo suo adversus Antichristum.

EX TRIBU GAD: Mirum est post Ruben statim subijci Gad, septimum filiorum Jacob, & quidem non ex libera; sed ex Selpha ancilla Liæ. Unde nisi fervoris & zeli spiritualis ordo spectetur; nihil fermè verosimile conjectare possumus. Plerique sensus mysticos in nominibus proprijs filiorum Jacob venantur; sed nos litteræ sensum præcipuè querimus.

6. **EX**

6. **EX TRIBV ASER.** Hic octavus filiorum Jacob est ex eadem cum Gad matre Selpha. **EX TRIBV NEPHTHALI.** Sextus est filiorum, natus ex Bala ancilla Rachelis, cujus uterinus frater fuit Dan, de quo hic nulla mentio.

In terra promissionis tribus Nephthali totam fermè Galilæam superiorem, usque ad fontes Jordanis, & Damascum, hoc est, terram irriguam, & valde fertilem occupavit. Hinc de ea prophetaverat Moyses: *Nephthali abundantia perfuerit, & plenus erit benedictionibus Domini*, Deut. 33. v. 23. Quod per allegoriam etiam referri potest ad benedictiones, quibus signati ad vitam æternam ex ista tribu in cælo perfruentur.

EX TRIBV MANASSE. Iste non Jacobi, sed Josephi naturalis filius fuit, sed cum fratre suo Ephraim à Jacob moriente adoptatus, Gen. 48. v. 16. unde quia ex una tribu Joseph duæ tribus, scilicet Manasse & Ephraim, factæ sunt, fuerunt in universum 13. tribus; & totidem hic enumerandæ essent, nisi tribus Dan omitteretur.

7. **EX TRIBV SIMEON.** Hic fuit natu maximus post Ruben; Tribus autem ejus minima omnium quæ intraverunt terram promissionis: unde non propriam sortem, sed partem tantum sortis tribus Iudæ in ultimo angulo australi terræ sanctæ accepit, Iosue 19. v. 1. Ex ista tribu maxima pars Scribarum & Phariseorum fuisse putatur, qui Christum Dominum ita persecuti sunt. **EX TRIBV LEVI.** Proximus natu post Simeonem fuit Levi, audaci, & animi ferociæ similis Simeonis: hi enim duo fuerunt auctores cædis Sichimorum ob sororis suæ Dinæ stuprum, Gen. 34. Unde Iacob moriens, vocat eos *vasa iniquitatis bel-lantia: in consilium eorum non veniat*, inquit, *anima mea*, Gen. 49. v. 6. Quibus verbis in allegorico sensu putatur Iacob etiam respexisse ad consilium, quod adversus Christum Scribæ & Pharisæi posteris Simeonis, cum Pontificibus & Sacerdotibus posteris Levi aliquando initura erant.

Unde etiam in fratrem suum Ioseph, qui Christi figuram gessit, duo isti acerbissimi fuisse videntur, sicut *Targum*, & traditio Hebræorum habet. Quæ causa fortasse fuit, cur Ioseph Simeonem potius, quam alium quemlibet fratrum, ligari, & in carcerem detudi voluerit, tantam obsidem, donec ad eum Benjamin adduceretur, Genes. 42. v. 25.

Sicut tamen statim à morte Christi, quem interfecerant, multa turba Sacerdotum conversa est ad fidem per Apostolos Act. 6. v. 7. ita minimè mirum; si plurimi Levitæ in fine mundi per Blam &

Enoch ad Christum convertantur, & in vitam æternam signentur. Sicuti enim in malum, ita in bonum valde zelosi fuerunt etiam olim Levitæ, ut pater, quando statim obtulerunt operam suam Moyſi, ad scelus adorati vituli vindicandum, occideruntque uno die 23000. suorum fratrum. Quo facto meruerunt, ut tribus illa fieret sacerdotalis, Exo. 32. v. 29.

EX TRIBU ISSACHAR. Nonus fuit iste filiorum ex Lia, cujus tribus in sorte terræ promissionis felicissimam & amœnissimam Galilææ partem juxta Iordanem est sortita.

8. EX TRIBU ZABVLON. Decimus fratrum & ultimus hic est genitorum ex Lia. Tribus ejus in Galilæa à mari Ienefareth usque ad mare magnum, sive mediterraneum protendebatur.

Magna hujus tribus felicitas, quod in ea fuerit Nazareth, ubi Christus conceptus & educatus est. Bethsaida quoque in Galilæa est, patria SS. Petri, Andreæ, & Philippi: civitas etiam Capharnaum, in qua Christus tam diu habitavit, & ubi Evangelij prædicationem inchoavit Matth. 4. v. 13. in finibus Zabulon & Nephthali erat; & breviter plerique Apostoli, aut Zabulonitæ, aut Nephthalitæ fuisse putantur (ut ad Annum Christi 32. Baronius testatur) præter fratres Domini, qui licet in terra illarum tribuum habitarent, & ibi essent educati; origine tamen ex tribu Juda erant, sicuti S. Joseph, B. Virgo, & ipse Christus, quibus erant cognati. Quod quidam colligunt ex illo Psal. 67. *Principes Iuda duces eorum, principes Zabulon, principes Nephthali.*

EX TRIBU JOSEPH. Cùm tribus Manasse ante nominata fuerit, tanquàm distincta à tribu Joseph, intelligitur hic tribus Ephraim filij Joseph, & fratris Manasse. Et quia tribus Ephraim multorum Ducum, ut Josue, Jeroboam, &c. mater fuit, adeoque nobilior tribu Manasse: ideo tribus Ephraim sæpè, *tribus*, vel, *domus Ioseph* in V. Testamento appellatur. EX TRIBU BENIAMIN. Licet ætate ultimus fratrum fuerit Benjamin, non tamen ideo in hac serie tribus ejus ultima ponitur, quia S. Joannes non sequitur ordinem ætatum Patriarcharum ut ante notavimus. Sanctitate ergo fortasse ultima erit in fine mundi: quod videri potest significatum esse per sortem, quam Benjamin latitudine & longitudine omnium brevissimam adepti sunt olim in terra promissionis. Vel certè, pauciores, quàm aliæ tribus, signatos tunc habebit, quia numerus Benjamarum valde accisus fuit propter uxorem Levitæ ab ipsis oppressam, Judic 20. Unde fortè jam & temporibus Anti-Christi tribus Benjamin minima omnium tribuum erit, Aliàs in terra promissionis sortem omnium sanctissimam habuit

habuit, quia Ierosolymam includebat, in qua postea templum Domini edificatum fuit.

Quare verò tribus Dan hic omittatur, incertum est. Plerique tamen veterum S. Irenæum secuti, credunt Anti-Christum ex illa tribu nasciturum; & ideo paucos admodum signandos ex ista tribu, quia pertinacius, quam cæteræ tribus, Anti-Christi contribulis sui castra sequentur. Aut certè, si reliquæ tribus Dan per Eliam & Enoch etiam convertendæ sint, omittitur tamen Dan, tanquam pater Antichristi, qui in filio suo omnium reproborum personam gerit: ut Dan inter 12. Patriarchas sit, quod Judas Iscariotes inter XII. Apostolos. Et quia populo illi omnia in figura contingebant, hujus rei etiam figura præcessisse videtur, quando tribus Dan non contenta parte fortis tribus Juda, sibi assignatâ in terra Philisthym, à Juda longissimè recessit, & armatâ manu locum sibi fecit in ultima septentrionali parte terræ sanctæ ad montem Libani, & fontes Iordanis, expugnatâ urbe *Lays*, quam deinceps *Dan* appellaverunt Iudic. 18. Reversus enim iste à Iuda & vicina Vrbe Ierusalem ad ultimum Aquilonem, videtur esse figura apostasiæ à Christi religione ad diaboli cultum, qui in lateribus Aquilonis sedere dicitur, Isa. 14. v. 13.

9. POST HÆC VIDI TURBAM MAGNAM. Græcè, *Post hæc vidi & ecce turba multa*. Postquam illa centum quadraginta quatuor millia signatorum ex Iudæis conspexissem, alia visio mihi subito objecta fuit, videlicet turba plurima signatorum & salvandorum ex Gentibus. QVAM DINUMERARE NEMO POTERAT. Quam nullus homo mortalis numerare posset; tanto intervallo excedebat centum quadraginta quatuor millia signatorum ex Iudæis.

Utitur perperam hoc S. Ioannis testimonio Catharinus, ut probeat, præter speciales quosdam, & maximos sanctos à Deo sine prævisis meritis ad gloriam electos (quos centum quadraginta quatuor millium signatorum numero significari putat) esse alios innumerabiles, quibus demùm post prævisa merita Deus decrevit gloriam.

Sed ista diversitas prædestinatorum à Catharino conficta, ab alijs passim meritò rejicitur: omnes enim homines, aut ante prævisa merita prædestinati sunt ad gloriam, sicut S. Augustinus, S. Thomas, & veritas habet: aut omnes post prævisa merita, ut docent, qui gratiam & prædestinationem hominum & Angelorum confundunt.

EX OMNIBVS GENTIBVS. Ex omni natione; sicut eandem vocem græcam vertit Interpres Apoc. 5. v. 9. ET TRIBVVS. Et cognationibus. ET POPVLIS. Unusquisque autem populus multis tribus & cogn

& cognationes continet. ET LINGVIS. Una etiam lingua per multos aliquando populos diffunditur.

Alio ergo ordine Apoc. 5. v. 9. S. Iohannes ista enumerat : tribus enim, quæ minimè omnium latè patet, ponitur ibi primo loco, & gradatim ascenditur ad nationem, sive gentem, quæ latissimè omnium patet. Hic verò latissimum primo loco, deinde strictissimum ponitur, & postea iterum reditur sursum, ad populos nempe & linguas.

STANTES ANTE THRÖNVM. Erecti in Dei contemplationem, qui sedebat super thronum. ET IN CONSPECTV AGNI. Et etiam ante Agnum, qui tanquam occisus stabat in medio throni & animalium, Apocal. 5. v. 6. Stant autem Sancti in conspectu Agni, quia ex Humanitatis ejus contemplatione specialigaudjo reficiuntur, inquit Carchus. AMICTI STOLIS ALBIS. Qui vestiti erant gloriâ animæ & corporis, tanquam longis & candidis stolis, quæ à capite eis defluunt usque ad pedes. ET PALMÆ IN MANIBVS EORVM. In signum victoriæ omnium tentationum, quas à carne, diabolo, mundo, in hac vita passi sunt. Alludit ad Græcorum certamina, in quibus præter varias coronas, ex lauro, olea, myrtho, quercu, ramus palmæ insuper dabatur in manum victoribus, ut lib. 8. cap. 4. Symphos. testatur Plutarchus.

10. ET CLAMABANT VOCE MAGNA. Magna vox magnum fervorem charitatis significat DICENTES : SALVS DEO NOSTRO. Sit immortalis & æterna salus Deo nostro, qui salutis nostræ fons est & origo. Non orant ut Dei salus non deficiat, quæ deficere non potest ; sed congratulantur ei de salute & immortalitate, quam habet per essentiam, & unde omnis salus in creaturas fluit per participationem.

Homines sancti *Deum suum* vocant potiori ratione, quàm sancti Angeli infra versu 12. quia beneficium prædestinationis excellentius est in hominibus, quàm in Angelis.

QVI SEDET SVPER THRÖNVM. Hic enim Deus Pater erat, qui homines à massa damnata elegit, ad salutem & felicitatem æternam. ET AGNÖ. Per cuius immolationem & meritum electio & prædestinatio Dei Patris executioni mandatur.

11. ET OMNES ANGELI STABANT. Tanquam Dei satellites ad mandata & nutum ejus paratissimi. IN CIRCVITV THRÖNI. Majori videlicet circulo dispositi, quo Angeli cingebant non tantum thronum Dei, sed quatuor animalia, & 24. Seniores. Vide quæ diximus Apoc. 5. v. 11. & 12. ET CECIDERVNT IN CONSPECTV THRÖNI. Proster-

Prosteruentes se ante Deum in profundissimæ humilitatis & obedientiæ signum. **IN FACIES SVAS.** Angeli ergo isti facie & specie humanâ S. Joanni apparebant. **ET ADORAVERVNT DEVM.** Cadere enim in faciem suam olim ritus adorantium fuit.

12. DICENTES, AMEN. O ita sit, salvus sit, & vivat Deus noster & Agnus in æternum, à quibus homines salutem perditam recuperaverunt. Per illud ergo, *Amen*, Angeli confirmant laudem & congratulationem, quam homines paulò antè Deo & Agno dederunt: **BENEDICTIO.** Laus: laudando enim benè de aliquo dicimus. **ET CLARITAS.** Græcè, & *gloria*: Nam per gloriam aliquis fit clarus, & nominatus apud omnes. Gloria enim, ait S. Augustinus tract. 100. in Ioan. est frequens de aliquo fama cum laude. **ET SAPIENTIA.** Id est, sapientiæ fons, ex quo omnis sapientia creata descendit. **ET GRATIARVM ACTIO.** Quia enim ex ipso omnia bona promanant, perpetuâ gratiarum actione honorari debet. **HONOR,** ab omnibus creaturis intellectualibus ei exhibendus. **ET VIRTVS.** Potentia, quâ omnia facit & operatur in cælo & in terra. **ET FORTITVDO.** Quæ virtutem & potentiam ejus insuperabilem facit: hæc enim est illa fortitudo, quâ *attingit à fine usque ad finem fortiter*, Sap. 8. v. 1. **DEO NOSTRO SIT IN SÆCULA SÆCULORVM.** In omnem æternitatem. **AMEN.** Quâ clausulâ sancti Angeli ex amoris æstu desiderium suum super omnia præcedentia resistent, iterumq; Deo benedictionem, claritatem &c. exoptant. Omnia enim quæ Deus habet per naturam Divinitatis, sunt ei iterum iterumque referenda per canticum laudis, ait Richardus.

13. ET RESPONDIT. Locutus est mihi: Hebræi enim *respondere*, sæpè usurpant pro, simpliciter alloqui, etiamsi nemo interrogaverit, ut Matth. 11. v. 25. & alibi. Aut certè admirationi S. Joannis, & tacito desiderio cognoscendi respondit. **UNVS DE SENIORIBVS.** Ex illis viginti quatuor, qui sedebant in circuitu throni, Apocal. 4. v. 4. Quidam autem conjectant hunc senioresem fuisse Petrum principem Apostolorum, ut ait Carthus. Petrus enim & alij Apostoli multa nobis de gloria Sanctorum revelaverunt. Alcazar putat fuisse S. Lucam, Actuum Apostolorum scriptorem. Hi, **QVI AMICTI SVNT STOLIS ALBIS; QVI SVNT?** Senior interrogat S. Ioannem, non ut ab eo discat, sed ut eum doceat, postquam ignorantiam suam fuerit confessus. **ET VNDE VENERVNT?** Unde & per quam viam ad tantam gloriam ascendere potuerunt?

14. ET DIXI ILLI: DOMINE MI, TV SCIS. Ego utrumque ignoro, & qui sint, & unde venerint: tu verò utrumque nosti, &

S

à te do-

à te doceri debeo. ET DIXIT MIHI. Ignorantiz enim confessio tam humilis doceri merebatur. HI SVNT, QUI VENERVNT DE TRIBVLATIONE MAGNA. Græcè verti potest, *De illa tribulatione, illa magna*: Quæ formula loquendi exaggerat tribulationem illam omnium maximam, quâ fideles tam Martyres, quàm Confessores exercebuntur sub imperio Antichristi. ET LAVERVNT STOLAS SVAS. Ut mirum non sit, eas tam mundas esse. ET DEALBAVERVNT EAS. Nectantùm maculas eluerunt, sed etiam candore superfuso dealbaverunt. Quo significatur, justificationem peccatoris non esse nudam peccatorum ablu-tionem, sed gratiæ etiam sanctificantis infusionem. IN SANGVINE AGNI. Hoc autem non tantùm convenit Martyribus, qui & Agni, & suo sanguine dealbant stolas suas, sed etiam Confessoribus, quales plurimi erunt inter illos signatos & candidatos, tam ex Iudæis, quàm Gentibus. Omnes enim Electi gratiæ & gloriæ candorem ex sanguine, id est, ex merito Passionis Agni adepti sunt.

Sed quomodo stolas non potiùs rubricarunt, quam dealbaverunt in sanguine Agni, qui ruber, non albus est? Resp. Quia non rubedine suâ, sed aliâ virtute agit ille sanguis, nec est causa univoca, sed æquivoca, ut loquuntur Philosophi, respectu illius candoris. Deindè, ut Albertus Magnus, & pij quidam contemplantur: sicut sanguis ruber colore cordis & mamillarum in lac album transmutatur; ita Sanguis Christi calore charitatis cordis ejus decoctus, candorem induit, quo stolæ justorum dealbantur.

15. IDEO SVNT ANTE THRONVM DEI. Stantes videlicet, ut dixit v. 9. in contemplationem & admirationem Dei erecti. Cujus rei causam significat particula, *ideo*, quia scilicet justitiæ & gloriæ candore vestiti sunt: nulli enim alij ante thronum Dei stare, & eum contemplari possint. ET SERVIVNT EI DIE AC NOCTE. Semper, & sine ulla cessatione. Cum enim nox quiete aliquâ actiones hujus vitæ interpellet, in cælo nulla hujusmodi interpellatio erit.

Non ergo significatur, successionem diei & noctis in cælo futuram; quod expresse negatur infra Apocal. 21. v. 25. sed modus loquendi viæ transfertur ad phrasin patriæ: in hebraicâ enim, & omni ferè linguâ, cum volumus dicere aliquid perpetuò & incessanter fieri, dicimus fieri die ac nocte, quia dies & nox comprehendunt & inter se dividunt omne tempus.

Servitus autem illa Sanctorum est libera per charitatem, & infatigabilis per delectationem: *Torrente voluptatis tuæ potabû eos. quoniam apud te est fons vitæ*, Plal. 35. ideoque torrens ille nunquam exarescit, quia fontem

eem juxta se habet ex quo abundantia perpetuò suppletur.

IN TEMPLO EIUS. Cælum enim est templum, in quo perfectè servitur Deo: cujus figura tantum & umbra fuit tabernaculum & templum Salomonis, in quo Sacerdotes *exemplari & umbra deserviebant cælestium* ad Hebr. 8. v. 5. Sicut enim in templo manufacto & hujus creationis ad Hebr. 9. v. 11. Sacerdotes die ac nocte in sacrificijs, vel alijs sacris ministerijs erant occupati, ita beati in cælo sacrificia laudis, & omne genus cultus, quod illi placere sciunt, Deo perpetuò offerunt. ET QUI SEDET IN THRONO. Licet extra ipsos sedere & habitare videatur, attamen, HABITABIT SUPER ILLOS. Fixo quasi super ipsos tabernaculo suo, ut obumbrat & protegat eos. Hoc enim verbum græcum significare hîc videtur: unde quidam vertunt, *Umbraculo proteget eos*. Non dirigendo eos ad finem adipiscendum, inquit Carthus. sed conservando eos immobiliter in fine adepti. Isti enim, de quibus S. Joannes loquitur, non amplius in via sed in termino erant: Unde sequitur.

16. NON ESURIENT NEQUE SITIENT AMPLIUS: Nullâ molestiâ internâ, qualis est molestia simis & satis amplius torquebuntur. NEC CADAT SUPER ILLOS SOL, NEQUE VLLVS ÆSTVS. Nec ullâ etiam amplius afficiuntur molestia exteriori, qualis est illa, quæ à radijs solis media & torridâ æstate in nos cadentibus, vel ab æstu ex labore itineris, aut simili causa nascitur. Videtur alludere ad incommoditates, quas milites in bello interiùs exteriorque patiuntur: *Militia enim est vita hominis super terram* Job 7. v. 1. Vel alludit ad molestias athletarum, qui famem, sitim, solem, & æstum in certaminibus sustinent, & ab omnibus se abstinent, ut corruptibilem coronam accipiant 1. ad Cor. 9. v. 25. Sancti verò ab istis abstinere, ut accipiant incorruptâ.

Respicit autem manifestè S. Joannes ad istum Isaia locum, *Non esurient neque sitient, & non percutiet eos æstus & sol*, Isaia 49. versu 10.

Quidam interpretes per *esuriem & sitim* hîc generaliter intelligunt desideria rerum terrenarum, advertere quæ Sancti in hac vita pugnant, & finiuntur demùm in altera. Ubi tamen etiam sine desiderio non erunt, juxta illud, *In quem Angeli desiderant prospicere*. 1. Pet. 1. v. 12. sed desiderio minimè cruciante. Quia enim Beati Deo fruuntur sine fastidio, idèò desiderant in sempiternum frui: qui enim illum edunt, adhuc esurient, & qui bibunt, adhuc sitient.

Solem verò & æstum, interpretantur externas à diabolo & mundo persecutiones: nam sicuti Sol quibusdam corporaliter nocet, ut quando Sol ortus percussit super caput Iona, & æstuat, Iona 4. v. 8. ita non

CAPVT VIII.

SYNOPSIS CAPITIS.

Aperitur septimum sigillum. Septem Angeli tubicines prodeunt in medium. Quatuor hoc capite tubu suis canunt, quintus & sextus capite seq. septimus in cap. 11. differtur. Ad singulos tubarum sonitus, grando, ignis, sanguis, & alia prodigia in terram vel aquas cadunt, aut Sol, Luna & Stelle eclypsis feriuntur.

Verf. 1.

ET CUM APERVISSET. Agnus, penes quem est scientiæ clavis. SIGILLVM SEPTIMUM. Quod ultimum est inter sigilla libri signati, quem vidit Apoc. 5. v. 1. FACTVM EST SILENTIVM IN CÆLO. Quatuor animalibus, & 24. Senioribus, omnique multitudine Angelorum, qui in circuitu throni & Agni erant, tacentibus, & expectatione suspensis, cum præter cæterorum sigillorum morem non statim in lucem prodiret, quod sub hoc sigillo septimo latebat. Quod rei magnitudinem, & magni moliminis apparatus significat. QVASI MEDIA HORA. Hoc enim tempus satis longum fuit ad indicandum rem magnam & extraordinariam exituram, quæ sub hoc septimo & extremo sigillo latebat; horrendas scilicet calamitates, ad sonitus sex primarum tubarum infligendas illis, qui non habent signum Dei in frontibus suis, ut dicit Apocal. 9. v. 5.

Beda & Richardus, *mediam horam*, interpretantur tempus breve; quo Ecclesia in silentio & magna tranquillitate erit post necem Antichristi: hoc enim tempus tantum 45. dierum futurum interpretatur S. Hieronymus, Dan. 12. v. 12. Sed hæc tranquillitas Ecclesiæ sequetur omnes istas plagas, quas Angeli tubicines evocant, & interponetur inter Antichristi necem, & adventum Christi ad iudicium, ut ibi S. Hieron. docet. Silentium autem hoc mediæ horæ antecedit plagas; imò præcedit Angelos tubicines, qui in fine silentij apparent parati ad eas infligendas.

Haymo post S. Gregorium & Berni. mysticè & pulchrè hoc mediæ horæ silentium interpretatur quietem contemplationis, quando anima cogitationum tumultus reprimendo, in internæ quietis secretum; quasi in quoddam silentium, ingreditur. Sed quia animo renitente;

cogitationum tumultus se ingerunt, felix hora, sed brevis mora: unde factum est silentium in cœlo, quasi mediâ horâ, ait Bernardus.

Ad hujus silentij imitationem, multi, credo, Ordines Religiosorum mediam horam mentalis & silentis orationis quotidie mane & vesperti suis præscribunt. Quod tempus, licet fortè sit nimis breve pro illis, qui per puncta & longos discursus meditantur: satis tamen longum est illis, qui statim in profundum orationis & contemplationis ingrediuntur. Quod tamen orationis silentium, nisi Deus det, anima suo studio & viribus procurare sibi non potest.

2. ET VIDI SEPTEM ANGELOS STANTES IN CONSPECTU DEI. Clariùs sic verti potest: *Vidi septem illos Angelos, qui stant in conspectu Dei:* sunt enim illi septem Angeli, de quibus ante facta mentio Apoc. 1. v. 4. & Apoc. 4. v. 5. quorum officium est, stare in conspectu Dei, non ut perpetuò assistentes, sed ut spiritus ministratorii, qui ad Dei nutum huc illuc in terram avolant: per hos enim, tanquam minorum Angelorum principes, Deus mundum inferiorem gubernat. ET DATÆ SUNT ILLIS. Veritè militèr ab Agno, qui sigilla libri referabat. SEPTEM TUBÆ. Unicuique Angelo sua.

Fortassis autem proprias & veras tubas ad terrorem hominum, & calamitatum instantium denuntiationem inflabunt septem isti Angeli ante adventum Anti-Christi. Vel certè, ut pluribus interpretibus placet, per tubas significantur prædicatores evangelici, qui spiritu Dei, & Angelorum instinctu, adventum Anti-Christi, & mundi subversionem proclamabunt. Mundus enim hic inferior ad clangorem septimæ tubæ concidet, ut olim in figura ad septem clangentium tubarum circuitum muri Iericho corruerunt, Iosue 6. v. 20. Prædicatores enim, quando publicas calamitates, aut res magnas annuntiant, tubis comparari solent. Unde Deus Osee excidium Ierosolymæ annuntiaturus dicit, *In gutture tuo sis tuba*, Osee 8. v. 1. &, *quasi tuba exalta vocem tuam, & annuntia populo meo scelera eorum*, Isa. 58. v. 1.

3. ET ALIUS ANGELVS VENIT. Aliqui Angelum Michaëlem, alij Gabrielem fuisse existimant; sed non benè: nam uterque inter septem illos Angelos, quibus datæ sunt tubæ, numeratur. Fuerit ergò potiùs aliquis ex ordine Seraphinorum, instar illius, qui calculo ignito de altari forcipe sublato, expiavit labia Isaïæ, Isa. 6. v. 6. ET STETIT ANTE ALTARE. Thymiamatis, ut patet ex sequentibus. Videbat autem S. Ioannes in cœlo altare simile altari thymiamatis templi Salomonis, sicut totum ipsum cœlum simile erat templo, ut patuit Apocal.

Apocal. 7. v. 15. HABENS THYRIBVLVM AVREVM. Quale erat illud, quod summus Sacerdos implebat prunis altaris, & injecto thymiamate, intrabat cum eo in Sancta Sanctorum, Lev. 16. v. 12. ET DATA SVNT ILLI INCENSA MVLTa. Græcè, *Thymiamata multa*, id est, aromata pretiosa & odorifera ad incendendum, quorum compositio ex stacte, onycha, galbano, & thure erat, ut narratur Exo. 30. v. 34. Quid autem hæc thymiamata significant, mox exponit S. Ioannes. UT DARET. Ut offeret Deo. DE ORATIONIBVS SANCTORVM OMNIUM. Incensa, inquam, composita, non ex stacte, onycha, &c. ut thymiamata illud Aaronicum, sed ex orationibus omnium Sanctorum. SUPER ALTARE AVREVM. Simile altari thymiamatis in templo Salomonis, quod vestitum erat auro purissimo.

Hoc altare figura fuit Christi, super quo suffitus & thymiamata sanctorum orationum offeruntur Deo Patri, ideoque in missa orationes finire solemus, *Per Dominum nostrum Iesum Christum*, &c.

QVOD EST ANTE THRONVM DEI. Sicut enim in templo Salomonis altare aureum erat ante Propitiatorium, cui Deus insidere dicebatur inter alas Cherubinorum: ita S. Ioannes simile altare aureum videt in cælo ante thronum Dei, sed in quo offerebantur, non thymiamata materialia, sed spiritalia, quæ sunt orationes Sanctorum.

4. ET ASCENDIT FVMVS INCENSORVM. Non qualiumcumque, sed, DE ORATIONIBVS SANCTORVM. Quæ composita erant ex orationibus Sanctorum. Ascendit autem fumus, quia thymiamata orationum, quas conferunt Sancti & amici Dei, magno charitatis igne incenduntur, & celeriter in cælum volant. Nec solæ orationes propriè dictæ, sed omnia bona opera Sanctorum, hoc igne charitatis supposito, per modum suffitus gratissimi ad Deum ascendunt. Undè in omni opere ex charitate factò Sancti assidue quodammodo orant, ut docet D. Thomas 2. 2. quest. 83. art. 14. DE MANV ANGELI. Ascendit, inquam, de manu Angeli imponentis thymiamata illa ardentibus prunis altaris aurei. CORAM DEO. Sicut enim fumus thymiamatis materialis, ex altari aureo templi Salomonis ascendeat versus Propitiatorium, in quo sedebat Deus: ita hic fumus thymiamatis spiritalis compositi ex orationibus Sanctorum ascendit versus Deum in cælesti throno sedentem.

Hinc colligitur, orationes nostras per manus Angelorum Deo offerri, ac proinde falsum esse quod Sectarij docent, Beatos in cælo pro nobis non orare: oblatio enim illa Thymiamatis orationum, fit per alteram

alteram Angelorum orationem, quâ nostras Deo commendant.

Colligitur etiam cum D. Thoma 3. p. quæst 83. art. 4. ad ult. Angelum aliquem Sacerdoti sacrificanti assistere, qui orationes populi & Sacerdotis offerat Deo: unde post Consecrationem Sacerdos orat & dicit: *Supplices te rogamus, omnipotens Deus, iube hæc perferrî per manus sancti Angeli tui in sublimæ altare tuum, in conspectu divine Maiestatis tuæ, &c.* & ideo *Missæ*, nominatur, ait S. Th. quia in ea Sacerdos per Angelum preces ad Deum mittit; & quando dicit, *Ite Missæ est*, significat hostiam per Angelum missam esse ad Deum, ut ei sit accepta.

5. ET ACCEPIT ANGELVS THVRIBVLVM. Illud quod imposuerat altari thymiamatis cum carbonibus ad adolenda incensa quorum fumus ascenderat coram Deo, ut versu præc. dixit. Nec enim carbones vivi immediate super, onebantur aureæ laminæ altaris thymiamatis, sed in thuribulo, sive prunario ad hoc fabricato. ET IMPLEVIT ILLVD IGNE ALTARIS. Holocaustorum, in quo semper ignis die ac nocte ardebat, & unde carbones adferri solebant, quando aromata incendenda erant in altari thymiamatis. Sicut enim totius templi, ita etiam utriusque altaris tam holocaustorum, quam thymiamatis, figuram in cælo videbat S. Joannes.

Utrumque autem altare figura Christi fuit, & ignis ex altari in thuribulum assumptus, significat charitatis ignem ex Christi meritis diffundi in cordibus nostris tanquam thuribulis, ut orationum nostrarum suffitus odoriferi & grati ascendant in conspectum Dei.

ET MISIT IN TERRAM. Prunas ardentes, quibus thuribulum suum impleverat, effudit in terram, sicut apud Ezechielem vir lineis indutus jubetur implere manum prunis ignis, ex prunario quod erat inter rotas Cherubinatorum, & effundere super Civitatem Ierusalem ad ejus combustionem & excidium significandum, Ezech. 10. v. 2. Ad quem locum planè alludere videtur hæc S. Joannis visio. Unde missio ista ignis in terram, significat exultionem, calamitates & plagas brevi ijs inferendas, qui in frontibus suis non habent signum Dei & Agni. Ignis autem ille assumitur prius ex altari in thuribulum, & deinde spargitur in terram, ut ad pœnas istas reprobis infligendas thuribula & orationes Sanctorum concurrere & cooperari significetur. Licitum enim est amore justitiæ, & ad Dei gloriam orare, ut pœnæ justæ, & tempore statuto de peccatoribus fumanentur. Non enim justus, quando videt impium à Deo puniri, ejus delectatur pœnâ, quia cum non odit; sed divinâ justitiâ, quia Deum diligit, ait S. Augustinus Psal. 78. ET FACTA SVNT TONITRA. Ad terrorem hominum.

hominum. ET VOCES. Articulatæ cum ejulatu lugubri, & v.æ. ET FVLGURA. Intermicantia ante crepitus tonitruorum, ut solet. ET TERRÆMOTVS MAGNVS. Hæc enim omnia sunt, quibus homines maxime terreri solent. Unde talia signa præmittet Deus, ut calamitatum imminuentium eos admoncat: nihil enim terribilius esse solet, magno terræ tremore. Hinc Aristoteles Gallos Celtas, qui terræ motus nihil curare dicebantur, ultra limites virtutis intrepidos esse dicit.

Qui tamen per Angelum istum intelligunt Christum, qui vocatur, *magni consilij Angelus*, longè aliter hæc interpretantur. Ignem charitatis, inquit, quâ corda fidelium inflamat, ex thuribulo humanitatis suæ in terram misit; sed præcipue in die Pentecostes, quando in linguis igneis Spiritus Sanctus super Apostolos cecidit. Tunc facta sunt tonitrua, voces, & fulgura prædicationum & miraculorum, ac terræmotus, quo totus mundus conturbatus est ad insolitam illam novi Messie & Christianæ religionis annuntiationem.

Verum S. Ioannes de futuris & extremis potius mundi temporibus, quàm de præteritis, & principio Euangelicæ prædicationis prophetare videtur.

6. ET SEPTEM ANGELI, QVI HABEBANT SEPTEM TUBAS. Destinati à Deo ad plagas infligendas, Chriſti & Christianorum hostibus. PRÆPARAVERVNT SE. Tubas ori admoventes. UT TUBA CANNERENT. Unus post alterum, & quisque ordine suo.

7. ET PRIMVS ANGELVS TUBA CECINIT. Fortasse S. Michael septem illorum Angelorum princeps. ET FACTA EST GRANDO. Similis plagæ septimæ, quâ Deus Ægyptum percussit, Exo. 9 v. 24. ET IGNIS, MIXTA IN SANGVINE. Tria hæc mixta simul, grando & ignis cum sanguine. Vocabulum enim, *mista*, est neutrum pluralis numeri, ut ex Græco patet. ET MISSVM EST. Totum hoc in unam tempestatem convolutum. Potest etiam verti, *Et mista sunt*.

Hæc autem omnia simul in terram deſecta maxime terrifica sunt: grando enim, præsertim qualis fuit illa ægyptiaca, Exo. 9. v. 24. & ignis fulminum, terræ maxime nocent; pluvia verò sanguinea inter maximarum cladum prodigia habetur.

ET TERTIA PARS TERRÆ. Non continua, ut v.g. universa Europa, aut universa Africa, sed tertia pars discontinua, ut latius per omnes Orbis regiones terror & timor spargatur. Ideo enim partes tantum aliquas terræ primum feriet Deus, ut illi, quibus dare volet spiritum pœnitentiæ, terreamur & convertantur. COMBUSTA EST.

T.

Igne

igne fulmineo ædificijs, hominibus & animalibus absumptis. ET TERTIA PARS ARBORVM CONCREMATA EST. Hæc plaga respondet sextæ plagæ Ægypti; in hoc tamen dissimilis, quòd arbores Ægypti non concrematae igne, sed grandine confractæ fuerint: nam *grando omne lignum regionis confregit*, Exo. 9. v. 25. ET OMNE FŒNUM VIRIDE COMBUSTVM EST. Nomine *fani* omne gramen seu herba intelligitur. Unde in sexta plaga Ægypti *cunctam herbam agri percussit grandis*, Exo. 9. v. 6.

Non ergo tantum tertia pars fœni, sicut tertia pars arborum, sed omne omnino fœnum combustum est; ad significandum, brevè omne humanum genus extinguendum esse: homines enim mortales & brevis vitæ, fœnum sæpè vocantur in Scriptura: *Omnis caro fœnum, & omnis gloria eius, quasi flos agri*, Isa. 40. v. 6. *Homo sicut fœnum dies eius, & tanquam flos agri, sic efflorebit*, Psal. 102.

Tropologicè, per *terram*, homines viliores & subditi significantur: per *arbores*, Prælati & superiores; per *fœnum viride*, illi in quibus juvenus, carnalis humor, & mundi prosperitas vigent, inquit Chrysostomus. Qui tamen hunc sensum vult esse litteralem, quia sensus litteralis, ait, aliquando non per verba, sed per res ipsas exprimitur, sicut in plerisque hujus Apocalypsis locis est videre.

Sed licet plagæ tam Ægypti, quàm istæ, quas vidit S. Joannes, quibus diligentius attendat, ut ait S. Irenæus lib. 4. cap. 50. omnibus gentibus infligantur secundum sensum saltem tropologicum vel spirituales; illæ nihilominus reverà secundum litteram inflictæ sunt olim Ægyptijs, & in fine mundi infligendæ sunt Christianorum persecutoribus.

8. ET SECVNDVS ANGELVS TVBA CECINIT. Ut sicuti primus Angelus terram, & terræ viventia: ita iste aquas, & viventia in aquis flagellet. ET TANQVAM MONS MAGNVS IGNE ARDENS. Ingens aliquis igneus cometes. MISSVS EST IN MARE. Sicuti infrà Apoc. 16. primus Angelus primam phialam iræ Dei effundit super terram, secundus super mare, tertius super flumina: ita hic etiam similis ordo servatur. ET FACTA EST TERTIA PARS MARIS SANGVIS. Cum varia maria alluant varias terras, videtur tertia pars uniuscujusque maris vertenda in sanguinem. Hæc enim maris conversio fiet ad terrorem non unius tantum regionis, sed omnium, quæ mari adjacent. Unde licet unus tantum mons ardens missus in mare representatus fuerit S. Ioanni, verisimile tamen est, in singula maria mittendos esse similes montes: ut mons unus in mare mediterraneum, alter in Ægeum, tertius in Euxinum, quartus in Caspium, quintus in mare rubrum; deinde

deinde in Oceanum Hispanicum, Gallicum, Flandricum, Hollandicum &c. Aut certe, unicus ille mons in varias partes dissiliet, quarum una in hoc, altera in aliud mare cadet, ut versu sequenti de stella cadente in tertiam partem fluminum dicetur.

An autem igneus ille mons virtute naturali, an supernaturali vertet mare in sanguinem, incertum est. Fortasse enim corpora quædam igneo illi monti miscbuntur, quæ habeant virtutem naturalem convertendi aquam in sanguinem: Sicuti S. Augustinus fieri potuisse dicit, ut Magi Ægypti aquam in verum sanguinem, & virgas in veros serpentes, applicando activa passivis, naturaliter converterint.

Sensu verò spiritali, *mons magnus ardens*, est diabolus superbiâ tumidus & furore ardens, qui canente Angelo, id est, Ecclesia in suis Doctoribus prædicante, excluditur à cordibus electorum, & in mare reproborum mittitur; non quòd ante in ipsis non fuerit, sed quia projectus ex electis, amplius reprobis dominari incipit, ait post Bedam Haymo. Et aquam gratiæ divinæ in sanguinem carnalis sapientiæ vertit, quando aperte mala agere, & per humanam sapientiam excusare & defendere persuadet, ait idem Haymo. Sanguis enim in sacra Scriptura sæpè pro peccato & malo opere ponitur: *Libera me de sanguinibus*, Psalm. 50. *Sanguis sanguinem tetigit*, Osee 4. v. 2.

9. ET MORTUA EST TERTIA PARS CREATURÆ. Quæ nempe erat in illa tertia parte maris versa in sanguinem. EORVM QUÆ HABEBANT ANIMAS IN MARI, id est, Animalium viventium in mari. Græcè: *Mortua est tertia pars creaturarum in mari habentium animas*: id est, non omnium omnino creaturarum, quæ sunt in mari; sed earum, quæ habent animas, ut piscium crustatorum, & omnium illic reptilium, quorum non est numerus: omnia enim ista animantia suffocantur in sanguine, quia non nisi in elemento aquæ vivere possint.

Hæc autem plaga mitior est, quàm altera similis secutura Apol. 16. v. 3. ubi dicitur omnis anima vivens moritura in mari; quia totum mare, non solum tertia pars tunc convertetur in sanguinem. Deus enim à mitioribus plagis sensim & misericorditer ad graviore procedit.

Sensu spiritali quidam per *mare*, Ecclesiam in hoc sæculo adhuc fluctuantem intelligunt, cujus tertiam partem superbia diabolica in sanguine suffocat, dum fideles, qui in aqua divinæ gratiæ vivere & natare deberent, in sanguine carnalis prudentiæ vivere persuadet, gentili & inani Philosophiâ id approbante.

ET TERTIA PARS NAVIVM INTERIT. Quæ navigabant in illa

tertia parte maris. Interierunt autem percussæ igne montis illius magni, & demersæ sunt. Si naves, dubium non videtur, quin etiam insulæ, quotquot in illa tertia maris erunt, eadem plagâ involvendæ sint.

Spiritualiter & mysticè, *naves* sunt Prælati & Doctores Ecclesiæ, qui doctrinâ & exemplo suo alios portant, & ad æternæ salutis portum vehere debent; quorum etiam tertiam partem diabolus in sanguinem carnalis sapientiæ suæ demerget.

10. ET TERTIVS ANGELVS TVBA CECINIT. Angelus iste similis est Angelo tertio, qui Apocal. 16. v. 4. phialâ suâ aquas dulces corrumpet: nisi quod ille aquas in sanguinem, hic in absinthium convertat. ET CECIDIT DE CÆLO. Aëreo. STELLA MAGNA. COMETES ingens similis monti illi magno v. præced. ARDENS TANQUAM FACULA. Græcè, *tanquam lampas*. Hæc autem lampas videtur in casu suo in varias faculas, tanquam stellas minores dissiluisse, ut facere posset, quod sequitur. ET CECIDIT IN TERTIAM PARTEM FLVMINVM. Non in omnia flumina, ne omnium aquas corrumpere, & impotabiles redderet.

Una ergo pars istius stellæ, sive facula in Nilum v. g. altera in Danubium, tertia in Mosam &c. ceciderit; ita ut, si omnia flumina orbis terræ in unam summam colligantur, illa sint futura tertia pars totius summe: & verisimiliter in illa flumina cecidit, quæ majorum peccatorum terras lavant.

ET IN FONTES AQUARVM. Et in tertiam quoque partem fontium, qui non in flumina, sed in rivulos tantum scaturiunt, aut ex venis suis non effluunt, quales sunt aquæ puteorum. Hæc plaga sæva erit, quia dulcium aquarum inopiâ plurimi homines ardentissimâ siti torquebuntur.

11. ET NOMEN STELLÆ DICITVR ABSINTHIUM. Ab effectu suo, quia dulces fluminum & fontium aquas in amaritudinem absinthii similem vertet. ET FACTA EST TERTIA PARS AQUARVM. Dulcium omnium, tam fluminum, quam fontium. Hinc enim colligitur, stellam in tertiam solum partem fontium, non in omnes fontes cecidisse; licet hoc versu præced. non expresserit, sicut expressit de fluminibus. IN ABSINTHIUM. Non in absinthium verum & hortenſe, quod necare homines non solet, sed in amaritudinem pestiferam, ex venenata stellæ illius exhalatione conceptam, quæ tantum vocatur absinthium, propter saporem amarissimo absinthio similem. Unde sequitur. ET MULTI HOMINVM MORTVI SVNT DE AQUIS.

Avio-

fluviorum & fontium, in quos stella illa cecidit. Ex aquis enim infectis, sicuti etiam ex aëre pestilenti, lues celerrimè contrahitur; quia duo ista elementa, in corpus potu vel respiratione assumpta, venas & arterias, cæterosq; corporis meatus suâ liquiditate celerrimè pervadunt. Unde Hypocrates & Medici, aquarum & aëris puritatem maximum ad sanitatem momentum habere dicunt. QVIA AMARÆ FACTÆ SVNT. Amaritudine illâ pestilenti stellæ cadentis. Sc Aristoteles & Philosophi docent, Cometas pestilentie prognosticum esse, quia significant multis pestilentibus exhalationibus, ex quibus con crescunt cometae, aërem inferiorem, quem respiramus, permixtum, & inquinatum esse.

Lyranus & P. Aureolus, sensu etiam litterali, tam hunc tertium Angelum, quàm stellam magnam, Pelagium hæresiarcham repræsentare existimant, qui de cælo Ecclesiæ, in quo doctrinâ & religione magnus & splendidus habebatur, cecidit. Erat enim litteratus & Monachus, inquit Lyranus. Quamdiu inter sidera, id est, Doctores Ecclesiæ luxit, stella magna videbatur; sed ubi cecidit, infaustus cometes apparuit, & facula quæ extincta in aquis tetrum fœtorem emisit, ait Albertus Magnus. Nomen ejus absinthium, inquit Lyranus, quia contra dulcedinem gratiæ Spiritus S. prædicavit. Tertia verò pars aquarum corrupta est, quia magna pars Ecclesiæ per absinthium perverſi ejus dogmatis infecta, & spiritualiter mortua est. Fontes quoque aquarum Baptismi corrupti, dum virtutem abluendi peccatum originis inesse negavit.

Existimant enim Lyranus, Aureolus, & alij, tam veteres quàm recentiores, quatuor Angelos, qui hoc cap. 8. tubas suas inflant, ad litteram repræsentare quatuor hæresiarchas, contra quos quatuor prima Ecclesiæ Concilia generalia celebrata sunt: Arium, Macedonium, Pelagium, & Eutychetem, qui in Concilijs Nicæno, Constantinopolitano, Ephesino, Calchedonenſi damnati sunt. Qui commentarius pro spirituali saltem sensu valere potest.

Nec rectè à quibusdam refellitur, quòd Concilium Ephes. non contra Pelagium, sed contra Nestorium convocatum fuerit: nam Nestoriana hæresis ramus tantum est Pelagianæ; unde Cassianus eam spinosam Pelagij sobolem appellat. Nec in Concilio Ephes. tantum Nestorius, sed Pelagiani etiam condemnati sunt, ut ex epistola Synodali ad Papam Celestinum patet. Triginta enim Pelagianis ex Occidente ad eum tanquam protectorem profugis stipatus, ad Synodum Ephes. venerat Nestorius. Ut enim Pelagiani & amicus eorum Nestorius facilius

defenderent, quemlibet hominem viribus arbitrij, sine gratia Dei, posse implere legem, & vivere sine peccato; finxerunt Christum purum hominem fuisse, qui nature viribus tam sanctè vixerit, ut Verbi divini habitaculum fieri meruerit.

Nec refert, quòd hæreses illæ jam dudum præcesserint adventum Anti-Christi; quia heresiarchæ sunt Antichristi præcursores: & totum tempus à Christi Ascensione, usque ad sæculi finem, *novissima mundi hora*, in Scripturis appellatur, 1. Ioan. 2. v. 18.

12. ET QUARTUS ANGELVS TUBA CECINIT. Hic quoq; similis est quarto Angelo Apocal. 16. v. 8. qui phialam suam effudit in Solem. ET PERCVSSA EST TERTIA PARS SOLIS. Eclypsis extraordinariâ, per interpositionem fortasse minorum planetarum, quos maculas Solis, aut astra borbonia hodie vocant: hi enim simul conglobati tertiam partem Solis facillè tegere possunt. Non fiet autem illa Solis eclypsis per interpositionem Lunæ, quia Luna eo tempore erit plena, & proinde longissimè distans à Sole, ut mox patebit. Deinde eclypsis Solis facta per interpositionem Lunæ nunquam est universalis in toto Orbe, qualis erit ista. ET TERTIA PARS LUNÆ. Videtur ergo Luna tunc futura in plenilunio. Incertum autem est, an eclypsis ista eventura sit propter ordinariam terræ interpositionem inter Solem & Lunam, an ex alia causa extraordinaria. ET TERTIA PARS STELLARVM. Non solum ergo luminaria, sed cæteri quoque planetae & stellæ fixæ partiali illâ eclypsi ferientur. ITA VT OBSCVRARETVR TERTIA PARS EORVM. Ministerio Angelorum corpora opaca interponentium, aut ex alijs causis extraordinarijs Deo notis. ET DIEI NON LVGERET PARS TERTIA. Obscuratâ enim tertiâ parte Solis; necesse etiam est, diem tertiâ parte luminis sui mutari. ET NOCTIS SIMILITER. Obscuratâ scilicet tertiâ parte Lunæ & Stellarum, quæ noctem reddere solent illustrem.

Hæc plaga respondet nonnæ plagæ Ægyptiorum, quâ obscuratis omnibus omnino sideribus, tenebræ tam densæ & palpabiles exortæ sunt, ut frater fratrem, & proximus proximum non videret, Exo. 10. v. 23. Unde hæc plaga minor futura est quàm illa ægyptiaca.

Quod autem Christus generaliter dixit, *Erunt signa in Sole & Luna & Stellis*, Lucæ 21. v. 25. S. Ioannes hîc magis distinctè explicat.

Litteraliter, ut multi existimant, vel saltem mystico sensu, per *Solem* majores Ecclesiæ Prælati; per *Lunam*, inferiores Pastores & Ecclesiastici, qui à majoribus lumen, ut Luna à Sole, accipiunt; per *Stellas*, Religiosi inferiores, & Laici piè viventes significantur, quibus Ecclesiæ, ut cælum minoribus stellis exornatur.

Hi ter-

Hi tertiâ parte, id est, magno & notabili numero, obscurabuntur, quia à fidei & morum integritate deficient: ubi enim luminaria, id est, Prælati & Pastores tam sæculares, quàm regulares, deficient, inferiorum quoque eclipses sequi solent. Unde hujus quarti Angeli tubam Carthusianus prædicationem adversus Ecclesiæ Prælatos & Pastores interpretatur, qui olim, sævientibus tyrannis & hæreticis, valde sancti fuerunt; sed ubi pax Ecclesiæ reddita, negligentius agere, & quâdam securitate torpere cœperunt.

Quod etiam hodie accidere videmus; & utinam tertiâ tantum parte, inquit Gagnæus? Multi enim Prælati & Pastores, qui doctrinâ lucere, & vitâ ardere deberent, simulatam tantum, inquit, verorum Pastorum & Rectorum personam gerunt. Obscurâ deinde intelligentiæ claritate, in quibusdam fidei & morum dogmatibus errant, & alios errare docent.

13. ET VIDI, ET AUDIVI VOCEM VNIVS AQUILÆ VOLANTIS. VIDI VOLANTEM, & audivit loquentis vocem. Haymo tamen utrumque verbum refert ad, *vocem*; ut significetur, inquit, in spiritali visione hoc esse videre, quod audire, & hoc audire, quod videre. Per *aquilam* S. Ioannes unum aliquem ex Angelis intelligit, specie aquilæ volantis apparentem. Unde multi Codices græci legunt, & sic vertit Erasmus, *Vidi & audivi unum Angelum volantem*. Videtur autem hic Angelus fuisse alius ab illis septem, quibus datæ erant tubæ. PER MEDIUM CŒLI. Ut facilius ab omnibus longè lateque audiretur. DICENTIS VOCE MAGNA. Quia de rebus magnis; & ut omnium feriret & percelleret aures, vociferabatur, *væ, væ, væ*. Triplicatur, *væ*, non tantum ad exaggerandam calamitatum futurarum magnitudinem, sed etiam ad significandam SS. Trinitatis indignationem, ait Aretas: Respicitur etiam ad triplicem calamitatem trium Angelorum sequentium, qui nondum tubas suas inflaverant, ut mox patebit. HABITANTIBVS IN TERRA. Et terrena amantibus: illi enim propriè, juxta sensum Scripturæ, habitant in terra, qui terræ affixi sunt; cæteri licet pedibus terram calcant, habitationem tamen, & conversationem in cœlis habent: *Nostra autem conversatio in cælis est*, ad Philip. 3. v. 20. Anima enim potius est ubi amat, quàm ubi animat. DE CÆTERIS VOCIBVS TRIUM ANGELORVM. *Væ*, inquam, triplex propter tres cæteras tubæ voces trium Angelorum. QUI ERANT TVBA CANTVRI. Græcè, *qui tubâ canent*. Septem enim in universum erant Angeli, & quatuor jam cecinerant; unde tres adhuc restabant; qui plagas omnium sævissimas annuntiaturi erant, nisi homines resipiscerent.

Deus

Deus enim, antequam peccatores feriat, solet minari, & dare significationem, ut *fugiant à facie arcus*, Psalm. 59.

Fortasse autem ante ultimas illas sæculi plagas, ad maiorem hominum terrorem, Angelus aliquis speciei aquilæ volantis talia in aëre reverà clamabit. Vel, ut alij interpretantur, per aquilam significantur zeloti quidam à Deo & Angelis excitati prædicatores, qui oppidatim & pagatim circumeuntes, imminentem Dei iram & plagas, magnâ & lamentabili voce hominibus annuntiabunt.

CAPUT IX.

SYNOPSIS CAPITIS.

Quintus Angelus tubâ canit. Stella de cælo cadit. De puteo abyssi exeunt locusta monstrosa & horribiles. Sextus Angelus canit: solvuntur quatuor Angeli mali, qui ligati erant in magno flumine Euphrate.

vers. 1.

ET QUINTVS ANGELVS TVBA CECINIT. Statimque ubi oculos ad eum converti. ET VIDI STELLAM DE CÆLO CEDIDISSE. Non cadentem vidi, sed jam cecidisse: incipiente enim tubæ sonitu tantâ celeritate cecidit, ut casus advertentiam oculorum effugeret. IN TERRAM. Non in subterraneam abyssum; quia idem in terram ceciderat, ut illam abyssum supernè aperiret. ET DATA EST EI, à Deo vel Agno, CLAVIS PVTEI ABYSSI. Potestas aperiendi puteum abyssi infernalis, ut inde, Deo permittente, exirent locustarum monstra, quæ statim describet.

Cùm autem dicat, datam esse stellæ clavem; certum est, nomine stellæ significari aliquam creaturam rationalem, Angelicam vel humanam.

Plurimi Antiquorum Luciferum interpretantur, de quo Propheta: *Quomodo cecidisti de cælo Lucifer*, Isaïa 14. v. 12. Sed obitare videtur, quòd Lucifer jam olim de cælo, nec ad terram solum ceciderit, sed ad infernum detractus sit, in profundum laci, Isa. 14. v. 15. Stella verò ista apocalypica visa est cadere in ipso sonitu tubæ quintæ. Undè potius fuerit unus ex principibus illis demonum, qui vocantur *Principes & potestates, rectoresque mundi tenebrarum harum*, ad Ephes. 6. v. 12.

Talis

Talis ergo aliquis dæmon, Dei imperio, instar stellæ de cælo æreo cadentis in terram, accepit clavem abyssi ad aperiendas portas, id est, ad solvendos alios dæmones, quos Dei potentia quasi vinculis quibusdam ibi coërcet.

Multi tamen recentiores stellam istam Angelum bonum fuisse existimant, quia S. Joannes postea vidit Angelum bonum descendentem de cælo habentem clavem abyssi Apoc. 20. v. 1. Sed cum hic Angelus dicatur cecidisse, & ibi descendisse de cælo, innuitur potius aliqua diversitas inter utrumque: mali Angeli enim cadunt, boni descendunt de cælo. Omnis autem Angelus, sive bonus, sive malus, habet clavem abyssi, quando datur ei potestas aperiendi portas inferni, quas dæmonibus clausit Deus.

2. ET APERUIT PVTEVM ABYSSI. Profunditas subterranea, sive aqua, sive ære, sive igne plena sit, vocatur *abyssus* græcè, id est, sine fundo, quando profunditas tanta est, ut fundus à nobis sciri non possit. Quæ optimè profunditati inferni convenit, quem communis Theologorum opinio in loco totius Universi profundissimo constituit. ET ASCENDIT FVMVS PVTEI. Significat tenebras errorum, & tristissimas ultimorum temporum calamitates prodituras ex inferno. SICVT FVMVS FORNACIS MAGNÆ. Ira enim diaboli magna & ardens est fornax magna, unde illum invidiæ & malevolentiae fumum expirat in homines. ET OBSCVRATVS EST SOL ET AER. Id est, lumen Solis in ære, sive dies obscuratus est. DE FVMO PVTEI. Unde caligo errorum, & tristitia illorum temporum emanabit; quæ & lumen fidei, & publica Ecclesiæ lætitia involvetur: Sol enim, & æris lumen res lætas; caligo fumi res tristes significat.

3. ET DE FVMO PVTEI. Cui permixtæ & quo involutæ erant. EXIERVNT LOCUSTÆ IN TERRAM. Non ut herbas terræ depascerent, sed ut homines affligerent. Non enim erant locustæ similes ægyptiacis, quæ octava Egypti plaga comederunt, quod residuum erat grandini, & corroserunt omnia ligna, quæ germinabant in agris Exo. 10. v. 5. illæ enim erant veræ locustæ, hæ autem locustæ rationales, ut ex descriptione formæ earum satis intelligitur.

Omnes veteres, inquit Carthusian. sub monstrosa & inusitata locustarum forma, hæreticos Antichristi præcursores intelligunt. Deinde tam exquisita formæ & omnium membrorum expressio significat aliquod majus mysterium sub illa monstrosa imagine latere.

Quidam tamen recentiores veras locustas novæ & monstrosæ formæ exituras de fumo putei existimant. Locustarum autem formas ma-

ximè esse variables, & alias alijs esse monstrosiores, tradunt Naturalistæ.

ET DATA EST ILLIS POTESTAS. A Deo id permittente, & manum suam, quâ eas frænat, remittente. SICUT HABENT POTESTATEM. A natura sibi cum veneno inditam. SCORPIONES TERRÆ. Qui in Africa præfertim, & calidis regionibus nascuntur in terra, non in aquis, sicut scorpiones quidam aquatici minùs noxij. Hi autem scorpiones terrestres illam vim & potestatem habent, ut aculeo caudæ ferrum etiam pertundere valeant, & cum ictu venenum vulneri infundant.

4. ET PRÆCEPTUM EST ILLIS. A Deo, cujus providentia dæmonum & malorum hominum potestatem frænat & moderatur. NÆ LÆDERENT FŒNUM TERRÆ. Non enim erant ejusdem speciei cum vulgaribus locustis, quæ fœnum sive herbam terræ arrodunt. NEQUE OMNE VIRIDE. Quales sunt frutices & virgulta, inter herbas & arbores media. NEQUE OMNEM ARBOREM. Per tria ista, *fœnum viride, arborem*, tria genera hominum electorum, incipientes, proficientes, & perfecti, mysticè significantur. NISI TANTVM HOMINES. Locustæ enim istæ erant similes mihi scorpiones: scorpiones autem vix alia animalia, nisi solos homines invadunt. QVI NON HABENT SIGNVM DEI IN FRONTIBVS SVIS. Qui non sunt inter centum quadraginta quatuor illa millia, & turbam magnam signatorum signo Dei vivi Apoc. 7.

5. ET DATVM EST ILLIS. Data est locustis illis potestas sic limitata. NE OCCIDERENT EOS. Morte corporali. SED VT CRVCIARENT, lædendo & affligendo eos, MENSIBVS QVINQVE. Id est, tempore certo à Deo determinato. Videtur enim alludere ad quinque menses æstatis, quibus scorpij maximè solent hominibus nocere: nam Aprili, Maio, Junio, Julio & Augusto, veneno suo ardenti & adusto stimulat, homines ferire, & venenum effundere avidissimè solent, ut docet Buxtamantinus lib. 6. cap. 15. de animantibus S. Scripturæ. Cæteris verò mensibus, & maximè hyeme scorpiones torpent.

Quod verò multi interpretantur per *quinque menses* significari quinque corporis sensus, in quibus homines affligentur, aut quinque vitæ ætates, infantiam, pueritiam, juventutem, virilitatem, & senectutem, videtur nimis contortum, nec huic loco satis concinnè posse accommodari.

ET CRVCIATVS EORVM. Quo locustæ illæ cruciabunt homines illos, qui non habent signum Dei in frontibus. UT CRVCIATVS SCORPII. Non enim locustæ simplices, sed semiscorpij sunt, cum caudam, spiculum, & venenum scorpij in cauda gestent. CVM PERCVTIT HO-

MINEM.

MINEM. Quando scorpius caudæ suæ spiculo ferit hominem, in quo spiculo est fistula, quæ fugit sanguinem, & pro sanguine refundit venenum: scorpius enim humano sanguine maximè gaudet, quia homines præ cæteris animalibus copiosiori & excellentiori sanguine præditi sunt. Vnde inter homines, maximè iuvenes & sanguineos, & præsertim virgines percutere solent, ut testatur Busta-mantinus.

Hæc autem omnia, sub velamento locustarum cruciantium homines, & aculeo caudæ instillantium venenum, videntur significare quoddam genus armatorum hæreticorum & infidelium in fine mundi, qui per cruciatus, & vim armorum cogent homines ad suscipiendum hæresis & doctrinæ suæ venenum.

6. ET IN DIEBUS ILLIS. In tempore illorum quinque mensium. **QUÆRENT HOMINES MORTEM.** Ex impatientia cruciatuum, quibus eos affligent locustæ.

Beda tamen, Haymo, Richardus, & veterum non pauci, de hominibus sanctis & electis hoc intelligunt, sicut in persecutione Decij B. Cyprianus accidisse dicit, inquit Beda, volentibus mori, non permittebatur occidi. Sed de malis & reprobis intelligendum esse, ex totius narrationis contextu facillè probatur: ait enim S. Ioannes v. 4. præceptum esse locustis, ut tantum nocerent ijs, qui non habent signum Dei: deinde cruciandos esse cruciatu scorpionum, v. 5. unde cum jam v. 6. dicit homines quæsituros mortem, de iisdem hominibus omnino videtur intelligi.

Erunt ergo illi homines mali, & similes illis, de quibus Christus ait: *Tunc incipient dicere montibus, Cadite super nos: & collibus, Operite nos: quia si in viridi ligno hæc faciunt, in arido, quid fiet,* Lucæ 23. v. 31.

ET NON INVENIENT EAM. Quia Dei providentia vult eos in cruciatibus vivere, & nondum mori, ideo enim mandatum est locustis, ne eos occiderent sup. v. 5. **ET DESIDERABUNT MORI.** Imaginantes mortem esse unicum malorum præsentium effugium ac asylum. **ERFUGIET MORS AB EIS.** Neminem enim mors interficit, nisi ex imperio aut permisso ejus, qui est Dominus vitæ & necis.

Cruciabunt autem solos Dei inimicos, ut Deus ostendat eis, se esse, qui, quos vult liberat à malis. Unde locustæ illæ Aegyptiacis in hoc similes erunt, quæ solis Aegyptijs, non Hebræis, nocebant, Exo. 10. Cujus discriminis causam reddit Sapiens: *Quia in hoc ostendisti, inquit, inimici nostræ, quia tu es, qui liberas ab omni malo,* Sap. 16. v. 8.

Sed quomodo hæ locustæ apocalypticæ, si eo nomine hæretici & tyranni infideles intelligantur, nocebunt solum malis Christianis, cum

hæretici & tyranni in bonos maximè soleant seuire.

Hoc argumento quidam à sententia veterum interpretum recedunt, maluntque veras locustas, quàm symbolicas intelligi.

Sed neque sine divino miraculo fieri potest, ut veræ locustæ solos malos homines feriant, & bonis parcant. Et profectò minori miraculo per symbolicas locustas hoc evenire poterit, si cogitemus diversas infidelium sectas, ut Lutheranos & Calvinistas, Turcas & Persas, acerrimis odijs & bellis se invicem aliquando exercere. Dei etiam providentiâ facillè accidere potest, ut pii fideles infidelium locustarum morsus fugiendo evadant, soli que mali ab ipsis crucientur, quia earum adventum exspectare ausi sunt, tanquam ipsis magis affines, & in malitia socij. Erunt enim locustæ illæ antiquis Gothis, Longobardis, Wandalis similes, qui ex septentrione, aut alio orbis terræ angulo, tanquam flagellum Dei emissi, malos homines, Deo sic disponente, præcipuè castigabunt, & multis cruciatibus affligent.

7. ET SIMILITVDINES LOCUSTARVM. Formæ & imagines corporum ipsarum. SIMILES EQVIS PARATIS AD PRÆLIUM. Erant similes equis cathafractis, & armatis ad pugnam, quibus equites pharetrâ, clypeo, lanceâ aut sclopeto armati insident. Vnde talem equum bellatorem Job describens: *Super ipsum, inquit, sonabit pharetra, vibrabit hasta & clypeus*, Job. 39. v. 23.

Saltant etiam brevi volatu locustæ, ut generosi equi, subditis calcatribus, solent. Unde Deus iterum apud Jobum ejusmodi equum locustæ comparans: *Nunquid, ait, suscitabis eum quasi locustas*, Job. 39. v. 20.

Eleganter dinde locustæ comparantur equis, quia crura & femora similia equis, & caput equinum habent. Unde nos Itali, *Cavalese*, eas vocamus, inquit Menochius.

Denique exercitus illi hæreticorum & infidelium, quibus in flagellum peccatorum utitur Deus, similes sunt exercitibus locustarum, quæ maria etiam ad prædam transvolant, & omnia terræ virentia vastant & depopulantur; unde Deorum ira pestis illa intelligitur, ait Plinius, lib. 11. cap. 29.

ET SUPER CAPITA EARVM TANQVAM CORONÆ. Quidam hoc interpretantur de punctis quibusdam subcinericijs aut rufi coloris, quibus per modum circuli & coronæ quarundam locustarum capita notantur. Sed hæc observatio nimis minuta est, nec huic loco convenit: vidit enim S. Joannes coronas istas, non tanquam pictas in earum capitibus, sed positas super capita, sicut coronæ regum & principum solent. SIMILES AVRO. Representabant enim aureas coronas regum, & auro-

& auratas galeas nobilium equitum, ex quibus exercitus ille locustarum conflabitur. Solent enim equites nobiliores olim auratis galeis & loricis militare. Itaque coronæ illæ significant, exercitum illum prædonum & præcursorum Antichristi magnâ parte compositum iri ex Regibus, Ducibus, Comitibus, cæterisque primariæ nobilitatis hominibus, qui coronas in insignibus suis gestare solent. Cæteri quoque eorum milites prædis & spolijs nationum divites, galeas suas auro & cristis, ut in tali rerum abundantia solet, ornabunt. ET FACIES EARVM TANQVAM FACIES HOMINVM. Ex hoc satis intelligitur, locustas illas, non veras, sed symbolicas esse: nec simplicem equum, sed equum cum suo equite in tali locusta representari.

Vidit ergo S. Ioannes equites armatos, sub monstrosa specie locustarum, quæ instar hypocentaurorum ex equo & equite insidente erant compositæ: unde faciem hominis insidentis vocat faciem locustæ. Facies verò istæ hominum significant locustas, quamvis crudeles & feræ sint, vultu tamen simulare humanitatem.

8. ET HABEBANT CAPILLOS. Hinc quoque apparet, non esse veras locustas; quis enim unquam locustas capillatas vidit? Quod autem quidam, earum alas *capillos* vocari putent, nimis frigidum est. Deinde v. sequenti fit mentio alarum, tanquam quæ à capillis distinguantur. SICVT CAPILLOS MVLTIVM. Prolixos scilicet & formosos, cincinnis ac flosculis calamistratos, ut hodie passim iuvenes molles & effeminati gerunt. Locustæ ergo illæ cum morum feritate, libidine & lasciviâ animum corruptum habebunt, ut militum non pauci solent.

Lyranus putat ad litteram describi veteres illos Wandalos & Longobardos, qui prolisos capillos & barbas aiebant. Sed cum ad tempora viciniore Antichristo respiciat; potius aliquos similes Longobardis, quam Longobardos describit S. Ioannes.

ET DENTES EARVM. Locustæ non caudâ, sed dentibus; scorpiones non dentibus, sed caudâ nocent: idè hæc monstra caput locustarum, caudam scorpionum gestant, ut capite & caudâ simul ac undique noceant. SICVTI DENTES LEONVM ERANT. Dentibus enim ita valere locustas, scribit Plinius lib. 11. cap. 29. ut morsu omnia, etiam fores tectorum, eradant. Quia autem leonum dentes fortissimi & acutissimi sunt, omniaque dilaniant, Scriptura vim, cui non potest resisti, dentibus leonum comparat, ut Ioël 1. v. 6. Eccli. 21. v. 3.

9. ET HABEBANT LORICAS. Locustæ enim & scorpij naturali quadam loricâ, aut similitudine lorice loricati sunt; veluti etiam cancri, quibus scorpij valde sunt similes. SICVT LORICAS FERREAS. Repre-

sentabant enim loricas verè ferreas, quibus symbolice locustæ, sive milites Antichristi præcursores pectora sua muniunt.

Sensu verò spirituali in loriciis ferreis, obdurata hæreticorum contra veritatem præcordia, notari, Beda, Richardus, Haymo, & plerique existimant. Sicut enim lorica ferrea sagittæ ictum repellit, ita dura oblinatorum præcordia jacula veritatis respuunt.

ET VOX ALARVM EARVM. Sonitus & stridor, quem gregatim volantes edebant locustæ. Grandiores enim tanto volant pennarum stridore, ait Plinius lib. 11. cap. 29. ut aliæ alites credantur, solenique obumbrant, sollicitè suspectantibus populis, ne suas terras operiant. SICUT VOX CVRRVVM EQVORVM MVLTORVM. Similis stridori rotarum, & falcium currum falcatorum, quos veteribus bellis maximo impetu ac sonita per medias hostium acies agebant, obvia quæque dissidentes & proterentes. CVRRENTIVM IN BELLVM. In prælium. Unde hinc iterum intelligitur, sub locustarum istarum imagine, ferocissimorum militum exercitum abscondi.

Expavescendum autem magis, quàm exponendum est, ait Beda, quod vires huic exercitui sic accrescant. Primò fumus ascendit, deinde, locustas profert, quæ priùs scorpionibus, mox equis & leonibus comparantur, quorum, etsi nudæ vires essent, sufficerent; adduntur tamen etiam locustæ, nunc denique volatiles, & curribus belantibus similes dicuntur.

Volatus autem earum significat, quòd celeriter & supernè advenient, ait Aretas: Deus enim qui dedit Angelo clavem abyssi, ut inde exirent, supra v. 1. pestem illam immittet adversus eos, qui in frontibus suis signum ejus non habebunt.

10. ET HABEBANT CAVDAS. Ne quis putaret caudâ saltem innoxias esse, sicuti solent veræ locustæ. SIMILES SCORPIONVM. Caudæ autem scorpionum, quantum ad figuram, caudis cancrorum non longè dissimiles sunt, si demas aculeum. ET ACVLEI ERANT IN CAVDIS EARVM. Aculeo enim caudæ feriunt, & venenum mortiferum instillant scorpiones, & magis, qui caudâ longiori, & septena internodia in ea habent, cum plures sena tantùm habeant, ut lib. 11. cap. 25. Plinius narrat.

Dicuntur autem priùs lingere locum, quem ferire volunt: aptâ hæreticorum similitudine qui blandiuntur initio, & in fine, tanquam aculeo caudæ, venenum hæresis suæ inspirant. In eo quoque scorpiones sunt similes hæreticis, quòd semper cauda in ictu est, ut ait Plinius, nulloque momento meditari cessant, nequando desint occasione. Sic hære:

hæreticos videmus semper intentos, non ut infideles convertant, sed ut fideles corrumpant.

Açulei caudarum magis fortasse litteraliter referri etiam possunt ad equitum gladios, quibus accincti, tanquam caudis quibusdam, videri possunt, ut ad sextam tubam infra v. 19. videbimus, quando de caudis equorum mentio fiet.

ET POTESTAS EARVM. Data ipsis à Deo. NOCERE HOMINIBVS. Cruciare, non tamen occidere homines impios, qui signo Dei non sunt signati. MENSIBVS QVINGVE. Diximus supra v. 5. alludi ad quinque menses æstatis inter utrumque æquinoctium ferventissimos, in quibus maximè sæviunt scorpiones, veneni sui ardore irritati. Unde etiam medio die, cum incalueret solis ardoribus, ait Plinius, sæviores sunt: item quando sitiunt inexplebiles potu.

Lyranus tamen, *Menses quinque*, interpretatur tempus quinque Regum Wandalorum, sub quibus afflicta est 100. Annis Africa, à tempore mortis S. Augustini usque ad annum Christi 533. Quando à Belizario Justiniani Imp. Duce, victo Rege Wandalorum Gilimere, eversum est Wandalorum in Africa imperium. Verum non tantum quinque, sed sex fuerunt Wandalorum Reges, Genfericus, Hunnericus, Gundabundus, Trasamundus, Hildericus, & Gilimer, tempore illorum centum annorum.

Deinde non in Africam tantum, sed in totum mundum, ut ait Aretas, locustarum istarum exercitus effundetur; non ergo ad tempora Wandalica jam dudum elapsa, sed ad vicinora Antichristo tempora referendum est, quæ hæc prophetat S. Joannes, ut ad v. 8. diximus.

II. ET HABEBANT SUPER SE REGEM. Sicut enim filij Dei spiritu Dei, ita filij diaboli spiritu & imperio patris sui aguntur. Dissimiles ergo veris locustis sunt istæ infernales locustæ; nam *regem locusta non habet*, & egreditur universa per turmas suas, ait Sapiens Prov. 30. v. 27. suæ enim imbecillitatis naturaliter conscia, turmatim, nullo tamen certo duce, volant. Unde sicut in regimine Democratico solet, singulæ locustæ sunt sibi quodammodo Duces & Reges. Quod etiam fortasse supra v. 7. respexit S. Joannes, quando dixit, in capitibus suis habere coronas aureas, quasi scilicet totidem essent Duces & Reginae. ANGELVM ABYSSI. Græcè verti etiam potest, *illum Angelum illius abyssi* Diabolum scilicet inter malos abyssi infernalis Angelos principem.

Arethas tamen Angelum bonum significari putat, qualis ille, inquit, qui exercitum Sennacherib delevit 4. Reg. 19. & qui igne perdidit

didit Sodomam Gen. 19. Nemo enim malorum, ait, qui ignibus inferni addicti sunt, regnâ potestate dignus debet haberi.

Sed Angelus, qui delevit castra Sennacherib, vocatur, *Angelus Domini*, 4. Reg. 19. v. 35. & qui perdidit Sodomam, vocatur, *Domini*, Gen. 19. v. 24. hic autem dicitur, *Angelus abyssi*, quod infernalem & malum Angelum propriè significat.

Nec ignis, & poenæ inferni impediunt, quo minus ex aliorum conspiratione & consensu, Lucifer principem eorum, tanquam fabulosus ille Gentilium Pluto, se agat, aut per Tyrannidem, & naturalium virium robur, quo ceteros dæmones ad imperata cogere possit. Unde sicut ex omnibus hierarchiis & ordinibus aliqui Angeli ceciderunt; ita quosdam dæmones ex ordine Principatuum regnis à Lucifero impositos esse, alios ex infimo ordine singulis hominibus datos, Cæthufianus & alij existimant: sicut enim superbus ille apostata Altissimo similis esse concupivit; ita providentiam & economiamque, quâ hoc universum gubernat, imitari gaudet.

CVI NOMEN HEBRAICE, ABADDON. A radice, *abad*, quod, *aperire*, vel, *perdere*, significat. Unde S. Joannes græcè scribens, & Græcis nomen illud explicans, addit: GRÆCE AUTEM APOLLYON. Hoc est, *perdens*; est enim participium verbi ἀπολλύν. quod est, *perdere*. Hinc interpret noster, quia latinè scribebat, S. Joannem imitatus, interpretationem etiam latinam addit: LATINE HABENS NOMEN, EXTERMINANS. Id est, è medio tollens, & disperdens.

Talis enim per se & per suos est diabolus, nisi Deus potestatem ejus refrænet, sicuti hic refrænat nè perdat & interimat per suas locultas eos, qui signum Dei in fronte non habent. Nomen autem istud, sicuti etiam nomen, *Asmodæus*, Tob. 3. v. 8. non sunt nomina propria, quibus dæmones se invicem compellent, cum non loquantur sibi mutuò vocibus, sed conceptibus. Serviunt autem hominibus, sicut etiam bonorum Angelorum Michaëlis, Gabriëlis, &c. nomina, quibus homines hic utuntur, non autem Angeli boni in cælis, ut S. Gregorius & Theologi docent.

12. Væ UNUM ABIIT. Una tribulatio ex tribus, quas aquila per medium cæli volans interminata est, habitantibus in terra, Apoc. 8. v. ult. jam transijt cum sonitu tubæ hujus quinti Angeli. ET ECCE VENIUNT. Ante finem mundi. ADHVC DVO Væ POST HÆC. Duæ omnium maximæ tribulationes restant sub tuba sexti & septimi Angeli.

13. ET SEXTVS ANGELVS TVRÆ CECINIT. Proximè ante adven-
sum

eum Antichristi. ET AUDIUI VOCEM VNAM. Aliqui vertunt, *vo-*
cem quandam: Vnus enim in Græco & omni ferè idiomate, interdum
 usurpatur pro, *quidam*; ut, *accedens vnus scriba*, pro, *scriba quidam*, Matth.
 8. v. 19. Aut certe vox hic dicitur, *una*, quia unica erat multorum
 simul clamantium. Ex QVATVOR CORNIBVS ALTARIS AVREI. Id
 est, à quatuor angulis, seu ab omni parte altaris thymiamatis. Vide-
 tur autem hæc vox fuisse animarum, quæ erant subtus altare ut dici-
 tur Apoc. 6. v. 9. QVOD EST ANTE OCVLOS DEI. Totum enim
 cælum, in quo Deum sedentem in throno, & Agnum, & animalia
 & Seniores & Angelos videbat S. Joannes, erat instar templi Salomo-
 nis, in quo ante Propitiatorium, sive thronum Dei, erat altare au-
 reum. Hoc autem altare Christum significat, super quo orationum
 thymiamata offerri debent, ut sint accepta Deo.

14. DICENTEM SEXTO ANGELO. Rogantem, ut Deo permit-
 tente ac volente, faceret quod sequitur, ad vindictam suorum ini-
 micorum, & iustitiæ divinæ manifestationem. SOLVE QVATVOR
 ANGELOS. Id est, quatuor malorum Angelorum principes, qui for-
 tasse à Lucifero quatuor mundi primarijs Regnis, Assyriorum seu
 Chaldæorum, Persarum, Græcorum, & Romanorum; aut certè,
 quatuor orbis terræ partibus principalibus, Orienti, Occidenti, Me-
 ridiei, & Septentrioni, præpositi fuerant. QUI ALLIGATI SVNT.
 Virtute divinâ, aut bonorum Angelorum, qui dæmones coercere,
 & certo loco etiam nolentes alligare possunt, ne passim vagari, & ho-
 minibus nocere valeant. Sic S. Raphaël Asmodæum luxuriæ dæmo-
 nium religavit in deserto superioris Ægypti, Tob. 8. v. 3. IN FLU-
 MINE MAGNO EVPHRATE: Qui duo regna Orientis, Chaldæorum
 & Persarum, à duobus Regnis Occidentis, Græcorum & Romano-
 rum, quodammodo separat. Unde 4. illi dæmones in Euphrate, tan-
 quam in limite & veluti centro quodam quatuor illorum regnorum,
 & etiam regnorum quodammodo totius mundi, alligati sunt.

Euphrates sæpè in Scriptura, *fluvius magnus*, appellatur, ut Genes.
 15. v. 18. Deuterom. 1. v. 7. Josue 1. v. 4. &c. quia major est Tigri
 & Jordane, alijsque fluvijs in Palæstina notis.

Solvi autem jubentur 4. isti dæmonum principes, tum ut tectiam
 partem hominum occiderent, ut mox dicitur; tum ut quatuor Re-
 gna, & præcipuè Orientem, excitent, ac præparent ad recipiendum
 Antichristum, eique se comitem adjungant; quia ex Regionibus
 Orientis trans Euphratem, venturus in Europam & Occidentem pu-
 tatur; nasciturus ex progenie illorum Judæorum, qui olim à Salma-
 nasare

nasare trans Euphratem in Assyrios abducti sunt, inquit Aretas; & quidem ex tribu Dan, ut multi Patres existimant.

Sensu autem mystico 4. illi dæmones in Euphrate ligati dicuntur, quia per Baptismi aquas potentia dæmonum multum refrænatur, nec sinuntur ita nocere illis, qui characterem Baptismi, tanquam signum Dei habebant, ut Richar. & multi veteres commentantur.

15. ET SOLUTI SUNT QUATUOR ANGELI, mali, ab illo bono Angelo sexto tubicine, qui eis Dei permissionem, & nocendi licentiam intimavit. Considerandum verò est, ait Haymo, quantum dæmones sævirent, si soluti essent, qui modò ligati etiam tantum sæviunt. QUI PARATI ERANT. Intenti ad tempus quo potestas nocendi hætenus ligata & restricta relaxaretur. IN HORAM, ET DIEM, ET MENSEM, ET ANNUM. Ad horam illius diei, mensis & anni, quam Deus ad punitionem hominum malorum constituit. UT OCCIDERENT TERTIAM PARTEM HOMINUM. Sub tuba Angeli quinti tantum cruciati fuerant, non interfecti, homines impij. Hic verò sub sexta tuba tertia pars eorum interficitur. Tantum enim de hominibus impijs hic agit, ut ex v. 20. sequente colligitur.

16. ET NUMERUS EQVESTRIS EXERCITVS. Equitum illorum, qui tertiam partem impiorum interficient. VICIES MILLIES DENA MILLIA. Græcè, *Dua myriades myriadam*. Quæ prædictam summam, sive ducentos milliones conficiunt: myrias enim una continet dena, sive decem millia. Qualis exercitus ab initio Mundi, huc usque non est auditus: nam tanquam prodigium Historici narrant, Xerzem Regem Persarum olim adversus Athenienses in aciem eduxisse quinguescentena millia, hoc est dimidium millionem. Quæ tamen multitudinem major fuit exercitus Tamerlanis regis Tartarorum adversus Bajazethem Regem Turcarum, quem an. 1398. acie vicit, amissis suorum ducentis millibus: unde Euphratem majori sanguinis, quàm aquæ abundantia fluxisse narrant.

Quia verò omnibus retrò sæculis maximi semper exercitus populorum Orientalium, & equitum magis, quàm peditum fuerunt; hinc colligi potest, præcursores istos Antichristi, & ipsum Antichristum ex Regionibus Orientis expectandum esse. Nam in hoc ducentorum millionum exercitu nulla peditum fit mentio. Universus ergo pæne Oriens à quatuor illis dæmonum principibus solutis, qui nunc in Euphrate ligati sunt, ad bellum illud uniuersale excitabitur.

ET AUDIUIT NUMERVM EORVM. Non enim poterat S. Joannes tantum exercitum oculis numerare, sed audivit ab Angelo aliquo ei dicente.

17. ET

17. ET ITA. Sicuti jam narrabo. VIDI EQVOS IN VISIONE. Ista spiritali. Et QVI SEDEBANT SVPER EOS. Non ergo equos solos vidit, sed cum equitibus armatis, qui ipsis insidebant. HABEBANT LORICAS IGNEAS. Habebant thoraces quidem ferreos, sicut locustæ suprà v. 9. sed quasi ignei coloris propter flammæ bombardarum. ET HIACINTHINAS. Coloris hyacinthi, sive cærulei, qualis apparet naturalis color terræ loricæ. ET SVLPHVREVS. A fumo bombardarum sulphureo; quo equites loricæ & thoraces suos invicem petunt. Unde quando fumus à loricæ resilit, loricæ fumum & ardorem sulphureum spirare videntur: ingredientia enim pulveris bombardij, sunt sulphur, salpetra, & carbo.

Quidam Interpretes hæc referunt ad tunicarum & Cappotarum colores, quas equites Orientales, ut Persæ, Turcæ, Poloni, Hungari, Croatæ, &c. loricis superinduere solent: aliquæ enim igneo sive rubro, aliæ hyacinthino sive cæruleo, aliæ denique sulphureo sive flavo colore tinctæ sunt.

ET CAPITA EQVORVM ERANT TANQVAM CAPITA LEONVM. Quia fumum & ignem vomere videbantur, ut irati & furibundi leones quodammodo faciunt. In visione superiori v. 8. dentes leoninos tribuit locustis, quia omnia dilacerabant; jam capita leonum tribuit equis, quia spirando fumum & ignem omnia perdunt. Unde sequitur, ET DE ORE EORVM PROCEdit IGNIS. Sclopetorum & bombardarum, quæ ab equitibus supra capita equorum explosæ vomunt ignem, qui S. Joanni in visione representatus est, quasi ex capite & ore equorum vomeretur, tot annis scilicet ante repertum bombardarum usum, qui in Europa apparuit solum circa annum Christi 1350. etiam apud Chineses & Japones in ultimo Oriente longè vetultioris usum quidam referant. ET FVMVS ET SVLPHV. Quæ bombardarum ignem comitantur.

Ex his colligitur, præsentēs prophetias non pertinere ad tempora antiqua Longobardorum, Wandalorum, & Gothorum, quia tunc nullus adhuc erat bombardarum usus in bello, sed ad posteriora secula: & quia de temporibus adventui Antichristi proximis S. Ioannes loquitur, patet bella ista Antichristi in fine mundi, & præcursorum ejus, igne & bombardis conficienda esse.

18. ET AB HIS TRIBVS FLAGIS. Igne, fumo, & sulphure, ut statim seipsum explicabit. Vocantur autem *plagæ*, per metonymiam, quia plagarum sunt causæ instrumentariæ. OCCISA EST TERTIA PARS HOMINVM. Malorum, ut hæreticorum, idololatrarum, &c.

ut ex v. 20. patebit. DE IGNE, ET DE FUMO, ET DE SULPHURE. Quia enim glandes & missilia, quæ excutiantur ex bombardis non apparent; ideo igne sulphureo & fumo homines occidi videntur, quando ante bombardas cadunt. QUÆ PROCEBANT DE ORE IPSORVM. Quandoquidem tria illa, fumus, ignis, & sulphur, simul & uno ictu ex ore vomebantur; non videntur secundum sensum litteralem describi tres plagæ distinctæ, quarum una sit ignis, altera fumi, tertia sulphuris; sed unaquæque plaga & cædes hominum sit conjunctim à tribus illis causis.

19. POTESTAS ENIM EQVORVM. Quâ homines occidunt. IN ORE EORVM EST. Quia ex ore ipsorum, ignis, fumus, sulphur, instrumenta cadium, evomi videntur, quæ reverà tubis bombardarum, juxta capita equorum evomuntur. ET IN CAUDIS EORVM. In longis gladijs & acinacibus, quibus equites accincti erant, & S. Ioanni per modum caudarum equorum repræsentati fuerunt. Aut fortè caudæ istæ sunt prælongæ hastæ sive lanceæ, quarum pars magna retrò extendat, quales olim Macedonicæ Sarissæ, quas 24. cubitorum fuisse, Ælianus narrat. NAM CAUDÆ EORVM SIMILES SERPENTIBVS. Quia cuspidē suâ mordent, & occidunt, sicut serpentes. Et eodem fortasse sensu ante v. 10. dixit, locustas habuisse caudas similes caudis scorpionum. HABENTES CAPITA. Nempe in cuspidibus suis quibus mordent. Quia enim Hebræi aciem gladij aut lanceæ, appellant os gladij vel lanceæ, quia tanquam ore & dentibus illâ parte mordent; ideoque tam frequens est in Scriptura veteris Testam. illa phrasis, *Percutere in ore gladij*: hinc in extremitate gladiatorum aut lancearum, capita, & ora serpentina S. Ioanni repræsentata sunt, quia illâ parte, tanquam capite dentibus armato acerrimè ut serpentes, mordebunt. Quidam tamen hæc referunt ad capita capulorum in gladijs, qui in modum capitis serpentini aut aquilini &c. formari solent. Sed non bene: quia gladij capulo non mordent, nec nocent: sequitur enim, ET IN HIS NOCENT. Nec simplici fortè vulnere, sed venenato ictu, sicuti populi Orientales olim gladios & tela solent veneno inficere.

In sensu autem mystico (quem tamen plerique veterum Interpp. litteralem esse volunt) sub imagine monstrosum equorum, hæretici, quibus diabolus inequitat, intelliguntur. In ore potestas eorum est, quia prædicatione suâ & eloquentiâ animas perdunt. Prædicatione verò eorum ignis, fumus, & sulphur esse dicitur, quia ad tormenta ignis, fumi & sulphuris infernalium animas mittunt. Vel certè, quia hæretici auditores

auditores suos furore, & omnium cupiditatum ignibus inflammant, errorum fumo excæcant, sulphure pravi odoris & infamiæ inficiunt. Testatur enim adversus Lutherum Erasmus, se auditores Lutheranorum, quando ex concione egrederentur, sæpè vidisse tanquam ignem ore & oculis spirantes, & velut à cacodæmone possessos: ita ardentibus ministrorum prædicationibus accensi, adversus Catholicos, & præsertim Ecclesiasticos & Religiosos furebant. Potestas etiam eorum consistit in caudis capitatis, quibus nocent, quia uti solent operâ capitum & principum temporalium, ubi ore & prædicatione pervertere fideles non possint. Temporalia enim instar caudarum retrò sunt, ait S. Gregorius, & sequi spiritualia debent, sicut cauda sequitur caput.

20. ET CÆTERI HOMINES. Duæ residuæ tertiæ partes hominum improborum. QUI NON SVNT OCCISI IN HIS PLAGIS. Nam solummodo tertia pars eorum occisa est, ut v. 18. narravit. NEQVE PŒNITENTIAM EGERVNT. Funera enim & tormenta peccatorum solent alios terrere, & ad respectum Numinis & pœnitentiam commovere. DE OPERIBVS MANVVM SVARVM. De peccatis opere externo perpetratis. Multi tamen, *Opera manuum*, hoc loco intelligunt, idola, de quibus mox sequetur. Sed non est necesse sic restringere: nam v. sequenti fit etiam mentio homicidiorum & furtorum, tanquam de operibus manuum impiorum, & in Scriptura, *opera manuum*, solent generalius accipi, ut, *In operibus manuum suarum comprehensus est peccator*, Psalm. 9. UT NON ADORARENT DÆMONIA. Quæ in idolis adorari, & aliquando responsa & oracula per os eorum edere solent. Abstinere autem ab opere externo peccati, est principium pœnitentiæ. ET SIMVLACHRA AVREA ET ARGENTEA, &c. Multi interpretes hinc colligunt, homines reversuros ad veterem idololatriam ante Antichristi adventum, cum hîc enumerentur peccata ultimarum mundi temporum. Sed cum in quibusdam Asiæ, Africæ & Americæ regionibus adhuc vigeat idololatria, & incertum sit, an ante mundi finem sit penitus ibi excidenda; non est certum, idololatriam reducturam in Europam, aut in alias regiones, unde jam dudum expulsa est. Milites autem isti sextæ tubæ, præcursores Antichristi, non tantum Europam, sed universum terræ orbem, & regiones idololatrarum vastabunt. QVÆ NEQVE VIDERE POSSVNT, &c. Scriptura sæpè idololatriis impropere, quod adorent idola, quæ oculos habent, & non vident &c. ut stuporem suum ipsis ostendat, quod adorent, tanquam Deos, res aliquas, quæ ipsis adoratoribus imperfectiores & ignobiliores sunt.

21. ET NON EGERUNT PŒNITENTIAM AB HOMICIDIIS SVIS. Plena enim omnia tunc erunt homicidijs, latrocinijs, & iniquitate. NEQVE A VENEFCIIS SVIS. Non enim armis tantum, sed veneno, arte etiam dæmonis procurato, in vitas mutuas grassabuntur. NEQVE A FORNICATIONE SVA. Quidam fornicationem spiritualem & impropriad, id est, idololatriam, hîc intelligunt: sed non est necesse à verbi proprietate recedere. NEQVE A VIRTIS SVIS. Unde patet, qualis sit futurus ultimus hic mundi impœnitentis status; nempe, qualem ferream, & ultimam mundi ætatem describit Ovidius lib. 1. Metam.

----- Fugere pudor, verumq̃, fidesq̃,
In quorum subire locum, fraudeq̃, doliq̃;
Insidiq̃, & vis, & amor sceleratus habendi.
Vivitur ex raptō, nec hospes ab hospite tutus,
Non socer à genero: fratrum quoque gratia rara est.
Lurida terribiles miscent Aconita noverca,
Filium ante diem patrios inquiris in annos.
Victa iacet pietas. -----

Antequam hoc caput finiamus, notandum, quosdam recentiores, inter quos Bellarm. in præfatione Tomi 4. Controv. existimare, sonitum quintæ tubæ, & primos duodecim versus hujus cap. totamque locustarum narrationem ad Lutherum & Lutheranos, juxta propriam & litteralem intelligentiam pertinere.

Stella enim de cælo cadens v. 1. est Lutherus, è cælesti & monasticæ vitæ genere, in sæculi libidines, & terrenas voluptates cadens. Data est ei clavis abyssi, ut magnum agmen monitrosarum locustarum, id est, veteres, & in inferno dudum sepultas hæreses revocaret. Quod partim per se, partim per alias ex ipso natas, Swinglianorum, Calvinistarum, Anabaptistarum, Ubiquetariorum, novorum Arianorum, & infinitas ferè alias hæreses, præstitit. Quibus aër & Sol, hoc est, Ecclesia & Christus obscuratus est.

Lutherani similes sunt locustis, animali sordido & ventricoso, quod quandoque conatur se in altum volatu attollere, sed semper in ventrem & terram recidit. Sæctæ Lutheranicæ volant turmatim sine rege, sicut locustæ; nullum regem Sacrorum, sive Pontificem supra se visibilem habentes, nisi quod Angelus abyssi eos invisibiliter regat. Loricæ ferreas, id est, obstinationem & duritiem pectoris incredibilem habent. In quo tamen Anabaptistæ omnes superant. Faciem blandam, ut homines, initio gerunt, quando se purum putum Dei verbum,

bum, & sinceram veritatem adferre promittunt; sed caudâ pungunt, ut scorpiones, quando in fine venenum pro melle lætiferum inspirant: & cætera, quæ legere licebit apud Bellarm.

Verùm Bellarminus supponit, primis quatuor tubis significari quatuor primas Ecclesiæ hæreses, contra quas 4. prima Concilia generalia sunt celebrata; ut proinde quinta tuba sit quinta hæresis Lutheri, adversus quam Concilium Trid. congregatum fuit. Sed diximus ante, probabilius esse, quinque primas tubas spectare potius ad tempora sequentia, & propinquiora Antichristo.

Fatendum tamen est, nulli ex omnibus hæresibus mundo hæcenus notis, meliùs convenire ea, quæ narrantur de infernalibus locustis, quàm hæresi Lutheri, & filiabus ejus. Ut proinde non improbabile sit, hæreses istas usque ad tempora Antichristi duraturas, & inter locustas illas, quæ Antichristo adventanti viam facient, & deinde sub ipso duce militabunt, multos fore hæresis illius Lutheranæ saltem reliquijs infectos.

CAPVT X.

SYNOPSIS CAPITIS.

Describit, quæ eventura sunt inter sexta & septima tuba sonitum. Angelus fortis descendit de cælo, iurans adesse finem mundi, & temporum. Sequuntur 7. tonitrua. Denique S. Ioannes iubetur accipere & devorare librum apertum, qui initio, ut mel suavis, in ore apparuit, sed eo devorato, mox venter eius amaricatus est.

Verf. 1.

ET VIDI ALIUM ANGELVM. Diversum ab eo, qui cap. 9. v. 13. sextam tubam inflaverat. FORTEM. Naturæ & gratiæ viribus. Eundem fortasse, qui Apocal. 5. v. 2. vocatus etiam est *Angelus fortis*: quem ibi diximus fuisse unum ex illis septem principibus, quorum operâ Deus hunc mundum inferiorem gubernat. DESCENDENTEM DE CÆLO. Tanquam qui Dei mandata & decreta adferat hominibus. AMICTVM NUBE. Ad maiestatem, & ad significandum, obscura esse, & veluti nube involuta, quæ annuntiaturus est de ultimo mundi statu.

Plurimi veteres, hunc Angelum esse Christum, Humanitate tanquam nube

nube amictum, & per Incarnationem de cœlo descendentem, interpretantur: sed sensu potius accommodatitio aut mystico, quàm literali; hæc enim non ad tempora Incarnationis Verbi, sed ad finem mundi litteraliter spectare videntur.

ET IRIS IN CAPITE EIVS. Caput ejus cinctum erat parte aliquâ nubis iride depictâ, quali pacem ferat hominibus, si pœnitentiam agere velint. Ab eo enim tempore, quo Deus post diluvium arcum suum, sive iridem, constituit signum fœderis inter se & terram, Gen. 9. v. 13. iris haberi cœpit pro symbolo pacis. ET FACIES EIVS ERAT UT SOL. Repræsentans scilicet antecensissimam & beatissimam illam Dei faciem, quâ lumine vultus sui electos, qui pœnitentiam agunt, recreat. ET PEDES EIVS TANQUAM COLUMNÆ IGNIS. Ad conculcandum tormento ignis reprobos impœnitentes. Sic etiam Christi Domini pedes dicuntur eadem de causâ similes aurichalco in camino ardenti, Apoc. 1. v. 15.

2. ET HABEBAT IN MANU SUA LIBELLUM APERTUM. Græcè *libellulum*, quod est diminutivi diminutivum, quem tamen postea v. 8. *librum*, sine diminutione appellat: est enim liber ille, qui antea sigillis septem signatus fuit, & quem Agnus de dextera sedentis in throno accepit, Apoc. 5. v. 7. Unde quia Agnus omnia sigilla ordinæ, & septimum Apoc. 8. v. 1. aperuerat, jam dicitur esse apertus.

Vocatur autem hoc loco, *libellus*, quia fortasse minima pars tribulationum in eo scripta est, quas homines futuris temporibus sub Antichristi regno re ipsa experientur. Estius, & alij, qui libellum Sacræ Scripturæ esse dicunt; potius libellum, quàm librum vocari existimant, quia in S. Scriptura valde modica & exigua rerum divinarum notitia continetur, respectu ejus, quæ alii illebit beatis in futura vita.

ET POSUIT PEDEM SUVM DEXTRVM SVPER MARE. Ut significaret eos qui procul à continente in navibus vel insulis habitant, non evasuros plagas novissimas, nisi ad pœnitentiam se convertant. SINISTRVM AUTEM SVPER TERRAM. Ut significet, terræ etiam habitatores ultimis tribulationibus conculcandos.

Ponit dextrum pedem super mare, & sinistrum super terram, ut fortassè significet, dextro pede, & fortius conculcandos esse, qui nihil solidi habent, sed voluptatibus & libidinibus sæculi, sicut mare, toti diffluunt. Aliquantò verò molliùs conculcandos, qui fidei saltem fundamentum, aut terrenas quasdam virtutes habent: sicut dicit S. Augustinus lib. 4. cap. 3. contra Iul. Minus Fabricius quàm Catilina puniuntur, non quia ille bonus, sed quia iste magis malus est.

Notat

Notat Aretas, hunc Angelum mare & terram divaricatis tibijs calcantem, apparuisse instar ingentis colossi, quod etiam indicant pedes & tibiæ ejus, quæ tanquam columnæ erant.

Qui Angelum istum esse Christum, & hæc pertinere ad primum Verbi Incarnati de cælo descensum existimant, illam pedis dextri super mare & sinistri super terram positionem, Euangelium terræ marique, & tam in Gentibus, quàm in Judæis plantandum interpretantur.

3. ET CLAMAVIT VOCE MAGNA. Ut totus mundus audiret, & aures arrigeret. QUEMADMODUM CUM LEO RVGIT. Iratâ & formidabili voce, qualis est irati leonis rugitus. Non dicit, quid clamaverit, sed verisimile est clamasse, & æternorum suppliciorum horrendas minas peccatoribus, qui non agerent pœnitentiam.

An autem reverà Angelus aliquis amictus nube, facie instar Solis, pedibus instar columnarum ignis, descendet illis temporibus de cælo, & clamabit, quæ sequuntur, dubitant interpretes. Ribera putat sub imagine Angeli tantum repræsentari, quid facturi sint concionatores, qui venturi judicii, & pœnarum formidine, terrere conabuntur peccatores. Sed cum omnia extremis illis mundi temporibus plena prodigijs futura sint, nihil absurdi erit, si dicamus, Angelum tali specie & voce appariturum. Tales enim prodigiosæ voces Ierosolymis ante excidium, tam in templo, quàm per plateas civitatis, auditæ sunt, ut narrat Josephus. Excidium autem Ierosolymorum excidij mundi figura fuit.

ET CUM CLAMASSET, LOCUTA SVNT SEPTEM TONITRYA. In nubibus excitata ab Angelis, fortè illis septem tubicinibus, qui stant in conspectu Dei, Apoc. 8. v. 2. et per quos Deus hunc mundum elementarem administrat. VOCES SVAS. Articulatæ ergo voces erant, sed magnæ & terribiles, qualia solent esse tonitrua. Aretas autem per 7. tonitrua, intelligit septem Angelos instar tonitruorum vociferantes, non ipsos tonitruorum sonos.

4. ET CUM LOCUTA FUISSENT, EGO SCRIPTORVS ERAM. Volebam scribere id, quod locuta fuerant. Hinc apparet, quod S. Ioannes in ista extasi, & mentis excessu usum sensuum & manus retinuerit, & solitum fuisse statim scribere, quæ videret & audiret, ut jussus etiam fuerat Apocal. 1. v. 11. ET AUDIVI VOCEM DE CÆLO. Aëreo, in quo sonuerant 7. illa tonitrua. DICENTEM MIHI, SIGNA. Id est, retine, quasi sub sigillo, & signaculo mentis & memoriæ tuæ. QUÆ LOCUTA SVNT SEPTEM TONITRYA, Quid autem fuerit locuta, nemo

Y.

scire

scire potest. Varij varia conjeſtant: veriſimile eſt aliqua clariùs expreſſiſſe de ſtatu ultimarum temporum ſub Antichriſto, quæ non expediebat ab omnibus ſciri antequam eveniant. ET NOLI EA SCRIBERE. Nè omnibùs, qui librum tuum legent, innotescant. Potuit tamen S. Ioannes narrare quibuſdam perfectis, aut alijs, quibus revelari Deus volebat.

5. ET ANGELVS LEVAVIT MANVM SVAM AD CÆLVM. Deum, qui in cœlo habitat, advocans in teſtem veritatis. Fuſſe moris apud Judæos, ut quando jurabant, manum in cœlum attollerent, patet Gen. 14. v. 22. & interdum non tantum dexteram, ſed ſimul ſiniſtram elevabant, Dan. 12. v. 7. Hæc imitatione, laici, quando hodie jurant, duos dexterae digitos attollunt, Sacerdotes verò dexteram pectori admovent, advocantes Deum conſcientiæ ſuæ teſtem.

6. ET IVRAVIT. Ne peccatores impœnitentes & obſtinati putarent ea, quæ diſturus eſt, eſſe fabulas ad terrorem conſictas. PER VIVENTEM IN SÆCULA SÆCULORVM. Per Deum immortalem, cujus vita eſt æternitas. Scriptura enim per, *ſacula ſæculorum*, durationem omnibus ſæculis temporaliſus majorem, ac proinde æternam ſignificari ſolet. QVI CREAVIT CÆLVM, ET EA, QUÆ IN EO SVNT. Quæ ſunt aſtra, & aſtrorum motus, qui curſu ſuo conſciunt ſæcula temporalia. Undè meritò per creatorem temporum, qui tempora omnia in manu ſua tenet, jurat, ceſſatura brevi tempora. ET TERRAM. Et qui creavit terram. ET EA, QUÆ IN EA SVNT: Animalia, plantas, cæteraquæ omnia, quæ in terra ad uſum hominum condita ſunt. ET MARE, ET EA, QUÆ IN EO SVNT. Qui etiam creavit mare, & piſces, & æſtus quoque & motus maris, quibus homines navigant, & commercia inter ſe agitant. Hæc autem addit, ut iuramento per eum, qui omnia iſta creavit & conſervat, faciliùs credatur, omnia brevi per eundem Dominum eſſe perdenda, terram non amplius inhabitandam, mare non amplius navigandum. QVIA TEMPVS NON ERIT AMPLIVS. Quod tempus, quo mundi inferioris viciffitudines gubernantur, ceſſabit, ceſſante cœli motu, in quo tempus fluit. Statim enim peracto iudicio univerſali, Sol, Luna, & univerſa ſydera cum cœlis ſuis ſtabunt, quia tunc operis ſui penſum, propter quod creata ſunt, abſolverint. Tam diu enim ſolum moventur, donec adimpleatur numerus electorum, ut per diei & noctis, æſtatis & hyemis, cæteraſque viciffitudines, alimenta & neceſſaria mortalibus provideantur; quæ ſuperflua erunt, quando omnes futuri ſunt immortales.

Nec quies illa cœlorum, ut S. Thomas qu. 5. art. 5. de potentia docet,

docet, erit violenta, quia cœlum non ex inclinatione aliqua activas sicut lapis, ad centrum movetur, sed indifferenter ad motum & quietem se habet, moveturque solum, quamdiu ab extrinseco impellitur, non propter propriam perfectionem acquirendam, sed ut publico Universi bono serviat: propter istum enim finem seminis & messis, frigus & æstus, æstas & hyems, nox & dies non requiescunt, Gen. 8. v. ult. quæ postea quiescent, quando finis ille cessabit.

7. SED IN DIEBUS VOCIS SEPTIMI ANGELI. In tempore, quo canet septimus Angelus, quod fiet cap. sequenti v. 15. CVM CœPARIT TVBA CANERE, Et quidem simul atque inceperit canere. CONSUMMABITVR MYSTERIVM DEI. Consummari & compleri incipient res illæ arcanæ & absconditæ, quibus Deus ab æterno constituit hoc sæculum finire. SICVT EVANGELIZAVIT. Bono & jucundo nuntio annuntiavit hominibus pijs, qui finem hujus sæculi, & Christi regnum advenire exoptant: *evangelizare* enim est, bonum & optatum nuntium adferre. PER SERVOS SVOS PROPHETAS. Tam Vet. quàm novi Testamenti Prophetas; qui multa de sæculi consummatione, de resurrectione mortuorum, de præmijs & glorificatione electorum, de pœnis & damnatione reprobatorum prophetaverunt.

8. ET AUDIVI VOCEM DE CœLO ITERVM LOQVENTEM MECVM. Græcè: *Et vox, quam audiui de cœlo, iterum locuta est mecum.* Ut significet fuisse eandem, sive ejusdem Angeli vocem, quæ v. 4. dixerat ei, ut signaret, & secretum servaret, quod locuta fuerant septem tonitrua. VADE ET ACCIPE LIBRVM APERTVM. Interpres vertit jam, *librum*, quem antea v. 2. *libellam*, verterat: est enim eadem utrobique vox græca diminutiva. Quare autem libellus vocetur, cum sit ille liber, qui intus & extra scriptus erat, & septem signaculis clausus, ibi dictum est. DE MANV ANGELI &c. Sensu tropologico, ire & à rebus terrenis mentem avertere jubetur, qui S. Scripturæ libros tractare vult; & ad Angelos & Deum accedere, ut intelligentiæ gratiam assequatur.

9. ET ABII AD ANGELVM. Non corporis, sed animi passibus. Non enim loco suo se movit S. Joannes, sed hæc repræsentabantur ab Angelis, & in ejus imaginatione & mente geri videbantur. ET DIXIT MIHI: ACCIPE LIBRVM. In quo descriptæ erant extremorum temporum calamitates. ET DEVORA ILLVM. Et demitte in memoriz tuæ ventrem; inferre visceribus tuis, & describe in latitudine tui cordis, ait Beda. ET FACIET AMARICARI VENTREM TVVM. Tristitiæ amaritudine afficiet & torquebit intestina animæ tuæ. SED IN ORE TVO. In principio, quando illarum rerum cogitationem gustare

gustare, & in animum demittere incipies. ERIT DULCE TANQVAM MEL. Qualia solent esse quædam medicamenta, quæ medici melle condiunt, aut saccharo aspergunt, ut suaviter ingrediantur, sed postea ventrem amarificant, torminum sonitus excitant, & vomitum provocant.

10. ET ACCEPI LIBRUM DE MANU ANGELI. In quo descripta divinæ præscientiæ decreta, quæ in hoc libro Apocalypseos à S. Joanne scripta sunt. ET DEVORAVI ILLUM. Licet autem hæc ita fieri in ipsa visione imaginariâ vel intellectuali viderentur, non tamen reverà volumen ipsum devoravit, & in stomachum trajecit: sicut nec Ezechiel, quando ait, *Comedi volumen, & factum est in ore meo sicut mel dulce.* Ezech. 3. v. 3. Sed sub hac imagine repræsentabatur, quod judicia Domini, quando in ventrem animæ demittuntur, *dulciora sint super mel & favum*, Psal. 18. ET ERAT IN ORE MEI. Ubi mandere & deglutire cœpi: TANQVAM MEL DULCE. Delectat enim mirum in modum futurarum rerum, & omnium, quæ Deus revelat, intelligentia.

Hinc etiam patet, Apocalypsin sancti Joannis multis figuris & imaginibus, veluti hoc loco, & de quatuor animalibus, &c. Apoc. 4. similem esse Prophetiæ Ezechielis.

ET CVM DEVORASSEM EVM, ac in ventre meo coquerem & ruminarem rerum in libro contentarum notitiam. AMARICATUS EST VENTER MEVS. Sicut Jeremias futuram contritionem populi sui cogitans, & in ventre animæ suæ ruminans clamat, *Ventrem meum, ventrem meum doleo*, Jerem. 4. v. 19. & Isaias: *Super hoc venter meus ad Moab quasi cithara sonabit*, Isa 16. v. 11. convulsione scilicet & sonitu torminum, tanquam citharæ lugubris.

Sic quamdiu sacrarum Scripturarum & Theologiæ doctrina in scholis à studiosis percipitur, est tanquam mel ducis in ore, sed ubi postea in ventre concoquitur, & à Pastoribus populo, tanquam cibis in membra distribuitur, amaricatur venter propter difficultates, quas in pascendo grege experiuntur; & ided quidam Doct. & magni gratiæ muneribus ditati, solius contemplationis studio inardescunt, *servire utilitati proximorum refugiunt, secretum quietis diligunt, secessum speculationis petunt*, ait S. Gregorius p. 1. Past. cap. 5. Sed tales, inquit, qui culmen regiminum vocati suscipere renuunt, ipsa sibi plerumque dona adimunt, quæ non pro se tantummodo, sed etiam pro alijs acceperunt. Undè non obstante amaritudine ventris, dicitur S. Joanni, quod sequitur.

11. ET DIXIT MIHI. Angelus, qui librum S. Joanni tradiderat

OPOR-

OPORTET TE ITERVM. Nam adhuc antea Romæ coram Imp. Domitiano, in Asia, & alijs Orbis partibus S. Joannes multa, prophetaverat. **PROPHETARE GENTIBVS.** Annuntiare illa futura tam amara & tristia, propter quæ amaricatus est venter tuus. Et deinde alia, quæ ex Pathmo in Asiam reversus tam verbo quàm scripto hujus Apocalypsis, & Euangelij tui prædicabis.

Plerique enim Antiquorum ex hoc loco colligunt, Euangelium à S. Joanne scriptum esse post Apocalypsin, postquam videlicet ab exilio insulæ Pathmos Ephesum rediisset.

Quod verò Ribera ait, improprium & inusitatum esse, ut *prophetare*, accipiat pro, *prædicare*, sanè non videtur verum. Nam, *prophetia*, &, *prophetare*, passim apud S. Paulum accipitur generaliter pro, prædicare occulta Dei mysteria, quæ aliquis per divinam revelationem accepit, sive illa res futuras, sive præsentis, sive præteritis, aut alias quascumque concernant, ut Rom. 12. v. 6. 1. ad Cor. 11. v. 4. 1. ad Cor. 12. v. 10. 1. ad Cor. 14. v. 1. &c. item Prov. 29. v. 18. ut optimi quique interpretes docent. Undè pater, S. Joannem in Euangelio suo maxime prophetasse, quando altissima illa de Christi Divinitate, quæ Deus ei revelaverat mysteria mundo prædicavit & propalavit.

ET POPVLIS. Ut Asianis & Græcis, qui eadem linguâ utebantur. **ET LINGVIS.** Ut Hebræis, Græcis, Latinis, qui non tantùm populis, sed etiam linguis sunt distincti. **ET REGIBVS MVLTIS.** Quod si postea Regibus verbo fortè non prophetavit S. Ioannes; Apocalypsis tamen, & Euangelij sui Scriptura adhuc hodie, & usque ad finem sæculi omnibus regibus Christianis prophetat & concionatur.

Veteres non pauci, & inter recentiores Catharinus, hunc locum sic interpretantur, quasi S. Ioannes in fine sæculi cum Elia & Henoch sit prophetaturus, & prædicaturus multis regibus & gentibus &c. & deinde calicem martyrij cum illis duobus sub tyranno Antichristo bibiturus: unde etiam credunt, S. Joannem usque ad illa tempora cum Elia & Henoch in vivis retineri.

Sed S. Augustinus, S. Hieronymus, & plerique SS. Patrum verius tradunt, S. Joannem mortuum esse, nec Eliæ & Henoch in fine sæculi sociandum. Unde verba illa, quæ Christus duobus fratribus Iacobo & Ioanni dicit, *Calicem quidem meum bibetis*, &c. Matt. 20. v. 22. non implenda esse existimant per martyrium Ioannis in fine sæculi, sed olim impleta per ferventis olei dolium, sive solum per exilium, &

cæteras pro Christo persecutiones & tribulationes, quæ omnia ad calicem Domini pertinent. Et licet in dolio illo occisus non fuerit, non tamen defuit moriendi voluntas, nec causa physica, licet per miraculum divinitus impedita fuerit: unde S. Ioannes inter martyres habetur.

CAPVT XI.

SYNOPSIS CAPITIS.

Devorato libro aperto, qui antea septem signaculis fuerat signatus, & noticiâ rerum futurarum à S. Ioanne summatim, & tanquam in volumine convulso, in ventrem anima demissa, per partes in posterum explicatur quid in eo libro contineatur, & per varias visionum imagines, sicut præcedentia, evolvuntur.

Datur ergo hoc cap. calamus S. Ioanni, ut templum & atrium, quod ab Antichristo occupabitur, metiatur. Adversus Antichristum mittentur Elias & Henoch, qui tandem interficientur, resurgent, & rapiuntur in cælum. Septimus Angelus tubâ canit. Viginti quatuor Seniores gratias Deo agunt, quia adest mundi finis, quo mortui resurgent, iudicium exercebitur, electi præmium, reprobi supplicium æternum recipient. Aperitur templum Dei in cælo, & apparet in eo Arca Testamenti. Excitantur tonitrua, fulgura, terramotus, grando.

Verf. 1.

ET DATVS EST, ab Angelo, MIHI CALAMVS. Arundo menforia: unde infrâ Apoc. 21. v. 3. vocatur *mensura arundinea*. Fuit autem calamus sex cubitorum & palmi verisimiliter, quantum narratur calamus Ezechielis cap. 40. v. 3. in visione huic simili. SIMILIS VIRGÆ. Non fuit ergo calamus scriptorius, ut Beda, & alij minùs benè interpretantur, sed similis Virgæ, quæ in mensuris agrorum solet adhiberi. ET DICTVM EST MIHI. Ab Angelo, qui instrumentum illud mensorium dederat. SVRGE ET METIRE TEMPLVM DEI. Longitudinem, latitudinem, & altitudinem templi Salomonis: quod licet paulò ante combustum esset à Tito fratre Domitiani, quo imperante S. Ioannes hanc visionem vidit; representabatur

batur tamen imaginationi ejus, quasi adhuc staret, ut in illo templo Ecclesia Christi figuraretur, quam hic jubetur metiri. ET ALTARE. Holocaustorum, quod erat in atrio Sacerdotum interiori, proxime ante ostium Sancti, in quo Sancto erant altare thymiamatis, mensa panum propositionis, & candelabrum. ET ADORANTES IN EO. Et metire etiam Sacerdotes qui super illud altare Deo sacrificant, & illum adorant.

2. ATRIUM AVTEM, QUOD EST FORIS TEMPLVM. Atrium vero exterius, quod est extra templum. Nam templum proprie dictum, in quod solis Sacerdotibus & Levitis patebat ingressus, solummodo complectebatur Sanctum, Sanctum Sanctorum, & atrium interius, in quo erat altare holocaustorum; & mare æneum à 12. æneis bobus sustentatum. EIICE FORAS, ET NE METIARIS ILLVD. Repelle à mensura tua, tanquam indignum, circa quod metiendo occuperis.

Per istam phrasin, *ejice foras*, satis etiam indicat, se accipere continens pro contento, & sub nomine atri; exterioris, se intelligere homines, qui in atrio illo versantur, quos foras extra coetum Ecclesiæ electorum vult ejici, ut fiat tanquam ethnici & publicani. Unde hoc atrium exterius (quod erat quasi templum Iudæorum laicorum, in quo erat porticus illa Salomonis tam celebrata in Evangelij) præcipitur quasi rejicere in ultimum atrium quod profanum vocabatur, in quod gentiles permixti Iudæis immundis ingredi poterant.

Cum ergo S. Joannes jubetur templum Dei & altare ultimis istis mundi temporibus metiri; quodammodo ei dicitur, ut consideret quis sub Antichristo sit futurus status Ecclesiæ Christi, cujus figura fuit templum Salomonis.

Deinde jubetur etiam metiri sacrificantes & adorantes Sacerdotes ac Levitas in atrio interiori, ut sciatur, quàm alti & eminentes in virtutibus sint futuri electi, qui sunt lectissima Ecclesiæ pars, & per Sacerdotes, & Levitas adorantes significantur. Electi enim omnes, sunt *genus electum, regale Sacerdotum, gens sancta, populus acquisitionis*, 1. Pet. 2. v. 9.

QUONIAM DATVM EST. A Deo irato, & vindicante eorum peccata. GENTIBVS. Antichristo, & exercitui ejus, ex gentibus & omni coluvie hominum improborum conflato, quibus non licebit in illud atrium exterius ingredi. Unde cum Judæi existimarent, Trophymum gentilem à S. Paulo in illud templi atrium introductum fuisse, commota est tota civitas, Actor. 21. v. 30. Imò quidam existimant ipsum Antichristum futurum gentilem Mahumetarum, etiam si ex Major-

Majoribus Judæis & tribu Dan oriundum. Nam Cajetanus, & S. Vincentius Ferrerius existant Mahumetismum usque ad tempora Antichristi duraturum. ET CIVITATEM SANCTAM. Jerusalem, quæ Ecclesiæ typus & figura est: cujus sanctissima pars est templum sive electi ex Ecclesia ad vitam æternam. CALCABUNT. Cædibus, persecutionibus, & tribulationibus proterent. MENSIBVS QUADRAGINTA DVOBVS. Tribus annis cum dimidio; quanto tempore Antichristi regnum durabit: nam sanctos Ali.β. m. conteret, & tradentur in manu eius usque ad tempus, & tempora, & dimidium temporis, hoc est tribus annis cum dimidio, Dan. 7. v. 25.

3. ET DABO DVOBVS TESTIBVS MEIS. Instruam duos testes, ad hoc à me electos, necessarijs donis & charismatibus Spiritus S. ad prædicandum & resistendum Antichristo. Loquitur enim Angelus in persona Dei.

Quinam futuri sint duo isti testes, variæ tam veterum, quàm recentium interpretum sunt sententiæ. Omnes fermè conveniunt, unum eorum fore Eliam: quam celeberrimam in sermonibus & cordibus fidelium sententiam vocat Augustinus, lib. 30. cap. 29. Civ. Dei, propter illa verba Malachiæ 4. v. 5. *Ecce ego mittam vobis Eliam Prophetam, antequam veniat dies Domini magnus.*

De altero est majus dubium. Aliqui dicunt fore Jeremiam, quia dictum est ei, *Prophetam in gentibus dedi te*, Jerem. 1. v. 5. & tamen, inquit non legitur Gentibus olim prophetasse; ergo hoc implendum videtur in fine sæculi, maxime cum de morte ejus in Scriptura nihil legatur. Verum Jeremias prophetavit in gentibus, id est, de gentibus, aut super gentes, ut ipse Jerem. v. 10. satis se explicat: prophetavit enim Egyptiorum, Chaldæorum, aliarumque gentium everfionem, Jerem. 25. v. 13. & alibi.

Alij Moysen adjungunt Eliæ, ut S. Hilarius, Maldonatus Mat. 17. v. 3. Gagnæus, Jansenius Gand. in Concordia, & alij, propter verbum 6. hujus cap. *Et potestatem habent super aquas convertendi eas in sanguinem*; quod fecit olim Moyses in Egypto.

Sed communior SS. Patrum sententia & traditio est, Henoch futurum socium Eliæ: ad illum enim finem uterque olim translatus esse videtur, Henoch. Gen. 5. v. 24. Elias 4. Reg. 2. v. 11. Undè Arctas ait, hoc ab Ecclesia invariabiliter recipi: & Rabanus dicit esse de fide: alij verò aut esse de fide, aut fidei proximum. Eo etiam spectare videntur ista Scripturæ verba, *Henoch placuit Deo, & translatus est in paradisum, ut des gentibus penitentiam*, Eccli 44. v. 16. quamquam in spectro

textu græco locus iste parùm urgeat, ut Iansenius Ganden. ibi ostendit.

Non constat autem, quo loco Elias & Henoch tam diu vivant: nam incertum est, an super sit adhuc ille paradysus, ex quo primi parentes eiekti sunt; cùm plurimi, maxime recentiores, aquis diluvij fuisse deletum existiment. Nec textus græcus Eccli 44. interponit vocem, *paradisum*, sed ad verbum sic habet: *Henoch benè placuit Domino Deo, & translatus est exemplum penitentia generationibus.* Cùm ergo Interpres noster addidit particulam, *in paradisum*, non paradilum illum à primis parentibus inhabitatum, sed quemlibet hortum amœnum significat, ut Cant. 4. v. 13. & alibi. In tali igitur horto Elias & Henoch servantur in adventum Antichristi.

An verò adhuc sint in statu merendi, dubitant Theologi. Viegas in hoc Apol. loco affirmat, alij plures negant; quia sunt jam quasi extra viam, quamdiu vitam talem sine cibo & potu, nullo concupiscentiæ motu tentati, extra hominum societatem degunt. Deindè infinitum quodammodo meritorum supra alios Sanctos cumulum tanto tempore accumularent, cùm semper benè, & ex charitate operentur.

Redibunt tamen ad statum merendi, quando ad conversionem Iudeorum, & Martyrium hoc cap. narrandum revertentur.

ET PROPHETABUNT. Prædicabunt fidem Christi, & Scripturas V. Testamenti, quæ de Messia sunt, Iudæis interpretabuntur: prophetare enim sic sæpè in Scriptura accipitur, ut cap. præcedenti v. ult. diximus. DIEBUS MILLE DVCENTIS SEXAGINTA: id est, tres annos cum dimidio, si unicuique mensi dies tantummodo 30. hoc est, unicuique anno dies 360. tribuamus. Undè cùm in anno solari communi sint dies 365. & horæ sex, Elias & Henoch non tres annos cum dimidio expletos, sed octodecim circiter diebus minùs prædicabunt.

Contra verò, cùm Antichristus dicatur rognaturus, & Sanctos contriturus per tempus & tempora, & dimidium temporis, Dan. 7. v. 25. spatium istud persecutionis Antichristi excedet diebus duodecim tres annos solares cum dimidio: Nam Dan. 12. v. 11. indicatur persecutio ista duratura 1290. diebus; ut proindè post prædicationem & martyrium Eliæ & Henoch, quos interfectorius est Antichristus, ipse 30. diebus sit supervicturus. Undè etiam colligi videtur, quòd Elias & Henoch sint prædicationem suam inchoaturi cum initio persecutionis Antichristi, nec tamen perventuri usque ad finem,

Z

cùm

cùm tyrannus 30. diebus post eorum martyrium sit à Christo interficiendus.

AMICTI SACCIS. Cilicijs; ut non solum verbo, sed etiam exemplo pœnitentiæ, & lugubri isto amictu Iudæos & peccatores permoveant ad pœnitentiam. Saccus autem pœnitentialis, de quo frequens est mentio in Scriptura, erat ex pilis & cetis animalium, non ex lino aut lanâ textus: unde Apocal. 6. v. 12. vocatur, *saccus cilicinus*, hoc est, saccus ex cetis aut pilis contextus, quem propriè cilicium vocamus; unde interpretes ibi, *saccum cilicium*, vertit.

4. HI SUNT DUE OLIVÆ. Tanquam duæ olæ arbores, quia oleum gratiæ Dei prædicatione suâ producent, quo Iudæi & peccatores ungentur in fine mundi. ET DVO CANDELABRA. Fundentia fidei, & intelligentiæ lumen ijs, qui tunc in tenebris & umbra mortis sedebunt. Oleo igitur isto vulnus infirmitatis sanabitur, lumine tenebræ ignorantæ dispellentur. IN CONSPECTU DOMINI TERRÆ STANTES. Parati & accincti, ut ad nutum Domini ad terram habitatam recurrant, & opus suum aggrediantur, propter quod tam diu extra cœtum hominum cæterorum in vivis retinentur.

Pro, *stantes*, secundum latinam syntaxin, *stantia*, vertere oportebat; sed interpretes ad homines, qui per illa candelabra significabantur, potiùs quàm ad vocem respexit.

Alludit autem sine dubio S. Ioannes ad locum similem, Zachar. 4. v. ult. ubi Propheta de ipsdẽ duabus olivis loquens, *isti sunt duo filij olei*, inquit, *qui assistunt dominatori universa terræ*: quos etiam ante v. 11. duas olivas ad dextram & ad sinistram candelabri vocat.

5. ET SI QVIS VOLVERIT EOS NOCERE. Eis nocere, seu, eos lædere, ut mox eandem græcam phrasin vertet interpres. Hoc autem intellige, in diebus prophetiæ ipsorum. ut v. seq. loquitur, sive toto tempore ad prædicandum ipsis divinitus destinato. Interpres retinuit, ut sæpè aliàs, Græcorum syntaxin, apud quos verbum, *nocere*, accusativum regit. IGNIS EXIET DE ORE EORVM. Prædicatio, & omne verbum ipsorum ardebit, & efficax erit instar ignis, aded ut etiam ignem verum de cœlo, quando volent, evocare poterit. ET DEVORABIT INIMICOS EORVM. Qui ipsis nocere volent. Sic olim ad imperium Eliæ cælesti igne duo quinquagenarij cum suis 50. militibus, quos Rex Ochosias ad Eliam miserat, absumpti sunt, 4. Reg. 1. v. 10. &c. Undè zelus & spiritus ille, qui olim Eliam agebat, eum iterùm in fine sæculi corripiet, & similia signa & prodigia patrabit, ut veris miraculis falsa Antichristi miracula retellat. Non enim prædicatione

tione tantum & armis, sed etiam magicis artibus & miraculis falsis Antichristus homines ad suam religionem, & se adorandum compellet. Unde ut paribus armis cum eo pugnent Elias & Henoch, virtutem miraculorum tribuet illis Deus.

Multi tamen Interpretes verba ista, *ignis exiet de ore eorum*, referunt tantum ad ignitam Eliæ & Henoch prædicationem, quæ corda audientium inflammabunt: nam etiam olim surrexit Elias Propheta quasi ignis, & verbum ipsius quasi facula ardebat, Eccli 48. v. 1. Per ignem enim prædicatio sancta figuratur, ait Haymo, quia corda auditorum ad amorem Dei accendit.

Sed generalius etiam illa Ecclesiastici verba accipi debent, ut verbum Eliæ non solum in prædicatione, sed etiam in imperio & patratione miraculorum instar faculæ arserit, actuosum & efficax sicut ignis in omni sermone & opere, ut varia ejus miracula & encomia, quæ statim subiicit Ecclesiasticus, satis indicant. Henoch quoque socius ejus eodem spiritu corripitur, venietque in spiritu & virtute Eliæ.

ET SI QVIS VOLVERIT EOS LÆDERE. Tempore illo ad prædicandum ipsis constituto, ut antè dixi. Nam aliàs in fine lædet eos Antichristus, quando martyrio afficiet. SIC OPORTET EVM OCCIDI. Debet & meretur interfici tali genere mortis ut ab igne cœlitus misso devoretur, qui tantos Dei famulos ausus sit velle lædere.

6. HI HABENT POTESTATEM CLAUDENDI CÆLVM. Nam Deus quodammodo dedit ipsis cœli clavem, ut ipsum claudant & aperiant, quando placet. Quia enim amicorum omnia sunt communia, ait Philo Iudæus, idco Deus potestatem & divitias suas communicat Sanctis.

Cælum autem æthereum claudi dicitur, quando pluviam non mittit; aperiri, quando pluit. Sic clausit olim cælum Elias, quando neque pluvia, neque ros pluit annis tribus cum dimidio, 3. Reg. 17. v. 1. Et rursus cælum aperuit, quando postea ad preces ejus cecidit pluvia grandis 3. Reg. 18. v. 45.

NE PLVAT DIEBV PROPHETIÆ IPSORVM. Ut toto illo tempore prædicationis ipsorum, quod erit trium annorum cum dimidio, non pluat, nisi ipsi velint. Cum enim olim sub rege Achab tanto tempore Elias clauserit cælum, acceptâ iterum eadem potestate, & cœli clave, tantumdem poterit. Nullibi tamen scriptum est, nec videtur verisimile, quod usus sit illâ potestate, ut scilicet tribus annis cum dimidio, hoc est, toto tempore continuo prædicationis suæ & persecutionis Antichristi, nulla pluvia casura sit in toto terrarum

orbe. Verisimile tamen est, quòd per intervalla; ad imperium ejus aut Henoch, nunc claudentur, nunc aperientur cœli.

ET POTESTATEM HABENT SUPER AQUAS. Super ergo duo elementa, aërem & aquam potestatem exercebunt, qualem Gentiles olim Jovi suo & Neptuno tribuebant. Cœlo aëris imperabunt, ut non pluat; elemento aquæ, ut in aliam naturam transeat. CONVERTENDI EAS IN SANGVINEM. Sicut olim in Ægypto coram Pharaone fecit Moyses Exo. 7. v. 20. Undè istis verbis Moysen aperte describi, ait Maldon. Matt. 17. v. 3.

Sed cùm non unus tantùm, sed duo dicantur habituri illam potestatem, non inde certò confici potest; Moysen futurum socium Eliæ; ut credit Maldon. Nam Elias non legitur olim habuisse potestatem vertendi aquas in sanguinem, quam tamen habebit in fine sæculi.

Solùm ergo dicit S. Joannes, quod duo illi testes, quicumque illi futuri sint, habebunt potestatem similem potestati, quam Elias & Moyses olim habuerunt, & contra sacerdotes Baal, & magos Ægypti exercuerunt. Sicut enim Antichristus artibus & miraculis magicis ad perversionem fidelium utetur, veluti Sacerdotes Baal, & magi Ægypti olim faciebant: ita meritò duobus suis testibus similem potestatem, & talia arma dabit Deus, ut cum Antichristo pugnent, qualia Elias & Moyses olim habuerunt.

ET PERCVTERE TERRAM. Et percutiendi terram. Ecce potestas in tertium elementum. OMNI PLAGA. Quales fuerunt cæteræ plagæ Ægypti, ut ranarum, cynipum, muscarum, locustarum, grandinis, &c. præter plagam sanguinis, quæ proximè præcessit. Ad plagas enim istas Ægypti S. Joannes hic respicit. QUOTIUSCVMQVE VOLVERINT. Hæc clausula videtur etiam afficere duo membra præcedentia, ut dicantur habituri potestatem claudendi cœlum, quando voluerint uti illà potestate; item vertendi aquas in sanguinem, &c. Undè ut hanc potestatem ostendant, verisimile est, aliquando per intervalla, ubi occasio dabit, illà usuros esse.

7. ET CVM FINIERINT TESTIMONIUM SVVM. Quando tempus sibi constitutum à Deo ad prædicandum & testificandum Christi Evangelium, absolverint. BESTIA QUÆ ASCENDIT DE ABYSSO. Verbum *ascendit*, est præsentis, non præteriti temporis: græcè enim, *Bestia illa ascendens de abyssu*: id est, Antichristus, instar feræ bestię sævus & crudelis, qui secundum æternam Dei ordinationem de abyssu infernali ascendere debet. Quia enim spiritu diabolico, & artibus magicis instructus erit, dicitur de abyssu, tanquam de schola quadam infer-

infernali ascendere ad homines in terra habitantes. Aliqui tamen per, *abyssum*, intelligunt mare, quia infra Apoc. 13. v. 1. S. Ioannes dicit se vidisse bestiam de mari ascendentem. Sed illa est alia visio. Nec dicit hīc se vidisse, aut videre bestiam ascendentem, sed, bestiam, quæ in divinā prædestinatione ascendere debet de abyssu, facturam quod sequitur. Probabilius ergo est, *abyssum*, hīc accipi, sicut ante, Apocal. 9. v. 1. FACIET ADVERSUS EOS BELLUM: Persequendo illos duos testes, & eorum adherentes. ET VINCET ILLOS. Eorum corpora, non animos: nam tandem in fine prædicationis capiet illos Antichristus, ET OCCIDET EOS. Omnibus & exquisitissimis tormentis antea cruciatus.

8. ET CORPORA EORUM insepulta IACEBUNT. Ad ostentum & ludibrium. IN PLATEIS. Per quas etiam fortè raptabuntur à scurris & nebulonibus, sicut sceleratissimorum corpora solent. Græcè tamen, *iacebunt in platea*. In aliqua præcipua platea, velut in foro, vel spatiosa ad spectandum platea. CIVITATIS MAGNÆ. Ierosolymæ, quæ tunc temporis magna iterum & populosa civitas erit, quia ad eam undique, propter Antichristum ibi residentem, confluent Iudæi, tanquam ad suum Messiam: ideoque in illa civitate Iudæis potissimum prophetabunt, & concionabuntur Elias & Henoch. QUÆ VOCATUR SPIRITUALITER. Sensu spirituali & mystico. SODOMA: Propter multitudinem & fœditatem peccatorum, præsertim carnalium, quibus Ierosolyma tunc æquabit aut superabit veterem Sodomam.

Simili de causâ Isaias Magistratus Ierosolymæ vocat, *Principes Sodomorum*, & Iudæos, *Populum Gomorrha*, Isa. 1. v. 10. & Ieremias: *Major effecta est iniquitas filia populi mei peccato Sodomorum*, Thren. 4.

ET ÆGYPTVS. Regio olim maximè dedita idololatriæ: nam Ægyptij, boves, feles, canes, crocodilos, cepas & allia ut Deos adorabant. Ierosolyma ergo vocatur spiritualiter Ægyptus, quia in ea omnes Antichristi sectatores ibi eum ut Deum adorabunt & extollent *supra omne, quod dicitur Deus; ita ut in templo Dei sedeat, ostendens se, tanquam sit Deus*, 2. ad Thess. 2. v. 4. UBI ET DOMINVS EORVM. In qua civitate Christus Eliæ & Henoch, ac omnium Dominus, CRUCIFIXVS EST. Ex hac periphrasi videtur manifestum, hanc civitatem magnam esse Ierosolymam, licet S. Hieronymus ep. 17. ingeniosè aliò hæc verba vertat; & Sodomam istam spirituale interpretetur, non Ierosolymam, sed mundum universum, qui est civitas diaboli & impiorum. Nam nomine Paulæ & Eustochij epistolam illam ad Marcellam Romæ agentem scribit, & persuadere ei conatur, ut reliquâ

Italiâ in terram sanctam veniat. Et ut suasio efficacior sit, laudes terræ sanctæ, & Jerosolymæ ejus Metropolis undique conquiens, & hunc Apocal. locum tamen sibi obijciens, ne nomen Sodomæ & Ægypti gloriam Jerosolymæ obscurarent, in alium sensum derivat.

9. ET VIDEBUNT. Sicut solent homines ex curiositate, aut odio erga supplicio affectos, ad talia spectacula concurrere. DE TRIBVBS, ET POPVLIS, ET LINGVIS, ET GENTIBVS. Plurimi enim ex omninatione tunc Jerosolymam, tanquam ad Regiam & arcem Antichristi confluerint. CORPORA EORVM. Iacentia in plateis. PER TRES DIES ET DIMIDIUM. Qui interfuxerunt inter mortem & resurrectionem ipsorum. ET CORPORA EORVM NON SINENT PONI IN MONUMENTIS. Tanquam qui indigni sint sepulturâ, & ut ad fatietatem spectari, & illudi possint à nebulonibus. Sic cadavera furum aut latronum insepulta in patibulo aut rota ad spectaculum exponi solent.

10. ET INHABITANTES TERRAM. Qui ex varijs Orbis terræ partibus tunc Jerosolymis erunt. GAUDEBUNT SVPER ILLOS. Super morte illorum. ET IVCVNDABVNTVR. Lætabuntur, sive signa externa interioris gaudij ostendent: hoc enim propriè à gaudio lætitia distat, quod gaudium maneat in corde & affectu, lætitia verò in vocem, gestum, plausum, & externa signa exeat. Undè Stoici dicunt, sapientem semper gaudere, placido nempe & interno gaudio; nunquàm lætari, hoc enim gravitatem ejus dedecere putant. ET MVNERA MITTENT INVICEM. Ad epulandum & celebrandum festas dapes, ut in publica lætitia fieri solet. QVONTIAM HI DVO PROPHETÆ CRUCIAVERVNT EOS. Utendo adversus eos potestate illâ claudendi cœlum, convertendi aquam in sanguinem, & percutiendo omni plagâ terram: quomodo olim Moyses cruciavit Pharaonem & Ægyptum. Deinde Elias & Henoch impiorum corda cruciaverunt, per acrem scelerum reprehensionem, & minas ignium æternorum.

11. ET POST DIES TRES ET DIMIDIUM. Quibus cadavera eorum in plateis jacuerint: ut scilicet quemadmodum Christum Dominum triennali & amplius; prædicatione imitati sunt; ita etiam triduo circiter mortis, ac deinde resurrectione imitentur. SPIRITVS VITÆ. Anima dans vitam corpori. A DEO. Remissus ad corpora. INTRAVIT IN EOS. Et rursus corpora eorum animavit. Quod futurum erat, exponit per verbum præteritum, propter futuræ historiæ certitudinem, quam quasi jam præteritam oculis propheticiis cernebat. ET STETERVNT SVPER PEDES SVOS. In corporibus gloriosis ante

ante generalem resurrectionem à mortuis resuscitati. ET TIMOR MAGNVS. IRÆ DEI. CECIDIT SUPER EOS. Timor in aliquem cadere dicitur, quando subitus & repentinus est. QVI VIDERVNT EOS. Videre enim corpora post tres dies cum dimidio mortua in plateis, & in tabernaculis ac putredinem jam marcescentia, subito reviviscere & erigi in pedes, magna profectò est timoris & tremoris materia, apud eos præsertim, qui ipsos occiderunt. *Videntes turbabuntur timore horribili, & mirabuntur in subitatione inexpectata salutis, &c.* Sap. 3. v. 2. Nec mirum est, Eliam & Henoch paululum ante alios tam multos veteris & novi Test. Sanctos in corporibus gloriosis resurgere, qui tam diu contra cursum naturæ in vita reservati beatitudine animæ caruerunt, quam alij Sancti morientes longo antè tempore adepti fuerunt.

12. ET AUDIERVNT. Tam ipsi resuscitati, quàm eorum spectatores. VOCEM MAGNAM. Ut à multis simul posset facile audiri, & quia rem magnam ac stupendam annuntiabat. DE CÆLO. Ut intelligerent eam à Deo proficisci. DICENTEM EIS: ASCENDITE HVC. Scilicet in aëra: non Angelicis manibus elevati, sed propriâ virtute, & dote agilitatis ascendentes. ET ASCENDERVNT IN CÆLVM. Non tantum aëreum, sed etiam sidereum & empyreum. IN NUBE. Illustrata sine dubio radijs, quibus corpora illa gloriosa coruscabant. Christum ergo hac sua ascensione imitati sunt, cui prædicatione, morte, resurrectione etiam assimilati fuerant: Christum enim ascendentem in cælum nubes suscepit, & subduxit ab oculis spectantium, Act. 1. v. 9.

In divinarum rerum manifestatione Deus sæpè nubis ministerio utitur, ut notat Arethas: ut significet, quòd sicuti in nube lumen Solis opacitati & obscuritati nubis permixtum est, ita puram & liquidam cœlestium rerum veritatem non clarè videamus, quàm diu in corpore mortali vivimus; sed veluti in nube, & fidei divinæ obscuro. Undè Deus populum suum per desertum deduxit in columna nubis, Exod. 13. v. 21. Nubes operuit montem Sinai, quando Lex data est Moyssi, Exo. 19. v. 16. Quando dedicatum est templum Salomonis, Domus Dei impleta est nube, 2. Par. 5. v. 13. Nubes lucida obumbravit eos, qui cum Christo fuerunt in monte Thabor, Matt. 17. v. 5. Denique Christus veniet ad Iudicium in nubibus cœli, Matt. 26. v. 64.

ET VIDERVNT ILLOS INIMICI EORVM. Antichristus, & qui eos persecuti sunt, & occiderunt. Undè gementes dicere potuerunt, quod illi Sap. 5. v. 4. *Nos in seculum vitam illorum aestimabamus insaniam, & finem illorum sine honore; ecce quomodo computati sunt inter filios Dei, &c.*

13. ET

13. ET IN ILLA HORA. Quâ in cœlum ascenderunt. **FACTVS** EST TERRÆ MOTVS MAGNVS. Ad vindicandam necem illorum duorum Prophetarum, deinde ad instantium calamitatum præfagium. Solent enim magni terræ motus publicarum calamitatum esse prognosticon. ET DECIMA PARS CIVITATIS CECIDIT. Quassatis terræ motu ædificijs. ET OCCISA SVNT IN TERRÆ MOTV, oppressa ædificiorum ruinis, NOMINA HOMINVM SEPTEM MILLIA. Homines appellat nomina hominum, quia in talibus casibus hominum pereuntium catalogus scribi, & numerus nominum iniri solet. Vide quæ Apocal. 3. v. 4. de hac hebraica phrasi diximus. ET RELIQVI IN TIMOREM SVNT MISSI. Concussi sunt timore salutari quo conversi sunt ad pœnitentiam. ET DEDERVNT GLORIAM DEO Cœli. Qui dignis pœnis improbos, & Sanctos præmijs afficit. Videntur ergo Elias & Henoch non omnes Judæos prædicatione suâ ante mortem convertisse, sed aliquos etiam post mortem, miraculo scilicet isto resurrectionis & ascensionis in cœlum: & sic intelligendum esse quod Christus ait, *Elias venturus est, & restituet omnia*, Matth. 17. v. 11. & illud Malac. 4. v. ult. *Elias convertet cor patrum ad filios, & cor filiorum ad patres eorum.*

Væ SECVNDVM ABIIT. Ex tribus illis Væ quæ aquila per medium cœli volans annuntiavit Apocal. 8. v. ult. Abijt autem secundum Væ non postquam Elias & Henoch ascenderunt in cœlum (quod ex ordine narrationis hujus cap. videri posset) sed ante eorum mortem. Cum enim S. Joannes dixisset v. 3. duos testes in subsidium fidelium, contra Antichristum, mittendos, eorum postea historiam per anticipationem continuavit usque ad tempus mortis, & ascensionis eorum in cœlos, quod non sub secundo Væ, sed sub tertio & ultimo eveniet. ET ECCE VÆ TERTIVM VENIET CITO. Ultime mundi ruentis calamitates, sub regno Antichristi, & judicio universali. Unde sequitur.

15. ET SEPTIMVS ANGELVS TUBA CECINIT. Annuntians jam adesse illud Væ tertium & ultimum: nam tria ultima mundi Væ, tubis trium ultimorum Angelorum, nempe, quinti, sexti, septimi, annuntiantur. ET FACTÆ SVNT VOCES MAGNÆ IN CœLO. Voces Angelorum & animarum beatarum exultantium propter instantem mundi finem. DICENTES, FACTVM EST REGNVM HVIVS MVNDI. Regnum diaboli & impiorum, quo dominabantur, & vexabant pios in hoc mundo, brevi fiet sub tempore extremo hujus septimæ tubæ, DOMINI NOSTRI. Dei Patris. ET CHRISTI EIVS. Qui sanguine suo

suo meruit, ut regnum illud ei conferretur. Propter quod etiam meritum dicitur illud regnum Deo patri suo tradere, quantum ad electos ex omni parte mundi salvandos: tunc enim erit finis, cum ipse tradiderit Regnum Deo & Patri, & evacuaverit omnem principatum & potestatem, 1. ad Cor. 15. v. 24.

Græci quidam Codd. *Facta sunt regna mundi Domini nostri &c.* id est, omnia tegna mundi, adempta diabolo & ministris ejus, conversa sunt in unum regnum Domini N. &c.

ET REGNABIT IN SÆCULA SÆCULORVM. Regnum verò ejus erit æternum. Nam in electis suis, æternâ felicitate ejs beando, in reprobis, supplicijs æternis flagellando, regnabit.

Multi recentiores propter hæc verba, *Factum est Regnum &c.* & similia Apocal. 10. v. 7. ubi dicitur, Cum septimus Angelus inceperit tubâ canere, consummabitur mysterium Dei, existimant, cantum septimi Angeli non poni hic suo loco, sed ponendum esse infra Apoc. 19. ante versum 1. 1. ubi putant collocandum esse Eliæ & Henoch ascensum in cælum. Unde omnia, quæ cap. 12. & seqq. usque ad illum locum cap. 19. diceptur, spectare adhuc volunt ad tempus tubæ sexti Angeli. Sed quandoquidem S. Joannes tubas præcedentes suo loco & ordine posuerit, non oportet sine maxima & evidenti ratione ordinem septimæ tubæ perturbare.

Non est ergo sensus hujus v. 15. & versus 7. capituli 10. quòd immediate post cantum septimæ tubæ regnum hujus mundi fiet Dei, & mysterium Dei statim consummabitur, Christusque ad judicium universale sit venturus; sed, quod tunc ultimum Væ, seu tempus ultimæ mundi calamitatis incipiet. Hoc autem tempus bella extrema Anti-Christi, & judicium universale complectitur. Unde etiam interpretes prædicti fatentur, bella contra Gog & Magog Apocal. 20. v. 7. antecessura esse judicium universale, & tamen sub tempore septimæ tubæ contineri. Unde mirum non est, aliquas etiam alias præcedentes calamitates sub eodem tempore comprehendendi. Non enim solum propter pœnas æternas damnatorum, quæ post judicium sequentur; sed etiam propter gravitatem & multitudinem quarundam ultimarum calamitatum, quæ præcedent Judicium, hoc ultimum septimæ tubæ Væ erit omnium acerbissimum.

Denique tria illa Væ, quæ Apocal. 5. v. ult. aquila volans habitantibus in terra proclamat, ad terrorem & pœnitentiam hominum adhuc habitantium in terra, principaliter destinantur: unde non tantum primum & secundum Væ, sed etiam ultimum continet flagella

quædam, quibus tam pii quàm impii affligentur in terra, ante retributionem bonorum, & novissimum illud Væ damnatorum, quò pœnis æternis apud inferos plecentur.

16. ET VIGINTI QVATVOR SENIORES. Quos à tempore, quo ostium apertum fuit in cælo, Apoc. 4. v. 4 S. Joannes semper in conspectu quasi habebat. QVI IN CONSPËCTV DEI SEDENT. Circumvallantes thronum, Agnum, & quatuor animalia, circumvallati autem à multitudine Angelorum, ut ex figura totius confessus Apoc. 4. & 6. descripta patet. Mystice autem Seniores, & omnes Sancti in conspectu Dei sedent, quia in omnibus, quæ faciunt & dicunt, semper Deum præsentem attendunt, ait Haymo. IN SEDI BVIS SVIS. In potestate illa judiciaria, quâ mundum judicant cum Christo. CECIDERVNT IN FACIES SVAS. Omnia sua ad Deum referentes, ait iterum Haymo, quia sine ipso nihil possant. Ritus autem ille cadendi in faciem suam inter adorandum, signum est profundissimæ humilitatis, quâ homo se; & omnia sua Deo submittit, & ei refert accepta.

17. GRATIAS AGIMVS TIBI DOMINE &c. Gratias agunt tam pro damnatione impiorum, quam pro sua glorificatione: utrumque enim cedit in gloriam Dei, quam in omnibus quærunt Sancti. QVI ES. In æternitate immutabilis, & proinde, QVI ERAS, quando mundus in principio condebatur. ET QVI VENTVRVS ES. Brevis nempè ad universale & finale iudicium. QVIA ACCËPISTI VIRTVTËM TVAM MAGNAM. Quia post paucum temporis omnipotentiâ tuâ uteris, & magnitudinem ejus ostendes, tam in flagellis impiorum, quàm in gloria Sanctorum.

Dicitur autem Deus accipere virtutem quam semper habet, quando eâ utitur, & ad opèrandum exurgit. Videtur enim quodammodo virtute carere, quando oriatur, nec eam facto ipso exercet.

ET REGNASTI. In electos & reprobos, seperando eos ab invicem, & duo regna tibi constituendo; quòrum unum per subditorum tibi servitium perfectam obedientiam, alterum per rebellium castigationem gubernas & regis.

18. ET IRATÆ SVNT GENTES. Impii gentiles, & reprobi Judæi gentibus impietate similes in iram & indignationem exarserunt. ET ADVENIT IRA TVA. Quia jam advenit tempus iræ tuæ quâ impios à terrenis suis voluptatibus avulsos æternis flagellis tibi subdes. Copulativa, Et, sicut sæpè apud Hebræos, videtur hic accipi pro causali, quia; reddit enim rationem, quare iratæ sint gentes. ET TEMPVS MORTVORVM IVDICARI. Et venit tempus, ut mortui resurgant, & judi-

judicentur. ET REDDERE MERCEDEM SERVIS TVIS PROPHETIS. Quos occiderunt aut male tractaverunt Judæi & impij: unde eorum glorificatio in iram, gemitum, & indignationem impiorum erumpet: ET SANCTIS. Qui sanctitate conspicui fuerunt in hoc mundo. ET TIMENTIBVS NOMEN TVVM. Et omnibus universim, qui timore filiali te timuerunt, & consequenter amaverunt, quia talis timor est amoris filius. PUSILLIS ET MAGNIS. Sive parvi, sive magni virtute fuerint: omnes enim in gradu suo mercedem recipient, quia in domo Dei Patris mansiones multe sunt, Joan. 14. v. 2. ET EXTERMINANDI EOS. Et prociijciendi in tenebras exteriores reprobos, QUI CORRUPERVNT TERRAM. Qui vias suas, sive conversationem & mores suos, ac aliorum corruperunt super terram. Ita enim Moyſes phraſin iſtam explicat Genesis 6. v. 12.

19. ET APERTVM EST TEMPLVM DEI. Sanctum Sanctorum ſcilicet, quod erat ſanctiſſima pars templi Salomonis Deo dedicati, in qua ſervabatur Arca Teſtamenti, in cujus propitiatorio inter alas Cherubin Deus ſedebat, & reſponſa Judæis dabat. IN CÆLO. Licet enim totum cælum inſtar templi repræſentatum fuiſſet S. Joanni, ut patet Apoc. 7. v. 15. & oſtium ejus apertum ei fuiſſet Apocal. 4. v. 1. nondum tamen ſecreſſimum templi aditum ei reſeratum fuerat, ſed tantum atrium Sacerdotum, ubi erat altare holocauſtorum, & deinde Sanctum, ubi erat altare thymiamatis. ET VISA EST ARCA TESTAMENTI EIVS. Viſione quadam ſublimiori & ſecreſſiori viſa ſunt à S. Joanne res magnæ, & velo fidei alijs abſconditæ; ſicuti arca Teſtamenti poſt velum Sancti Sanctorum latebat, & à nemine videbatur, niſi à Summo Sacerdote ſemel in anno quando locum illum templi ſecreſſimum intrabat.

Non vidit tamen adhuc S. Joannes ea, quæ latebant in arca, ſed hæc viſio ſervatur Beatis, qui intima Divinitatis facie ad faciem vident. Per arcam hanc Teſtamenti plerique veterum interpretum intelligunt Chriſtum; quia ſicut manna incluſum erat arcæ in auro mundo, ita Divinitas Chriſti in Corpore ſancto, ait Beda. Erat enim arca fabricata ex ligno ſethim impuſtrabili, & laminis aureis interius exteriusque obducta, cum operculo, ſive propitiatorio ex auro puriſſimo. Quæ omnia optime congruunt Humanitati Chriſti, quæ ſapientiæ & charitatis aureo fulgore interius exteriusque reſulget. Vocabatur autem arca Teſtamenti ſeu teſtimonij, quia in ea teſtamentum, ſive tabulæ legis Moſaicæ incluſæ erant, quibus Deus voluntatem ſuam hominibus teſtabatur.

ET FACTA SVNT FVLGVRA. Hoc, & quæ sequuntur; significant Ecclesiæ mox futurum statum sub prædicatione Eliæ & Henoch; & Regno Antichristi, ac totius reliqui temporis, quod sub hac ultima tuba continetur. Fulgura autem sunt miracula; ut aiunt Beda & Richardus, quæ Elias & Henoch, cæterique regni Dei præcones pertrahunt; instar enim fulgurum coruscabunt, & admirationem stuporemque videntibus incutient. ET VOCES. Evangelicæ prædicationis, quibus Judæi & alij ad fidem convertebantur. ET TERRÆ MOTVS. Qui significant, homines in terra habitantes varijs bellorum Antichristi, Gog & Magog motibus concutiendos esse. ET GRANDOMAGNA. Quæ significat persecutores Ecclesiæ, qui feriunt quidem electos, sed ipso ictu, instar grandinis, confringuntur, & in partes dissiliunt.

CAPVT XII.

SYNOPSIS CAPITIS.

Ostenditur sancto Ioanni mulier parturiens amicta sole, coronata stellis, calcans lunam, cujus parvulus draco parat devorare. Parit filium, qui raptus in cælum draconem biantem eludit. Persequitur draco mulierem, quæ etiam fugiendo evadit in solitudinem. Revertitur draco, & reliquijs seminis ejus movet bellum.

vers. r.

ET SIGNVM MAGNV M APPARVIT IN CÆLO. Prodigiosa quædam, & rem magnam significans effigies apparuit mihi in aëre superiore, ubi etiam Sol, Luna, & Stellæ nobis versantur. Ex aëre enim, non ex ipso cælo sidereo mulier illa v. 6; fugiet in solitudinem. MULIER AMICTA SOLE. Signum verò istud erat, mulier induta non humanâ veste, sed amicta lumine solis tanquam vestimento.

Mulier illa sensu litterali, ex omnium ferè veterum interpretum sententiâ, est Ecclesia Christi, quæ lumine sui sponsi, qui sapientiæ & justitiæ sol est, in baptismate induitur. *Quicumque enim in Christo baptizati estis, Christum induistis*, ad Gal. 3. v. 27. Sicut enim vestis corpus tegit, protegit, ornat; ita Christus per gratiæ suæ lumen tegit maculas & peccata præterita Ecclesiæ suæ, protegit eam a futuris, ornat virtutibus.

ET

ET LUNA SUB PEDIBUS EIVS. Gloriam temporalem, & omnia inferioris mundi mutabilia affectibus suis, tanquam pedibus, calcata infra se despicit. Talis enim est Ecclesia Christi secundum præcipuam & selectam illam partem, quæ iustos, quorum habitatio est in cælis, comprehendit. Qui à multitudine & turba nascentium ac morientium rerum secreti, solius æternitatis amatores sunt, ut loquitur S. Augustinus Psal. 4.

Per lunam autem mensuris incrementis & decrementis mutabilem sæpe in scriptura significatur gloria & splendor rerum mutabilium hujus mundi: *Orietur in diebus eius iustitia, & abundantia pacis, donec auferatur luna*, Psal. 71. id est, inquit Beda, abundantia pacis in tantum crescet, donec omnem mutabilitatem mortalitatis absumet, cum novissima inimica destruetur mors, 1. ad Cor. 15. v. 26.

ET IN CAPITIBUS EIVS. Quod principium nascentis Ecclesiæ, & nobilissima ejus pars significatur. **CORONA STELLARVM DVODECIM.** Corona duodecim Apostolorum, qui tanquam lucidissimæ stellæ primæ magnitudinis in capite Ecclesiæ fulgent. Vocantur autem semper XII. Apostoli, licet post accessum S. Pauli facti sint tredecim, quia tantum duodecim à Christo in principio fuerunt electi.

S. Bernardus serm. super hoc caput Apocal. licet ex totâ serie visionis, dicat etiam hanc mulierem esse præsentem Ecclesiam in terris militantem: addit tamen, non inconvenienter intelligi B. V. Mariam; quod Aretæ, & quibusdam alijs Græcis etiam placet. Virgo enim amicta est sole, quia profundissimam divinæ Sapientiæ abyssum, ultra quam credi potest, penetravit; & ei velut immersa ac inclusa fuit, ait S. Bern. Quia enim Solem Sapientiæ Christum visceribus continebat, qui tamen matre suâ major erat; ideo ultra eam se effudit, & circumfusus uterum vestivit, in quo continebatur. Luna autem, id est, stultitia, ait S. Bern. sub pedibus ejus est, eamque calcatur: nam Luna stultam lunaticorum mutabilitatem aliquando significat, juxta illud, *Stultus ut Luna mutatur, homo sanctus in sapientia manet sicut Sol*, Eccli. 17. v. 12. Stellas autem 12. quibus corona Virginis ornatur, idem Bernardus. 12. gratiæ ejus prærogativas interpretatur: ut quoddam sine corruptione fecunda, sine gravamine gravis, sine dolore puerpera; &c. Sed videtur Virgini non satis convenire, quod sequitur:

2. **ET IN VTERO HABENS.** Prolem utero gestans, sive prægnans. Græci enim mulierem prægnantem, in utero habentem, vocare solent. **CLAMABAT PARTURIENS.** Præ dolore pariendo. **ET CRUCIABATUR VT PARIAT.** Quia Ecclesia temporibus illis Antichristi cum magna

difficultate & molestia filios suos Christo pariet, pugnando & contendendo cum antichristo & ejus ministris, qui tam verbo, quam armis & fallis miraculis, & omni conatu impediunt, ne quis ad Baptismi regenerationem, aut Christi fidem adducat. Unde Christus ad illa tempora respiciens, *Filius hominis veniens, putas inveniet fidem in terra?* Lucæ 18, v. 8.

Hanc tamen etiam particulam B. V. Mariæ accommodat Aretas: licet enim, more cæterarum fæminarum, uteri dolores non senserit; doluit tamen & cruciata est, quando sponsus ejus suspectam adulterii habere cœpit: deinde quando gravida, & cum periculo sui amabilissimi partus, ex Nazareth longo & difficili itinere in Bethleem ire compulsa fuit.

3. ET VISUM EST ALIUD SIGNVM IN CÆLO. In aëreo cælo, juxta mulierem ipsam amictam Sole. ET ECCE DRACO MAGNVS. Diabolus, ut S. Ioannes interpretatur v. 9. *Magnus* est, quia *rex super universos filios superbiæ*, Iob. 41. v. ult. Et *rufus*. Ruber, quia sanguine interfectorum à se respersus, & ardenti irâ in omnes homines inflammatus. Vulnere enim, quod humano generi in primis parentibus infixit, omnes corporaliter & spiritualiter interfecit, & alia vulnera quotidie, & sanguinem sanguini addit. HABENS CAPITA SEPTEM. Septem reges, qui in fine mundi adjungent se Antichristo & draconi, cujus instrumentum ad expugnandam Ecclesiam, erit Antichristus. Nam eo tempore Rom. Imperium divisum erit in X. Reges, ex quibus tres armis expugnabit Antichristus, Dan. 7. v. 24. reliqui VII. se ei ultro subijcient, & associabunt, ut in illo cap. 7. Dan. post S. Irenæum docet S. Hieronymus, cujus Commentarium laudat S. Augustinus lib. 20. cap. 23. Civit. Dei. ET CORNUA DECEM. Regna X. quorum potentia, robore & armis draco per Antichristum Ecclesiam Christi oppugnabit. Nam quod in cornibus regna significantur, Zacharias & Daniel manifestant, ait Haymo, quorum uterque dicit se vidisse quatuor cornua, quæ sunt quatuor regna principalia. ET IN CAPITIBVS DIADEMATA SEPTEM. Totidem nempe, quot sunt capita. Nam 7. illi reges, qui jungent se draconi in Antichristo, retinebunt diademata & insignia regum, non autem tres alij, Egypti, Africæ, & Æthiopie reges, Dan. 11. v. 43. quorum cornua evellet & humiliabit Antichristus, Dan. 7. v. 8. & 24.

Istorum tamen etiam trium regna inter decem cornua draconis & Antichristi numerantur, quia trium interfectorum regnis & opibus utentur ad Ecclesie expugnationem: *Domineabitur enim Antichristus the-*

sauro-

aurorum auri & argenti, & in omnibus pretiosis Aegypti, &c. Dan. 11. v. 43.

Quamvis autem hæc S. Joannis visio quædam similia habeat cum visione Dan. 7. non tamen eadem est; nam in bestia Danielis terribili habente dentes ferreos magnos, &c. Dan. 7. v. 7. nulla fit mentio 7. capitum aut diadematum, sed tantum 10. cornuum; quæ Angelus Danieli interpretatur esse 10. reges, Dan. 7. v. 24. quos parvulum cornu undecimum, id est, Antichristus, sibi subijciat, Dan. 7. v. 8. & 24.

Ex quadam tamen similitudine & analogia ad prophetiam illam Danielis, videtur hæc visio S. Joannis ad litteram explicanda, quandoquidem utraque de iisdem extremis Antichristi temporibus loquatur.

Falli quoque videntur quidam recentiores, dum inter 7. capita draconis imaginantur caput unum cæteris majus, quod propriè sit Antichristi, & in quo solo plantata sunt illa cornua decem. Nullo modo enim hoc indicatur, nec satis concinnè fingi potest: nam 7. illa regum capita ultrò accedent potestati, & velut corpori Antichristi, postquam tria cornua ex decem, id est, regna Aegypti, Africæ & Æthiopiz expugnaverit. Unde omnia illa septem sunt aliorum regum capita. Deinde quandoquidem 10. cornua sint 10. istorum regum regna, quorum robore & opibus utetur Antichristus, singula potiùs suo capiti infigenda sunt præter illa tria cornua, quæ, sublatis è medio eorum capitibus, sibi adscivit Antichristus, infigendo fortasse ea trium aliorum regum capitibus, qui Aegypto, Africæ, & Æthiopiz proximi erunt, & quorum regnis tria illa regna accesserunt.

Quod si verum est, tria ex 7. capitibus bina cornua habent, ut sic universim draco, seu Antichristus septem tantùm capita, & tamen decem cornua gesserit.

In figura ergo draconis, seu hydræ illius septicipitis, repræsentatur potentia diaboli quàm in instrumento suo Antichristo habebit, postquam totum Romanum, sive totius mundi imperium in X. regna antea divisum sibi subjecerit.

Undè imaginari oportet, quasi corpus draconis sit Antichristus, anima autem quodammodo ejus sit diabolus: nam Antichristus omnem diaboli virtutem suscipiet, ut lib. 5. cap. 25. loquitur S. Irenæus. Diabolus enim ipsum quodammodo animabit, & movebit operando per eum mira & miracula, eodem sermè modo, quo olim serpente usus

usus est, per quem primos parentes decepit. Unde sicut diabolus in Scriptura vocatur serpens, quia in serpentem intravit, & eo tanquam instrumento est usus; sic etiam vocari potest draco & Antichristus.

Multi autem veteres interp. non reflectentes se ad visionem illam bestiae Danielis, videntur sensum mysticum pro litterali accepisse dum 7 capita draconis, 7. vitia capitalia, quibus diabolus fideles & Ecclesiam oppugnat, interpretantur. Per cornua verò decem intelligunt potentiam, qua diabolus adversus X. Decalogi præcepta pugnat.

Inter veteres tamen Beda magis quàm alij litteraliter: Diabolus in 7. capitibus, inquit, omnes reges suos, & in X. cornibus omne regnum comprehendit. Secutus nempe S. Augustini dubitationem, qui lib. 20. cap. 23. Civit. Dei, ait, se vereri, ne Antichristus inopinatus adveniat, etiamsi præcisè non sint X. reges in orbe Romano. Quid si enim, inquit, denario numero universitas regum, sicut millennario, centenario, septenario plerumque universitas etiam significatur.

4. ET CAUDA EIVS. Extrema pars draconis, seu extremum tempus, quod datum est diabolo, ut per Antichristum noceat Ecclesiae. TRAHEBAT TERTIAM PARTEM STELLARUM CÆLI. Notabilem partem fidelium Ecclesiae doctrinam & pietate illustrium, voluminibus caudæ implicitam detrahebat. *Tertiam partem*, non sumi hic mathematicè & præcisè, facile colligitur ex Apoc. 8. v. 8. 9. & seqq. ubi tertia pars, pro parte magna & notabili, licet non sit præcisè tertia, accipitur. Pars enim tertia alicujus totius, est pars ejus satis magna & notabilis. ET MISIT EAS IN TERRAM. E cælestis vitæ sublimitatè in terrenarum rerum (ut sunt voluptates, divitiæ, honores) amorem deiecit: *Exit enim tribulatio magna, qualis non fuit ab initio mundi, & nisi breviasi fuissent dies illi, non fieret salva omnis caro*, Matth. 24. v. 21.

Stellæ autem illæ, quæ in Ecclesia sic fulgebant & à dracone in terram dejectæ sunt, in numero electorum non fuerunt: unde satanæ extremitas, ait S. Gregorius, lib. 32. cap. 12. Mor. per audaciam assumpti hominis erecta, quosdam quos velut electos Dei in Ecclesia inveniet, obtinendo, reprobos ostendet. Ubi Antichristum hominem à satana assumptum vocat, quia ipsum totum sic satanas possidebit, ut sit futurus velut anima draconis, & Antichristus velut corpus ejus, ut antea diximus.

In cauda tamen ista draconis, Richardus adulationem & fraudem potius, quàm vim significari credit: nam quos per apertam, inquit, servitiam

sævitiā, non valebit, per occultā fraudulentiam, quæ figuratur in caudā, seducet.

Hinc patet, ex hoc Apoc. loco non solidè probari à Scholasticis, Draconem sive Luciferum suā sione sua tertiam partem Angelorum in principio conditi orbis, caudā suā traxisse de cælo; cum hic non agatur de eo, quod in principio mundi fecit, sed quod in fine per Antichristum facturus est.

Potest tamen dici, quod Spiritus S. in S. Joanne loquens, etiam simul respexerit ad id, quod olim in principio draco per se in Angelis malis fecit, cui simile in fine mundi per Antichristum facturus est in hominibus. Undè hic sensus vocari posset vel spiritualis, vel litteralis secundarius, à S. Spiritu interim etiam intentus, ut ait Suarez. lib. 7. c. 17. de Angel.

ET DRACO STETIT ANTE MULIEREM. Insidians partui exituro ex utero ejus. QVÆ ERAT PARTURA. Nam jam parturiebat, ut v. 2. dixit, & hoc draco animadverterat. UT CVM PEPERISSET. Quandoquidem impedire non poterat, ne in utero Ecclesiæ ad Baptismum gestaretur. FILIUM EIUS DEVORARET. Hac corticis litteralis imagine significatur, quod diabolus per Antichristum non solum fideles in fide adultos, & fortes, cælique stellas, in terram caudā suā detrahare, & eas conculcare conabitur ut dicitur Dan. 8. v. 10. sed etiam ex utero Ecclesiæ per baptismi regenerationem recentem natos devorare & perdere tentabit, ut omne Christi semen extinguat: Filius autem iste Ecclesiæ non est homo aliquis singularis, sed populus integer illorum fidelium, qui tunc temporis per Christi baptismum renascuntur. Sicut enim Ecclesiam, quæ est multorum fidelium congregatio, sub imagine femina singularis repræsentavit; ita etiam partum ejus, etiamsi populus integer sit, filium in singulari numero appellavit.

5. ET PEPERIT FILIUM. Nec imbecillem, & animo effeminatum, sed MASCVLM. Animi-masculi & virilis. Tales enim plerisque filios in fine illo sæculi pariet mater Ecclesia; sicut enim sævissima omnium, quotquot unquam fuerunt, erit tunc temporis Antichristi persecutio; ita Deus fideles suos electos, majori quàm unquam, animi robore firmabit, ut ei resistere, & minas ejus omnes ac tormenta contemnere valeant. QUI RECTVRVS ERAT OMNES GENTES. Qui cum Christo in iudicio universali paulò post secuturo iudicabit, severissimè reget & conteret (ut habet Hebr. lectio Psal. 2. unde hæc verba desumpta sunt) omnes reproborum nationes. Nam populus

ille masculus illustrium & inuictorum Sanctorum, in quos incurret, & instar grandinis diffiliet potentia Antichristi, sedebunt cum Elia & Henoch, & Apost. in iudicio super sedes XII. iudicantes XII. tribus Israël & omnes mundi gentes. IN VIRGA FERREA. Duro imperio, ac veluti ferreo sceptro. Hoc propriè tribuitur Christo in Psal. 2. v. 9. sed etiam alijs Sanctis Christo in iudicio assessuris, & ferream illam virgam oris ejus, sive sententiam, *Ite maledicti in ignem aeternum*, approbaturis tribuit S. Joannes supra Apoc. 2. v. 27. ET RAPTVS EST FILIVS EIVS. Ne draco eum devorare posset: quod fieret, si tentationi & persecutioni ejus succumberet. Ideoque *raptus est, ne malitia mutaret intellectum ejus, aut ne fictio deciperet animam illius*, Sap. 4. v. 11. Undè raptus ille fiet per mortem, sive ab Antichristo, sive ab alijs causis illarum.

Populus etiam ille electorum, vel aliqui ex eis cum corpore & anima rapiuntur, eruntque de numero illorum, de quibus Apostolus ait, *Nos qui vivimus, qui relinquimur, simul rapiemur cum illis in nubibus obviam Christo in aëra*, 1. ad Thess. 4. v. 16.

AD DEVM. In cælum, ut Dei aspectu ibi fruatur. ET AD THRONVM EIVS. Ut sedeat circa thronum ejus, & regnet cum ipso: quomodo etiam supra Apoc. 3. v. 21. dicitur, *Qui vicerit, dabo ei sedere mecum in throno meo*. Aliqui etiam ipsorum rapiuntur ad thronum Christi, ut eum ipso iudice sedeant in nubibus super sedes XII. inter Apostolos, & Sanctorum præcipuos.

Si verò hunc locum Apoc. de Christo, non de populo electorum, qui erunt in fine sæculi, interpretemur, videtur, ut notat Jansen. in Conc. intelligendus esse non de prima nativitate Christi ex utero Virginis, sed de secunda nativitate resurrectionis, ad quam per magnos suos, & Ecclesiæ parturientis dolores pervenit. Paulò enim post hanc secundam Nativitatem quando ascendit in cælum, raptus est ad Deum, & ad thronum ejus, ubi à dextris Patris sedet. Vox autem ista, *raptus*, non tam violentiam, quàm celeritatem significat.

6. ET MULIER FUGIT IN SOLITVDINEM. Ecclesia in membris suis infirmioribus, ubi vidit aliquos ex masculis & robustis suis filijs per martyrium raptos ad Deum, exterrita fugit in desertum, & per sylvas, montes & speluncas dispersa est. *Fugit*, dictum est per anticipationem; nam postea demùm fugiet, quando draco projectus fuerit in terram, & mulieri ad fugiendum dabuntur duæ alæ aquilæ magnæ, infra v. 14.

Sensu autem mystico anima Christiana in tentationibus fugit in solitu-

solitudinem, quando extra terrenorum desideriorum tumultus, & mundi superfluas curas, ait Haymo, in secretum mentis refugit, ubi Deum adiutorem invenit.

UBI HABEBAT LOCVM PARATVM A DEO. Ubi providentia divina disposuerat, & præparaverat ei locum, in quo se salvare posset. **UT IBI PASCANT EAM.** Ut Pastores, qui plebem suam in ista fuga comitabuntur, cam pane spirituali Verbi Dei pascant, & etiam panis corporalis curam gerant, ne fame in solitudine pereat. **DIEBUS MILLE DVCENTIS SEXAGINTA.** Tribus fermè annis cum dimidio, quanto tempore Eliam & Henoch esse prophetaturos, dixit Apoc. 11. v. 3. Undè eo tempore, quo plebs Christiana infirmior cum suis Pastoribus in sylvis & solitudinibus errabit, Elias & Henoch palam tam prædicationibus quam miraculis resistent Antichristo: quos etiam adjuvabunt masculi illi Ecclesiæ filij, qui inter labores & martyria, paulatim nunc hic, nunc alter ad Deum rapiuntur, ut v. 5. dixit.

An autem fuga ista Ecclesiæ solum futura sit in terra sancta, & circa Jerosolimam ubi residebit Antichristus, incertum est. Fortasse etiam alibi toto orbe Christiano similis fuga fiet; nam persecutio Antichristi per ipsum, aut saltem per ministros ejus, in omnibus mundi regnis, ubi Christiani erunt, eo tempore fervebit.

Hoc quoque animadversione dignum est, quodd Ecclesia illius ultimi temporis tot circiter diebus pascetur in solitudine à suis Pastoribus quot ipse Christus in carne prima Evangelij sui semina per Judæam & Galilæam sparsit. Cœpit enim ab anno ætat. 30. prædicare, & in anno 34. juxta veriore computum, est crucifixus. Undè prædicatio Christi, regnum & prædicatio Antichristi, prædicatio Eliæ & Henoch, & prædicatio Pastorum ad plebem in solitudinibus fugitivam, ejusdem ferè temporis erunt, id est, trium ferè annorum cum dimidio.

7. ET FACTVM EST PRÆLIVM MAGNVM. Inter duces & exercitus magnos, animis etiam & viribus magnis præliantes. **IN CÆLO.** Aëro, ubi antè v. 3. se draconem vidisse dicit.

Quidam interpretes recentiores cœlum istud aëreum, in quo versantur dæmones, dicunt solam infimam & mediam, non supremam aëris regionem comprehendere. Verùm cum quidam homines in altissimis montibus, etiam supra nubes, habitent aut transeant, spatium aëris dæmonibus à Deo circumconscriptum etiam ad supremam aëris regionem se extendit; ire enim dæmones possunt, quocumque homines ascendunt, quandoquidem ad exercitum hominum, extra inferni carcerem, usque ad finem sæculi vagari sinantur.

MICHAEL. Qui præsidet nunc Ecclesiæ, sicut olim præsidebat Synagoga. ET ANGELI EIVS. Milites ejus ex inferioribus Angelorum ordinibus, quos ex Dei ordinatione regnis, provinciis, civitatibus, & singulis hominibus præficit. Hi enim omnes sub ipso militant, in regenda Ecclesia, & procuranda salute electorum eum adjuvant. PRÆLIABANTVR CVM DRACONE. Lucifero ET DRACO PUGNABAT. Tanquam dux adversi exercitus. ET ANGELI EIVS. Mali Angeli milites ejus, quos in principio mundi, caudâ suâ de cœlo empyreo secum traxit.

Istâ visione imaginariâ ostensum fuit S. Ioanni hoc prælium in cœlo inferiori aëreo, ubi aëreæ potestates, & mundi rectores tenebrarum harum Ephes. 6. v. 12. habitant, ut in isto prælij simulacro intelligeret, acerrimum illud & extremum spirituale prælium, quod inter Angelos bonos & malos in fine mundi futurum est, cum Angeli mali, tam per se, quàm per Antichristum, ejusque satellites, Dei electos oppugnant, quos Michaël & Angeli boni ex adverso defendunt.

Videtur autem Spiritus S. etiam hæc alludere ad primum prælium, quod in principio mundi inter bonos & malos Angelos in cœlo empyreo commissum est; quasi dicat, quòd sicut olim in principio sæculi Michaël cum Angelis suis in supremo cœlo pugnavit adversus draconem Luciferum, & Angelos ejus; ita in fine sæculi in cœlo aëreo infimo iterùm pugnaturus sit; atque ita, sicut olim à summo cœlo ad infimum aëreum detrusus est; ita in fine à cœlo infimo ad terram quodammodò detrudetur, donec tandem post judicium universale ad imam inferni sub terra abyssum, qua non datur ultra, præcipitabitur.

Undè sensus illè, quò hic locus de primo prælio à multis exponitur, potest dici litteralis secundarius, ut v. 4. in simili dictum est. Aliàs enim primariò ad litteram de prælio in fine sæculi loquitur, ut benè notat S. Gregorius hom. 34. in Evang.

Quidam autem Theologi existimant, non eundem fore Michaëlem, qui in principio mundi de cœlo empyreo dejecit Luciferum, & qui in fine de cœlo aëreo deiciet in terram. Ille enim prior videtur fuisse de supremo ordine Seraphinorum, posterior verò de Archangelis aut Principatibus infimæ hierarchiæ, quorum officium est, Ecclesiam militantem gubernare, & curam gerere electorum. Unde etiam verisimile est, milites ejus ad hoc postremum prælium congregatos, ex Angelis Provinciarum & hominum custodibus fuisse, qui ad eandem infimam hierarchiam pertinent.

Cum

Cum autem Angeli nominibus proprijs careant, ut nuper dicebamus, nomen, *Michaël*, est quasi appellativum, & multis potest convenire, omnibus scilicet, qui causam Dei adversus superbos defendunt: *Michaël* enim, hebraicè significat, *Quis ut Deus?*

8. ET NON VALVERUNT. Non prævaluerunt draco & milites ejus adversus Michaëlem & Angelos ejus. NEQUE LOCUS INVENTUS EST EORVM AMPLIUS IN CÆLO. Neque locum amplius habuerunt in cælo: quando enim quis loco suo deicitur, non est amplius locus ejus. Sic etiam alibi loquitur Scriptura, *Quæres locum eius, & non invenies*, Psalm. 36. v. 10.

9. ET PROIECTVS EST DRACO ILLE MAGNVS. Olim in cælo magnis naturæ & gratiæ dotibus, nunc etiam magnus, quia *Rex super universos filios superbæ*, Iob. 41. v. ult. SERPENS ANTIQVVS. Qui antiquitus serpente instrumento usus, primos parentes, & totum genus humanum in peccatum & mortem impulit.

Hinc patet, quod directè ad litteram S. Ioannes non loquatur de primo prælio Michaëlis & draconis, quod accidit ante creationem hominis, & antequam diabolus esset serpens, multò minus esset serpens antiquus.

QVI VOCATUR, grecè videlicet, DIABOLVS. Calumniator: olim enim apud primos parentes impudenter calumniatus est Deum, quasi ex invidia prohibuisset ipsis fructum arboris scientiæ boni & mali, ne essent Deo similes. Deindè quotidie adhuc homines apud Deum accusat & calumniatur: non quod falsa de illis crimina Deo persuadere conetur (quem scit omnia scire) sed quando de peccatis, quæ dimissa esse nescit, justos tamen adhuc accusat. Vndè S. Augustinus serm. 8. de verb. D. Cum tu ipse fueris accusator, & Dominus liberator, quid ille nisi calumniator? ET SATANAS. Adversarius: quia à principio sæculi usque ad finem non cessat adversari hominibus, & circumeundo quærere, quem devoret. *Satanas* autem vox est Syriaca à radice hebræa, *satan*, quod adversari, seu, contrariari, significat. QVI SEDUCIT. Qui per se, vel per emissarios suos abducit, & errare facit homines extra viam justitiæ: UNIVERSVM ORBEM. Omnes homines adultos, qui pedes habent ad ambulandum in via virtutis aut vitiij. *Sic enim dixerimus, quoniam peccatum non habemus* &c. 1. Ioan. 1. v. 8. ET PROIECTVS EST IN TERRAM. Victus à Michaële è cælo aëreo in terram dejectus fuisse, à S. Joanne visus est, ut significaretur, quod à Sanctis & electis Dei, quos in cælo aëreo, tanquam terrâ sublimiores oppugnabat, sit abactus, & ad terrenos homines, quos possidet,

redactus, ut serpens terram suam ibi comedat: Gen. 3. v. 14. & pascatur terrenis eorum affectibus. ET ANGELI EIVS CVM ILLO MISSI SVNT. In terram: totus enim exercitus dæmonum cum duce suo in terram prostratus est.

10. ET AUDIVI VOCEM MAGNAM In magnæ lætitiæ signum. IN CÆLO. Angelorum enim & beatarum animarum vox erat. DICENTEM. Lætum hunc præana canentem, & victoriæ triumphum. Congratulantur enim Angeli saluti fratrum suorum, id est, civium futurorum, nunc autem peregrinorum, ait Beda. NVNC FACTA EST SALVS. Nunc per victoriam istam manifestata est salus, quâ Christus electos suos salute gratiæ in hac vita, & salute gloriæ in altera saluat. In Scriptura autem dicitur interdum aliquid fieri, quando in notitia hominum quodammodo generatur, & palam fit, licet antea reverà factum fuerit. ET VIRTVS. Potentia Gratiae. ET REGNUM DEI NOSTRI. Quo regnat in suis electis, quos subiectos & obediētes sibi facit, quidquid diabolus eos ab ipso alienare conetur. ET POTESTAS CHRISTI EIVS. Quam Christus erga electos suos ostendit, dum legem arduam, & fidem incomprehensibilem eis persuadet, quod omni miraculo est mirabilius, ait Carthus. QVIA PROIECTVS EST ACCVSATOR. Qui in peccata præcipitare, & de ijs accusabiles reddere non cessat, ut secum perdat in gehennam. FRATRVN NOSTRORVM. Electos adhuc in hac mortalitate peregrinantes vocant fratres suos, quia filij ejusdem patris adoptivi sunt, futuri hæredes Dei, & cohæredes ipsorum ac Christi. QVI ACCVSABAT ILLOS. Antequam victus esset. Diaboli autem accusatio nihil est aliud, quàm in malum præcipitatio, ait Haymo; tunc enim accusat, quando dignos accusatione reddit, non loquendo exterius, sed odiendo interiùs. Non enim tam stultus est, ut aliquod eorum peccatum Deo revelare conetur, quod ei occultum esse existimet. ANTE CONSPECTVM DEI NOSTRI. In cujus conspectum ilicò ascendunt iniquitates nostræ, simul atque committuntur. DIE AC NOCTE. Quo assiduitas significatur, quâ diabolus semper ad hominibus nocendum est intentus.

11. ET IPSI. Fratres nostri, quamvis adhuc in infirmitate carnis ambulantes. VICERVNT EVM. Non tamen viribus suis, sed PROPTER SANGVINEM AGNI. Per virtutem sanguinis Christi, quo occultè ungebantur, ut tanquam athletæ invicti, non succumberent adversario in hoc certamine. ET PROPTER VERBVM TESTIMONII SVI. Et per testificationem fidei, & nominis Christi, & quidem usque ad mortem & martyrium. Undè addit; ET NON DILEXERVNT

RVNT ANIMAS SVAS. Et oderunt vitam suam, eo scilicet sensu, quo Christus dicit: *Qui non odit animam suam, non potest meus esse discipulus*, Lucæ 14. vers. 26. Odio enim quodammodo habetur vita, quando contemnitur, & morti exponitur pro amore Christi. Est autem hæc figura Miosis, *non diligere*, pro, *odisse*, quâ minus dicitur, quàm significatur. **VSQVE AD MORTEM.** Etiam usque ad martyrium.

Inter causas victoriæ primò ponit sanguinem Agni, sive gratiam Christi, quâ interius ungentur & roborantur martyres: deinde ponit confessionem & testimonium fidei externum, quod à gratiâ interiori manat, usque ad mortem & martyrium.

12. PROPTEREA LÆTAMINI CÆLI. Propter istam electorum victoriam, vos cœli novâ lætitiæ luce gaudium vestrum testemini. Sic alias sæpè creaturæ insensibiles per prosopopœiam ad lætitiâ excitantur, quando lætiæ causa tanta est, ut creaturarum rationalium lætitiâ videatur excedere. Quali etiam prosopopœiâ Psal. 148. & in cantico trium puerorum Dan. 3. Sol & Luna, montes & colles &c. ad laudem & benedictionem Dei excitantur. **ET QVI HABITATIS IN EIS.** Vos quoque beatæ mentes Ecclesiæ triumphantis, quæ habitatis in cælestibus, aut Sancti Ecclesiæ militantis, quorum conversatio est in cœlis, lætamini. **VÆ TERRÆ ET MARI.** E contra verò luctus, & horror hominibus terrestribus, qui affectu terræ, insulis maris, & mari adhærent, in quibus negotiantur, & lucra ac voluptates suas venantur. **QVIA DESCENDIT DIABOLVS AD VOS.** Profectus in terram & mare à Michaële & Angelis ejus. **HABENS IRAM MAGNAM.** In vos paratam, ut quandoquidem ex cœlo, & animabus cœlestis conversationis sit ejectus, vos saltem terrenos homines ad plura & majora scelera, & profundiorē damnationem pertrahat. **SCIENS QVOD MODICVM TEMPVS HABET.** Ex Scripturis sanctis, & signis jam præteritis intelligens, parum temporis ad nocendum hominibus sibi restare usque ad finem sæculi, & iudicium universale, idèque brevitatem temporis magnitudine iræ, & acerbitate odij compensare festinat.

13. ET POSTQVAM VIDIT DRACO, QVOD PROIECTVS ESSET IN TERRAM. Non tamen animo fractus, nec iram adversus victores Ecclesiæ filios abiciens. **PERSECVTVS EST MVLIEREM.** Ecclesiam, & multitudinem fidelium ex bonis & malis permixtam: inexplicabili enim astu diabolus Ecclesiam impugnans, quantò plus deijcitur, tanto magis persequitur, ait Beda. Undè spiritus immundus ejectus ex homine,

homine, assumit alios septem nequiores se, & revertitur undè exiit, Lucæ 11. v. 24. Imò postquàm diabolus Christum ipsum frustra tentasset, non abiecit animum iterùm revertendi, ut notat Carth. nam consummata omni tentatione, ait Lucas, *diabolus recessit ab illo usque ad tempus*, Lucæ 4. v. 13.

14. ET DATÆ SVNT MULIERI. A Spiritu S. per cuius sapientiam plumescit accipiter, &c. ad cuius præceptum elevatur aquila, & in arduis ponit nidum suum, Job. 39. v. 26. & 27. ALÆ DVÆ AQVILÆ MAGNÆ. Ut celerius & sublimius persequentem se draconem effugeret.

Servatur autem decor & proportio, dum mulieri alæ magnæ aptantur, quæ si in avem mutaretur, magna profectò ellet avis, & magnis alis indigeret.

Hac porrò imagine mulieris volantis significatur, quod Ecclesia Spiritus S. instinctu cum suis Pastoribus, ut v. 6. dictum est celeri fugâ, ad evadendam diaboli & Antichristi sævissi nam omnium persecutionem, fugiet in solitudines & deserta. Undè duæ istæ alæ possunt dici esse amor & timor: amor Christianæ Religionis, & timor amittendi aliquos ex infirmioribus suis membris. His enim duabus de causis tanquam alis, Ecclesia ad illam fugam incitabitur.

Alij, duas alas, vitam activam & contemplativam, aut duo Testamenta interpretantur, aliæque dicunt, quæ non satis huic loco videntur convenire.

UT VOLARET IN DESERTVM. Ut per solitudines, sylvas, & montes dispersa, persecutionem effugeret, ut v. 6. diximus.

Mysticè autem Spiritus S. dat animabus sanctis duas alas, ut extra turbida hujus mundi, in solitudinem mentis avolent: *Ecce elongavi fugiens, & mansi in solitudine*, Psal. 54. v. 8. Quæ nunc alæ columbæ, propter donum Spiritus S. nunc alæ aquilæ, propter excessum volatum, dicuntur, inquit Beda, quas sibi dari, ut extra regni & sæculi curas evolaret, optans Rex David; *Quis dabit mihi pennas*, inquit, *sicut columbæ, & volabo, & requiescam*, Psal. eod. v. 7.

Pennæ verò aquilæ sunt, quibus ad præceptum Dei elevatur aquila Job. 39. v. 27. dum missionibus divinis obtemperans, in supernis suspenditur fidelium vita, ait ibi S. Gregorius. Quod speciale specimen & signum electorum esse solet, inquit, dum cuncta, quæ præterfluunt, sub se esse vident, atque omne, quod in mundo enimet, amor æternitatis calcant: & huc refert illud Isa. 58. v. ult. *Tunc delestaberis super Domino, & sustollam te super altitudines terræ*. Altitudines enim terræ, sunt divitiæ, honores, & dignitates, quæ quisquis per ima desideria

deria incedit, alta esse æstimat, ait S. Gregorius; sed si semel in caelestibus cor figitur, mox, quàm abjecta sunt cernitur.

IN LOCVM SVVM. Quem habebat paratum à Deo, ut v. 6. diximus. UBI ALITVM. Spiritualiter & corporaliter à suis Pastoribus, ut eod v. diximus. PER TEMPVS, ET TEMPORA, ET DIMIDIVM TEMPO-
RIS. Per annum unum & annos duos cum dimidio: ita enim interpretatur S. Hieronymus Dan. 7. v. 25. & patet supra Apoc. 12. v. 6. ubi S. Joannes resolvit totum istud tempus in dies 1260. qui tres circiter annos cum dimidio conficiunt: & licet græcè, *tempora*, plurali num. non duali S. Joannes hîc expresserit; in Hebræo tamen sive Chaldæo apud Danielem num. duali vox illa exprimitur, ut S. Hieronymus, & post eum S. Augustinus lib. 20. cap. 23. Civ. fatentur, ut per eam duo tempora, sive duo anni notentur.

S. Joannes tamen in num. plurali hîc exprimit, sed Græci sæpè num. plurali pro duali utuntur, quia vetustissimi inter Græcos tantum duos numeros, singularem & pluralem habebant, & postea, ex imitatione Hebræorum, dualem addiderunt, ut Diomedes Grammaticus testatur; licet veterem morem utendi plurali pro duali, nonnumquam retineant. Quod Latini etiam generaliter servant, quibus numerum dualem in linguam suam recipere non placuit.

A FACIE SERPENTIS. Longè remota ab aspectu draconis, sive Antichristi, in quo serpens diabolus, tanquam in organo suo principali habitat.

15. ET MISIT SERPENS EX ORE SVO. Per imperium oris sui. Serpentem vocat, quem draconem ante appellavit, quia droco est species serpentis, & deinde quia diabolus Antichristi inhabitator, est serpens ille antiquus, ut v. 9. dixit. POST MVLIEREM. Fugientem & avolantem in desertum. AQVAM TANQVAM FLVMEN. Celeres instar rapidi fluminis aut torrentis militum persequentium turmas: flumina enim, torrentes, & fluctus aquarum sæpè in Scriptura vim persecutionum & inundantium malorum significant: *Ita ad gentem conculcatam, cuius diripuerunt flumina terram eius, Isa. 18. v. 2. Torrentem pertransiit anima nostra &c, Psal. 123. Omnes fluctus tuos induxisti super me, Psal. 87. UREAM FAERET TRAHİ A FLVMINE.* Ut Ecclesiæ fugientis multitudinem militari illa manu ex fuga retraheret, & malis ac morte afficeret.

Hæc autem, extremi temporis historia sub imagine serpentis aut draconis magni ex ore suo vomentis flumen aptè representata est S. Joanni, quia sunt quidam marini dracones & balenæ quæ ore aut naribus fistulis integra quasi flumina exspuunt. Talis est draco ille, de quo

quo Ps. 103. *Draco iste* (Hebr. *Leviathan*) *quem formasti ad illudendum ei*: hic enim draco marinus est tam stupendæ magnitudinis, ut montem totum, & quandoque integram insulam adæquet. Hinc Isaias appositi ad nostrum Apoc. locum, vocat *Leviathan, serpentem tortuosum*, Isaiæ 27. v. 10. in qua serpentis tortuosi imagine, diabolus, uti hoc loco, figuratur.

16. ET ADIVIT TERRA MULIEREM. Quod nisi fecisset, flumen illud fugientem facile assequi potuisset, quia Ecclesia cum parvulis & senioribus suis fugiens, equitatem Antichristi persequentem effugere non potuisset. Nam licet celeriter, quantum fieri poterat, & aquilæ alis in desertum volaret, equi tamen militum Antichristi velocioribus erunt aquilis, ut de Chaldæorum equis loquitur Ieremias cap. 4. v. 13. ET APERUIT TERRA OS SVVM. Hiatus grandem sub pedibus persequentium, Angelo aliquo ad Dei imperium terram findente & aperiente. ET ABSORBEVIT FLYMEN. Equites & milites Antichristi hiatu suo absorbit, ut olim absorpti sunt Dathan & Abiron, Num. 16. Quo miraculo in rebus tam anxijis valde confirmabuntur fideles, videntes Deum tantâ evidentia pro se pugnare.

Multi varios alios sensus hîc sibi fingunt, sed iste videtur esse maxime literalis.

17. ET IRATVS EST DRACO IN MULIEREM. Ubi eam effigisse, & exercitum suum terræ hiatu absorptum intellexit: timens tamen alios submittere, ne simile quid etiam ipsis accideret, ABIIT FACERE PRÆLIVM. Ut vi & tormentis fidem & constantiam eorum expugnaret. CVM RELIQUIS DE SEMINE EIVS. Cum reliquis Ecclesiæ filijs, qui fugere noluerant, sed ducibus Eliâ & Henoch in media persecutionis tempestate, contra ministros Antichristi, prædicatione & miraculis pugnantes remanserant. QVI CVSTODIVNT MANDATA DEI. Qui per excellentiam sunt intrepidi custodes mandatorum Dei, jubentis pro fide & iustitia agonizare usque ad mortem. ET HABENT TESTIMONIUM IESV CHRISTI. Qui opere externo testantur se esse milites Christi, & veluti insignia militiæ ejus gestare, quæ sunt stigmata, vulnera, mortes, inter quas nomen & fidem ejus tam impavidè defendunt.

18. ET STETIT draco SVPER ARENAM MARIS. In littore maris arenoso, expectans bestiam è mari ascensuram cap. seq. v. 1. ut ei virtutem & potestatem suam largiatur, ibid. v. 2.

Multi Græci legunt: *Et steti super arenam maris*; quo modo etiam vertit Erasmus: ut S. Ioannes dicat se visione imaginariâ constitutum fuisse

fuisse in littore maris, ut videret è mari bestiam ascendentem, quæ proximè sequetur. Unde Aretas, Erasmus & alij ab hoc v. ult. inchoant caput sequens.

Myſtice autem diabolus ſtat ſuper arenam maris, quando in cordibus bonorum operum ſterilibus, fluxis, & inconstantibus (qualis eſt arena maris) habitat, & libenter requieſcit. Et quia loco frugiferarum arborum arena littoralis calamos arundinum & juncorum frequenter gignit; hinc apud Jobum draco ſub umbra in ſecreto calami, & in locis humentibus dormire dicitur, Job. 40. v. 16. Per calamos autem ſæculares homines deſignantur, ait S. Greg. qui more calami intus ſunt per ſacritatem vacui, ſed foris per ſpeciem & oſtentionem pulchri. Per loca verò humentia, lubricitas & humor carnis ſignificatur. Unde duo vitia tanguntur, quæ humano generi, inquit S. Greg. immaniter dominantur, unum ſpiritus, alterum carnis: elatio ſpiritus erigit, luxuria carnem corrumpit.

CAPVT XIII.

SYNOPSIS CAPITIS.

S. Ioannes videt beſtiam monſtroſiſſimam aſcendentem de mari, cui draco dat virtutem ſuam. Caput unum beſtiæ quaſi occiſum ſanatur. Beſtia cum Sanctis bellum facit, & eam adorant omnes, qui non ſunt ſcripti in libro vitæ Agni. Hac beſtia ignem de cælo deſcendere, & ſigna magna facit. Numerus autem nominis beſtiæ prioris & principalis eſt ſexcenti ſexaginta ſex.

Verſ. I.

ET VIDI DE MARI BESTIAM. Vox græca, feram beſtiam, ſignificat. ASCIDENTEM. Emergentem ex mari in littus juxta draconem, qui ſuper arenam littoris ſtabat.

Sicut res eadem varijs hieroglyphicis & figuris repræſentari poteſt; ita Antichriſtus, qui paulò ante figuratus fuit in corpore draconis, capitibus 7. & cornibus 10. armato, quod à diabolo illud inhabitante, tanquam instrumentum, regebatur: in alio jam monſtro marino deſtingitur, quod in aliquibus cum dracone conſentit, in alijs diſſimile eſt.

Per hunc verò aſcenſum è mari, quidam ſuſpiciantur ſignificari,

quod Antichristus ingenti ex insulis maris & terris remotis collecto exercitu; classe adventurus sit navali, ut regiones mediterraneas inundet & obruat.

HABENTEM CAPITA SEPTEM. Septem reges sibi adherentes, qui ultrò se ipsi subdiderunt, ut Apoc. 12. v. 3. dictum est. Simili modo per quatuor capita Pardi, repræsentati sunt quatuor reges, Antipater rex Macedoniæ, Antigonus rex Asiæ, Seleucus rex Syriæ, Ptolomæus rex Ægypti, in quos regnum Alexandri Magni divisum est, Dan. 7. v. 6. **ET CORNVA DECEM.** Regna decem, quia trium etiam regum, quos interfecit, regna, præter septem, quæ ultrò se ei subijcient, imperio suo adjunget Antichristus, ut Apoc. 12. v. 3. narravimus. **ET SUPER CORNVA EIVS DECEM DIADEMATA.** Quæ sunt insignia decem regnorum, quorum se regem faciet.

Dracotamen Apoc. 12. v. 3. habet tantum septem diademata in septem capitibus, non in cornibus decem; ad significandum, quod solum septem reges cum diadematis suis accessuri sint draconi in Antichristo: ipse verò Antichristus regijs suis insignijs postea eos exuet, & decem cornuum, id est, regnorum diademata sibi imponet.

ET SUPER CAPITA EIVS. Quæ sunt 7. capita regum, qui cum eo coalescent, tanquam quidam exercituum ejus duces. **NOMINA BLASPHEMIÆ.** Adeo illi 7. reges in Deum & Sanctos ejus blasphemi, & similes Antichristo erunt, ut loco 7. diadematum sibi ab Antichristo ademptorum, gestare in capitibus suis videantur inscripta nomina horrendarum blasphemiarum, quibus Christi & Sanctorum inimicitiam testentur, & de ea gloriantur.

2. ET BESTIA, QUAM VIDI, SIMILIS ERAT PARDUS, Pectore scilicet & corpore reliquo, exceptis pedibus, & oris rictu, ut mox dicet. Est autem pardus maculosus, ferocissimus, & velocissimus animal, cujus femina, Panthæra, id est, tota effera vocatur. Unde per pardum repræsentatus est Alexander Magnus Dan. 7. v. 6. qui incredibili velocitate 6. annorum spatio Syriam, Palestinam, Ægyptum, & universionem Asiam usque ad Indum sibi subjecit, immentos terrarum tractus victorij potius, quam bellis percurrrens. Similis autem in Antichristo, & major bellandi & subjugandi celeritas, & ferocia: maculosus etiam erit instar pardi, hoc est, varius & versipellis, in omnes formas se transformans, ut homines decipere, & ad suam religionem perducere possit. Deinde varius propter gentes ex toto orbe varias & permixtas, quas secum in exercitibus suis trahet. Et

PEDES

ET PEDES EIVS SICVT PEDES VRSI. Fortissimos pedes, & validissima brachia ursi habent, quibus adversus tauros & apros pugnant, ut Arist. lib. 8. hist. animal. cap. 5. narrat: undè robur & potentia Antichristi significatur. Incedit etiam ursus duobus pedibus more humano, & hominem se simulat, cùm sit bestia, & fera pessima. Sic feritatem suam humanis moribus interdum teget Antichristus, ut simplices decipiat. **ET OS EIVS, SICVT OS LEONIS.** Horribilis autem est rictus oris leonini, & dentes oris, quibus omnia dilaniat. Undè quia caput leoni validissimum, urso debilissimum est, pedes vero robustissimi; idè ex duabus istis feris bestiis, quod fortissimum est, eligitur, & datur Antichristo, ut in corpore pardi maculoso, diversitas gentium, quibus constabit exercitus ejus: in pedibus verò ursinis, & ore ac capite leonino robur ejusdem exercitus significetur. Hinc patet, in Antichristi regno & potentiâ futurum, quidquid olim in regno Chaldæorum, Persarum, & Græcorum præcipuum fuit; nam regnum Chaldæorum leonæ, Persarum urso, Græcorum pardo comparatur Dan. 7. v. 4. 5. & 6. **ET DEDIT ILLI BRACO.** Dei providentiâ majorem tunc diabolo licentiam, quam unquam antea permittente. **VIRTUTEM SVAM.** Totam potentiam suam, quantum homini mortali à diabolo communicari potest, ad expugnandam armis, tormentis, dolis, præstigijs, & falsis miraculis, totam, si fieri posset, Christi religionem: nam adventus Antichristi erit secundum operationem satana in omni virtute & signis, & prodigijs mendacibus, 2. ad Thes. 2. v. 9. **ET POTESTATEM MAGNAM.** Vox græca significat potestatem, & auctoritatem jurisdictionis, quâ Antichristus latissime imperabit, & dominabitur in toto orbe:

3. **ET VIDI VNVM DE CAPITIBVS SVIS.** Aliquem de 7. regibus, qui ei militant, & quorum regna suo imperio incorporavit Antichristus. **QVASI OCCISVM IN MORTEM.** Vulnere mortifero sauciatum, & in prælio aliquo fortasse inter cadavera pro mortuo relictum. Undè Antichristus, ut ostendat se Messiam, nec Christo inferiorem, diaboli instinctu arripit occasionem parandi miraculum, & regem illum velut excitandi à mortuis. Nam verè mortuum excitare, solius est divinæ potestatis. **ET PLAGA MORTIS EIVS CVRATA EST.** Vulnus lethale virtutè drabolicâ sanatum est per Antichristum. Sicut enim Medici vim vulneris lethalis aliquando impediunt, ne usq; ad mortem perveniat; ita etiam hoc multò magis potest diabolus. Quâ etiam virtutè Imp. Vespasianus Alexandriæ cæcum illito oculorum orbibus oris excremento illuminavit, ut lib. 4. histor. narrat

Tacitus. Quod consilio & ope Apollonij Thianzi principis Magonum, qui tunc Vespasiano aderat, factum fuisse existimat Baronius.

Beda, Haymo, Richar. & alij non pauci putant, Antichristum ipsum simulaturum, se occisum & mortuum esse, & tertiâ die resurrectorum, ut se in hoc etiam Christo Domino æqualem faciat. Verum S. Ioannes non dicit se vidisse bestiam quasi occisam, sed vidisse unum de capitibus ejus.

Videtur etiam falsum, quod quidam recentiores aiunt, illud caput fuisse caput Antichristi, tanquam principale, & cæteris capitibus majus, sex verò reliqua esse capita regum, qui se illi subdiderunt. Nam non tantum sex, sed septem erunt reges, qui ultro se & sua regna illi subijcient, ut Apoc. 12. v. 3. diximus.

ET ADMIRATA EST. Tam divinum, ut putabant, curationis & resurrectionis miraculum. UNIVERSA TERRA POST BESTIAM. Omnes homines terreni & reprobi, qui sequebantur bestiam.

4. ET ADORAVERUNT DRACONEM, Diabolum, tanquam Deum. QUI DEDIT POTESTATEM BESTIÆ. Divinam illam, ut credebant, potestatem sanandi & suscitandi caput occisum: ex ista enim potestate falsò colligebant, draconem esse Deum. ET ADORAVERUNT BESTIAM. Et etiam Antichristum, tanquam alterum numen, adoraverunt, propter potestatem illam à dracone acceptam. Ipse etiam Antichristus vocabit se filium Dei, & in templo Dei sedebit, ostendens se, tanquam sit Deus, 2. ad Thess. 2. v. 4. DICENTES, QVIS SIMILIS BESTIÆ. Quis potestate patrandi mirabilia assimilari potest duci & Messie nostro? Licet enim S. Joannes, *bestiam*, appellet; ipsi tamen non *bestiam*, sed Messiam suum, aut proprio suo nomine eum vocabunt. ET QVIS POTERIT PUGNARE CVM EA. Pugnando ei resistere; cum etiam occisos suos milites possit ad vitam revocare, ut iterum pugnent.

5. ET DATVM EST EI OS LOQVENS MAGNA. Concessa est Antichristo potestas loquendi, & jactandi de se magna & ingentia: de potentia sua bellica, de virtute miraculorum, de æqualitate, imò excellentiâ supra Deum, quem Christiani colunt: extollet se enim supra omne quod dicitur Deus aut colitur 2. Thes. 2. v. 4.

Hinc patet, quàm nugatoriè sectarij nostri temporis contendant, Rom. Pontificem esse Antichristum de quo S. Joannes & S. Paulus loquitur: cum Pontifex non jactet & effrat se supra Deum, sed servum ejus, imo servum servorum ejus se esse fateatur.

Et

ET BLASPHEMIAS. In Deum, Christum & Sanctos ejus. Quod iterum in Rom. Pontificem nullâ ratione quadrat, qui Deum & Sanctos ejus, honorat, non blasphemat. **ET DATA EST EI POTESTAS FACERE.** Faciendi & patrandi quidlibet, more supremorum & malorum principum, qui pro voluntate & libidine sua omnia, nemine resistente, in subditos suos perpetrant. **MENSES QUADRAGINTA DVOS.** Tres annos cum dimidio, sive, per tempus & tempora & dimidium temporis, sicut expressit Dan. 7. v. 25.

Sub his autem tribus annis cum dimidio regni Antichristi non comprehenditur tempus bellorum ejus, quo orbem terrarum sibi subijciat, sed solum tempus regni pacifici, quo prædicatione, miraculis falsis & tormentis, tam per se, quàm per ministros suos, fidem Christi conabitur extirpare, ut post Berengandum rectè notat Carthusianus.

6. ET APERVIT OS SVVM. Ex destinato, & purâ nequitia; & intentione blasphemandi. **IN BLASPHEMIAS AD DEVM.** Contra Deum. **BLASPHEMARE NOMEN EIVS.** Blasphemando auctoritatem Dei, quem infra se deprimere conabitur. **ET TABERNACVLVM EIVS.** Et blasphemando Ecclesiam ejus, quæ in terra adhuc militat. Per tabernaculum enim illud portatile, quod 40. annis cum filiis Israël per desertam Arabiæ ambulavit, figurata est Ecclesia electorum, quæ ambulat in terris. Undè sicut illud postea plantatum est in terra promissionis, & denique conversum in templum Salomonis: ita tabernaculum Ecclesiæ ambulantis figetur, & requiescet in cælis. Undè S. Joannes vidit postea tabernaculum Dei cum hominibus in cælo, Apoc. 21. 3.

Per, *tabernaculum*, tamen hoc loco Christi carnem, & Humanitatem intelligi putat Haymo, quam Antichristus blasphemabit, negans Deum in ea carne habitasse, nec divinâ, sed diabolicâ virtute miracula olim patrasse: se autem verum Christum, & Deum ab omnibus adorandum esse.

ET EOS, QUI IN CÆLO HABITANT. Blasphemabit quoque beatos, qui in cælo sunt, ut Apostolos, & Christi discipulos, dicens eos Pseudo-Apostolos Antichristi fuisse, & ante se nullum Christianum, sed omnes Antichristos extitisse, ait Haymo.

7. ET EST DATVM ILLI. Providentia divina dicitur dare malis hominibus potestatem, quando eam relaxat, & in effectum exire permittit. **BELLVM FACERE CVM SANCTIS.** Persequendo & excruciendo. **ET VINCERE EOS.** Occidendo, & subijciendo sibi corpus, non

non animas eorum: unde *vincere*, exposuit per, *occidere*, S. Ioannes supra Apoc. 11. v. 7. ET DATA EST ILLI POTESTAS IN OMNEM TRIBUM. Familiam & cognationem. ET POPULUM. Quod latius patet, quàm tribus. ET LINGVAM. Quæ adhuc latius patere solet, quàm populus. ET GENTEM, Et denique in omnem mundi nationem: erit enim Antichristus Rex unicus, & Monarcha totius orbis.

8. ET ADORAVERVNT EAM Bestiam tanquam Regem, Christum, & Deum suum. OMNES QUI INHABITANT TERRAM. Omnes, qui non solum corpore, sed etiam animo in terra habitant, & rebus terrenis inhærent. Mali enim homines p. r dilectionem inhabitant terram & mundum, & ideo dilectores mundi vocantur mundus, ait S. Augustinus tract. 4. in Epist. Joan. Vel certe, ex omnibus populis, qui inhabitant terram, aliqui, & maior pars adoraverunt bestiam: pauci enim erunt, qui non adorabunt, sicut numero reproborum comparentur. QUORUM NON SVNT SCRIPTA NOMINA. Per decretum æternæ prædestinationis. IN LIBRO VITÆ AGNI. In libro Christi, in quo tantum illi scribuntur, qui ad vitam æternam sunt prædestinati. Liber autem iste est Agni, ratione Divinitatis, inquit Lyranus. QVÆ OCCISVS EST. Qui tanquam Agnus Paschalis in Paschate occisus est à Judæis suis, non eum manducantibus, sed crucifigentibus.

Librum vitæ contraponit occisioni Agni, ut vitam electorum ex morte & Sanguine Agni manasse insinuet.

AB ORIGINE MUNDI. Quorum nomina, inquam, non sunt scripta ab origine mundi, sicut scripta sunt nomina electorum. Videtur enim hic esse hyperbaton, seu transpositio verborum quæ recto ordine sic sunt ordinanda: *Quorum non sunt scripta nomina ab origine mundi in libro vitæ Agni, qui occisus est*; quomodo Beda, Aretas, Haymo, Rupertus, & alij ordinant. Nam ipse S. Ioannes infra Apoc. 17. v. 8, eadem verba sic ordinat, sine ullo hyperbato.

Dicitur autem aliquid factum ab origine, vel à constitutione mundi (Græcè ubique à *fundatione*) quod ab omni retrò tempore fuit, imò jam erat, quando iacta sunt prima fundamenta mundi: unde idem valet, ac, *ab æterno*. Quod ut expressius significetur, dicitur alibi, *ante constitutionem mundi*, ut Joan. 17. v. 24. ad Ephes. 1. v. 4.

Alij tamen, servato ordine verborum, dicunt Agnum occisum ab origine mundi, quia virtus sanguinis ejus retrò quasi resperfa est, usque ad originem mundi, quando primi parentes merito Sanguinis Agni, à suo peccato mundati sunt. *Non enim aliud nomen est sub celo datum hominibus, in quo oporteat nos salvos fieri* Act. 4. v. 12. Aut sicut S.

Thomas

Thomas 3. p. q. 83. art. 1. Agnus occisus est ab origine mundi in figuris & sacrificijs legis naturæ ac V. Testamenti, ut in sacrificio Abelis, & homicidio quo occisus est à fratre suo, &c.

9. SI QVIS HABET AUREM. Cordis, ad intelligendum occulta. AUDIAT. Attendat ad ea, quæ jam dicam, & seipsum consoletur.

10. QVI IN CAPTIVITATEM DVXERIT. Antichristus, & exercitus ejus, qui jam fideles tam atrociter persequitur, & captivos in mortem abducit. IN CAPTIVITATEM VADET. Ipsemet brevi à Christo capietur, & suorum scelerum pœnas dabit. QVI IN GLADIO OCCIDERIT. Veluti Antichristus Eliam & Henoch, & alios innumeros sanctos gladio, & omni genere mortis occidet. *In gladio*, more Hæbreorum dicit, qui præpositionem ponunt ante ablativum instrumenti. OPORTET EVM GLADIO OCCIDI. Ex Dei decreto oportet, ut gladio illo ancipiti, qui exit de ore Christi, Apoc. 1. v. 16. id est, sententiâ mortis corporalis & æternæ brevi occidatur. Non enim gladio materiali occidetur Antichristus, sed *Dominus Iesus eum interficiet spiritu oris sui* 2. ad Thess. 2. v. 8. Ad verbum enim Christi terra dehiscet, & bestiam cum suo pseudopropheta deglutiet, ut vivi in stagnum ignis, seu ad inferos mittantur, Apoc. 19. v. 20. HIC EST PATIENTIA. Hoc tempore exercenda est tantisper patientia. Adverbium, *hic*, videtur potius ad tempus, quàm ad locum spectare, nam græcum adverbium, *ἐν τῷ*, solet interdum pro, *nunc*, usurpari. ET FIDES SANCTORVM. Hoc etiam tempore fides Sanctorum constans manere debet, quâ credant instare malorum suorum finem, & appropinquare iudicium, in quo sancti præmia æterna, reprobis æternas pœnas recipient; ut hac spe tribulationes præsentis vitæ resistentes fortius & animosius tolerant.

11. ET VIDI ALIAM BESTIAM. Insignem pseudo prophetam prioris bestię seu Antichristi armigerum, ut S. Irenæus lib. 5. c. 28. cum appellat. ASCENDENTEM DE TERRA. Surgentem, & instar fungi subito nascentem è terra. Quo obscuritas natalium ejus fortasse indicatur: nam homines obscuri & ignobiles, solent terræ filij appellari. Deindè bestię minores & minus monstruosa è terra, quàm è mari nascuntur; ideoque hæc bestia è terra, prior verò major & monstruosior dicitur è mari supra v. 1. non è terra, ascendiss. Vel denique ex provinciâ aliquâ mediterrancâ, instinctu demonis, ad Antichristum veniet ille Pseudo-propheta, non classe navali ad terram sanctam appellet, sicut Antichristus.

D d

Veluti

Veluti autem diabolus olim magos Ægypti, ad patranda miracula, & portenta, Moyfi & Aaroni opposuit: ita in fine sæculi hunc pseudopphetam, & magorum principem opponet Eliæ & Henoch, ut vera eorum miracula falsis miraculis eludat.

ET HABEBAT CORNUA DVO. Per quæ potestas ejus significatur. SIMILIA AGNI. Cernibus Agni similia. Nam Agni grandisculi parva quædam cornua interdum habent, quibus inter se ludunt, blandèque coniscant, ut loquitur Lucretius. Sic bestia ista tota blanda, clemens, & innocens, ut agnus, esse videbitur. Nec potestate armata, & sævo imperio, sicut bestia prior, homines sibi subijciat, sed simulatione sanctitatis, & operationis miraculorum eorum animos alliciet, & ad Antichristi religionem pertrahet. Undè de hac bestia prædicit Dominus, inquit Beda, *Attendite à falsis prophetis, qui veniunt ad vos in vestimentis ovium* &c. Matth. 7. v. 15. Undè sequitur, ET LOQUEBATUR, SICUT DRACO. Licet cornibus & vestimento similis esset Agno, loquebatur tamen, & respirabat plena veneno pestifero, sicuti dracones afflare homines solent. Aut certè, loquebatur sicut draco, & serpens ille antiquus, qui matrem nostram Euam alloquendo, halitu pestilentem eam, & totam posteritatem infecit.

12. ET POTESTATEM PRIORIS BESTIÆ. Quæ ascendit de mari, sive Antichristi. OMNEM FACIEBAT. Omnia miracula eadem, quæ Antichristus, potestate à dracone sibi datâ, facere solitus erat, etiam hæc secunda bestia faciebat. IN CONSPECTU EIVS. In præsentia Antichristi. Ostendet enim illum digito hominibus, ut olim Joannes Bap. Christum, & dicet se ab eo potestatem miraculorum accepisse, & se illa patrare in testimonium veritatis, quoddam hic sit verè Christus. ET FECIT TERRAM. S. Joannes mox explicat, quid terra, significet. ET HABITANTES IN EA. Hoc est, homines terrenos & reprobos, qui corpore & animo habitant in terra. Particula, &, non copulativè, sed exegeticè, seu explanativè accipitur. ADORARE BESTIAM PRIMAM. Antichristum. Prostrati enim corpore & animâ, illum adorabunt, & in ipso damnato homine diabolus habitantem, inquit Haymo. CUIUS CURATA EST PLAGA MORTIS. Cujus vulnus lethale in uno ejus capite sanatum fuisse, suprà v. 3. narravimus. Addit hanc particulam S. Joannes, ne quis per primam bestiam intelligat draconem, sed bestiam quæ ascendit de mari, suprà v. 1.

Quidam hinc colligunt, caput illud quasi occisum in mortem, fuisse principale Antichristi caput, & proinde non unum ex 7. regibus ab Antichristo fuisse sanatum, sed Antichristum excitasse seipsum velut à mortuis: sed hoc v. 3. rejecimus.

Dicit

Dicit ergo hic S. Ioannes, bestię primę, sive Antichristi, plagam mortis curatam, quia caput illius regis representatum sancto Joanni fuit, tanquam infixum corpori bestię, adeo ut plaga ejus ad bestiam seu Antichristum pertinere dici potuerit.

13. ET FECIT SIGNA MAGNA. Miracula magna, secundum apparentiam externam, & hominum opinionem. UT ETIAM IGNEM FACERET DE CŒLO DESCENDERE IN TERRAM. Quod pro maximo, & planè divino miraculo homines habere solent; quod enim de cœlo, quod est Dei thronus, venit, à Deo venire certò putant. Unde Pharisei quærunt à Domino signum de cœlo, tentantes eum, Marci 8. v. 11. Sic olim ignem de cœlo evocavit Elias, 4. Reg. 1. v. 10. & extremo hoc mundi tempore idem Elias, ad verę fidei confirmationem, simile quid facturus est, ut Apo. 11. v. 5. dictum. Undè pseudopropheta Antichristi volet illum imitari, sicut magi Egypti miracula Moyſis imitati sunt. Sed ignis, quem virtute divinâ Elias de cœlo evocabit, devorabit inimicos ejus, Apoc. 11. v. 5. Non ille ignis, quem pseudopropheta arte magicâ faciet descendere. IN CONSPECTV HOMINVM. Coram multitudine sequacium Antichristi, ad ostentationem, & enervandam fidem verorum miraculorum Elię & Henoch.

Quidam PP. ut S. Ephrem, Hyppolitus, Methodius, &c. varia alia Antichristi, & hujus secundę bestię miracula, ex conjecturis verisimilibus recensent: ut quod mare sicco vestigio calcabit, fluminum cursus sistet, Solem & Lunam in tenebras convertet, montes transferet, per aërem volabit: & denique sic aget, quasi omnibus elementis ad nutum imperare possit.

14. ET SEDUXIT HABITANTES IN TERRA. Loquitur in præterito de rebus futuris propter certitudinem eventus; tam certò enim futura videbat, quàm si jam essent. PROPTER SIGNA. Quę illi credent esse vera miracula, ideoque à Christo ad Antichristum deficient. Tunc enim, si unquam aliàs, verum erit, quod prædixit Christus: *Surgent pseudochristi* (qualis erit maximè Antichristus) & *pseudopropheta* (qualis iste pseudopropheta Antichristi) & *dabunt signa magna, & prodigia, ut ne in errorem inducantur* (si fieri potest) etiam electi, Matt. 24. v. 24. QUÆ DATA SVNT ILLI FACERE. Quę Deus permisit facere. Permittet autem tunc plura & majora, quàm unquam antea à principio mundi. IN CONSPECTV BESTIÆ. Coram Antichristo, ad ejus gloriam, & religionis ejus propagationem. DICENS HABITANTIBVS IN TERRA. Quos jam seduxit. UT FACIANT IMAGINEM BESTIÆ. Ut jubeant sculpi imaginem & simulacrum Antichristi, tanquam Dei. QVÆ

HABET PLAGAM GLADII. Quæ gladio lethaliter in uno suo capite vulnerata fuit, cicatricemque adhuc gerit. ET VIXIT. Et revixit in illo suo capite, quod bestia ipsa sanavit, & tanquam occisum ad vitam revocavit. Propter illud enim miraculum volet pseudopropheta Antichristum haberi pro Deo, & ei imaginem, tanquam Deo, fabricari.

15. ET DATUM EST ILLI. Postquam imago, seu statua fabricata fuit. UT DARET SPIRITUM IMAGINI BESTIÆ. Ut arte magica advocando demonem, qui imaginem subiret, quodammodo eam spiritu animaret. ET UT LOQUATUR IMAGO BESTIÆ. Dando responsa, & oracula hominibus, ut olim demon per ora statuarum quandoque loquebatur, aut sicuti per linguam serpentis allocutus est Evam, Gen. 3. v. 1. ET FACIAT. Et datum etiam est ei, ut per edictum publicum faciat. UT QUIVUMQUE NON ADORAVERINT IMAGINEM BESTIÆ. Verisimile autem est, hoc edictum de adoranda Antichristi, tanquam Dei, imagine, publicandum esse non tantum in civitate regni Antichristi, sed in toto ejus Imperio, ac terrarum orbe: unde in singulis civitatibus tales imagines ad adorandum collocabuntur. Quia enim Antichristus non ubique præsens esse poterit, volet tamen ubique in suis saltem imaginibus adorari. OCCIDANTUR. Licet enim iste pseudopropheta, & summus Pontifex religionis antichristianæ, simulet se esse agnum clementissimum, poenam tamen mortis suo edicto apponendam esse dicet, propter Christianorum, & inobedientium perveraciam.

Hoc igitur edictum simile erit edicto Nabuchodonosoris, de aurea ejus statua adoranda, sub poena missionis in fornacem ignis ardentis, Dan. 3. v. 6.

16. ET FACIET OMNES, PVSILLOS ET MAGNOS, &c. Faciet omnes universim Antichristi Domini sui sectatores, cujuscumque sint conditionis, HABERE CHARACTEREM. Signum distinctivum, seu notam impressam, ut à Christianis possint distingui. IN DEXTERA MANU SUA. Sicut milites tirones olim stigmatæ & caractere sui Imperatoris in manu, aut brachio notabantur, ut ex Vegetio & Aëtio docet I. Lippsius, lib. 1. Dial. ult. de militia Rom. AUT IN FRONTIBVS SVIS. In qua parte servi olim stigmatæ Domini sui inuri, vel inscribi solebant.

Itaque aliqui erunt milites, alij quasi servi Antichristi. Qui in cute dexteræ manus characterem gerent, promptos se ad pugnandum pro eo, tanquam Imperatore, ostendent: qui verò in fronte gestabunt, se non erubescere servitium, & professionem religionis ejus cōfitebuntur.

Qualis autem futurus sit ille character manibus aut frontibus eorum

rūm impressus, mortalium nemo scire potest. Verisimile est, futurum charactērem illum, quo in signandis litteris & diplomatibus, aut in cudenda pecunia Antichristus utetur, sicut Reges solent.

Qualis verò figuræ futurus sit, varij varia divinant. Ausbertus, quem multi sequuntur, sibi à Deo revelatum esse dicit, hunc Antichristi charactērem futurum signum, quod labaro suo Constantinus Magnus olim inscripsit, nempe duas litteras græcas, *Chi* & *Rho*, quæ sunt duæ litteræ initiales nominis Christi, quarum figuram in unum confertam apud Baronium ad Annum Christi 312 delineatam ex Eusebio videbitis. Sed quandoquidem charactē Antichristi distinguet Antichristianos, non satis eos distingueret si pro charactēre suo charactērem Christianorum assumeret, siue duas nominis Christi litteras initiales.

Ribera coniectat, charactērem habiturum figuram draconis, à quo Antichristus potestatem suam accepit, ut supra v. 4. vidimus. Verum Antichristus, qui Deus haberi volet, draconem fortasse, tanquam superiorem, non recognoscet. Deinde, diabolus, etsi à S. Ioanne vocetur draco, quia in forma draconis ei repræsentatus est; non tamen sic ab Antichristo & Antichristianis vocabitur. Vnde non est ratio, cur figurâ draconis pro charactēre & sigillo suo utatur.

Fortassis igitur charactē erit figura vultus Antichristi, sicut Principes charactēre vultus sui pecuniam signare solent. Et quia adorari volet tanquam Deus, dexteris & frontibus sibi devotorum imaginem suam imprimi præcipiet; sicut medalij apud Christianos imprimi solent imagines Sanctorum.

17. ET NE QVIS POSSIT EMERE. Et etiam pseudopropheta ille faciet, ut nemini liceat emere, etiam necessaria ad vitam. AVT VENDERE. Ut sibi pecuniam comparet, quâ ab alijs necessaria emat. NISI QUI HABET CHARACTEREM. In dextera, aut in fronte impressum. AVT NOMEN BESTIÆ. Vel nisi loco characteris, seu imaginis Antichristi, habeat proprium ejus nomen litteris exaratum. Sic enim olim milites non en Imperatoris sui manui aut brachio suo inscriptum gerebant, ut loco cit. Lipsius ex S. Augustino coniectat. AVT NUMERVM NOMINIS EIVS. Aut nisi loco characteris & nominis gerat in dextera vel fronte numerum 666. qui est numerus nominis ejus, ut mox dicetur. Tria ergo signa distinctiva erunt, quorum unum, vel in dextera, vel in fronte impressum habere debebit, quicumq; emere aliquid, vel vendere volet; nempe vel charactē Antichristi, vel nomen, vel numerus nominis.

Difficile autem est intelligere, quomodo differet nomen, & numerus nominis, si omnes litteræ nominis simul sumptæ (ut passim interpretes sentiunt) juxta morem computandi græcum vel hebraicum, colligant summam 666. qui est numerus nominis. Sic enim non videtur esse aliud, nomen ejus, quàm numerus nominis ejus, ut Beda etiam sentit. Sed S. Ioannes videtur ista distingere: undè numerus nominis fortasse non exprimetur per litteras nominis Antichristi, sed per cyfras, more Indorum, qui hodie ferè ubique est in usu.

Aut certè, assumetur aliud nomen diversum à nomine proprio Antichristi, cujus litteræ omnes simul sumptæ numerum æqualem 666. constituent cum numero nominis Antichristi, quale est v. g. verbum græcum ἀντιμαρ, quod, *negō*, significat; quam fortè vocem fronti inscriptam gerent aliqui Christianorum, ut se palam Christum abnegare profiteantur.

18. HIC SAPIENTIA EST. Hoc tempore opus erit sapientiâ & intellectu, ut quis intelligat ex numero nominis, quisnam sit Antichristus. Adverbium, *hic*, videtur ad tempus potius, quàm ad locum spectare, ut v. 19. in simili diximus. QVI HABET INTELLECTVM. Qui habet sapientiam & intellectum istum à Deo accepit. COMPUTET NUMERVM BESTIÆ. Qui continetur in nomine prioris bestię, quæ ascendit de mari, supra v. 1. non autem bestię posterioris, quæ ascendit de terra v. 11. Omnes enim Interpretes hanc bestiam Antichristum, non ejus coadjutorem pseudoprophetam, intelligunt. Sicut enim Sibillæ olim numerum nominis Christi prædixerant: ita S. Ioannes hîc prædicere voluit, numerum nominis adversarij ejus Antichristi. NUMERVS ENIM HOMINIS EST. Facile enim erit computare, cùm sit numerus comprehensus in nomine proprio alicujus hominis, quod omnibus notum erit. ET NUMERVS EIVS SEXCENTI SEXAGINTA SEX. Numerus autem iste nominis ejus 666.

Textus iste obscurissimus est, quia nescitur, an hebraicum, an græcum, an latinum, aut alterius idiomatis futurum sit illud nomen. Deinde secundum cujus nationis morem, numerus iste litterarum colligendus sit: aliter enim Hebræi, aliter Græci, aliter Latini computant: ut v. g. nomen, ΛΥΔΟΒΙCΥΣ, continet numerum bestię, si more latino computemus, non autem si more hebræo aut græco.

Deinde, cùm sint, aut fingi possint plurima nomina, quæ numerum illum 666. contineant, incertum est, quodnam ex illis omnibus erit nomen proprium Antichristi. Sed parùm refert; nam si scire, nobis

nobis expedivisset, S. Ioannes illud revelasset, inquit S. Irenæus lib 5. cap. 30. Numerum tamen nominis expressit, ut Christiani, qui tunc vivent, ex nomine Antichristum deprehendant.

Simili modo Sibillæ in nomine Christi futuri numerum 888. prædixerunt; sed nemo ante Incarnationem conjectare indè poterat, quo nomine proprio Christus appellaretur, quia multa nomina numerum istum habent. Postquam verò appellatus est IESVS, statim in eo nomine, juxta expressionem græcam, IEZOVS, apparuit numerus 888. nam prima littera, *Iota*, apud Græcos valet, X. secunda, *Eta*, valet VIII. tertia, *Zygma*, valet CC. quarta, *Omicron*, valet LXX. quinta, *Psilon*, valet CCC. sexta iterùm, *Zygma*, valet CC. qui omnes numeri in unum collecti efficiunt 888.

Sicut autem, quia Sibillæ græcè scripserunt, numerum nominis Christi juxta computum Græcorum colligi voluerunt; ita quia S. Ioannes etiam græcè scripsit Apocalypsim, verisimile est, numerum nominis bestię juxta similem Græcorum computum calculandum esse. Hinc S. Irenæus varia nomina excogitat, quæ calculo græcanico numerum bestię continent: qualia sunt, *λατιμος, τετραν*, nisi quòd primam syllabam in, *Τετραν*, non per diphthongum, *Psilon Iota*, sed per simplex *Iota* scribant Græci. Undè nomen, *λατιμος*; magis convenit, quia Latini olim I. longum, sicut *Psilon Iota*, pronuntiabant, ut lib. de recta pronunt. cap. 8. Lipsius docet. Et fortasse Antichristus latinum Imperatorem se vocabit, quia regnum Rom. sive Latinorum erit ultimum, quod ab Antichristo evertetur, ait S. Irenæus.

Nugarorium autem est; quod hæretici ex voce, *λατιμος*, probant; Rom. Pontificem esse Antichristum: quia licet sit Latinorum, & totius orbis Christiani Pontifex; non tamen se, *Latini*, vocare solet; nec cætera, quæ de Antichristo narrat S. Ioannes, Rom. Pontifici ullâ ratione conveniunt, ut aliquoties ante monuimus.

Celebris autem est, quorundam DD. ut Annij Viterbiensis, Henzenij, Clichtovæi, Genebrardi, Lensæi, Feuardentij sententia, quòd Mahometes sit verus ille Antichristus, de quo S. Ioannes hîc loquitur. Nam nomen ejus continet numerum bestię, si non *Mahometes*, sed, *Maometis*, pronuntiatur: & licet ab anno Christi 632. mortuus sit, vivit tamen & usque ad finem mundi, ut putant, vivet ejus secta, & successores, adversus quos Elias & Henoch in fine mundi, pugnabunt, non adversus ipsum regni antichristiani fundatorem.

Nec refert, inquirunt, quòd Mahometes 10. annis regnaverit, Antichristus vero tres solum annos cum dimidio regnaturus dicatur: quia

quia Antichristo per metaphoram tribuitur, quod sectæ ejus, aut ultimo ejus successori conveniet. Quando enim Turcæ, Persæ, Tartari, Arabes, Mauri, & cæteræ Mahometanæ nationes, orbem Christianum & omnia regna mundi Mahometi subjecerint; tunc, ultimus mahometicæ sectæ Imperator, absolutis omnibus bellis, tres annos cum dimidio, Christianorum reliquias, & Eliam ac Henoch persequendo, Imperium orbis tenebit.

Igitur fundamenta regni Antichristi, ab ipso vero inquirunt, Antichristo, Mahomete, circa annum Christi 620. jacta sunt; & religio antichristiana, vi & armis potius quàm prædicatione propagata, primò Arabiam (quæ patria fuit Mahometis) deinde Persiam, Tartariam, & pleraque omnia regna Orientis, usque ad Chinam, cum vicinis Oceani Judici insulis: deinde Syriam, Palaestinam, Asiam minorem, Ægyptum, & magnam Africæ partem: postremò Thraciam, Græciam, Pannoniam, Illyricum, primò per Saracenos, deinde per Turcas invasit, & occupavit. Unde quidquid olim sub Monarchiis Assyriorum, Persarum, Græcorum fuit, magna etiam pars monarchiæ Romanorum, sub religione & jugo Mahometis hodie jacet.

Deinde bestia, quæ ascendit ex mari, sive Antichristus, assimilatur pardo supra v. 2. quod etiam religioni Mahometis optime congruit, quia instar pardi colore vario est maculosa, utpote ex Judaismo, Gentilismo, Christianismo, & hæresibus quibusdam Orientis composita. Sedet in templo Domini, 2. ad Thessl. 2. v. 4. Mahometes, quia templum Jerosolymitanum, & infinitæ per S. Paulum, & alios Apostolos, in Asia, Europa, Africa, fundatæ Christi Ecclesiæ, in Moschas mahometanorum sunt conversæ.

Bestiam verò, quæ ascendit de terra, supra v. 11. Lutherum interpretantur, qui fuit tanquam Propheta & adiutor Antichristi, docens homines adorare bestiam. Nonnè enim Lutheri, & ex ea nata Calvinii hæresis, ad sectam Mahometis suscipiendam & adorandam, ait Joan. Lensæus, iter ac viam perditis hominibus sensim aperit? Quid enim istæ quorundam perditorum voces sibi volunt, quibus se Turcas esse malle, quàm Papistas indicant?

Si etiam verum est, quod multi Patres affirmant, Antichristum nasciturum ex tribu Dan, hoc etiam potuit esse verum de Mahomete, cujus mater *Hennia*, vel, *Imina*, fuit Judæa.

Quod denique dicitur de Antichristo, *Et erit in concupiscentijs seminarum*, Dan 11. v. 37. omnino quadrat Mahometi, qui tot uxores & concubinas unicuique permittit, quot alere potest. Et deinde usum

feminarum in cælum & vitam æternam introducit. Ita homo animalis & epicureus non aliud summum bonum, quàm voluptatem carnalem agnoscit.

Verum etsi multa, quæ scripturæ sacræ tribuunt Antichristo, in Mahometem cadere possint, non tamen omnia. Nam in primis Mahometes nunquam Deus haberi voluit, nec Turcæ eum Deum, sed *Rasul alla*, id est, *Apostolum Dei*, appellant. Deinde prodigia & miracula, quæ S. Joannes in hac Apocalypsi, & Scriptura alibi tribuit Antichristo, non possunt Mahometi convenire: aut certè omnia valdè mystice, & nihil fere ad litteram interpretari oportebit.

Similiter Luthero litteraliter competere nequit, quod dictum est v. 13. & 15. de pseudopropheta Antichristi, quod fecerit ignem descendere de cælo, & iusserit occidi omnes, qui imaginem Antichristi, sive Mahometis non adoraverint.

Nec Antichristus per successores suos (nisi torquere Scripturas velimus) sed per seipsum dicitur in fine mundi persecuturus Christi Ecclesiam per annos tres cum dimidio.

Denique nomen Mahometis non habet numerum bestię, si non Maometis (quæ terminatio frequentior est feminini nominis, quàm masculini) sed Mahometes, aut arabicè, Muhamed, id est, celebris & illustris, pronuntietur.

Itaque Mahometes, non per bestiam è mari aut è terrâ ascendentem, sed potius per equum pallidum significatus est, ut Apocal. 6. v. 7. diximus.



CAPVT XIV.

SYNOPSIS CAPITIS.

Ne quis in tam dira Antichristi persecutione putaret, omnes à Christo defecturos, ostenduntur S. Ioanni 144000. Virginum cum Agno, in fide Christiana permanentes. Tres Angeli per medium cali volantes ordine quisque suo hominibus quadam annuntiant. Primus instare extremum iudicij diem, ideoque tempus jam esse timendi & colendi seriò Deum. Secundus, casum & excidium magna Babylonis annuntiat. Tertius, æternos cruciatus ijs minatur, qui charactere bestia sunt insigniti. Sedens super nubem candidam, falce messoria demetis terram. Angelus alius falce vindemiatoriâ vindemiat botros vinea terra, qui calcati in torculari ira Dei, sanguinem musti effundunt usque ad franos equorum per stadia mille sexcenta.

Verf. 1.

ET VIDI. Lætiori aliâ visione, ne omnia perditâ, & totum mundum post bestiam iturum S. Ioannes existimaret. ET ECCE AGNVS STABAT SVpra MONTEM SION. Christus supra Ecclesiam inter persecutiones laborantem & militantem, tanquam superior & Præses stabat paratus ad iuvandam eam. *Mons enim Sion fundatus exultatione universa terra; civitas Regis magni, psal. 47. Ecclesiam in terra militantem spiritualiter hîc significat: nam, Sion, latine, speculum, aut speculationem, significat: Ecclesia verò militans futuri sæculi bona speculatur, quia illuc dirigitur intentio ejus, ait S. Augustinus lib. 17. Civit. cap. 16.*

Multi tamen per *montem Sion* hîc cælum & Ecclesiam triumphantem intelligunt, juxta illud, *Videbitur Deus Deorum in Sion*, Psal. 83. Ecclesiæ enim triumphanti competit speculari Deum facie ad faciem, militanti verò solum per speculum, & in ænigmate. Deinde v. 5. dicuntur esse ante thronum Dei, thronus autem est in cælo.

Sed melius hoc loco, *Sion*, pro Ecclesia militante accipitur, quia virgines, quæ circa Agnum in monte Sion S. Ioanni ostenduntur, stabant circa Agnum stantem, adhuc laborantes & militantes, adjuvante Agno. Postea tamen ostenditur, quales per æternam Dei prædestinationem futuræ essent in cælis.

ET

ET CVM EO CENTVM QVADRAGINTA QVATVOR MILLIA. Circa eum etiam stantes supra montem Sion. Hoc autem significat, Virgines in magna mentis celsitudine, & supra seipsas debere eleuari, ut carnem suam despiciere valeant, & conculcare. Virgo enim humanam quodammodò naturam supergreditur, & velut terrestris quidam Angelus est. Angelicum enim est, & homine aliquid sublimius, ait Nazian. hominem carni alligatum, non secundum carnem vivere.

Ista autem 144000. non tantùm ex Iudæis (ut illa 144000. Apoc. 7. v. 4) sed ex omnibus etiam Christianis gentilibus toto orbe dispersis collecta sunt. Longè tamen plura millia erunt, maximè si infantes baptizati, ante perfectum usum rationis ab Antichristi exercitiis interficiendi, inter virgines istas connumerentur. Numerus ergo certus pro incerto positus est propter numeri istius 144. mysteria, ut Apoc. 7. v. 4. diximus.

Viegas speculatur, numerum primum, scilicet 100000. qui est maximus inter tres numeros, significare infantes virgines, qui plurimi erunt: numerum verò secundum, scilicet 40000. completi Religiosos & Religiosas, qui tunc erunt in Ecclesia virgines: denique tertium numerum, 4000. comprehendere pauciores vitæ sæcularis Virgines.

Si autem tot millia sanctarum Virginum masculini & fæminini sexus futura sint illis calamitosis temporibus Antichristi, quot erunt millia conjugatorum, & cæterorum Sanctorum, qui, amisâ virginitate, tamen ante bestiam genua non curvaverunt.

HABENTES NOMEN EIVS. Agni, sive Iesu Christi, à cuius nomine dicuntur Christiani. ET NOMEN PATRIS EIVS. Dei Patris, à quo Filij Dei, & parvi quidam Dij terrestres nuncupantur. Virginitas enim eos ab omni carnali & terrena concretionem per gratiam separat, sicut Deus naturâ suâ ab eadem separatus est. SCRIPTVM. Non tantùm intus in corde, sed etiam exterius; IN FRONTIBVS SVIS. Per apertam fidei Christianæ, & castitatis professionem, quidquid Antichristus, & ejus satellites minentur & intendent necem.

Deinde, sicut Antichristi sectatores in dextera, aut frontibus suis, characterem, aut nomen, vel numerum bestię impressum gerent, ut Apoc. 13. v. 17. dictum est: ita virgines istæ, tam virilis quàm fæminini sexus, palam in frontibus suis Christi & patris ejus nomen fortasse gestabunt, ne professione externâ timidiore videantur esse Antichristi discipulis. Deinde ut per nomen Iesu C. & Dei Patris frontibus inscriptum contradicant superbissimæ stultitiæ Antichristi, qui se Christum & Deum esse prædicabit.

Ecce

Et

2. ET AUDIVI VOCEM DE CÆLO superiori, ubi sedes est Beatorum. Hæc autem vox est gaudij & jubilationis illorum 144000. TANQUAM AQUARVM. MULTARVM. Quæ impetu de Libano, & montium præcipitijs cadunt; vel qualis est fremitus fluctuantis & inquieti maris. Talium enim aquarum collisio latum & plenum sonitum edit, similem sono plurimorum hominum, qui simul loquuntur aut cantant. Quia verò aquæ multæ sunt populi multi, ut interpretatur Angelus infra Apocal. 17. v. 15. idè aptè aquis multis comparatur multitudo sanctarum Virginum ex multis & varijs mundi populis collectarum. ET TANQUAM VOCEM TONITRUI MAGNI. Non tantùm lata & plena ob multitudinem cælestium Musicorum in unam Harmoniam cantantium vox illa erat, sed etiam valdè alta, acuta, & sonora, qualis est vox tonitruui validi stridentis, aut crepantis in nubibus.

Non potuit magnitudinem illius cælestis vocis meliùs describere, quàm per comparisonem duarum rerum, quæ in tota rerum natura maximè & vehementissimè sonant, aquarum scilicet multarum, & tonitruui magni. Magnitudo autem & vehementia illa vocis significat contentionem animi, quâ Beati Deum in cælo laudant & jubillant.

ET VOCEM QUAM AUDI. Ne quis putaret vocem illam, quæ voci aquarum multarum & tonitruui comparatur, fuisse auribus duram & asperam, qualis est sonitus aquarum & tonitruui, explicat, quam suavis & harmonica vox illa fuerit. SICUT CITHARÆDORVM. Similem voci citharædorum, quæ musica & suavissima est. CITHARIZANTIVM IN CITHARIS SVIS. Citharæ sanctarum Virginum sunt corpora earum, quæ per carnis mortificationes ab omni humore libidinis siccata sunt. In illis citharis cordæ X. Præceptorum Decalogi extentæ sunt, quas digitis tangunt, & in decachordo Deum laudant; quoties secundùm Præceptorum regulas ex charitate aliquid faciunt.

3. ET CANTABANT QVASI CANTICVM NOVVM. De aureola Virginitatis, & incorruptione carnis, tanquam de re nova, & singulari beneficio gratias Deo agentes: cùm in tanta dissolutione & corruptione sæculi Antichristiani, difficillimum prorsus fuerit, illam animi & corporis integritatem servare. Cantabant verò illud canticum in citharis suis, quia per corporum castigationes & mortificationes virginitas conservatur, & præmia ejus acquiruntur.

Alio verò sensu non solæ virgines, sed etiam Sancti omnes de via ad patriam

patriam transeuntes, novum canticum offerunt Deo, ait Carthus. quia tunc cum incomparabiliter clariùs cernunt, profundius noscunt, ardentius diligunt, immobiliùs tenent.

Particula, *quasi*, ut notat Gagnæus, non similitudinem, sed veritatem hîc significat, sicut Ioan. 1. v. 14. *Quasi unigeniti à Patre.*

ANTE SEDEM. Thronum Dei: in quem oculis intenti, servatæ virginitatis, & omnia gratiæ munera accepta referunt. ET ANTE QVATVOR ANIMALIA. Quæ proximè erant circa thronum. ET SENIORES. Illos 24. quos cum quatuor animalibus S. Ioannes viderat in circuitu sedis, Apocal. 4. v. 4. & 6. Cantabant igitur illud canticum in præsentia Dei & procerum cælestis curiæ, qui in circuitu throni sedent, ut eos divinâ suâ mus.â delectarent. ET NEMO POTERAT DICERE CANTICVM. Nullus aliorum Sanctorum non virginum, qui in illa persecutione Antichristi missi sunt ad cælum, poterat cantare illud virginale canticum; quia pro virginitatis aureolâ, quâ carebant, gratias agere Deo non poterant. Imò nequidem poterant *discere canticum* (ita enim græcus habet) cum virginitas semel amissa non possit reparari, & jus ad illam aureolam acquiri. NISI ILLA CENTVM QVADRAGINTA QVATVOR MILLIA. Cæteri tamen electi canticum eorum audire possunt, ait S. Greg. licet dicere nequeant; quia per charitatem de eorum celsitudine lati sunt, quamvis ad eorum præmia non assurgant.

Nec tamen putandum est, ait Carthus. quod virgines absolutè loquendo major sint meriti in præsentia, & præmij in futuro, quàm reliqui omnes Sancti; sed quod accidentali aliquo merito & præmio excellent. Qui verò in charitate divina est ardentior, hîc absolutè & in essentiali præmio erit eminentior. Undè quod quidam, inquit, putarunt virgines solas ad ordines Angelorum assumendas esse; cæteros verò Sanctos infra collocandos; stultissimùm est.

QVI EMPTI SVNT. Non auro vel argento, sed pretiosissimo sanguine Agni immaculati; 1. Pet. 1. v. 19. DE TERRA. Tanquam gemmæ pretiosissimæ de sterquilinio, ut infererentur cælo. Ista verò terra nihil est aliud, quàm terrena concupiscentia, inquit Richardus.

4. HI SVNT QVI CVM MVLIERIBVS. Ne quidem licito & uxorio concubitu. NON SVNT COINQVINATI. Polluti & contaminati nam licito etiam concubitu polluitur corpus, licet animus incontaminatus permaneat. Hinc fornicator non tantùm in animam suam, sed etiam in corpus suum, polluendo illud, peccare dicitur, 1. ad Cor. 6. v. 18.

E c 3

Ad

Ad illam autem coinquinationem cum mulieribus reducitur omnis concubitus contra naturam, item pollutio quaecumque voluntaria, & omnis immunditia, per quam virginitas amittitur. Sub sexu autem masculino, qui cum mulieribus non coinquinatur, comprehenditur etiam sexus sœmininus, qui cum viris non coinquinatur. VIRGINES ENIM SVNT. Corpore & animo. HI SEQVNTVR AGNVM. Quid est sequi, nisi imitari, ait S. Augustinus? QUOCVMQVE IERIT. Quia in utraque corporis & cordis virginitate eum sequuntur, quia caro Agni etiam virgo est, ait iterum August. Ceteri verò Sanctorum non sequuntur Agnum, quocumque vadit, quia corporis integritate similes ei non sunt.

Alij interpretantur eos sequi Agnum, quocumq̃ue ierit, quia non tantum per viam præceptorum, sed etiam per viam consiliorum eum sequuntur. Vel denique, loquitur S. Joannes non de omnibus omnino virginibus, sed solum de illis 144000. quæ in persecutione Antichristi non tantum virginibus sed etiam Confessores, Doctores & Martyres erunt, & Agno, si vè Christo in terris adhuc conversanti, per omnium virtutum actus assimilabuntur. Undè etiam in patria singulariquadam familiaritate Christo adhærebunt, ut quocumq̃; se verterit, eum sequantur, tanquam familiares musici & citharedi, qualibus solent magni principes delectari. Hinc Ecclesia in officio Virginum, ex hoc loco Apocalypseo, canit, *Quocumque pergis virginibus sequuntur atque laudibus post te canentes cursitant, &c.*

Phrasis autem ista, *quocumque ierit*, alludit ad modum loquendi scripturæ, quæ opera hominis vel Dei appellat, *vias*, & *operari*, explicare solet per, *ambulare vias rectas*, aut, *prævas*.

HI EMPTI SVNT EX HOMINIBVS. Non tantum ex reprobis, sed etiam ex electis. PRIMITIÆ DEO ET AGNO. Pusilla quidem, sed lectissima pars electorum. Primitiæ enim, quæ olim solitæ sunt offerri Deo, parva pars fructuum, sed optima & selectissima erat.

5. ET IN ORE EORVM. Quando ab Antichristo, & ejus Magistratibus ad abjurandam Christi fidem sollicitabantur. NON EST INVENTVM MENDACIUM. Contra veritatem confessionis fidei. A tali enim mendacio vocantur mendaces illi, qui cum timidis, incredulis, execratis, idololâtris &c. dicuntur futuri in stagno ardente igne & sulphure, infrâ Apoc. 21. v. 8. SINE MACVLA ENIM SVNT. Ex græco etiam verti potest, *Inculpati enim sunt*. Non tantum sine macula & culpa, quâ maculati adhuc permaneant, (quomodo omnes Sancti in cælo sunt sine macula) sed etiam sine macula & memoria culpæ lethalis, quam habue-

habuerint, cum adhuc viverent in terris. Itaque S. Joanni ostenduntur in cælo, quales fuerunt in terra, ut appareat meritum, quo sic exaltari meruerunt inter Sanctos. Ita enim interpretandum videtur, ut commendetur singularis vitæ puritas, qua vixerunt in terris, & quæ non sit communis omnibus Sanctis: quod nempe Virgines illæ inter tot persecutiones & tentationes nulla tamen mortali culpa fuerint contaminatæ. ANTE THRONVM DEI. In cælo, ubi ante sedem Dei vidit eas cantantes canticum novum, sup. v. 3.

6. ET VIDI ALTERVM ANGELVM. Alium à Michaële quem novissimè viderat pugnante cum dracone, Apocal. 12. v. 7. VOLANTEM PER MEDIVM CÆLI. Ut vox ejus ab omnibus faciliùs posset audiri. HABENTEM EVANGELIUM ÆTERNVM. Commissionem à Deo annuntiandi hominibus bona æterna, quæ consequentur piè viuentes post hanc vitam. Euangelium autem dicitur æternum, per metonymiam, quia objecti qualitas tribuitur actui qui circa objectum versatur. UT EVANGELIZARET SEDENTIBVS SVPER TERRAM. Hominibus, qui in bonis terrenis amore sedent, & dulciter in ijs requiescunt.

Richardus tamen per, *sedentes super terram*, homines pios & electos intelligit, qui dicuntur, inquit, sedere super terram, quia suaviter in Deo requiescunt per terrenæ cupiditatis subactionem. Erasmus & alij, *habitantibus super terram*, legunt cum Areta.

ET SVPER OMNEM GENTEM &c. Et sedentibus ac habitantibus super omnes terræ regiones, ubi uspiam gentes habitant; ut significet, Euangelium hoc extremum annuntiandum esse in universo mundo, ut simul & semel (sive antea annuntiatum adhuc fuerit, sive non) universus orbis audiat Christi Euangelium, & æterna bona, quæ præparata sunt ijs, qui suscipiunt fidem ejus, & secundum eam vitam suam instituunt. Ideo autem omnibus gentibus prædicatur, quia divina gratia ex omnibus aliquos eligit, & perducit ad regnum, inquit Richardus.

Alij codices græci, & Erasmus cum Areta sic legunt; *Ut evangelizaret habitantibus super terram, & omni genti, & tribui, & lingua, & populo*. Quæ lectio est clarior, quàm nostra vulgata.

7. Dicens VOCE MAGNA. In isto Angelo per cælum volante & clamante figurati sunt verbi Divini prædicatores, quales Elias, Henoch, & alij, qui per celeritatem & sublimitatem prædicationis, inquit Richar. volabunt per medium cæli, id est, per Ecclesiam sublimem virtutibus, & lucidam splendore divinæ cognitionis. TIMEAT DOMINVM. Timore saltem servili, si nondum potestis filiali: timor enim

enim servilis est initium sapientiæ & charitatis. Sicut enim, quando calceus sinitur, seta prius intrat, deinde exit, ut linum introducat; ita timor pœnæ primo occupat mentem, postea exit, ut introducat charitatem, ait S. Augustinus, Tract. 9. in Epist. Joan. **ET DATE ILLI HONOREM.** Divinos illi honores date, non bestię, sicuti faciunt qui characterem, aut nomen, aut numerum nominis ejus gestant. **QVIA VENIT HORA IUDICII EIVS.** Quia jam jam instat tempus, quo mortui resurgent, & vivos ac mortuos judicaturus est, reddens unicuique secundum opera ejus. **ET ADORATE.** Non bestiam aut imaginem ejus, ad quam adorandam Antichristi pseudopropheta vos cogit, sed **EVM, QVI FECIT CŒLVM ET TERRAM, MARE.** Qui magna ista mundi visibilibus elementa ex nihilo creavit ad habitationem animalium. Et **FONTES AQVARVM.** Ad alimentum: omne enim animans humido nutritur; inter humida autem, & undè cætera omnia humorem habent, princeps est aqua. Hinc proverbium illud ex Pindaro usurpatum, *Optimum est aqua.*

Admirabili autem sapientia Deus aquas maris amaras per subterraneos meatus colat, & exutâ amaritudine ad ora fontium varijs modis perducit, ut inde in rivos & flumina effluant, quæ terras irrigent, & animantibus potum & alimentum præbeant. Propter hanc ergo tam evidentem fontium, & aquarum dulcium necessitatem, & sapientiam, qua Deus eas terris & animantibus dispensat, Angelus iste Deum creatorem fontium specialiter appellat, ut homines tanti beneficii & sapientiæ recordatione ad Deum amandum & colendum invitet.

8. **ET ALIUS ANGELVS SECVTVS EST.** Volans similiter per medium cæli. **DICENS.** Ad piorum consolationem. **CECIDIT, CECIDIT BABYLON.** Post modicum temporis in cineres cadet: igne enim comburetur, ut dicet infra Apoc. 18. v. 8. Geminatio ista verbi, *cecidit*, gaudium & exultationem Angeli hoc annuntiantis indicat.

Babylon autem ista est urbs Roma, quam ad vitandam invidiam Apostoli, non Romam, sed Babylonem mystico nomine appellabant. Unde S. Petrus ex urbe Roma epistolam suam scribens: *Salutat vos, inquit, Ecclesia, qua est in Babylone*, 1. Pet. 5. v. 13. Imò S. Hieronymus, nomen illud Babylonis adhuc retinens, post conversionem Urbis ad Christum, & ibi elevatam Apostolicam Sedem, in Præfat. lib. Didymi de Spir. S. *Cum in Babylone versarer*, inquit, & *purpurata meretricis essem colonus*, &c. alludens ad hunc locum, & alterum infra Apoc. 17. v. 1. & 3.

Ideo

Ideo autem Apostoli, nomen Babylonis dederunt urbi Romæ, quia antiqua Babylon Regia Chaldæorum fuit, unde exierunt Nabuchodonosor, & tot alij Principes, qui populum Dei assiderunt, sicut Romæ gentiles Imperatores per 300. primos annos Ecclesiam Christi vexaverunt. Unde cum S. Ioannes vidisset apud Isaiam verba ista de Babylone Chaldæa, *Cecidit, cecidit Babylon, & omnia sculptilia Deorum eius contrita sunt*, Isa. 21. v. 9. imitatus est, & transtulit ad Romam. Deinde, *Babylon*, hæbr. *confusionem*, significat: in Roma autem gentili maxima Deorum & religionum confusio fuit; *omnium quippe gentium*, ut ait S. Leo, *serviebat erroribus, & magnam sibi videbatur assumpsisse religionem, si nullam respueret falsitatem*.

ILLA MAGNA. Et circuitu, murorum, & præsertim potentia illâ, quâ gentibus & Orbi, tempore D. Ioannis dominabatur. QUÆ A VINO IRÆ FORNICATIONIS VVÆ. Quæ calice vini iræ Dei, quam ob fornicationes suas commerita est. Fornicatio autem ista spiritualementiam etiam fornicationem, sive idololatriam sub se comprehendit: hæc enim apud Prophetas sæpè, *fornicatio*, vocatur, quia per idololatriam specialiter anima, à verò Deo, tanquam sponso suo, alienatur, & falsò Deo tanquam adultero, conjungitur: *mæchata est cum latipide & ligno*, Ierem. 3. v. 9. POTAVIT OMNES GENTES. Imperio suo subditas, quibus idololatriam, & superstitiones suas, ac proinde etiam pœnas peccatis istis debitas propinavit.

Duplex igitur est calix, unus vini dulcis, quo fornicationes, & vitia blanda propinquantur, quo anima inebriatur, ne rationis ductum sequi valeat: alter calix vini amari & fœculenti, quem in fundo & sine voluptatum cogentur bibere peccatores; *quia calix in manu Domini, vini meri, plenus misto, quem inclinat ex hoc in hoc, verumtamen sex eius non est exinanita, bene omnes peccatores terra*, Psalm. 74.

9. ET TERTIVS ANGELVS SECVTVS EST ILLOS. Volando per medium cæli, sicut duo priores.

Per tres istos Angelos ordine suo hominibus salutaria annuntiantes, Victorinus, Eliam, Henoch, & tertium quemdam præcipuum eorum adiutorem representari putat. Aut certè potiùs numero isto ternario, omnes verbi divini præcones significantur, qui cum Elia & Henoch fidem Christi, & fideles in fine mundi, adversus Antichristum & ejus ministros animosissimè defendent.

DICENS VOCE MAGNA. Ad majorem terrorem incutiendum, ait Aretas. Vel certè, *vox magna*, significat libertatem prædicatorum, qui tunc palàm liberâ & altâ voce sese opponent Antichristo, quamvis

diras necesse intentanti, ut putat Haymo. SI QVIS ADORAVERIT BESTIAM. Tanquam Deum. ET IMAGINEM EIVS. Vel statuam illam Antichristi, quam armiger ejus arte dæmonis responsa dare, & sub pœna mortis adorari præcipit, ut dixit supra Apoc. 13. v. 15. ET SI QVIS ACCEPERIT CHARACTEREM. De quo supra Apoc. 13. v. 16. IN FRONTE SUA. Per liberam & apertam religionis antichristianæ professionem. AUT IN MANU SUA. Per operationem, quâ secundum præscripta ejusdem religionis operetur & vivat. Manus enim est symbolum & instrumentum operis.

10. ET HIC BIBET. Etiam bibere cogetur, non minus quam Antichristus & ministri ejus. DE VINO IRÆ DEI. Fœculento illo, quod bibent omnes peccatores terræ, ut statim ex Psal. 74. dicebamus. QVOD MIXTUM EST. Fœcibus; non aquâ, ut veteres ad dulcedinem & sobrietatem vinum miscere solebant. Unde addit, MERO. Quod vinum est merum, non lymphatum, seu dilutum aquâ. Vox enim, *mero*, non dativi, sed abli. casus censeri debet, ut ex græco genitivo patet: cohæret enim cum ablativo, *vino*, non cum participio, *mixtum*, quasi diceret, *bibes de vino ira Dei mero*, & non diluto aquâ; quod tamen mixtum est fœcibus ad torquendum potius, quam ad delectandum palatum. Vinum autem iræ Dei vocat, *merum*, quia vinum non dilutum aquâ fortius inebriat, & morte æternâ soporat, ut loquitur Beda.

Aretas, *mixtum*, interpretatur, *infusum*, quod probat Erasmus: nam verbum græcum, *κεραμναι*, quod, *miscere*, significat, deduci volunt à *καίρας*, *cornu*, veluti etiam *κρατης*, quasi *κρατης*, quia Græcorum vetustissimi cornibus animalium, aut vasis in modum cornuum formati pro scyphis utebantur; & hinc, vinum in scyphos infundere, *κεραμναι*, quasi incorniculare dicebant: postea verò, quia vinum non merum, sed aquâ mixtum bibere instituerunt, quod in cornibus aquâ miscebant, factum est, ut *κεραμναι*, pro *miscere* usurpaverint.

IN CALICE IRÆ IPSIVS. Quod mixtum est, inquam, in calice iræ, quem Deus propinat peccatoribus. ET CRUCIABITUR IGNE. Quod inter omnia elementa est maximè activum, & ideo instrumentum maximè idoneum cruciatus. ET SULPHURE. Ad alimentum ignis, & gravitatem odoris. Igne igitur cruciabitur tactus, sulphure olfactus. Sicut enim in peccato est fervor improbæ voluntatis, & fœtor deformitatis, inquit Carthus. ita in pœna peccati erit fervor ignis & fœtor sulphuris.

Ignis autem iste cæruleâ & obscurâ flammâ in sulphure lucebit, ideo-

ideoque S. Basilius ignem inferni, *ἀλαμπες*, id est, obscurum, & sine luce appellat.

IN CONSPECTV ANGELORVM SANCTORVM. Pœnas enim damnatorum Sancti cum Deo regnantes videbunt, inquit Beda, ut majores inde ereptori suo gratias agant, & misericordias Domini in æternum cantent. Nec illos justo Dei judicio concordantes, visa impiorum tormenta contristabunt, sicut nec divitem in flammis sepultum visa Lazari requies refrigerare valebat, Lucæ 16. ET ANTE CONSPECTVM AGNI. Quod pœnas etiam impiorum auget, dum cogitant tormenta sua spectari ab illo, quem oderunt, & propter cujus contemptum ista patiuntur.

11. ET FVMVS TORMENTORVM EORVM. Fumus, qui ex igne illo sulphureo eos torquente & suffocante resolvitur. ASCENDET IN SÆCULA SÆCULORVM. Non extra fornacem illam inferni, sed intra eam ascendet, ac gyrabitur; nec tamen consumetur, divinâ potentia fumum illum conservante, quæ corpora damnatorum, ne consumantur, etiam conservat. *Ascendet autem in secula seculorum*, id est, totâ æternitate, ad factorem, & ut involvat, & offuscet ignis lucem. S. Thomas tamen ait ignem inferni, modicum, & tantum lucis habiturum, ut damnati ad calamitatis suæ augmentum se invicem videre possint.

Sensu autem mystico, fumus tormentorum est ejulatus damnatorum, inquit Aretas: qui quia semper ascendet, nunquam finiri imò nec remitti damnatorum pœnas significat. Undè aperte refellitur Origenis error, ait Haymo, qui dicit, reprobos post mille annos ex inferis redituros ad vitam.

Græcus non, *ascendet*, sed, *ascendit*, temporis præsentis habet, ut non tam tempus, quàm æternitatem semper stantem & præsentem significet. Undè in præsentem etiam sequitur: NEC HABENT REQUIEM DIE AC NOCTE. Nullo unquam tempore à tormentis interquiescunt. Nox & dies omne tempus complectuntur, licet post judicii diem nulla amplius diei & noctis, lucis ac tenebrarum sit futura successio; sol enim & calor non amplius movebuntur. SI QVIS ACCEPERIT CHARACTEREM NOMINIS EIVS. In fronte vel in dextera, Tria autem erunt symbola & signa, quibus Antichristiani distinguuntur à Christianis, character bestię, nomen bestię, & numerus nominis ejus, ut Apocal. 13. v. 17. dixit. Jam verò sub caractere nominis bestię tria illa comprehendit, omnia enim ista sunt character quidam, quo Antichristiani nomen & religionem Antichristi profitebuntur.

12. HIC PATIENTIA SANCTORVM EST. Tunc quando Antichristiani sic igne & sulphure cruciantur, è contrario elucet, quid patientia Sanctorum Christianorum valeat, qui & tormentis illis carere, & præmia æterna consequi merentur. Alij sic accipiunt, ut sit exhortatio Sanctorum ad patientiam ex contemplatione tormentorum, quæ sustinebunt impij. QVI CVSTODIVNT MANDATA DEI. Inter persecutiones Antichristi, & tentationes diaboli. ET FIDEM IERV. Sine qua mandata Dei non possunt, ut oportet, custodiri. Undè Iudæi, qui sine fide Iesu Christi mandata Dei se custodire credebant, reverrà, non ut oportet, custodiebant, quia fide & gratiâ Christi destituti erant.

13. ET AUDIVI VOCEM DE CÆLO DICENTEM MIHI. Ad consolationem custodientium mandata Dei. SCRIBE. In hoc libro Apocal. ut omnes legere, & intelligere possint. BEATI MORTVI, QVI IN DOMINO MORIVNTVR. Beati sunt illi mortui, qui Corpori Christi Domini per fidem, spem, charitatem uniti, ex hac vita discedunt.

S. August. epist. 107. refellit ex hoc loco quosdam semipelagianos, qui docebant, parvulis quibusdam negari Baptismi gratiam, & in altera vita damnari propter mala opera, quæ Deus prævidebat eos facturos, si ad ætatem adultam pervenissent. Si enim, inquit, opera mala, quæ homines facturi erant, si diutiùs vixissent, Deus punit; igitur non necessariò beati sunt, qui in Domino, & in gratia Christi moriuntur. Fieri enim poterit, ut propter peccata damnetur, quæ perpetraturi erant, si diutiùs vixissent. Sicuti etiam de quibusdam electis, quorum vitam breviam Deus, frustra diceret Sapiens: *Raptus est, ne malitia mutaret intellectum eius*, Sap. 4. v. 11.

Aretas & Ambrosius sensu tropologico, beatos illos mortuos interpretantur, qui in carne adhuc viventes, non tamen secundum carnem ambulant, in quibus vetus homo, & mundus crucifixus est, ac Iesu Christi mortificationem semper in corpore suo circumferunt, 2. ad Corinth. 4. v. 10.

AMODÒ IAM (græcè, *amodò etiam*, vel, *profectò*) Dicit SPIRITVS. A tempore etiam mortis Spiritus S. qui beatos illos mortuos in vita per gratiam suam sanctificavit, & inter labores & pericula conservavit, dicit ipsis, & jubet, UT REQUIEScant a LABORIBVS SVIS, quos in vita mortali pro Christo toleraverunt.

Malè hinc colligunt hæretici, nullum esse post hanc vitam animarum purgatorium. Non enim dicit S. Ioannes, quòd Sancti amodò, & statim post mortem, ab omni poena, quæ peccatorum reliquijs debe-

debetur, requiescant, sed ab operibus huius vitæ laboriosis, per quæ vitæ æternæ præmia meruerunt. A quibus non tantum animæ, quæ Dei visione & perfectâ beatitudine in cælo fruuntur, requiescunt, sed etiam, quæ in cæli vestibulo, purgatorijs pœnis expiantur, & spe certâ cælestis beatitudinis candidatæ sunt. Hæ enim animæ, licet adhuc in pœnis sint, patienti tamen, quieto, & tranquillo animo eas tolerant, & animabus impiorum longè dissimiles sunt, quæ impatienter in tormentis se jactantes, & blasphemantes, requiem non habent die ac nocte, fumusque tormentorum earum ascendit in sæcula sæculorum.

OPERA ENIM ILLORVM. Operum bonorum merces, & præmia, quæ per metonymiam vocantur *opera*, quia operum effectus sunt. Probat S. Ioannes, Sanctos post mortem requiescere à laboribus suis, quia tempus illud non est ferendi, sed metendi fructus laborum suorum. SEQUVNTVR ILLOS. Græcè, *sequuntur cum ipsis*. Comitantur quodammodo, ut famuli dominum suum, aut immediatè, si à vita mortali proximè ad perfectam beatitudinem transeant, aut brevè certæ spei intervallo, si adhuc aliquid in Purgatorio expiandum habent.

Itaque famuli domestici, filij, cognati, divitiæ, honores, mortuos non sequuntur, sed deserunt in morte: sola verò bona aut mala opera sequuntur & comitantur illos ad præmium vel pœnam.

Hic locus confutat Calvinistas, qui merita bonorum operum negant, imò etiam opera bona esse peccata docent. Quomodo enim opera sequuntur mortuos ad præmium, si peccata, & mala merita sunt?

14. ET VIDI. Quia Angelus S. Ioanni aliquid narrare inceperat de pœnis malorum, & præmijs bonorum, revelatio ejus ulterius excurrit usque ad extremum iudicium, in quo ista malorum & bonorum retributo fiet. ET ECCE NVBEM CANDIDAM. Candore & splendore Iudicis in ea sedentis illustratam. ET SUPER NVBEM SEDENTEM. Et eum, qui super nubem illam, tanquam super thronum sedebat. SIMILEM FILIO HOMINIS. Christo homini. Dicit, *similem*, quia non erat ipse Christus, sed forma quædam imaginaria eum representans, sicuti non vera corona aurea, nec vera & ferrea falx erat, quam ipse gestabat, sed similitudines verarum. HABENTEM IN CAPITISVO CORONAM AVREAM. Ad significandam potestatem ejus regiam: *Ego constitutus sum Rex ab eo super Sion*, Psal. 2. id est, super Ecclesiam, imò super omnem creaturam rationalem. Data enim est illi, ut homini, omnis potestas in cælo & in terra, Matth. 28. v. 18. ET IN

MANV SVA FALCEM ACUTAM. Ad potestatis suæ regis & judicariæ executionem, metendo triticum ad congregandum in horreum, & zizania ad comburendum igni, Matth. 13. v. 30. Acuta autem est falx, quia nulla spica, nullus calamus aciem ejus evadit, dissimilis illis Messoribus, quorum obtusam falcem, multæ spicæ subterfugunt: in falce enim acuta, quidquid includitur intus cadit, inquit Beda: *Virtuti brachij tui quis resistet*, Sap. 11. v. 22.

15. ET ALIUS ANGELVS. A tribus præcedentibus diversus. **EXIIT DE TEMPLO.** De cælo, quod ad formam templi Salomonis S. Ioannis imaginationi obiciebatur, ut ex Apoc. 7. v. 15. patet. Unde etiam hic infra v. 17. seipsum explicans, vocat templum, quod est in cælo. **CLAMANS VOCE MAGNA.** Quæ significat magnum desiderium cælestium Beatorum, quorum legatus erat. **AD SEDENTEM SUPER NUBEM.** Ad Christum Iudicem, qui falce sua ad Messum paratus erat. **MITTE FALCEM TVAM, ET META.** Tandem homines, qui in terra vivunt, & præsertim electos, qui in horreum tuum congregandi sunt, succide, & interfice. **QVIA VENIT HORA, VT METATVR.** Tempus metendi, quo electi in horreum colligendi sunt, advenit. **QVONIAM ARUIT MESSIS TERRÆ.** Matura est seges, & expectat falcem; quo significatur, impletum esse numerum electorum, & mundum, qui propter eos colligendos creatus est, esse jam jam consummandum; unde *messus consummatio sæculi est*, ait Christus, Matth. 13. v. 39.

16. ET NISIIT, QVI SEDEBAT SUPER NUBEM. Christus exoratus desiderijs & orationibus Angeli, & Sanctorum, quorum agebat legationem. **FALCEM SVAM IN TERRAM.** In qua homines stant, aluntur, & vivunt, ut seges in agro; *ager autem iste est mundus*, ut Christus interpretatur Matt. 13. v. 38. **ET DEMESSA EST TERRA.** Quod mox futurum erat, S. Ioannes tanquam factum videt, quia oculus Prophetarum ad futura, tanquam si præsentia, aut præterita essent, certissimè se extendit.

17. ET ALIUS ANGELVS EXIIT DE TEMPLO. Non de templo Salomonis, quod erat in terra, sed de templo, **QVOD EST IN CÆLO.** Nam cælum imagine & figurâ templi Salomonis S. Joanni representabatur ut v. 15. dictum est. **HABENS ET IPSE FALCEM ACUTAM.** Non tamen messoriam, qualem habebat, qui super nubem sedebat v. 14. sed falcem putatoriam, seu vindemiatoriam, ut ex v. seq. patet. Hæc falx autem est culter incurvus & falcatus, quo vindemiatores amputant maturas uvas; quali etiam falce utuntur sutores in discindendis corijs.

18. ET

18. ET ALIVS ANGELVS EXIIT DE ALTARI. Quod etiam in cœlesti templo apparebat ad instar altaris holocaustorum templi Salomonis, in quo die ac nocte ignis ad sacrificia semper ardebat. Inde autem exit Angelus iste, tanquam legatus Martyrum, quorum animas sub illo altari cœlesti vindictam clamantes, & ad finem sæculi aspirantes se vidisse narravit S. Joannes Apoc. 6. v. 9. QVI HABEBAT POTESTATEM SVpra IGNEM. Cujus in hoc mundo elementari officium erat, elemento ignis præsidere. Hinc enim colligit Aretas, singulis elementis, Terræ, Aquæ, Aëri, Igni, aliquem Angelum principalem præsidere, qui alios minores quasi sub ministros sub se habeat. Hic autem Angelus cum suis socijs, in fine mundi, ignem conflagrationis excitabit & accendet, *per quem cæli ardentes solvantur, & elementa ignis ardore tabescent*, 2. Pet. 3. v. 12. Undè meritò dicitur hic Angelus in cælo habitare in igne perpetuo altaris holocaustorum, tanquam in proprio & familiari suo elemento. ET CLAMAVIT VOCE MAGNA. Significans magnum desiderium, quo animæ Martyrum sub altari, quarum erat legatus, clamant ad Deum voce magna, *Vsq̃uequo non iudicas, & non vindicas sanguinem nostrum, de ijs, qui habitant in terra*, Apoc. 6. v. 10. AD RVm, QVI HABEBAT FALCEM ACVTAM. Ad Angelum, qui exiverat de templo cœlesti armatus falce vindemiatoriâ, acutâ & præparatâ ad vindemiam. Dicens, MITTE FALCEM TVAM ACVTAM. Amputando reprobos. ET VINDEMIÆ BOTROS VINÆ TERRÆ. Per botros, sæpè in Scriptura peccatores, & reprobi significantur, pleni muto, & ebrij dulcedine voluptatum hujus mundi: & per vindemiationem significatur pœna, quâ conculcantur sicut botri in torculari. *Vindemiavit me, ut locutus est Dominus, in die iræ furoris sui*, Thren. 1. v. 12. *Vide Domine & considera quem vindemiaveris ista*, Thren. 2. v. 20. QVONIAM MATVRÆ SVNT VVÆ EIVS. Quia peccatores suos jam dies impleverunt, & maturi sunt ad pœnam.

19. ET MISIT ANGELVS FALCEM SVAM ACVTAM IN TERRAM, ET VINDEMIAVIT VINÆAM TERRÆ. Licet Christus sedens super nubem, etiam per Angelos suos Messiem electorum metat, (*Angeli enim messores sunt*, ait Christus, Matt. 13. v. 39.) & per eosdem Angelos vindemiet reprobos, Christo tamen potiùs messis electorum tribuitur, Angelis verò reproborum vindemia: quia, ut quidam norant, principes decet benè merentibus per se conferre, pœnas verò peccantibus per ministros suos infligere: ut ostendant se libenter, & ultrò benè operantes remunerari, ad peccatores verò puniendos non nisi invitos accedere. Hinc Deus apud Prophetam vocem lamentantis miscet

miscet consolationi, quam de vindicta inimicorum capit: *Hec, consolabor*, inquit, *super hostibus meis, & vindicabor de inimicis meis*, Isa. 1. v. 24. **ET MISIT IN LACUM IRA DEI MAGNUM.** In magnum & spatiosum inferni barathrum, ubi ira Dei eos pœnis æternis torquetur. *Lacus* hoc loco, ut ex voce græca patet, propriè significat vas grande, quo excipitur vinum ex uvis in torculari expressum. Eadem vox etiam torcular ipsum significat, & ita vertit interpres infra cap. 19. v. 15. & Matt. 21. v. 33. & sic etiam verti hîc potuit; nam in torculari, non in lacu propriè torquentur & calcantur uvæ. Unde Propheta, *Torcular calcavi solus*, Isa. 63. v. 3.

Sed interpres hîc ad concavitatem inferni, qualis est figura lacu, appropinquasse videtur: aut certè, torcular ipsum appellavit lacum, quia in torculari uvæ, tanquam in lacu quodam confringi debent, antequam mustum in lacum alterum effluat. Isaias quoque infernum appellat, lacum: *Verumptamen in infernum detrahèris, in profundum lacu*, Isa. 14. v. 15. Christus verò appellat caminum ignis ardentis, Matth. 13. v. 42. quia lacus iste reverà non vino, sed igne & sulphure plenus est. Sed quia S. Joannes reprobos vocaverat, *botros*, maturos, qui solent torqueri & calcari in torculari; mansit in eadem metaphora, ideoq; e infernum, ubi sanguis pœnarum eorum exprimitur, lacum torcularis vocavit.

20. ET CALCATUS EST LACUS. Damnati tanquam botri in lacu, sive torculari calcati sunt. **EXTRA CIVITATEM.** Longè extra civitatem electorum caelestem Jerusalem, quæ vocatur, *Civitas* per antonomasiam, quia civitas Dei & Sanctorum est. Lacus autem inferni longissimè, & totâ mundi semidiametro distat ab ista civitate: hæc enim in mundi circumferentia, ille in mundi centro est. **ET ERUNT SANGUIS DE LACU.** Pœnz damnatorum, quæ expressura eorum quodammodo effluunt, sicut sanguis uvæ ex lacu seu torculari: mustum enim vini rubri Scriptura vocat sanguinem uvæ, Deut. 32. v. 14. **USQUE AD FRÆNOS AQUORUM.** Maximâ abundantia, & altissimè, quemadmodum si in prælio cruentissimo sanguis hostium effusus, usque ad frænos equorum pugnantium perveniret: quæ figura loquendi, pœnas inferni intensissimas esse significat. Alibi autem Scriptura mitius pœnarum magnitudinem & acerbitatem describit, per hostilem sanguinem non tam abundanter effusum, sed qui Christi victoris vestimenta asperferit & tinxerit suo colore. *Quare rubrum est indumentum tuum, & vestimenta tua sicut calcantium in torculari?* Quibus respondet: *Torcular calcavi solus, calcavi eos in furore meo, & aspersus est sanguis eorum* super

Super vestimenta mea, Isa. 63. v. 2. cui loco similis est infra Apoc. 19. v. 13. PER STADIA MILLE SEXCENTA. Nec sanguis ille solum in altum ascendit usque ad frenos equorum in loco aliquo angusto, sed latissimè usque ad 1600. stadia, id est, ad 200. milliaria italica quoquo versum se effudit. In uno enim milliari ital. 1000. passuum, sunt 8. stadia: in una verò leuca horaria belgica sunt 4. milliaria ital. totidem enim viator expeditus & pedes, potest unâ horâ conficere: etsi geometræ communiter tria tantum milliaria ital. uni leucæ horariæ soleant assignare. Igitur sanguis iste ad 50. leucas belgicas dicitur se effudisse.

Quid verò effusio ista sanguinis, seu pœnarum infernalium per 1600. stadia, sive 50. leucas significet, est obscurissimum: nam mysterium aliquod nemini cognitum, videtur in numero illo 1600. stadiorum latere.

Beda, Haymo, & plerique veterum, quia numerus iste ex quater 400. stadijs colligitur, putant significari 4. mundi partes, Ortum, Occasum, Meridiem, & Septentrionem. Ita ut dicere voluerit, sanguinem pœnarum tam exorbitantium, effundendum esse super omnes reprobos, usque ad 4. ventorum cardines, super totam terræ latitudinem habitantes. Sicut de electis, inter quos habitabunt reprobi, Christus dicit, congregandos à 4. ventis, à summis cœlorum, usque ad terminos eorum, Matt. 24. v. 31.

Sed si per quaternarium explicanda erat illa effusio sanguinis, obijcit Ribera, quare non potius per 4000. stadiorum, quam per quater quadringenta?

Responderi potest, quia fortasse omnes reprobi, qui in terra tunc erunt temporibus novissimis Antichristi (de illis enim tantum S. Joannes loquitur) si in terræ superficie, ut milites in acie, juxta se mutuo starent, tantam fermè latitudinem terræ occuparent; aut certè propter aliam rationem quæ nos latet. Spiritus S. enim nullum Jora aut apicem in tota Scriptura sine ratione scribi jussit; etiamsi rationem illam ad studij nostri exercitationem, ut sæpè dicit S. Augustinus, in abscondito esse voluerit.

Lessius tamen lib. 13. cap. 24. de perfect. div. spatium illud 1600. stadiorum refert ad locum, quem omnes reprobi in valle Josaphat, & circa occupabunt, tempore judicij universalis. Nam locus ille, ait, factâ supputatione, sufficit, ad tricies mille milliones hominum in terræ superficie consistentium, excipiendos.

Sed S. Joannes, ut dixi, non loquitur de omnibus universim reprobis

qui fuerunt à principio mundi usque ad finem, sed solum de botris, qui vindemiabuntur per totum mundum, tempore Antichristi in fine sæculi.

Ribera verò hunc locum Apocal. de vera & geometrica mensura infernalis lacu accipit. Imaginatur enim concavitatem inferni, quam Theologi ponunt in centro terræ, à centro undique versus circumferentiam extendi ad 1600. stadia, seu ad 50. leucas belgicas: per totum enim hoc spatium sanguis lacu, sive pœnæ infernales diffundentur, quia totum illud à corporibus damnatorum, quos pœnæ illæ inundabunt, occupabitur. Quod si verum est, quandoquidem hodierni geometræ dent semidiametro terræ 3436. milliaria italica, proxima inferni concavitas aberit à nobis 3236. miliaribus ital. Ut proinde periculum non sit, ne carbonarij aut metallarij eo usque descendant, cum nulla fodina ultra medium milliare ital. sive 50. passus descendat: quanta etiam circiter est maxima profunditas maris, exceptis quibusdam gurgitibus, quorum profunditas nulla bolide explorari potest.

Sed Leon. Lessio loco cit. non placet sententia Riberæ, nec tanta profunditas inferni; nam illa inferni extensio, inquit, non esset multo minor totâ Italiâ. Deinde non est opus 200. miliaribus ital. seu semidiametro 50. leucarum, sed sufficit mediæ leucæ semidiameter, sive diameter integræ leucæ ad capiendâ octingenta millia millionum corporum damnatorum, si unicuique dentur 6. pedes quadrati, & supra se mutuo jaceant, sicut magna copia pisciculorum aut fabarum, inquit, in oleo ardenti frigitur. Et tamen addit, videtur certum, non futuros in inferno centies mille miliones corporum. Itaque semidiametro infernalis abyssi, sive intervallo inter medium centrum, & concavam ejus superficiem, dat, ut summum, unam leucam belgicam, sive 4. milliaria ital. ita ut corpora damnatorum circumcirca centrum inferni compacta, occupent dimidiam leucam in orbem; reliqua verò media leuca usque ad concavum, sit plena igne, & corporibus igneis dæmonum.

Sed multa valdè incerta supponit: unde enim potest esse certum, non futuros centies mille miliones damnatorum? nam licet daremus, quod ipse putat, mundum duraturum tantum 60. sæculis, sive 6000. annorum, ab Adamo usque ad finale judicium: perpendendo tamen, quàm pauci fuerint salvati quatuor illis annorum millibus ante Christi adventum, & quàm multi miliones infidelium, aut reproborum Christianorum jam adhuc à Christi adventu sint in mundo; mirum valde

valde effct, si tantum centies mille milliones reproborum colligerentur usque ad sæculi consummationem.

Deinde omnes totius mundi per ignem conflagrationis purgandi cineres, & quidquid turpe, ac scdum in mundo elementari erit, cum igne illo conflagrationis, & corporibus damnatorum in barathrum inferni devolventur, ut docet Sanct. Thomas in 4. distinct. 47. sub finem.

Denique fortasse corpora damnatorum (ut quædam Sanctorum revelationes narrant) non quiescent perpetuo in eodem spatio compacta, sicut lateres in uno cumulo, aut sicut pisciculi vel sabæ in sartagine, sed vi flammarum à centro inferni excutientur sursum, vel etiam à demonibus expellentur, qui igneis corporibus assumptis eos cruciabunt & amplexabuntur.

Itaque verisimilius videtur, concavitatem illam infernalis lacu majorem fore, & non quidem semidiametrum, sed diametrum totam (si hunc Apocal. locum litteraliter de inferni capacitate accipiamus) futuram 1600. stadiorum, sive 50. nostrarum leucarum; & proinde semidiametrum, leucarum 25. Cum enim S. Joannes dicit, sanguinem exiturum è lacu per stadia 1600. videtur intelligendum de diametro, sive totâ longitudine spatij, quod illo sanguine pœnarum obtegetur.



CAPVT XV.

SYNOPSIS CAPITIS.

Capite præced. à v. 14. usque ad finem, oblata occasione S. Ioannes excurrebat, usque ad ult. sæculi finem, quando post iudicium universale reprobi, qui secuti sunt bestiam, in lacum gehenna infernalis, tanquam bovi in torcular, ad exprimendum sanguinem penarum, præcipitabuntur: nunc vero oculum ab inferno revocat in calum, ubi super mare vitreum videt electos, qui vicerunt bestiam, cantantes in citharis suis canticum Agni. Videt deinde 7. Angelos exeuntes de templo, quibus ab uno quatuor animalium dantur 7. phiala plena iracundiâ Dei, quæ sunt 7. plage novissimæ, quas singuli ordine suo cap. sequenti super terram effundent.

Vers. 1.

ET VIDI ALIUD SIGNUM IN CÆLO. Hoc signum compendiosè statim in principio narrat, quod latius explicare incipit à v. 5. Undè hoc signum vidit posterius, quàm alterum, quod ponitur v. 2. MAGNUM ET MIRABILE. De re verè magnâ in se, & nobis admirabili. Hoc autem præmittit S. Ioannes, ut suum lectorem attentum faciat. ANGELOS SEPTEM. Hoc autem signum erant 7. Angeli. Et illi verisimiliter, quos vocavit 7. spiritus, qui in conspectu throni Dei sunt, Apocal. 1. v. 4. & septem lampades ardentes ante thronum, Apoc. 4. v. 5. & sep. Angeli tubicines, Apoc. 8. v. 2. quidquid Viegas contradicat. Isti autem Angeli non de supremo ordine Seraphinorum, aut aliquo ordine assistentium sunt; sed de ordine Principatuum, quibus commissæ est præfectura, & regimen mundi inferioris. HABENTES PLAGAS SEPTEM. Quas phialis aureis inclusas tenebant, ut infra v. 7. patebit. NOVISSIMAS. Quæ erunt ultimæ plage, quibus Deus ante resurrectionem mortuorum, & finale iudicium homines flagellabit. QVONIAM IN ILLIS CONSUMMATA EST IRA DEI. Quas ideo novissimas & ultimas appello, quia per illas ira Dei in peccatores adhuc in terra viventes finietur. Post illas enim sequetur mundi finis.

Septem plagis autem ferire, est perfectè punire, inquit Beda, quia numerus

numerus septenarius in Scriptura est numerus perfectionis & universalitatis: unde illud, *Corripiam vos septem plagis propter peccata vestra*, Levit. 26. v. 28.

2. ET VIDI TANQVAM MARE VITREVM. Non mare, quale Oceanus est, aut mediterraneum, sed vas magnum vitreum plenum aquâ, ad similitudinem maris ænei, quod erat in templo Salomonis, ut Apocal. 4. v. 6: in simili visione latius probavimus. MIXTVM IGNE: Cujus aquæ lucebant, permixtæ quodam igne inextinguibili. In hoc mari adumbratum esse Baptisma Christi, Beda, Haymo, Richardus, & omnes ferè veteres affirmant: nam aquæ Baptismi igne spiritus S. inflammata repræsentantur, propter gratiæ & fidei lumen, quod aquæ Baptismi animabus fidelium infundunt. Vitreo autem vase continentur, quia hoc tempore Euangelij pellucet & ab omnibus videntur, post Baptismi prædicationem toto orbe disseminatam, quæ in mari Aëneo opaco & adiphano templi Salomonis, quasi sub obscuro cortice, continebantur.

Haymo tamen, Viegas, & plurimi veteres ac novi, aquas ipsas vitreas & concretas, non fluentes, apparuisse malunt, ut fides, quæ in Baptismo infunditur, significetur igne charitatis formata, & ne dissolat, firmata, & in duritiem vitri excocta.

ET EOS, QUI VICERVNT BESTIAM. Et vidi etiam Sanctos, qui martyrio suo tyrannidem Antichristi vicerunt. ET IMAGINEM EIVS. Qui victoriam reportaverunt de imagine ipsius, ut ex Græco vertit Hentemus, nolentes scilicet, & contemnentes adorare imaginem Antichristi, ad quam adorandam sub pœna mortis cogebat armiger Antichristi, Apocal. 13. v. 15. ET NVMERVM NOMINIS EIVS. Et forti ac victrici animo rejecerunt characterem, nomen: & numerum nominis Antichristi, nolentes stigmatibus illis tribus insigniri, quibus sectatores Antichristi in fronte & dextera insigniuntur, ut Apoc. 13. v. 17. dictum.

Sicut autem sub primo signo, nempe caractere bestię, duo signa posteriora, nomen & numerum nominis comprehendit, Apoc. 14. v. 11. ita hîc sub ultimo signo, scilicet numero nominis bestię, duo priora etiam subintelligit, quamquam in quibusdam græcis, ut Arctæ & Erasmi exemplaribus, *character* etiam hîc addatur.

STANTES SVPER MARE VITREVM. Juxta & in circuitu maris vitrei. Sicut enim quod positum est in littore maris, aut ripa fluvij, dicitur esse super mare aut fluvium: ita quia vas illud templi vocabatur mare, ideo qui juxta & circa illud stare videbantur, dicuntur stitisse super

super mare. Hoc autem significat, quod fidem in Baptismo professam, & gratiam Baptismalem, inter tentationes erecti & fortes retinuerint. HABENTES CITHARAS DEI. Quas divino munere acceperant. Citharæ istæ significant Mysticè membra Sanctorum mortificata super terram, ait Aretas; quia homo, quantumvis sedulus & indutritius, inquit, divino destitutus auxilio, non potest illa mortificare.

3. ET CANTANTES CANTICVM MOYSE. Tale canticum gratiarum actionis, quale cantavit olim Moyses super littus, post transitum maris rubri, Exodi 15. v. 1. &c. Mare autem rubrum fuit figura maris vitrei, seu Baptismi, ut significat Apostolus 1. ad Cor. 10. v. 2. Sicut enim Pharaò & exercitus ejus submersi sunt in mari rubro, sic omnia peccata submerguntur & suffocantur in Baptismo. ET CANTICVM AGNI. Quo Agnum, sive Christum laudabant, qui per mare Baptismi vitreum transmittit electos suos in vitam æternam; veluti Moyses Israëlitas per mare rubrum versus terram promissionis. DICENTES, MAGNA ET MIRABILIA SVNT OPERA TVA. Cùm enim Deus potestate, sapientiâ, & omni perfectione, super omnes causas creatas in infinitum emineat; decuit, ait Auth. ut opera ejus incomparabiliter magna, & mira essent. Talia autem sunt Machina hujus mundi, & opera naturæ, sed majora & mirabiliora opera gratiæ & gloriæ, quibus Dominus pro servis, Deus pro creatura incarnari & mori voluit; & per vile elementum aquæ baptismalis, ac ignobiles Sacramentorum materias, sanctificat animas, & eas in vitam ac felicitatem æternam trajicit. JUSTÆ ET VERÆ SVNT VIÆ TVÆ. Leges tuæ & instituta, per quæ, tanquam per vias, ad nos venis, & nos ad te redimus; ut interpretatur Richardus; justa sunt, quia unicuique pro merito suo reddis; & vera, quia perducunt, quò promittis. Veritas igitur ista, est veracitas, quam Deus servat in promissis. REX SÆCULORVM. Rex æternæ, qui sæculis omnibus superior, sæcula creas & regis. Quædam tamen exemplaria græca legunt *Rex Sanctorum*, quia Deus specialiter regnat in Sanctis, quos gratiæ suæ funiculis gubernat & regit.

4. QVIS NON TIMEBIT TE DOMINE? Quis piorum non timebit, te timore filiali (ut ex verbis sequentibus colligitur) sicut filius parentem, quem amat, timet offendere. ET MAGNIFICABIT NOMEN TVVM? Et sapientiam, potentiam, justitiam, ac reliqua attributa, propter quæ nominaris & prædicaris, non exaltabit & glorificabit. QVIA SOLVS PIVS ES. Solus verè, & per essentiam pius & beni-

benignus : fons , ex quo omnis pietas fluit , & proinde cujus pietas ita omnium piorum & Sanctorum pietatem excellit , ut nemo comparatione tui sit pius . Dicitur enim eo modo solus pius , quemadmodum solus sapiens , solus bonus , solus ens , inquit Carth. QVONIAM OMNES GENTES VENIENT. Gressibus fidei ante finem mundi venient ex omnibus gentibus aliqui electi , ait Richar. est enim distributio pro generibus singulorum , non pro singulis generum addit Carth. quo modo similes Scripturæ locutiones , quibus dicuntur , omnes venturi ad Christum , omnes salvandi per Christum &c. interpretatur S. Augustinus. ET ADORABVNT IN CONSPECTV TVO. Adoratione & submissione cordis , quam tu solus conspicias.

In die autem Judicii , omnes omnino , etiam reprobi , in conspectu Judicis apparebunt , sed non omnes adorabunt. Nisi fortè quis dicat , ait Carthas. reprobos pro venia oraturos ex timore servili , quam nullatenus obtinebunt. Aut certè potiùs reprobi adorabunt intellectu recognoscendo , non affectu se submittendo , juxta illud , *Omne genua flectetur , caelestium , terrestrium , & infernorum* , ad Philip. 2. v. 10.

QVONIAM IUDICIA TVA. Quia opera & effectus justitiæ tuæ , quæ præmiis bonos , & punis malos ; MANIFESTA SVNT. Electis tuis per spiritum scientiæ & intellectûs : non enim piorum fidem latet justa esse judicia Dei , quæ latent , ut ait S. Augustinus lib. 20. cap. 2. de Civitate Dei.

Quomodo autem judicia Dei manifesta sunt , inquit Haymo , cùm Apostolus ad Rom. 11. v. 33. exclamans , *O altitudo divitiarum sapientiæ* &c. dicat judicia Dei incomprehensibilia esse ? Respondet : licet manifestum sit , quod sint justa , subtilitas tamen judiciorum Dei , quare velit , ut illud sic fiat , est incomprehensibilis. Quis enim dicere potest , inquit , quare Deus Judæos primò sibi adsciverit , & gentes vias suas liberè ingredi permiserit , act. 14. v. 15. & tamen Judæos postea repellens , gentes ad se vocaverit ?

In extremo tamen judicio manifestabitur , quàm justo Dei judicio fiat , ut in hac vita tam multa , & pænè omnia justa judicia Dei sensus & mentes nostras lateant , ait S. Augustinus loco cit.

An verò in illo judicio omnibus patebunt ista judicia Dei incomprehensibilia , cur hic præ illo eligatur , aut reprobetur , merito dubitat hoc loco Estius ; nam hoc scire , non pertinet ad intelligendam justitiarum retributionis , quam tunc erga electos & reprobos Deus exercebit.

5. ET POST HÆC VIDI. Hinc patet , quod id , quod v. 1. breviter , & an-

& anticipativè se uidiſſe dixerat, & jam v. 5. explicare incipit, non viderit ante, ſed poſt illud quod v. 2. 3. 4. narravit. ET ECCE APERTUM EST. Mihi aperiri viſum eſt. **TEMPLUM TABERNACULI TESTIMONII.** Templi illa pars quæ eſt tabernaculum, in quo Arca olim erat cum tabulis testimoniſ, ſive legis Decalogi, quâ Deus voluntatem ſuam hominibus teſtatur eſt. Hæc autem erat ſacraſſima pars templi, quæ oppaſſo velo à reliquis partibus ſeparabatur, & Sanctum Sanctorum vocabatur. **IN CÆLO.** Cælum enim figura templi Salomonis S. Joanni perpetuò repræſentabatur, ut toties antè vidimus.

6. ET EXIERVNT SEPTEM ANGELI. De quibus diximus v. 1. Exeunt autem ex Sancto Sanctorum, tanquam à facie Dei, qui olim habitare dicebatur in Sancto Sanctorum, ſuper propitiatorium Arce, unde Iſraëlitiſ reſponſa dabat. **HABENTES SEPTEM PLAGAS.** Juſſu Dei peccatoribus ordine ſuo infligendas, cap. ſeq. **VESTITI LINO MÜNDO ET CANDIDO.** Id eſt, podère, ſive veſte talari (ut Angelus alter Apoc. 1. v. 13.) ex puro & ſplendenti lino contextâ. Quæ veſtis ſignificat puritatem intentionis, & animi candorem, quo Angeli divinx juſtitiæ pœnas exequentur, aliter longè quàm homines, qui quando ſecundùm divinas leges de peccatoribus pœnas ſumunt, irâ, odio, & alijs nigris affectibus, quos permittent, mundiciem & candorem intentionis commaculant.

Similis ſenſus erit ſi legamus, ut quidam codices, *Vestiſti lapide mundo & candido.* Veſtiſ enim lapidibus, & gemmis mundis ac candidis, opere phrygio fulgens & contexta, ſignificat candorem & firmitatem animi inflexibilem, quâ Angeli mandata Dei in punitione impiorum exequentur.

ET PRÆCINCTI CIRCÀ PECTORA ZONIS AUREIS. Ad mamillas circa præcordia zonis aureæ charitatis ſuccincti. Igneus enim auri fulgor, blandum & tranquillum charitatis ardorem ſignificat, quia Angeli non ex odio, ſed deſiderio emendationis, Dei juſſu, peccatores flagellant. Ided etiam Angelus Chriſtum repræſentans, dicitur veſtitus podère, & ad mamillas zonæ aureæ præcinctus, Apoc. 1. v. 13.

Beda, Richardus, & plurimi veterum, per 7. Angelos ſic veſtitos & ornatos, ſenſu myſtico, intelligunt Eccleſiæ Doctores, & Evangelij prædicatores, qui ſeptem, id eſt, omnes Dei plagas peccatoribus infligendas publice annuntiant: quorum veſtiſ linea & candida puritatem vitæ, & externam carnis mortificationem ſignificat. **LINUM** enim

enim multo calore ad candorem venustatis perducitur, ait Haymo. Præcinguntur autem circa pectora zonis aureis, quia non solum opus externæ libidinis, sed etiam fluxum illicitæ cogitationis restringunt retinaculis charitatis, inquit Richardus.

7. ET VNVM DE QVATVOR ANIMALIBVS. Cui fortasse reliqua tria animalia hoc commiserant; quia omnium 4. Euangelistarum idem est Euangelium, sive liber unus 4. Euangeliorum.

Alij, *unum*, accipiunt pro, *primo*, more Hebræorum. Primum autem animal erat Leo, ut patet Apocal. 4. v. 7.

DEDIT SEPTEM ANGELIS. Deus ministerio unius Euangelistarum (qui per quatuor animalia ex communi sententia Patrum significantur, ut Apocal. 4. v. 6. diximus) utitur in distributione phialarum, & plagarum infligendarum peccatoribus, quia peccata, quæ vindicantur, sunt contra legem Euangelicam scriptam, & mundo promulgatam à 4. Evangelistis: Aut, ut alij volunt, à primo Euangelista per leonem figurato, quia hoc animal naturâ suâ maximè iracundum & vindicativum est. SEPTEM PHIALAS AVREAS. Vascula concava, patuli oris, non angusti, ut quidam existimant: non enim erant instar laguncularum nostrarum, sed potiùs similes pateris, aut naviculis, quibus thus ad incensum Sacerdotibus celebrantibus ministrant Diaconi. Unde vocem hebræam, quæ passim, *phiala*, vertitur, Arias montanus, *Pelvum*, vertit Zach. 9. v. 15. & ahbi, *craterem*, ut 2. Paral. 4. v. 8. Phialæ enim erant vasa, in quibus principes viri bibebant, ut patet Judic. 5. v. 25. & Amos 6. v. 6. Item in phialis adolebatur thymyama, ut supra patuit, *Habentes phialas aureas plenas adorationum*, Apocal. 5. v. 8. ad quos usus idoneæ non sunt phialæ angusti oris.

Aureæ sunt Phialæ; quia aurea Dei charitas iram suam effundit in peccatores, ut eos, quamdiu in hoc mundo vivunt, convertat. Idem enim etiam zonas septem Angelorum circa pectora aureas fuisse v. præced. diximus.

PLENAS IRACUNDIÆ DEI. Varijs plagis refertas, quas ad uniuscujusque phialæ effusionem Deus cap. sequenti supra sectatores Antichristi effundet. Phialæ igitur istæ significant iusta judicia Dei, in quibus pœnæ, peccatoribus à Deo statutæ, quodammodo continentur, donec eas super ipsos effundat.

8. ET IMPLETVM EST TEMPLVM FVMO. Sicut olim templum Salomonis, quando dedicatum fuit, 3. Reg. 8. v. 10. ad cuius templi instar cælum repræsentabatur S. Joanni. A MAIESTATE DEI.

H h

Græcè,

Græcè, à *gloria Dei*. Qui fumus exibat ex præsentis gloriæ & Majestatis Dei. Solet enim olim Deus præsentiam suam in fumo, nube, aut nebula populo à se electo exhibere. Nam in columna nubis traduxit eos per desertum; Moysi loquebatur in nube; quando tabernaculum primò erectum est, nubes operuit, & gloria Domini implevit illud, Exod. 40. v. 32. sicut postea templum Salomonis. Hinc dicitur, quod Deus fuerit pollicitus inter eos habitare in caligine, 2. Paral. 6. v. 1. Quod significabat, occultam esse mortalibus divinæ Majestatis excellentiam, & eam, veluti per nubem & caliginem à nobis cognosci. **ET DE VIRTUTE EIVS.** Et ex ejus potentia. Nam sicuti gloriæ ejus Majestatem, ita nec virtutis & potentie ejus in puniendis peccatoribus, nisi per fumum & nebulam, justitiam & rectitudinem comprehendimus. Undè fumus iste fortasse ex phialis ipsis Angelorum (per quas divina judicia significari diximus) exhalabatur: phialæ enim idoneæ erant ad thus & thymiamata adolendum ut v. præced diximus. **ET NEMO POTERAT INTROIRE IN TEMPLVM.** Mente quasi ascendere in calum, ad cognoscendam altitudinem judiciorum Dei, quâ peccatores in hac & altera vita tam severe punit. Idèd enim reprobi nomen Dei jam blasphemant, ait Richar. quia judicii ejus justitiam ignorant. **DONEC CONSUMMARENTVR SEPTEM PLAGÆ SEPTEM ANGELORVM.** Donec finitis 7. Angelorum plagis, & sine rebus hujus mundi imposito, Christus ad judicium universale veniret, in quo aperirentur libri, & per mentium illuminationem omnes introirent in templum, sive in cælestium judiciorum arcanum, non jam fumo ignorantie obscuratum, sed divinæ revelationis charitate illustratum. Hic tamen introitus non erit impijs ad gaudium, ait Richardus, sed ad supplicij complementum, in hoc enim ineffabiliter dolebunt, quod se merito damnatos, & divinam iracundiam justè æternaliter meruisse videbunt.



CAPVT XVI.

SYNOPSIS CAPITIS.

Septem Angeli ordine quisque suo phialas suas in terram, mare, flumina &c. effundunt, & totidem plagis sevisimis Antichristi sectatores feriunt.

vers. 1.

ET AUDIUI VOCEM MAGNAM: Qualem vocem homines irati edere solent. DE TEMPLO. Cælesti. DICENTEM SEPTem ANGELIS. Præcipientem illis. Erat enim vox alicujus Angeli ex superioribus, clamantis & præcipientis vice Dei. EFFUNDITE SEPTem PHIALAS IRÆ DEI IN TERRAM. In homines habitantes in terra, non solo corpore, sed etiam rerum terrenarum amore.

2. ET ABIIT PRIMVS, ET EFFVDIT PHIALAM &c. Plerique interpretes negant, Angelos cum phialis apparituros, sed hanc figuram loquendi significari tantum plagas divinam aut angelicam virtute peccatoribus infligendas. Sed sicut intelligi potest ad litteram, quod Angeli tubis revera canent ad singulas priores plagas, Apocal. 8. & 9. Item quod Angelus in forma aquilæ per medium cæli volabit, &c. ita nihil videtur esse absurdi, si dicamus Angelos revera ex phialis aliquid in terram, mare, &c. effusuros, ut Antichristiani manifestius intelligant, non casu has plagas evenire, sed à Deo per Angelos inferri. Propter quem finem etiam Moyses, virgam suam percussis jussu Dei fluminibus, lacubus, aut pulvere terræ &c. plagis illis famosis Ægyptum flagellavit. ET FACTVM EST VULNVS SÆVVM ET PESSIMVM Græcè *ulcus malum & malignum*. Unde multi existimant fuisse ulcera fæda, & vulnere quodam exulcerata, ac hiantia in secretiore parte sedis, qualibus olim percussi sunt Azotij, propter Arcam Domini apud eos captivam 1. Reg. 5. v. 6. Quod etiam aspexit Psaltes: *Percussit inimicos suos in posterora, opprobrium sempiternum dedit illis*, Psal. 77. Hæc enim plaga Deus etiam hodie gulæ & voracitati deditos aliquando percutit, quemadmodum morbo gallico scortatores. IN HOMINES, QUI HABEBANT CHARACTEREM BESTIÆ. Fronti aut dextræ impressum, juxta ea quæ Apocal. 13. v. 16. dicta sunt. ET IN EOS, QUI ADORAVERVNT IMAGINEM EIVS. Vltro aut coacti metu mortis ab

H h 2

armige-

armigero Antichristi, ut ex Apocal. 13. v. 15. intelli potest.

3. ET SECVNDVS ANGELVS EFFVDIT PHIALAM SVAM IN MARE. Hec plaga est similis plagæ secundi Angeli rubicinis, Apocal. 8. v. 8. nisi quod hæc plaga sit gravior alterâ. ET FACTVS EST SANGVIS TANQVAM MORTVI. Et mare totum (non solum tertia pars ejus, ut in plaga priori Apocal. 8. v. 8.) mutatum est in sanguinem similem sanguini, qui ex corpore hominis occisi ac mortui largiter effunditur. Igitur particula, *tanquam*, significat similitudinem sanguinis illius cum copioso sanguine, quo in pralio cruento, ex multa sanguinis effusione flumina aut mare circa littus rubescit : unde non est, tam sanguis, quam aqua sanguine rubricata. Aliqui tamen intelligunt sanguinem impurum & saniosum, qualis ex cadavere occiso & aliquamdiu mortuo effluere solet. ET OMNIS ANIMA VIVENS MORTVA EST IN MARI. Omnes pisces, & omnia reptilia, quorum in mari non est numerus, suffocata sunt in sanguine.

4. ET TERTIVS EFFVDIT PHIALAM SVPER FLVMINA. Ne ad potum & humanos usus, aquâ fluminum & rivorum homines uti possint. Similis fuit plaga tertiæ Angeli rubicinis, Apocal. 8. v. 10. & primæ plagæ Ægypti, Exo. 7. v. 19. ET SVPER FONTES AQVARVM. Sub quibus etiam putei comprehendendi debent, ne quid aquæ dulcis relinquatur utile ad bibendum aut coquendum. Unde hæc plaga sevrissima est, & longè gravior priori. Quidam tamen credunt, stagna, lacus, & vivaria excipienda esse, nec convertenda in sanguinem; quia eorum hæc nulla sit mentio. ET FACTVS EST SANGVIS. Omnes aquæ dulces conversæ sunt in purum & verum sanguinem, non tantum in aquam sanguine rubentem, ut minus adhuc usibus humanis sit utilis, nec percolari possit, ut revertatur ad aquæ naturam.

Hæc tamen plaga non eousque durabit, donec omnes homines emoriantur siti : sicut nec prior Apocal. 8. v. 10. nec Ægyptiaca similis, Exodi 7. v. 19.

5. ET AVDIVI ANGELVM AQVAVM. Qui fluminum & fontium aquis præest, & cui jam datum erat negotium vertendi aquas dulces in sanguinem. Aretas enim existimat, hunc eundem Angelum esse, qui aquis fluminum & fontium præses datus est à Deo; sicuti alia elementa alios Angelos præsides habere putantur.

Quidam recentiores Theologi ex hoc loco Apocal. colligunt, fluxum & refluxum maris non à luna, sed ab isto Angelo aquarum fieri; quod lib. 5. cap. 1. art. 8. Meteorologiæ nostræ olim refutavimus: Nam Angeli corporibus elementaribus præsident ad solas actiones præter-

præternaturales, non ad eas, quas elementa ipsa, aut cælum naturaliter possunt efficere, ut docet S. Th. 1. p. qu. 110. art. 1. ad 2. Deinde potius Angelus maris, quàm fluminum & fontium, deberet singulis senis horis reciproco illo æstu mare movere.

DICENTEM, IUSTVS ES DOMINE. Angeli enim Deum in omnibus operibus suis laudant, etiam quando vindictam de peccatoribus sumit. QVI ES. Stabili & permanente existentia æternitatis. ET QVI ERAS. Jam olim ante principium mundi & temporis. SANCIVS. Per essentiam, & proinde nihil iniquum velle potes. Quædam tamen exemplaria græca, si BERE credimus, pro, *sanctus*, legunt, & *qui eris*, ut Dei existentia ante & post æterna esse significetur. QVI HÆC INDICASTI. Græcè, *quia hac indicasti*. Iustus, inquam, es, quia hac pœnâ eos dignos iudicasti.

6. QVIA SANGVINEM SANCTORVM ET PROPHETARVM EFFVDERVNT. Multos enim sanctos & prophetas, præter Eliam & Henoch, Antichristus & ejus satellites martyrio afficient. ET SANGVINEM EIS DEDISTI BIBERE. Propinasti eis, si bibere vellent, sed non bibent, sicut Egyptij bibere non poterant aquas Nili à Moysè versas in sanguinem, Exo. 7. v. 21. unde tot Egyptij siti suffocati sunt, ut vivi non sufficerent sepeliendis mortuis, sicut narrat Philo in vita Moysis.

Estius tamen negat, flumina & fontes reverà esse convertendos in sanguinem, sed quando dicitur Deus intersectoribus martyrum daturus bibere sanguinem, significari tantum, quod illi homicidæ, pœnâ tali crimini proportionatâ puniantur. Sicuti, inquit, quando Apoc. 13. v. 10. dicitur, *Qui in gladio occiderit, oportet eum gladio occidi*, & Sap. 11. v. 17. *Per qua peccat quis, per hac & torquetur*. Licet enim pœnæ gehennæ ignis sit omnibus damnatis communis, inquit Estius, aliâ tamen speciali pœna punietur homicida, aliâ fornicator, aliâ ebrosus, &c. Et hoc sensu dicitur ille dives epulo in linguâ cruciari per quam peccaverat, Lucæ 16. v. 24. Sed quandoquidem plagæ, istæ, quibus Antichristiani in fine sæculi flagellabuntur, similes Egyptiacis describantur, & à S. Irenæo lib. 4. cap. 50. cum eis comparantur; non est ratio, cur ad litteram non interpretemur, flumina revera in sanguinem convertenda esse. Interpretatio ergo Estij valere potest pro sensu mystico, non pro literali.

7. ET AVDIVI ALTERVM Angelum AB ALTARI DICENTEM. Quasi legatus esset SS. Martyrum, quorum animæ sub illo altari erant, Apocal. 6. v. 9. ETIAM DOMINE DEVS OMNIPOTENS. Confirmat sententiam præcedentis Angeli, quâ Dei justitiam in puniendis

niendis tam severe peccatoribus laudavit. Hoc enim consentaneum est desiderijs SS. Martyrum, qui sub illo altari clamant, *Vsquequo non vindicas sanguinem nostrum*, Apocal. 6. v. 10. VERA ET IUSTA IUDICIA TVA. Vera, quia efficiunt id, quod promittunt, ait Richar. iusta, quia præmium secundum meritum reddunt. Iustum enim est, ut qui crudeliter agunt, crudeliter puniantur.

8. ET QUARTVS ANGELVS EFFVDIT PHIALAM SVAM IN SO-
LAM. Inflammando quodammodo eum, ut ardore extraordinario homines torreret. Unde non facit hic Angelus contra præceptum quò v. 1. omnes iussi sunt phialas suas effundere in terram; nam omnium 7. phialarum effusiones tandem relabuntur in terram. Licet enim quarta phiala effundatur in solem, & septima in aërem, tamquam in causas effectuum & tribulationum, hæ tamen in homines terrestres & impios in terra habitantes tandem recidunt. ET DATVM EST ILLI. Soli, à Deo causas naturales sic per providentiam suam disponente. ESTV AFFLIGERE HOMINES. Magno & extraordinario æstu homines impios quodammodo torrere. ET IGNI. Græcè, *in igne*, sive, *per ignem*. Hinc verisimile est, maximam ardentium facum, discurrentium stellarum, cometarum, fulminum, aliarumque ignitarum exhalationum multitudinem illo ardore solis in aëre accendendam, quæ copiam materię gravata decident in terram, & infimum aërem in quo spirant homines, quodammodo inflammabunt. Talis enim olim unius ætatis, propter easdem causas, intolerabilis ardor, quo regiones Occidentis adustæ sunt, dedit occasionem fabulæ calus Phaëtonis, ut auctor libri de mundo, qui Aristoteli tribuitur, narrat. Hunc verò casum Phaëtonis, eodem ferè tempore cum plagis Ægyptiacis, & diluvio Deucalionis, accidisse, in Chronico dicit Eusebius.

9. ET ÆSTVAVERVNT HOMINES ÆSTV MAGNO. Ideoque præ impatiencie ardoris BLASPHEMAVERVNT NOMEN DEI. Maledixerunt potentie & excellentie Dei. HABENTIS POTESTATEM SUPER HAS PLAGAS. Qui potest tam acerbis peccatoribus plagas infligere, & etiam vult, cum tamen, si vellet, posset ipsis parcere. Sic quidam olim sub zonâ torridâ Africæ populi surgentem quotidie solem blasphemabant, quia nimis eos calore adurebat, cum alij sub alijs climatibus populi, tanquam beneficium sidus adorarent.

Sensu mystico, phiala effunditur in solem, ait Carthus. quando Principes Ecclesiæ, qui instar solis verbo & exemplo fulgere debent, irâ in subditos accenduntur, & varijs afflictionibus eos urunt, & ad blasphemias ac maledictiones adigunt.

NEQVE

NEQUE EGERVNT POENITENTIAM. Sic flagellati non sunt conuersi ad peccatorum poenitentiam, sed pertinaces manserunt, & ut pessima mancipia, flagellis obdurati sunt. UT DARENT ILLI GLORIAM. Confitendo Dei iustitiam, quod illas plagas peccatis suis promeriti essent. Sic aliàs dicitur dare gloriam Deo, quicumque aliquod Dei attributum confitetur: unde Hebræi videntur pro more habuisse, ut quando invitabant aliquem ad fatendam veritatem, dicerent, *dare gloriam Deo*, ut Josue 7. v. 19. Joan. 9. v. 24. Quasi dicerent: confitere Deum esse omniscium, & cordium inspectorem, fatendo coram eo sincerè veritatem.

10. ET QUINTVS ANGELVS EFFVDIT PHIALAM SVAM SUPER SEDÈM BESTIÆ. Super ipsum thronum Antichristi, ita ut ab ipso, & familiâ ejus, hæc plaga ad omnes Antichristianos quodammodò deflueret. ET FACTVM EST REGNVM EIVS TENEBROSVM. Tam ipse quam subditi ejus, qui antea temporalium prosperitate, corporum valetudine, & omni lætitiâ, tanquam luce diei, circumfusi erant, subito per adversitates, & publicum marorem, tanquam tenebris noctis cooperti sunt. ET COMMANDVCAYERVNT LINGVAS SVAS PRÆ DOLORIBVS. Tanquam rabidi canes stridebant dentibus, mordebant labia, exerebant linguas, & mordebant quasi vellent comedere & devorare. Sic enim homines aliquando solent facere, quando dolor ad illam acerbiteratem venit, ut sit prorsus intolerabilis, & homines facit insanire.

11. ET BLASPHEMAVERVNT DEVM CALI. Scientes talem plagam à Deo, & à cælo, ubi est sedes Dei, sibi immitti. PRÆ DOLORIBVS ET VVLNERIBVS SVIS. Græcè, *& ulceribus suis*; iterùm, ut v. 2.

Indicat, undè dolores illi tam urentes, & intolerabiles proveniant; nempe, ex tumoribus exulceratis, & in vulnera erumpentibus, ac cancro quodam nervos, & partes corporis maxime sensibiles erodentibus; quasi ulcere & vulnere pessimo percussus est B. Job à satana, à planta pedis, usque ad verticem, quando testâ radebat saniem, sedens in sterquilinio, Job 2. v. 8. Aut certè, quia sectatores Antichristi in omnes feminarum & masculorum libidines projectissimi erunt, ulcera & vulnera ista, papulæ & vomicæ lui venereæ erunt. ET NON EGERVNT POENITENTIAM EX OPERIBVS SVIS. De fornicationibus, idololatriâ, & omnibus sceleribus, quibus cooperti erant.

12. ET SEXTVS ANGELVS EFFVDIT PHIALAM SVAM IN FLUMEN

ILLVD

ILLUD MAGNUM EUPHRATEM. Magnus enim est Euphrates, præcipue ubi Tygris eum influit, & communi alveo in sinum Persicum uterque se præcipitat. Hic fluvius olim terminus Rom. Imperij versus Orientem fuit. Babylonem Chaldaorum urbem regiam interluit, & à Chobare præfecto, ut lib. 6. cap. 26. narrat Plinius, in duos ramos supra Babylonem fissus est, ne copiâ aquarum, & præcipiti cursu urbem infestaret. Unde à nomine illius præfecti Chobaris, Euphrates vocatur, *flumen Chobar*, Ezech. 1. v. 3. ET SICCAVIT AQVAS EIVS. Stellis ardentibus fortasse magnâ mole ac numero in flumen præcipitatis, quales S. Joannes dixit extremis his temporibus de calo casuras super terram, *sicut ficus emittit grossos suos, quando à vento movetur*, Apoc. 6. v. 13. Nam stellam, sive cometem talem in Germania Anno 1543. ad terram usque cecidisse, & rivum ebibisse narrat Sennertus, lib. 4. cap. 1. Epitom. Debuit tamen etiam Angelus claudere fontes Euphratis, ne nova aqua succedens alveum repletet. UT PRÆPARETUR VIA REGIBUS AB ORTU SOLIS. Ut raptim sine pontibus aut navibus transirent maximi exercitus septem regum, qui ab oriente ex Persia, Parthia, & vastissimis illis regionibus advolabunt ut subijciant & conjungant se Antichristo, ubi intellexerint, tres reges Egypti, Africae, & Ethiopiae ab eo victos & interfectos, ut Apocal. 12. v. 3. ex Dan. 11. v. 42. narravimus. Deus autem per Angelum, siccatum Euphrate, illis regibus viam ad Antichristum pandet, ut post finitam Christianorum persecutionem, omnes simul in unum exercitum collectos, unico ihu cum Antichristo prosternat.

Multi ad prophetiam Danielis non respicientes, omnia hæc allegorice solum interpretantur, & per effusiones phialarum, verbi divini prædicationem intelligunt. Igitur sexta phiala in Euphratem effunditur, quando homines à prædicatoribus Evangelij fluxus rerum humanarum admonentur, juxta interpretationem S. Augustini illius versus Psal. 136. *Super flumina Babylonis illic sedimus & fleverimus, cum recorderemur signa*: flumina enim Babylonis fluxum voluptatum, & rerum temporalium, quæ à filiis hujus sæculi amantur, & transeunt, myllicè, & pulcherrimè interpretatur. Flumina autem Babylonis sunt Euphrates & Tygris qui sicut rapidissimè feruntur, ita mundanæ voluptates, & hujus vitæ temporalia bona celerrimè transcurrunt.

Tunc autem ad effusionem phialæ flumina ista siccantur, quando prædicatoribus phialas Evangelicæ prædicationis effundentibus, siccantur & mortificantur carnales voluptates, ut reges, qui super appetitus suos regnant, lumine gratiæ ab oriente sole, qui Christus est,

illumi-

illuminati & excitati, sicco quasi vestigio versus Sion, & cælestem Jerusalem revertuntur.

13. ET VIDI DE ORE DRACONIS. Diaboli. ET DE ORE BESTIÆ. Antichristi. ET DE ORE PHŒVDOPROPHETÆ. Bestiæ ascendens de terra, & summi pontificis religionis Antichristianæ, de quo facta est mentio Apoc. 13. v. 11. SPIRITVS TRES IMMUNDOS. Tres dæmones exeuntes, quorum primus & principalis de ore draconis Luciferi, hoc est, iussu ejus, exhibet, alter de ore Antichristi, tertius de ore pseudoprophetæ, quia magi erant; dæmones autem imperio magorum obedire solent. Hi autem tres dæmonum capitanei alios inferiores secum affinent, ad perficiendum ea, ad quæ mittuntur. IN MODVM RANARVM. Similes ranis. Ostenduntur autem S. Joanni tres illi archidæmones specie ranarum, ad indicandum eorum immunditiam & imbecillitatem, quia instar ranarum, voce & terriculamentis, amplius quàm viribus, adversus homines valent. Volunteriam videri incolæ aquarum sicut pisces, ait Beda, sed in limo & cæno juxta ripas inter arundines habitant, id est, carnis spurcitij, & inquinamentis delectantur.

14. SVNT ENIM SPIRITVS DÆMONIORVM. Undè meritò spiritus immundi appellantur. FACIENTES SIGNA. Falsorum miraculorum & prodigiorum artifices, & ideo maximè idonei, ut per signa & prodigia decipiant homines, & in suam sententiam abducant. ET PROCEDVNT AD REGES TOTIVS TERRÆ. Non tantum ad 7. illos orientales reges, quorum transitui siccabitur Euphrates, sed ad omnes reges & principes per Occidentem, Septentrionem, & Meridiem dispersos, ad Indos & Americanos. CONGREGARE ILLOS IN PRÆLIUM. Cum Antichristo adversus Christianos: quod partim occultis suggestionibus, partim per magos ministros suos, & signorum patratores perficient. Dicent enim se esse legatos Dei in forma humana apparentes, hoc est, Antichristi, qui ut se ultro subijciant, & vires suas cum eo conferant, eloquentiâ, signis, & prodigijs persuadebunt. AD DIEM MAGNVM OMNIPOTENTIS DEI. In quo die Deus magna faciet, & omnipotentiam suam ostendet, quando omnes illos Antichristi, & auxiliariorum exercitus in unum locum & prælium congregatos igne cælesti involvet, & consumet, ut patebit Apoc. 10. v. 9.

15. ECCE VENIO SICVT FVR. Ecce autem ego Deus qui loquor in Joanne, venia in subitò, occultè, & furtim, ut ultimo hoc prælio hostes meos opprimam, quando Antichristus & impij minimè

putabunt, sed se victores esse, & omnia sub pedibus habere credent. Deinde ubi eos oppressero, veniam quoque ad iudicium universale, ut rebus humanis finem tandem imponam.

Hic versus autem extra historiz, quam tractabat, contextum, quasi per parenthesin interijcitur.

BEATVS QVI VIGILAT. In operibus virtutum. Sic Christus, *Vigilate quia nescitis, quâ horâ Dominus vester venturus sit*, Matth. 24. v. 42. ET CVSTODIT VESTIMENTA SVA. Gratiam sanctificantem, quâ tanquam veste candidâ induitur anima; & virtutes, quæ tanquam gemmæ vesti sunt intertextæ. NE NVDV5 AMBULET, ET VIDEANT TVRPITVDINEM EIVS. Et ne Angeli & Sancti videant turpitudinem nuditatis, ac pudenda ejus. Hæc autem sunt deformitates vitiorum, quæ vocantur opera tenebrarum, quia non in eis in tenebris nocturnis non verentur nudi, aut seminudi turpiter ambulare, qui de die in veste honesta tantum apparent. Unde illud Apostoli, *Sicut in die honeste ambulemus*, ad Rom. 13. v. 13. honestâ scilicet virtutum veste amicti, sicut vestire & ornare se solent, qui in die ambulant.

16. ET CONGREGABIT. Deus tandem in fine totius persecutio- nis, & omnium bellorum. Redit S. Joannes ad Historiz contextum, unde v. præced. discesserat. ILLOS. Reges Antichristianos. IN LOCVM QVI VOCATVR HEBRAICÆ ARMAGEDON. Talis loci nulla mentio in S. Scriptura; quia tamen ex ipso nomine hebraico colligitur, esse locum in terra sancta, videtur esse campus ille magnus in Galilæa, qui passim in Scriptura *Mageddo*, 2. paral. 35. v. 22. & alibi vocatur: in quo Josias Rex Juda olim superatus est à Nechao Rege Egypti, & ubi Barac cecidit exercitum Sisaræ Ducis Regis Jabin, Judic. 5. v. 19. Vocatur etiam *campus magnus Esdrelon*. Judith 1. v. 8. In quo enim loco omnes illi exercitus Antichristi, cujus sedes erit Jerosolymis, poterunt commodius congregari, quàm in campo illo spatiosissi no, qui passim in Scriptura, *campus magnus*, appellatur. Habet enim in longitudine decem milliaria, & in latitudine usque ad mare Galilææ & Jordanem extenditur, ut narrat Adrichomius.

Refellitur tamen à quibusdam hæc nostra interpretatio, quia S. Joannes locum illum non *Mageddo*, sed *Harmagedon*, vocat: *Har*, autem hebraicè, montem, non planitiem significat. Sed facile responderi potest, vocari, *Harmagedon*, tanquam montium *mageddo*; quia licet planities illius campi in se montosa non sit, est tamen montibus & collibus circumdata, ut in illo campo, tanquam in quodam amphitheatro, significentur congregandi omnes illi exercitus.

17. ET

17. ET SEPTIMVS ANGELVS EFFVDIT PHIALAM SVAM IN AEREM. Vt in hoc elemento quidam admiranda operaretur. ET EXIUIT VOX MAGNA. Rem magnam & mundi finem adesse denuntians. DE TEMPLA A THRONO. De templo cælesti, & ab ipso throno, ubi sedebat Deus, ut illi voci, tanquam Dei voci, crederetur. DICENS: FACTVM EST. Actum est de mundo & res humanæ jam jam consummandæ sunt.

18. IT FACTA SVNT FVLGVRA. In testimonium veritatis. ET VOCES, ET TONITRVA. Voces lugubres & articulatz, finem mundi adesse, & Væ peccatoribus clamantes, inter fulgurum coruscationes, & tonitruorum strepitus. ET TERRÆ MOTVS FACTVS EST MAGNVS. Ad multiplicandum supernè, infernè, & undique terrorem. QVALIS NVNQVAM FVIT, &c. Erit enim terræ motus universalissimus, quo non tantum particularis aliqua regio, sed universus terræ & aquæ globus concutietur. Erit enim à causâ supernaturali voluntariâ & divinâ, inquiunt Albertus & Carthusianus. *Commotioe sommovebitur terra, agitatione agitatibitur terra, sicut ebrius, Isa. 24. v. 19.*

19. ET FACTA EST CIVITAS MAGNA IN TRES PARTES. Ierosolyma civitas magna, & Regia Antichristi, illo terræ motu discissa est in tres partes. Ierosolymam enim iterùm ante Apocal. 11. v. 8. vocavit, *civitatem magnam*, in qua Dominus crucifixus est. Undè Aretas dicit appellari, *magnam*, non tam multitudine civium, aut amplitudine mœnium, quàm dignitate & famâ, quâ Christus Dominus illam nobilitavit. ET CIVITATES GENTIVM CECIDERVNT. Si enim vulgaribus terræ motibus civitates sæpè cadant, sicut sub principatu Tiberij (cum Christus esset annorum circiter viginti) duodecim Asiæ urbes unâ nocte prostratz sunt, ut lib. 2. cap. 84. narrat Plinius, quid fiet illo terræ motu, qualis & quantus à mundi principio nunquam fuit? ET BABYLON MAGNA. Et Roma gentilis, qualis erat tempore isto, quo S. Joannes hanc Apocalypsin scribebat, & qualis iterùm futura est tempore Antichristi. Vide quæ Apocal. 14. v. 8. diximus. VENIT IN MEMORIAM ANTE DEVM. Deus recordatus est Babylonis. Deus, qui nihil oblivisci potest, dicitur alicujus rei recordari, quando illam præmio aut pœna afficit: antea enim, cum nihil boni aut mali circa illam operaretur, videbatur ejus esse oblitus. DARE ILLI. Ut det & propinet ipsi. CALICEM VINI. Amari & fæculenti. INDIGNATIONIS IRÆ EIVS. Ob peccata sua & tyrannidem, quâ olim, & iterum in fine mundi, tot martyrum sanguinem fudit. Per calicem autem vini sæpè scriptura pœnam significat,

ficat, quam Deus peccatoribus quasi propinat.

20. ET OMNIS INSULA FUGIT. Evanuit ex oculis, submersa & absorpta terræ motu. Sicuti enim terræ motus novas quandoque insulas in auras evehit (quomodo Rhodon & Delon enatas lib. 2. c. 87. scribit. Plin.) ita etiam easdem aliquando resorbet, & aspectui hominum subtrahit. Sic Atlantidem ingentem in Oceano Atlantico Insulam terræ motu una nocte aufugisse, & Oceano demersam esse, in Critia narrat Plato. ET MONTES NON SUNT INVENTI: Absorpti scilicet eodem terræ motu. Sicuti enim terræ motus spiritu subterraneo plana interdum in montes erigit, ita etiam montosa hiatu terræ cendit. Insulæ autem & montes maximè obnoxii sunt terræ motibus ob multas subterraneas cavitates, quibus spiritum terræ motorem facile accipiunt.

21. ET GRANDO MAGNA, SICUT TALENTUM. Maxima & ingentis ponderis grando, quæ minas, sive libras atticas 60. ponderaret; talentum enim tot libras atticas comprehendit. Non quoddam reverà tanti ponderis futura sit grando, sed quia magni ponderis. Nam Græci talentea vocant, quæcumque magni ponderis sunt. Hæc igitur grando erit instar grandinis Ægyptiacæ, quâ Moyses jumenta & homines in agro repertos occidit, Exodi 9. v. 24. DESCENDIT DE CÆLO IN HOMINES. Tanquam iræ cælestis plaga. Et licet iniquamenta quoque, & omnia terræ virentia deciderit; dicitur tamen in homines descendisse, quia homines in omnibus illis etiam percutiuntur, quæ in usus hominum sunt creata. ET BLASPHEMAVERUNT DEVM &c. Impij enim homines sæpè non emolliuntur, sed obdurantur plagis à Deo immixtis, optantes cum non esse, omnipotentiam, & gloriæ ejus invidentes, inquit Chartus. Atque ita non tantum grando, sed etiam peccatum blasphemix est simul pœna peccati prioris, quia justo judicio Deus cor peccantis obnubilat, ut præcedentis peccati merito, etiam in aliud cadat, ait Haymo.



SYNOPSIS CAPITIS.

Angelus unus ex septem, qui effuderunt phialas suas, ostendit S. Ioanni meretricem purpuratam, sedentem super bestiam coccineam, qua habebat capita septem & cornua decem, &c. quorum omnium significationes Angelus ei postea interpretatur.

Verf. 1.

ET VENIT VNVS DE SEPTEM ANGELIS &c. Cui Deus excidium magnæ meretricis, sive urbis magnæ, quæ sedet super septem montes, commiserat. Si, *unus*, accipiat hîc, sicut Hebræi sæpè accipiunt pro; *primus*; Angelus iste erit Michael, qui videtur esse primus & princeps illorum 7. Angelorum, qui effuderunt phialas suas: isti enim Angeli sunt 7. spiritus qui in conspectu throni sunt, Apocat. i. v. 4. per quos Deus Ecclesiam, & mundum corporeum gubernat, ut aliquoties ante diximus. ET LOCVTVS EST MECVM: Non vocali, sed imaginariâ locutione. DICENS; VENI: Non passibus corporis, sed per attentionem ad ea, quæ dicam. OSTENDAM TIBI: In imagine quadam veluti depictam. DAMNATIONEM MERETRICIS MAGNÆ. Pœnam; ad quam Deus meretricem illam magnam damnavit. Quænam verò sit illa meretrix magna, quam postea Babylonem vocat, explicatur v. ult. ab Angelo, licet subobscurè, nempe Roma verus, inquit Aretas, magni & potentis illius Imperij caput. QUÆ SEDET SUPER AQUAS MULTAS. Quæ multis populis præsidet; sicut in v. 15. se explicat Angelus. Populi gentium rectè vocantur aquæ, quia molles, effeminati, libidine & omni luxuriâ diffuentes.

2. CVM QUÆ FORNICATI SVNT. Fornicatione præsertim spirituali, quæ est idololatria: hanc enim Scriptura S. & præsertim Prophætæ, *fornicationem*, appellare solent, quia per idololatriam anima à Deo vero sponso suo alienatur, & Dijs falsis, tanquam adulteris, se prostituit. REGES TERRÆ. Quos in Europâ, Asiâ, Africâ, armis aut sædere Romana potentia sibi subiecit, quorum provincijs cum Dominatu sæculari, religionem Deorum suorum Roma invehbat, & etiam vicissim Deos provinciales in urbem suas tanquam in publicum lupanar, admittebat. Unde cum penè omnibus dominaretur

gentibus, omnium gentium serviebat erroribus, ait S. Leo, & magnam sibi videbatur assumpsisse religionem, quia nullam respuebat falsitatem. ET INEBRIATI SYNT. Sicut à meretricibus inebriari solent, quos ad libidines suas pellacere volunt. QUI INHABITANT TERRAM. Homines terreni, inhabitantes totam terram Romano Imperio subjectam. DE VINO PROSTITUTIONIS EIVS. Inebriati sunt, inquam, de voluptatum, divitiarum, dignitatum, & commoditatum temporalium dulcedine, quibus exterr gentes ad Romanorum jura, & religionem suscipiendam alliciebantur.

Hæc tamen ebrietas non eosque valuit, ut Judæos ad idololatriam Romanorum Deorum pelliceret, licet Herodes vino & amore regiz dignitatis ebrius, pulso Hircano, Aristobulo, Alexandro, Antigono, & omni stirpe Machabæorum excisâ, Romanis se subjecerit, & regnum à Pompeio Rom. Duce, deinde à Julio Cæs. postea ab Antonio, & denique ab Augusto Cæs. victorum fortunam in bellis civilibus sempersecutus, supplex obtinuerit, & juribus ac tributis Romanorum, regnum Judæorum sublitterit.

3. ET ABSTVLIT ME. Angelus. IN SPIRITU. Extasi mentis spiritali, non translatione corporali. IN DESERTVM. Ut nullis aliarum rerum imaginibus distractus, attentius, quod ei ostensurus erat, consideraret. Sic etiam infra Apoc. 21. v. 10. Angelus iterum auferit illum in spiritu, in montem altum, ut illi ostendat uxorem Agni. ET VIDI MULIEREM. Quam paulo ante, meretricem magnam vocavit. SEDENTEM SUPER BESTIAM COCCINEAM. Tinctam colore coccineo, quem *Scharlaken* vulgò appellamus. Coccum enim est granum, quo vestes colore tali ruberrimo, & plusquam sanguineo tinguntur.

Bestia autem ista coccinea est draco rufus & magnus, Apocal. 12. v. 3. sive, diabolus sanguine Martyrum, & torturâ Sanctorum rufus & coccineus.

PLENAM NOMINIBVS BLASPHEMIE. In fronte, & undique gerens & ostentans inscripta nomina blasphemiz, adversus Deum, & Sanctos ejus. Adjectivum, *plenam*, non ad *mulierem*, sed ad *bestiam* referendam esse, ex Græco patet. Aliter tamen videtur accepisse S. Hieronymus, lib. 2. contra Jovin. quando Urbem Romam alloquens, ait: *Ad te loquar, quæ scriptam in fronte blasphemiam Christi confessione delevisi.* Roma enim est mulier, non bestia coccinea. Nisi tamen S. Hieronymus ad v. 5. respexerit, ubi mulier dicitur gestare in fronte nomen Babylonis. HABENTEM CAPITA SEPTEM, ET CORNVA DECEM. Quid significant ista bestiz capita & cornua, Angelus v. 9. & 12, explicabit.

4. ET

4. ET MULIER ERAT CIRCUMDATA PURPURA. Stola purpurea, tanquam regina. ET COCCINO. Paludamento coccinei coloris. ET INAVRATA AVRO. Quod purpuræ, & paludamento intextum erat, opere phrygio. ET LAPIDE PRETIOSO. Adamante, smaragdo, pyropo, &c. ET MARGARITIS. Gemmis, quæ propriè lapides non sunt, sed succus, qui concretit in concharum valvulis.

Describit reginam pretiosissimis vestibus, & omni ornatu ac pompa ad omnem sæculi luxum & vanitatem circumdatam, qualis fuit olim Roma, ubi extra Italiam in Græciam & Asiam produxit Imperium: cum Græcis enim & Asianis devictis luxus & superbia intravit in Urbem & Italiam, quod Romani historici sæpè conqueruntur. Talis verò Roma iterum sub finem mundi, & tempore Antichristi creditur futura.

HABENS POCVLVM AVREVM IN MANV SVA. Ut tam divite & præclaro poculo omnes gentes ad ebrietates, & fornicationes suas, id est, ad Deorum suorum idololatriam, ad omnia scelera & flagitia Romæ tunc triumphantis invitet. FLENUM ABOMINATIONE (Græcè *abominationibus*) ET IMMUNDITIA FORNICATIONIS EIVS. Philtro quodam, & potione amatoriâ, quâ omnes ad abominanda flagitia sua, fornicationes & idololatrias alliciebat. Cæteræ enim gentes, potentiam, magnificentiam, & opes Rom. tunc Urbis admirantes, certatim ad amicitiam, & Sacra Romanorum, spe aut metu, convolabunt.

5. ET IN FRONTE EIVS NOMEN SCRIPTVM. Palam, & sine pudore nomen tuum, & qualis esset, profitens, quod impudentissimæ meretrices olim solent. MYSTERIVM. Attende, nam mysterium latet in nomine, quod fronti inscriptum gerit. Itaque hæc vox *mysterium*, non est nomen mulieris, sed per parenthesin interijcitur à S. Joanne, vel ab Angelo ei loquente, ne quis putaret, nomen, quod mox dicet, esse verum nomen mulieris, sed solum mysticum, sub quo verum nomen adumbratur. BABYLON MAGNA. Hoc est nomen, quod ipsa in fronte gerit: hoc enim nomine Romam ethnicam Apostoli vocabant, ut Apocal. 14. v. 8. diximus. Babylon enim & Roma ethnica, amplitudine regni, idololatriâ, superbiâ, luxu, persecutione Sanctorum fuerunt simillimæ.

Notat quoque S. Augustinus lib. 18. cap. 22. Civ. Dei, quod Deus per duo ista, Babylonis & Romæ, latissima Imperia voluerit orbem terræ in unam societatem Reipubl. pacare & colligere, ut scilicet filio suo in orbem venturo, mœurs hominum paulatim ad humanitatem

nitatem

nitatem disponderet. Undè ibidem cap. 27. notat, quod circa principia Babylonis Orientalis à Nino condita, factæ fuerint Abrahamo apertissimæ promissiones, de benedicendis in semine ejus omnibus gentibus. Sub tempus verò, quo Babylon occidentalis (sic ipse Romanam vocat) à Romulo condita est, regnante apud Judæos Achas, aut filio ejus Ezechia, tunc Isaias, Osce, Joël, Amos, Michæas, & alij Prophetæ, de Christo apertius, & loqui, & etiam scribere inceperunt. Tunc enim oportebat, inquit S. Augustinus, scribere, quod gentibus prodesset, quando illa civitas, quæ gentibus aliquando imperaret, & quæ imperante Christus venturus erat condebatur.

MATER FORNICATIONVM. Quæ fecit tot gentes Imperio suo subditas fornicari, & idololatrari cum Dijs suis.

Hoc etiam in veterem illam Orientis Babylonem maximè quadrat, quæ principium idololatriæ toti mundo dedisse putatur, quando primum Regem suum Belum (quem multi Nemrod, qui cæpit esse potens in terra, & venator robustus fuit coram Domino, Gen. 10. v. 8. & Jovem gentiliùm fuisse existimant) instituit post mortem, tanquam Deum adorare.

ET ABOMINATIONVM TERRÆ. Omnis luxus, scelorum, & flagitiorum, quæ à capite Romæ in omnes terræ Provincias Romanorum Imperio subiectas, dimanaverunt.

6. ET VIDI MULIEREM EBRIAM DE SANGUINE SANCTORVM. Sauram & repletam sanguine Sanctorum à se fuso. Sicut enim Tyranni, qui sanguini fundendo inhiant, dicuntur per metaphoram sitire, haurire, & bibere sanguinem: ita qui plurimum sanguinem effuderunt, dicuntur metaphoricè sanguine inebriati. **ET DE SANGVINE MARTYRVM JESV.** Hinc patet, S. Joannem potius loqui de tempore futuro, quàm de præterito & præsentì. Nam eo tempore, quo Apocalypsin scribebat, parum adhuc sanguinis Martyrum Jesu Christi, sub solo Nerone & Domitiano Roma effuderat. Rivi autem & flumina sanguinis Christiani, quibus inebriata est Roma, sub generalibus sequentium Imperatorum persecutionibus, demùm effusa sunt; & maximè in decima & ultima generali Diocletiani & Maximiani persecutione circa annum Christi 300. Undè omnes isti decem sanguinarij Cæsares significati sunt per equum rufum, Apoc. 6. v. 4 ut ibi dictum est. **ET MIRATVS SVM, CVM VIDISSEM HÆC.** Tali monstrosæ bestię insidentem, tali veste, luxu, pompâ circumdatam, sanguine madentem & ebriam.

7. EGO

7. EGO DICAM TIBI SACRAMENTVM. Græcè, *mysterium*; quod vocabulum retinuit Interpres Latinus suprà v. 5. MULIERIS ET BESTIÆ. Explicabo tibi, inquit Angelus, rem mysticam & arcanam, quæ lateat sub figura illius mulieris, & bestię cornutæ, & septicipitis, quæ mulierem portat.

8. BESTIA, QUAM VIDISTI, ERIT. Olim potens & imperans toti mundo, & talis rursùm erit in fine mundi sub regno Antichristi. Iuxta hunc loquendi modum dixit Poëta: *Nos fuimus Troës, fuit Ilium & ingens gloria Dardanidum.* Diabolus enim, qui in ista bestia figuratur, toti mundo dominabatur, ante Christi adventum. ET NON EST. Imperio dejecta, & nullius potentię jam est, comparatione ejus, quod ante fuit. Venit enim Christus fortior, & alligavit fortem, & vasa ac arma ejus diripuit, Matt. 12. v. 29. Undè dicitur ligatus per mille annos; & missus in abyssum, clauso & signato super illum abyssi ostio, infra Apoc. 20. v. 3. ET ASCENSURA EST DE ABYSSO. Et tamen iterum postea ascendet de abyssu, & redibit super terram, licet modico tempore, ut dicit S. Joannes loco cit. ET IN INTERITVM IBIT. Ac tandem post modicum illud tempus remittetur in abyssum, & interitum æternæ damnationis, unde nunquam amplius exibit. ET MIRABUNTUR. Tantam, & tam subitam mutationem potentię in impotentiam, felicitatis in miseriam. INHABITANTES TERRAM. Diaboli & Antichristi affectu, qui non minus affectu animorum, quam habitatione corporum terræ inhzrent. Unde sequitur: QUORVM NON SVNT SCRIPTA NOMINA. Per æternæ prædestinationis decretum. IN LIBRO VITÆ. In æterni Patris memoria, cui ad vitam æternam electi inscribuntur. A CONSTITVTIONE MVNDI. A condito mundo, sive ab omni retrò tempore, imò ante omne tempus, & ab æterno, quia Deus memoriæ suæ libro aliquid incipere inscribere in tempore non potest, quia est immutabilis. VIDENTES BESTIAM, QUÆ ERAT. Diabolum, qui paulò ante sub regno Antichristi, & in ipso Antichristo principali suo instrumento, tam potens erat. ET NON EST. Quando scilicet tandem in fine, Antichristo, & omnibus ejus exercitibus, ac universis diaboli instrumentis à Christo devictis, Apoc. 19. v. 20. & Apoc. 20. v. 9. potentia ejus tam imbecillis, & prorsus nulla apparebit.

9. ET HIC EST SENSVS. Græcè, *hic est mens*, ut vertit Eras. nam particula, *hic*, non est pronomen sed adverbium, quo Angelus S. Joanni ostendit bestię, & mulieris insidentis imaginem. QUI HABET SAPIENTIAM. Qui sub hac imagine, & in fundo, magnam habet reconditam sapientiam; sive, ad cujus mysterium intelligendum opus est magnâ

& profundâ sapientiâ. SEPTEM CAPITA, bestię, SEPTEM MONTES SVNT. Significant 7. montes. SVPER QVOS MULIER SEDET. Quilus imposita est Babylon, sive Rom. civitas; nam Roma olim ædificata est super 7. colles, Capitolinum, Palatinum, Cælium, Esquilinum, Viminalem, Quirinalem, & Aventinum; unde versus Prophetij:

Septem urbs alia ingis, toti quæ præsidet orbi.

Constantinopolis tamen, quæ olim nova Roma vocata fuit, est etiam septecollis. Unde, si cætera responderent, per mulierem bestię septicipiti, aut septecolli insidentem, possemus commodè Constantinopolim interpretari. Sic etiam facilius intelligeretur, quomodo urbs ista, quæ sub figura mulieris meretricis S. Joanni representatur, rursus ad idololatriam, circa finem mundi, deficiet: hoc enim de Constantinopoli longè apparet verisimilius, quam de Roma. Deinde Apocal. 18. v. 17. dicitur, quod nautæ & negotiatores maris lugebunt incendium hujus civitatis; & v. 19. dicuntur in ea facti divites omnes, qui habebant naves in mari. Quod in nullam civitatem melius competit, quam Constantinopolim, quæ mercimonijs ditissima, & frequentissima est in toto orbe, propter portuum & sitûs commoditatem, quæ Asiæ & Europæ mercimonia & divitias conjungit. Tanta denique omnium, quæ terrâ marique proveniunt, rerum ibi abundantia, ut incredibile sit, nisi Petrus Gilius, qui sæculo elapso Constantinopoli habitavit, & historiam scripsit, alijque testes oculati fidem facerent. Unde civitas ista toties eversa semper tamen reædificata fuit: cum Carthago, Corinthus, Athenæ, & tot alia toto orbe olim celeberrima emporia, semel aut iterum eversa, manserint in ruinis. Romam verò, inquit Gellius, Sanctitas Petri potius, quàm naturalis situs conservat, cum mari portuoso careat. Cæteræ igitur urbes, inquit, sunt mortales, Constantinopolis verò, quàm diu erunt homines, futura mihi videtur immortalis.

Itaque cap. sequenti videbimus, an saltem postquàm sedes Imperij, relicta Româ, à Constantino Magno Constantinopolim translata fuit, hæc civitas non successerit in nomen & fortunam Babylonis, sive Romæ, quæ ad idololatriam rediit, & comburetur sub regno Antichristi.

ET REGES SEPTEM SVNT. Et ista etiam septem capita bestię significant 7. Reges. Beda, Rich. Carhus. & multi veteres particulam, &, non copulativè, sed explanativè accipiunt, ut significet idem, quod, *id est*, quasi 7. moates non sint aliud, quàm 7. Reges, ob

ob tumorem superbæ montibus præcelsis adæquati, ait Beda.

Sed plures interpretes melius separant 7. montes à 7. regibus: ut montes sint proprie dicti montes, siue colles quibus inædificata est Babylon, siue Romana Civitas, & reges septem sint alij ab istis montibus. Unde 7. illa capita bestię, non rem unam, sed duas significant; nempe septem montes, & reges septem.

Quinam verò isti 7. reges sint, summa obscuritas, & difficultas est. Plurimi interpretes, dicunt esse 7. regimina, seu magistratus mundani status septem ætatum mundi, qui persecuti sunt Sanctos ab orbe condito usque ad Antichristum. Primus enim est ab Adam usque ad diluvium, secundus à diluvio usque ab Abrahamum, tertius ab Abrahamo usque ad Davidem, quartus à Davide usque ad captivitatem Babylonicam, quintus à captivitate Babylonica ad Christum, sextus à Christo usque ad Antichristum, septimus ab Antichristo ad mundi finem. Hos magistratus 7. ætatum mundi tanquam 7. capita, gestat bestia siue diabolus, quia per eos, tanquam per diabolica instrumenta persecutus est, persequitur, & persequetur Sanctos.

Verum hæc communis interpretatio incommodum istud habet, quod Babylon, siue Roma, videatur, sicuti septem montibus, ita etiam septem regibus istis insidere; Roma verò non præsedit Magistratibus, qui persecuti sunt Sanctos in omnibus septem ætatibus mundi.

Unde quidam interpretes, ut hoc incommodum evitarent, per mulierem bestię insidentem, non Romam, sed generatim intelligunt civitatem diaboli, siue congregationem malorum, quæ per omnes ætates à principio mundi ad finem, pugnat cum civitate Dei.

Sed mulierem istam non esse generaliter civitatem malorum, sed determinatam aliquam urbem, patebit infra v. 16. & postea Apoc. 18. v. 9. 10. &c. ubi dicitur comburenda igni.

Itaque concinnius, & verisimilius fortasse dicitur quod sicut per 7. capita bestię, Angelo interprete, significantur 7. montes, quibus Rom. civitas imposita est; ita per eadem 7. capita significantur septem diversa ejusdem urbis regimina & status, quibus portata, & tandem elevata est ad illam potentiam, & imperium orbis. Primum regimen fuit sub regibus (qui etiam numero 7. fuerunt) ab Romulo usque ad Tarquinium Superbum. Secundum sub Consulibus, 3. sub Decemviris, 4. sub Tribunis militum consularibus, 5. sub Dictatoribus: nam Cornelius Sylla Dictaturam diuturnam, 1. Cæsar perpetuam fecit, 6. sub Cæsaribus seu Imperatoribus. Horum sex regiminum

Kk 2 brevif.

brevissimam numerationem, initio Annal. suorum, Corn. Tacitus facit. Restat verò regimen septimum, quod in fine mundi sub Antichristo erit, qui totius Orbis Rom. & terrarum Imperium ad se trahet.

10. QVINQUE CECIDERUNT. Juxta communio rem Interpretum opinionem, magistratus quinque primarum ætatum mundi jam interierunt; aut certè, juxta id quod statim diximus, quinque primi Rom. civitatis status & regimina ceciderunt, & evanuerunt hoc tempore, quo S. Joannes sub Cæs. Dömiciano scribebat Apocalypsin. UNUS EST. Unus autem qui est sextus ex illis 7. regibus, adhuc durat, nempe Magistratus impiorum, qui affligunt Sanctos in hac sexta ætate mundi, quæ ab adventu Christi extenditur usque ad Antichristum. Vel certè, sextus Urbis, sive Imperij Rom. status, & regimen sub Cæsaribus jam est, & currit, usque ad Antichristum, juxta illud Apostoli, *Qui tenet nunc, teneat, donec de medio fiat, & tunc revelabitur ille iniquus*, 2. ad Thell. 2. v. 8. ET ALIUS NONDUM VENIT. Septimus & ultimus, qui est Antichristus, nondum in mundum venit.

Hinc patet, quod quando S. Joannes alibi dicit, Antichristus venit, & nunc iam in mundo est, 1. Joan. 4. v. 3. non intelligat Antichristum venisse n. propria, sed tantum in præcursorum suorum persona, sicut Elias venit in Joanne Bap. Matt. 17. v. 12.

ET CUM VENERIT, OPORTET ILLVM. Exprovida, & sapientissima Dei ordinatione, quia tribulatio & sævitia regni ejus tam acerba erit, quod nisi breviantur dies ejus, non fieret salva caro, Matt. 24. v. 22. BREVE TEMPVS MANERE. Regnabit enim tantum per tempus, & tempora, & dimidium temporis, sive 3. annos cum dimidio, Dan. 7. v. 25. hoc est per menses 42. Apoc. 13. v. 5.

11. ET BESTIA, QUÆ ERAT, ET NON EST. Diabolus, ut v. 8. diximus. ET IPSA OCTAVA EST. Et quidem quoad personam diversa est à septem illis regibus, adeoque, si ijs connumeretur, erit octava. ET DE SEPTEM EST. Sed tamen virtute & energiâ est ex 7. regibus, quia in illis septem operatur, & maxime in ultimo rege Antichristo, cujus spiritus quasi & anima erit diabolus. Quidquid enim Rom. urbis, vel totius Orbis terræ Magistratus, à condita Urbe, vel ab orbe condito, idololatriæ, impietatis, & sævitie in Dei servos admiserunt, hoc totum, operante in ipsis bestia, sive instinctu diaboli perpetrarunt. ET IN INTERITVM VADIT. Et tamen, licet tam diu potentia suâ magnâ, præsertim ante Christi adventum, & in fine sæculi sub Antichristo, usus fuerit; in Divinæ tamen prædestinationis decreto vadit in interitum æternæ damnationis, carceribus inferni recludendus.

12. ET

12. ET DECEM CORNVA, DECEM REGES SVNT. Diversi à 7. prioribus regibus, qui per 7. capita significabantur: QVI REGNVN NOWDVN ACCEPERVNT. Sed tantum sub finem mundi accepturi sunt. Sunt enim illi decem reges, in quos Rom. Imperium erit divisum, quando veniet Antichristus. SED POTESTATEM TANQVAM REGES. Particula, *tanquam*, pōtēst esse veritatis & identitatis, ut significet, verē futuros reges, re & nomine. Potēst etiam esse particula similitudinis tantum, ut potēstātē solā, non nomine, quidam inter eos sint futuri reges. Sic hodie magnus Dux Erruriz, magnus Dux Moscovie, potēstātē tanquam reges sunt, licēt regio nomine non insigniantur: UNA HORA ACCIPIENT. Brevi tempore. POST BESTIAM. Non tempore sed dignitate post bestiam. Græcē, *cum bestia*, quomodo Erāsmus & Arias vertunt: simul enim regnabunt cum bestia, sive cum diabolo in suo Antichristo dominante, attamen tanquam affectu ejus, & reges minores cum rege majori, quem potēstātē sequentur, & à quo dependebunt. Unde sequitur.

13. HI VNVM CONSILIUM HABENT. Qñ simul cum Antichristo conspirant contra Christi Ecclesiam. ET VIRTUTEM ET POTESTATEM SVAM. Vt etiam potēst: & potētiā, & auctoritatem suam. Ut potētiā bellicā, & auctoritas regie jurisdictionis intelligatur. BESTIÆ TRADENT. Tres enim ex illis, regem Egypti, Africæ & Ethiopiæ humiliabit Antichristus, & victi se illi tradent, Dan. 7. v. 24. & Dan. 11. v. 43. reliqui vero septem timore perterriti, se ultro illi tradent, ut Apoc. 12. v. 3. dictum est.

14. HI CVM AGNO PUGNABVNT. Persequendo, & pugnando adversus Sanctos, qui sunt membra Agni, sive Christi. ET AGNVS VINCEIT ILLOS. Pñ unum exercitum congregatos in campo Armagedon, Apocal. 16. v. 14. & 16. ubi omnes illos reges celesti fulmine perdet, Apoc. 20. v. 9. QVONIAM DOMINVS DOMINORVM EST. Quia Deus est, & proinde Dominus super omnes Dominos. ET REX REGVM Cujus proinde potētiæ reges illi resistere non poterunt. ET QUI CVM ILLO SVNT. Qui in iisdem quasi castris cum Agno, non tam inferendo, quā subeundo mortem pro Agno, militant, vocati per gratiam ad fidem. ELECTI. Ad vitam & regnum æternum. ET FIDELIS. Regi suo Agno sunt, pro quo mortem potius oppetunt, quā fidem ejus negent.

15. AQVÆ QVAS VIDISTI. Supra v. 1. VBI MERETRIX SEDET. Tanquam in folio, & veluti eis imperans. POPVLI SVNT, ET GENTES, ET LINGVÆ. Sunt diversarum nationum & linguarum populi.

Olim enim Latinis, Græcis, Barbaris, & hodie innumeris populis linguâ discrepantibus imperat Roma nova, sive Constantinopolis. Per aquas autem rectè designantur populi, ait S. Gregorius hom. 8. in Ezech. quia in vita sonum habent ex tumultu carnis, & quotidie defluunt ex decursu mortalitatis.

16. ET DECEM CORNUA, HI ODIENT FORNICARIAM. Decem reges significati per 10. cornua, odio habebunt, & armauntur adversus Romam, idololatram & impiam. ET DESOLATAM FACIENT ILLAM. Exscindunt illam, & redigent in solitudinem. Unde satis colligitur, hanc Babylonem esse certam aliquam civitatem, non universam civitatem Diaboli, sive generalem improborum congregationem, quam illi reges impij in solitudinem redigere non possunt, cum ipsimet illius congregationis pars sint. ET NUDAM. Mœnibus & defensoribus tanquam vestibus spoliaram. ET CARNES EIVS MANDUCABUNT. Omnem ejus substantiam diripient & devorabunt. Cum enim civitas ista opulentissima, sub specie pinguis & opimæ mulieris S. Joanni representetur, opes ejus valde concinne, *carnes ipsius* appellat, quas devoraturi sunt illi reges, postquam eam mœnibus, & defensoribus nudaverint.

Alij tantum hyperbolem esse volunt, quâ magnum odium in illam urbem exscindendam significetur. Qui enim alterum valde odit, dicitur velle comedere & devorare illum.

ET IPSAM IGNI CONCREMABUNT. Ac tandem devoratis ejus carnibus, sive expilatis, auro, argento, & omnibus ejus divitijs, residua tandem ædificia, tanquam cadaveris ossa incendio absumunt.

17. DEVS ENIM DEDIT IN CORDA EORVM. Deus providentiâ suâ urbem istam ad illas divitias & gloriam provehens, occasionem dedit, unde reges illi odium, invidiam, & animum illam diripiendi & exscindendi conciperent. UT FACIANT, QVOD PLACITVM EST ILLI. Græcè, *facere sententiam ejus*. Ut faciant & exequantur sententiam, quam placuit Deo de illâ civitate perdendâ ferre. UT PIENT REGNVM SVVM BÆSTIÆ. Ut regiam suam potentiam, & vires bellicas conferant in Antichristum, ad Babylonis excidium, & alia communibus armis patranda, quæ sequuntur.

Hinc probabiliter colligitur, Romam non esse exscindendam ante Antichristi adventum, ut quidam tamen putant.

Nomen, *bæstia*, quod v. 3. & deinceps, tribuit draconi rufo, sive diabolo, nunc tribuit Antichristo, quia diabolus & Antichristus sunt

sunt quasi una bestia, cum spiritus diaboli Antichristum inhabitet, & quasi eum animet.

DONEC CONSUMMENTVR TERBA DEI. Donec usq; ad finem compleantur diuinæ prophetiæ, apud Daniele, & alios Prophetas, de excidenda Babilone, & ultimâ mundi catastrophe:

18. ET MULIER QVAM VIDISTI. Ut adhuc evidentius cognoscas, quam illa sit. EST CIVITAS MAGNA, non solum mœnium ambitu, sed maximè potentiâ, & imperij amplitudine. QVÆ HABET REGNVM SVPER REGES TERRÆ. Quæ imperat Regibus terræ, quos habet sibi tributarios, & quibus regna sua tribuit, tanquam vasallis. Sic eum Herodes Ascalonita, & filij ejus Archolaus, & Herodes Antipas Joannis Bap. decollator, & Christi derisor, ab Augusto Cæs. Herodes Agrippa S. Jacobi interfector, à Cæsare Caligula, deinde à Claudio, regnum Iudææ acceperunt, & alij alibi reges à Senatu Rom. vel à Cæsaribus.

Vndè clarum erat S. Ioanni, Romam sui temporis, ab Angelo istâ periphrasi designari.

CAPVT XVIII.

SYNOPSIS CAPITIS.

Incidium & excidium Babylonis describitur. Casum ejus deplorant mercatores, nauta, & quicumque cum ea negociabantur. Sancti à contra exultant, victoria triumphum, & epicia cantant.

vers. 1.

ET POST HÆC VIDI ALIVM ANGEVM. Diversum quidem ab eo, qui cap. præcedenti mysterium bestię, & meretricis S. Ioanni exposuit; sed tamen verisimiliter ex numero illorum 7. Angelorum qui phialas suas in terram effuderant; Apocal. 16. v. 1. Sunt enim 7. principes Angelorum, per quos Deus hunc mundum inferiorem gubernat: DESCENDENTEM DE CÆLO. Ut ostenderet, se à Deo missum, ad exequendam sententiam in cælo latam contra Babylonem. HABENTEM POTESTATEM MAGNAM. Faciendi magna sibi commissa à Deo, quam S. Ioannes ex maiestate & splendore circumfuso facilè conijciebat. ET TERRA ILLUMINATA EST A GLORIA EIVS. Tantus enim erat splendor gloriæ, ut instar solis totam terram illuminaret.

2. ET

1. ET EX CLAMAVIT IN FORTITVDINE. Voce forti, ut Domini sui iram & indignationem exprimeret adversus Babylonem. Aut certe, quasi triumphum & epichinia canens mox evertendæ Babylonis. CECIDIT, CECIDIT BABYLON MAGNA. Tam certo jam jam cadet quam si cecidisset. Imitatur verba Isaïæ 21. v. 9. qui de antiqua & orientali Babylone varicinatus est, quod de nova, & occidentali hic vaticinatur Angelus. Vide, quæ Apocal. 14. v. 8. ad similia verba diximus. ET FACTA EST HABITATIO DÆMONIORVM. Illa civitas, quæ tantâ mercatorum, & omnium hominum frequentia habitabatur, jam ad solitudinem redacta est, & in ea tantum lemures & dæmonia habitant. ET CVSTODIA OMNIS SPIRITVS IMMVN-DI. Facta est receptaculum immundorum spirituum, qui in taunorum, satyrorum, hircorum, & pilosorum formis, faminas simplices & agrestes olim ad libidinem sollicitabant, & pro Dijs agellibus haberi volebant. Hodie autem cum sagis & veneficis tripudia, convivia, & diabolicam idololatriam in talibus locis desertis exercent. ET CVSTODIA OMNIS VOLVCRI8 IMMVNDE, ET ODIBILIS. Et receptaculum draconum, struthionum, bubonum, & vlularum, quæ in desertis ædificijs habitare solent; quas aves, tanquam ferales, in odio & horrore homines habent.

Alij volucres immundas intelligunt, quibus vesci prohibitum erat Iudæis, ut aquilam, accipitrem, bubonem, onocratulum, herodionem, upupam, vespertilionem, &c. quæ describuntur Levit. 11.

Similim desolationem veteris Babylonis minatur Isaïas: *Requiescent, inquit, ibi bestia, & replebuntur domus draconibus, habitabunt ibi struthiones, & pilosi saltabunt ibi, & respondebunt ibi ulula*, Isa. 13. v. 21. & 22. & alius Propheta de eadem Babylone evertenda, *Habitabunt dracones cum faunis, ficijs, Ierem. 50. v. 39.* Sic celeberrima olim emporia, Corinthus, Athenæ, Ephesus, ignobiles nunc vici sunt, & ipse Ephesinæ urbis, ac templi Dianæ (quod olim fuit inter septem miracula mundi) rudera, latent hodie latrones, qui viatores ex illis latebris adoriuntur, ut tellantur, qui nuper eo peregrinati sunt.

3. QVIA DE VINO IRÆ FORNICATIONIS RIVS. De calice vindictæ, quem Deus iratus propinat idololatriis, & fornicatoribus, quos ipsa seducit. BIBERVNT OMNES GENTES. Rom. Imperio subjectæ, ad quas idololatria, & scelera omnia, ab arce Imperij Romæ, defluerunt. ET REGES TERRÆ CVM ILLA FORNICATI SVNT. Principes Romani orbis tributarij, aut societate aliqua cum Rom. Republica connexi, ea occasione fornicati sunt fornicatione spiri-

spirituali, falsa Urbis Rom. Numina colendo. Fornicatione carnali etiam Reginz quædam, ut regina Ægypti Cleopatra, M. Antonij concubina, Romanis principibus, propter eorum potentiam, se prostituiebant. ET MERCATORES TERRÆ. Qui olim undiq; ex uniuersa terra Rom. Imperio subiecta, merces in illam urbem inuehebant. DE VIRTVTE DELICIVM EIVS. Propter vim & abundantiam deliciarum omnis generis, quibus Romani viri & fæminæ insatiabiliter delectabantur, & quas mercatores eò certatim comportabant, & in fine sæculi iterum facturi sunt. DIVITES FACTI SVNT. Nam quidquid terrâ mariq;e ad gulæ delicias, & conviviolorum luxum, ad vestium pompam & ornatum, ad spectacula Circi, & amphitheatrorum, &c. extrahere & adducere poterant, carissimo pretio ditissimis & earum rerum avidissimis hominibus vendebant.

4. ET AUDIUI ALIAM VOCEM DE CÆLO. Hanc vocem non in aëre auditam, sed in interioribus animæ viribus S. Joanni ab Angelo impressam, ut spirituali solùm auditu perciperet, ait Carthus. sic enim Deus & Angeli plerumq;e loqui solent Sanctis, & spiritualibus hominibus. DICENTEM. Ut S. Joanni repræsentaretur, quid verbi divini præcones, aut Deus per gratiam suam, vel per Angelos, intellectum illuminando, dicturus sit fidelibus, qui tunc temporis erunt Romæ. EXITE DE ILLA POPVLVS MEVS. Fideles, & electi mei: sic etiam olim de veteri evertendâ Babylone exire iubentur: *Recedite de medio Babylonis*, Jerem. 50 v. 8. Loth de Sodomis, Gen. 19. v. 12. Sic etiam ex Ierosolymâ à Tito Cæs. evertendâ sancti & iusti, qui tunc in ea erant, Dei oraculo moniti sunt, ut in civitatem Bellam trans Iordanem migrarent, sicut narrat Eusebius. UT NE PARTICIPES SITIS DELICTORVM EIVS. Sxpè enim non tantum pœna, sed etiam culpa quodam contagio afflat bonos, qui inter malos, ut Catholici, inter hæreticos, habitant. Unde quia semper mente & animo de congregatione malorum exire oportet, & cavere, ne peccatum eorum nobis placeat, quandoq;e necessarius est recessus, etiam corporalis, maxime fidelibus infirmis, qui aliorum malitiâ facilè maculantur, ait Carthus. Imò Etlius addit, vel nullos vel paucos excusari, quominus à manifesta & perniciosa malorum societate, qualis est, inquit, hæreticorum, secedant. Necessitas autem egestatis, inquit, quam ferè prætere solent, potiùs excusat, ut minùs peccent, quàm, ut omninò à culpa sint liberi. Paucorum enim ea est perfectio, ut sine periculo inter malos versari possint: perfecti autem, ait, vix sine scan-

dalo imperfectorum versari possunt.

Prudenter igitur dispiendum est, an reverà periculum perdendæ animæ sublit, quæ potior nobis esse debet, quàm omnes opes, & vita corporalis: deinde perpendendum est, etiam, an ex recessu Catholicorum Ecclesia non majus detrimentum sit acceptura.

ET DE PLAGIS EIVS NON ACCIPIATIS. Et ne etiam plagis, & pœnis eorum simul involvami. Solent enim publica clades bonos cum malis simul involvere.

5. QVONIAM PERVENERUNT PECCATA EIVS VSQVE AD CœLVM. Tantâ mole in altum excreverunt, ut cœlum ipsum tangant, nec Deus Amplius dissimulare possit quin ea videat, & puniat. ET RECORDATVS EST DOMINVS INIQUITATVM EIVS. Videbatur antea non videre, nec recordari; sed ubi sic excreverunt, videre, & recordari inœpit, ut puniret. Quando enim Deus præmiat bona, aut punit mala, dicitur eorum recordari.

6. REDDITE ILLI. Hæc Angeli vox est ad Sanctos, qui martyrio, aut aliter malè tractati sunt sub tyrannide Babylonis. SICVT ET IPSA REDDIDIT VOBIS. Hebræi, *reddere*, pro, *dare*; *repromittere*, *retribuere*, pro, *promittere*, *tribuere*, sæpe usurpant: si reddi retribuentibus mihi mala, Psal. 7. Sicut igitur tormentum dedit vobis Babylon; ita vice versa, vos, non manibus, sed orationibus ad Deum iudicem, & per divinæ sententiæ approbationem ei tormentum reddite. Licet enim malum pro malo reddere non liceat, zelo propriæ vindictæ, 1. Pet. 3. v. 9. possumus tamen orare, ut Deus ad gloriam suam officio iusti iudicis fungatur, & scelera in nos & ipsum commissa vindicet, non tantum in futura vita, ubi non est amplius medicinæ locus; sed etiam in præsentī, ut impij pœnis medicinalibus vel sanentur, vel citò ex hoc sæculo auferantur, ut postea mitius puniantur in inferno. ET DVPLICATE DVPLICIA. Pro tormentis maioribus & duplicibus, quibus vos afflixit, reddite ei etiam tormenta duplicata. SECUNDVM OPERA EIVS. Sicut opera ejus merentur. IN POCVLO, QVO MISCVIT, MISCETE ILLI DVPLVM. In calice doloris, in quo vinum amaritudinis cum fœcibus suis vobis miscuit, & propinavit, non tantum simplicum, sed duplum miscete, ut duplo, id est, multo amplius afflictionum temporalium sentiat, quam vobis intulit. Nam licet amaritudo illa duplicata excedat afflictiones Sanctorum, non tamen excedit meritum peccatorum ejus: nam benignus Dominus non suprâ, sed infra id, quod justum est, punit, inquit Aretas.

Quidam

Quidam tamen, ut Richardus, Carthusianus, & alij, pœnas duplicatas intelligunt æternas, quas patientur impij pro pœnis temporalibus, quibus Sanctos affixerunt.

7. QUANTVM GLORIFICAVIT SE. Superbivit, & in altum se contra Deum exultit. ET IN DELICIIS FUIT. Voluptatibus Tactus, Gustus, & omnium sensuum corporis, quibus Roma ethnica immersa fuit, præsertim post Græciam & Asiam subjugatas, quando gentes illæ delicijs jam olim assuetæ, corruptos & effeminatos suos mores intulerunt Italix. In fine autem mundi cum idololatria iterum similis lascivia, & corruptela morum redibit. TANTVM DATE ILLE TORMENTVM. Cruciatum. ET LVCTVM. Tristitiam quæ ex tormento resultat, sicut vana lætitia ex superbia animi & delicijs.

Loquitur autem de tormento & luctu inferendis Babyloni per incendium, & eversionem ejus à decem Regibus. Si vero tormentum & luctus, quos impiæ civitatis homines in altera vita perpassuri sunt, intelligerentur; non solum tanti, sed longè majores intensivè & extensivè sunt, quam omnes deliciæ vitæ mortalis: licet non sint majores quam peccata eorum in Deum infinitæ Majestatis commissa mereantur.

Undè si præsentem locum de tormento & luctu infernali (sicut quidam faciunt) interpretemur; non significatur æqualitas inter delicias hujus vitæ, & pœnas inferni, sed proportio quædam; juxta quam acrius punietur, qui magis in delicijs fuit, cæteris paribus, inquit Carthus.

Ex hoc autem loco non solidè quidam probant, quod parvuli sine Baptismo decedentes, non puniantur pœnâ sensus; quia quantum ad propriam personam, in nullis hujus vitæ delicijs fuerunt. Nam S. Joannes non loquitur hæc de quolibet peccato, sed tantum de peccato superbix, & carnalium deliciarum Babylonis. Alias enim peccatores, qui cum timore & tremore peccata sua perpetrant, qui ambulant vias difficiles, & lassantur in via iniquitatis, Sap. 5. v. 7. nullam pœnam sensus sentirent in inferno, quia delicias nullas, aut exiguas valde peccando experti sunt. Deinde ad litteram S. Joannes non de tormento & luctu Babylonis post hanc vitam, sed de punitione hujus vitæ, per excidium & combustionem loquitur, ut mox patebit.

QVIA IN CORDE SVO DICIT. Ita ut sit non tantum jactantia oris, sed etiam superbia cordis, quæ rem ita se habere existimat. SED DEO REGINA. Tanquam in solio regnans, & judicans populos mihi subditos. Simile quid de se jactat antiqua Babylon, quæ hujus figura

fuit, Isa. 47. v. 8. **ET VIDUA NON SUM.** Non sum vacua civibus, sed plena & abundans, tam civibus, quàm subditis. **ET EVCTVM NON VIDEBO.** Potentiam meam contemplando, fieri non potest, ut vidua fiam, & cives meos interfectos lugeam. *Videre luctum*, sicut, *videre mortem*, &c. sunt phrascs hebraicz, quibus significatur, tale quid alicui evenire.

8. **IDEO.** Propter istam superbiam, & jactantiam. **IN VNA DIE.** Tempore uno à Deo constituto. **VENIENT PLAGÆ EIVS.** Quas Deus per decem illa cornua bestię, sive per decem Reges Antichristo sociatos, ipsi infliget. **MORS.** Quā interficientur ejus cives. **ET EVCTVS.** Civium superstitum ob mortem interfectorum. **ET FAMES.** Quam patientur reliquię civium, tam extremo tempore obsidionis, quam capia urbe, quando fugā per montes & sylvas fuerint dissipati. **ET IGNE COMBURETVR.** Et denique viduata & vacua civibus ædificia ejus tandem igne consumeruntur. **QVIA FORTIS EST DEVS.** Unde nemo debet tam subitam florentissimę urbis mutationem mirari. **QVI JUDICABIT ILLAM.** Qui ad mortem, luctum, famem, & incendium illam condemnabit. Loquitur per verbum futuri temporis, quia licet judicium & sententia Dei condemnatoria sit æterna; executio tamen ejus futura tantum est in fine mundi.

9. **ET PLAGENT SE.** Percutientes pectora sua. **SVPER ILLAM.** Propter infortunium ejus. **REGES TERRÆ.** Reguli, & Principes minores, tam subditi decem illis Regibus, qui eam comburent, quàm qui Babylonem ipsam incolebant, & metu ex ea aufugerunt, aut alio modo Babylonii subiecti & devoti fuerant. **QVI CVM ILLA FORNICATI SVNT.** Qui Deos ejus colebant. **ET IN DELICIIS VIXERVNT.** Et qui Babylonem ad delicias ventris, spectaculorum, & omnis generis mundanas voluptates, sæpè commeabant. **CVM VIDERINT FVMVM INCENDII EIVS.** Quo ædificia illa magnifica, & omnia deliciarum instrumenta brevi absumenda sunt.

Beda, qui Babylonem non certam aliquam urbem, sed generalem omnium malorum civitatem interpretatur, per fumum, intelligit calamitates & contritiones, quas mali patiuntur in hac vita. Sunt enim quidam fumus, sive indicium ignis infernalis secuturi, sicut fumus præcedit ignem: quid enim est aliud, inquit, grassatio ista mundi, & contritio, quàm fumus instantis gehennæ?

10. **LONGE STANTES.** Unde fumum, & summum incendij apicem magis, quàm ædificia, & ardentem urbem aspicere valeant. **PROPTER TIDOREM TORMENTORVM EIVS.** Ne fortè incidant in

JABUS

manus exercituum obsidentium urbem, & tormentis ac excidio urbis involvantur. DICENTES, VÆ, VÆ CIVITAS ILLA MAGNA BABYLON. Non minantur, sed lamentantur casum dilectæ sibi civitatis. CIVITAS ILLA FORTIS. Nam amplitudine, fortitudine, & opibus erit tunc prima civitas totius orbis; & idè ad eam diripiendam, & excindendam advolarunt exercitus Regum satellitum Antichristi, ab ipso verisimiliter Antichristo missi.

Probabilis enim videtur, Babylonem, sive Romanam urbem non antè adventum Antichristi à decem Regibus, nondum Antichristo subiectis, evertendam esse, ut Ribera, & quidam alij existimant; sed ab ipso Antichristo per illos Reges jam à se devictos. Hoc enim ordo Apocalypsis videtur postulare: nam Apoc. 17. v. 13. decem cornua bestię, sive decem Reges, dicuntur tradituri potestatem suam bestię, sive Antichristo, & postea crematuri Babylonem Apoc. 17. v. 16 & hoc toto cap. 18.

Facile autem intelligi potest, quomodo omnes Orbis Provinciæ, quas olim tenuerunt Romani, varijs casibus in decem Regna dividendæ sint; & tamen ipsa Romana civitas sub nullius adhuc, ex illis decem Regibus, Imperium redigenda sit antè adventum Antichristi, quemadmodum Provinciæ illæ Romanorum hodie Hispaniæ, Galliæ, & alijs Regibus subsunt, & tamen nulli eorum civitas Romana subest; & Romanus Imperator, nomine & dignitate ab omnibus illis distinctus perseverat.

QUONIAM VNA HORA. Tempore isto brevi, quò tam celeri incendio absumentur. VENIT IUDICIUM TVVM. Executio iudicii, & sententiæ condemnatoriæ, quam Deus adversus eam tulit, ut combureretur.

11. ET NEGOTIATORES TERRÆ FLEVNT. Mercatores ex magna & cultissima Orbis terræ parte, ex desperatione lucri in posterum, etiam usque ad lacrymas dolebunt. QUONIAM MERCES EORVM NEMO EMET AMPLIUS. Tam pretiosæ enim merces, quas statim enumerando describet, non solent, nisi in magnis & opulentis civitatibus, distrahi.

12. MERCES AVRI ET ARGENTI. In vasis ex auro, & argento fabricatis, in aureis & argenteis filamentis ad texendas aut ornandas vestes opere phrygio. Auro quoque lacunaria & parietes domorum olim incrustabant Romani: mensas etiam, & lectos, in quibus mensis accubebant, ditiores ex argenteis aut aureis laminis fabricabant, ET LAPIDIS PRETIOSI. Adamantes enim, smaragdos, &c. non

tantum in digitorum annulis, sed fæminæ etiam in crinibus, in stolis, imò etiam in sandalijs & calceis olim gestabant. ET MARGARITÆ. Gemmis enim & margaritis, non solum in auribus, capite, collo, pectore, sed toto corpore onustas quasdam fæminas Romanæ urbis fuisse historix narrante. Unde illud Senecæ: *Duc uxorem bene institutam, non cuius auriculis bina patrimonii dependent, non quam margarita suffocant.* Quidam etiam magni pretij margaritas aceto maceratas sorbeabant. Imperator Helioabalus, inter bellaria, pomis & pyris margaritas aliquando miscebat. ET BYSSI. Lini delicatissimum genus est, ejusdem olim cum auro pretij, ut scribit Plinius. ET PURPURE. A purpura marinâ conchâ, cujus succo tinguntur purpureæ vestes. IT SARRICI. Ex lanugine, quam olim Seres Indiæ populi ex arboribus depsectebant, hodie ex bombycum lanificio textitur. ET COCCI. Granum est, cujus ruberrimo succo vestes hodie & olim tinguntur.

Ut autem Tertullianus lib. de Cultu fæminarum, nobiles Christianorum fæminas ab istis vestium tinctoris & superfluis ornamentis alienaret, dicit esse meretricias delicias, sine quibus meretrix Babylonica maledicta & prostituta non potuit in hoc cap. 18. Apocal. describi.

ET OMNE LIGNVM THYINVM Genus est ligni pretiosi & odorati, qualia ligna ex Ophir allata sunt Salamoni, ex quibus fulcra Domus Domini, & Domus Regis, & citræ lîræ que fabricatæ sunt cantoribus, 3. Reg. 10. v. 12. ET OMNIA VASA DE LAPIDE PRETIOSO. Græcè, *Omne vas ex ligno pretiosiss. mo.* Quamquam etiam Romani cyathos, & vasa unguentaria ex alabastrite, & lapidibus pretiosis interdum conficerent. Unde nostra lectio latina etiam retineri potest.

13. ET CINNAMOMVM. Quod hodie, *canellam*, vocamus. Arbuscula est Indiæ Orientalis aromatica quatuor circiter cubitorum altitudine, & brachiali crassitudine, ex cujus trunco sex aut septem rami pullulant, qui quotannis rescinduntur, & quorum cortices siccati ad varias mundi regiones deferuntur, ut ab incolâ insulæ Zeylant, undè hodie in Hispaniam cinnamomum advehitur, se audivisse narrat Amatus Lusitanus in Dioscoridem. ET ODORAMENTORVM. Et merces thymiamatum, ut habet textus græcus, quibus tam in Deorum sacrificijs, quàm ad voluptatem olfactus utebantur. Et VNGVANTI. Maximum olim Romæ, præsertim sub Cæsaribus, in usu balsami, & pretiosorum unguentorum, fuisse luxum, ex Plinio lib. 13. cap. 3. discimus, quorum libræ singulæ, inquit, quadringenos dona-

denarios. 1. 200. nostrates florenos, excedebant. Solemne autem erat in magnificis convivijs, inter bellaria, unguenta odorifera ad perfundendos crines, & flores ad coronandum capita convivarum, afferre: quem morem ab Oriente, devicto Antiocho, & Asia, venisse Romam significat Plinius. Undè Magdalena, non à more Palæstinæ & patriæ suæ abivit, quando in ultima Christi cœna, attulit alabastrum unguenti pretiosi, & fracto alabaistro effudit super caput ejus, Marci 14. v. 3. ET SIMILÆ. Quæ etiam similago dicitur. Flos est, & purgatissima triticeæ farinæ pars, licet Adrianus Junius partem tritici inter florem & farinam mediam esse velit, ex qua crassissimi solùm furfures sunt excreti, undè panis laudatissimus conficitur.

Ex filigine tamen (non Belgicâ, sed Italicâ) potiùs quàm ex tritico, olim ditiores Romani panem conficiebant, sicut potest ex Seneca, & istis versibus Juvenalis probari, qui de pane divitum Romanorum loquens, ait:

Sed tener, & niveus, mollique filigine factus

Servatur Domino: dextram cohibere memento. —

Undè in jure civili, filiginarij vocantur mercatores, qui talem filiginem populo vendebant aut distribuebant.

ET IVMENTORVM. Equi, muli, asini, & cætera dorсуaria animalia, vocantur, *imenta*, à juvando, ut aliqui putant. ET RHEDARVM. Romani enim olim aut rhedâ, aut effedo, ut hodie nobiliores, vehebantur, aut crescente luxuriâ, lecticâ, vel sellâ gestabantur. In lecticis jacebant, in sellis sedebant, ferentibus servis lecticarijs, sex firmè aut octo. Istam mollitiem, ex Asia imperante primo Cæsarem Julio, venisse in Rom. Urbem, docet J. Lipsius lib. 1. cap. 9. Elektorum. Rheda autem esse vetus Gallicum vocabulum & à Gallis ad Romanos, & deinde ad Græcos migrasse, Grammatici existimant. ET MANCIPIORVM. Græcè, & corporum; olim enim Romæ, ut hodie apud Turcas, & alibi, corpora mancipiorum, sicut equorum & mulorum, ad operas serviles pretio mercabantur. ET ANIMARVM HOMINVM. Animas etiam seu vitas hominum vendebant, ut in ludo gladiatorio exerciti, vitam contra se, aut contra feras in arena pugnando, profunderent. In mancipijs ergò corpus ad labores, in gladiatoribus animam, & vitam ipsam, ad arenæ, & amphitheatrorum spectacula mercabantur.

Quæ omnia si ad litteram sic accipiantur, patet veterem Romanorum luxum, amphitheatra, & omnes corruptos mores eosdem redi-

tantum in digitorum annulis, sed fæminæ etiam in crinibus, in stolis, imò etiam in sandalijs & calceis olim gestabant. ET MARGARITÆ. Gemmis enim & margaritis, non solum in auribus, capite, collo, pectore, sed toto corpore onustas quasdam fæminas Romanæ urbis fuisse historix narrat. Unde illud Senecæ: *Duc uxorem bene institutam, non cuius auriculis bina patrimonîa dependent, non quam margaritæ suffocant.* Quidam etiam magni pretij margaritas aceto maceratas sorbebant. Imperator Heliogabalus, inter bellaria, pomis & pyris margaritas aliquando miscebat. ET BYSSI. Lini delicatissimum genus est, ejusdem olim cum auro pretij, ut scribit Plinius. ET PURPURÆ. A purpura marinâ conchâ, cujus succo tinguntur purpureæ vestes. IT SARCIS. Ex lanugine, quam olim Seres Indiæ populi ex arboribus depectebant, hodie ex bombycum lanificio textitur. ET COCCI. Granum est, cujus ruberrimo succo vestes hodie & olim tinguntur.

Ut autem Tertullianus lib. de Cultu fæminarum, nobiles Christianorum fæminas ab istis vestium tincturis & superfluis ornamentis alienaret, dicit esse meretricias delicias, sine quibus meretrix Babylonica maledicta & prostituta non potuit in hoc cap. 18. Apocal. describi.

ET OMNE LIGNVM THYNYM. Genus est ligni pretiosi & odorati, qualia ligna ex Ophir allata sunt Salomoni, ex quibus fulcra Domus Domini, & Domus Regis, & citharæ liræque fabricatæ sunt cantoribus, 3. Reg. 10. v. 12. ET OMNIA VASA DE LAPIDE PRETIOSO. Græcè, *Omne vas ex ligno pretiosissimo.* Quamquam etiam Romani cyathos, & vasa unguentaria ex alabastrite, & lapidibus pretiosis interdum conficerent. Unde nostra lectio latina etiam retineri potest.

13. ET CINNAMOMVM. Quod hodie, *canellam*, vocamus. Arbustula est Indiæ Orientalis aromatica quatuor circiter cubitorum altitudine, & brachiali crassitudine, ex cujus trunco sex aut septem rami pullulant, qui quotannis rescinduntur, & quorum cortices siccati ad varias mundi regiones deferuntur, ut ab incolâ insulæ *Zeylant*, undè hodie in Hispaniam cinnamomum advehitur, se audivisse narrat Amatus Lusitanus in Dioscoridem. ET ODORAMENTORYM. Et merces thymiamatum, ut habet textus græcus, quibus tam in Deorum sacrificijs, quàm ad voluptatem olfactus utebantur. Et VNGVENTI. Maximum olim Romæ, præsertim sub Cæsaribus, in usu balsami, & pretiosorum unguentorum, fuisse luxum, ex Plinio lib. 13. cap. 3. discimus, quorum libræ singulæ, inquit, quadringenos dena-

denarios. 1. 200. nostrates florenos, excedebant. Solemne autem erat in magnificis convivij, inter bellaria, unguenta odorifera ad perfundendos crines, & flores ad coronandum capita convivarum, asserre: quem morem ab Oriente, devicto Antiocho, & Asia, venisse Romam significat Plinius. Unde Magdalena, non à more Palæstinæ & patriæ suæ abivit, quando in ultima Christi cœna, attulit alabastrum unguenti pretiosi, & fracto alabaistro effudit super caput ejus, Marci 14. v. 3. ET SIMILÆ. Quæ etiam similago dicitur. Flos est, & purgatissima triticeæ farinæ pars, licet Adrianus Junius partem tritici inter florem & farinam mediam esse velit, ex qua crassissimi solùm furfures sunt excreti, undè panis laudatissimus conficitur.

Ex filigine tamen (non Belgicâ, sed Italicâ) potiùs quàm ex tritico, olim ditiores Romani panem conficiebant, sicut potest ex Seneca, & istis versibus Juvenalis probari, qui de pane divitum Romanorum loquens, ait:

Sed tener, & niveus, mollique filigine factus

Servatur Domino: dextram cohibere memento. —

Undè in jure civili, filiginarii vocantur mercatores, qui talem filiginem populo vendebant aut distribuebant.

ET IVMENTORVM. Equi, muli, asini, & cætera dorсуaria animalia, vocantur, *inventa*, à juvando, ut aliqui putant. ET RHEDARVM. Romani enim olim aut rhedâ, aut essedo, ut hodie nobiliores, vehebantur, aut crescente luxuriâ, lecticâ, vel sellâ gestabantur. In lecticis jacebant, in sellis sedebant, ferentibus servis lecticarijs, sex firmè aut octo. Istam mollitiem, ex Asia imperante primo Cæsarum Julio, venisse in Rom. Urbem, docet J. Lipsius lib. 1. cap. 9. Electorum. Rheda autem esse vetus Gallicum vocabulum & à Gallis ad Romanos, & deindè ad Græcos migrasse, Grammatici existimant. ET MANCIPIORVM. Græcè, & *corporum*; olim enim Romæ, ut hodie apud Turcas, & alibi, corpora mancipiorum, sicut equorum & mulorum, ad operas serviles pretio mercabantur. ET ANIMARVM HOMINVM. Animas etiam seu vitas hominum vendebant, ut in ludo gladiatorio exerciti, vitam contra se, aut contra feras in arena pugnando, profunderent. In mancipijs ergò corpus ad labores, in gladiatoribus animam, & vitam ipsam, ad arenæ, & amphitheatrorum spectacula mercabantur.

Quæ omnia si ad litteram sic accipiantur, patet veterem Romanorum luxum, amphitheatra, & omnes corruptos mores eosdem redi-

redituros in fine mundi, qui olim tam in veteri Roma, quam in nova, sive Constantinopoli, præcesserunt, postquam Romani Imperii sedes eo est translata.

Vel certè, interpretari possumus, quod postremo diximus de mercatura animarum hominum, sicut Haymo, qui ait, animas hominum, non tantum corpora vendi, quando Judæis & Mahumetanis venduntur mancipia, quæ statim circumcidunt, & religioni suæ adscribunt, & ita servos suos non tantum corpore, sed etiam anima faciunt.

14. POMA DESIDERII ANIMÆ TVÆ. Fructus omnes illi delicti & succulenti, quibus inter bellaria & mensas tuas secundas, ô Babylon, anima tua avidè inhiabat. Vox enim græca, non tantum poma, sed generaliter fructus tenuis corticis, & succulentos significat; qualia sunt aurea, cytria, & aliorum generum poma & pyra: deindè melones, & fructus omnes illos dulcis succi plenos, quos Italia, & Oriens inter mensæ secundæ delicias hodie etiam habet. DISCESSERVNT A TE. Quando jam ardes, & in cineres cadis. Hæc est Angeli apostrophe ad urbem ardentem, quam S. Joanni loquendo, quasi per parenthesin, interijcit. ET OMNIA PINGVIA. Quibus in cibo, potu, & conviviorum delicijs uti solebas. ET PRÆCLARA. In tincturis vestium, & auri, argentique gemmarum & lapidum pretiosorum ornamentis &c. PERIERVNT A TE. Græcè, *discesserunt a te*. Sicut paulò ante interpres vertit. ET AMPLIUS ILLA IAM NON INVENIENT. Mercatores & alij non amplius illa apud te inventient, quando ad te, vel potiùs ad cineres tuos accedent. Græcè tamen, *non invenies*: videlicet in te, nec videbis amplius, quomodo Erasmus & Arias vertunt, clariore sensu.

15. MERCATORES HORVM. Pinguium & præclarorum. Hoc versu, & sequenti, repetit ferè eadem, quæ supra v. 10. & 11. satis explicavimus.

16. QVONIAM VNA HORA. Brevissimo unius incendij tempore. DESTITVTÆ SVNT possessoribus suis TANTÆ DIVITIÆ. Quæ partim incendio absumebantur, partim antea ab exercitijs regum satellitum Antichristi fuerant direptæ. ET OMNIS GVBERNATOR. Nauclerus, qui naves in mari, lacu, flumine gubernat. ET OMNIS, QUI IN LACVM NAVIGAT. Græcè, *Omnis in navibus navigans*: quales sunt mercatores, & eorum factores, qui merces suas in navibus comitantur. In græcis hodie codicibus nulla, *lacus*, mentio. Interim verum est, mercatores non tantum per mare & flumina, sed etiam per lacus merces suas navibus transvehere.

Qui-

Quidam suspicantur, interpretem pro, *navibus navigat*, vertisse, in *lacu navigat*: quia vox græca, inquit, naves minores, quibus piscatores & alij in lacubus utuntur, significat. Sed hoc falsum esse, ex v. 19. patet, ubi magnæ & marinæ naves eodem nomine appellantur.

ET NAVTÆ. Turba nautica, quæ sub gubernatore suo regit navem. ET QUI IN IN MARI OPERANTVR. Et generaliter omnes, qui in mari aliquid negotiantur, sive mercatores, sive nautæ, sive piscatores sint &c. LONGE STETERVNT. In navibus suis spectantes, admirantes, & deplorantes Babylonis incendium. Sequitur enim:

18. ET CLAMAVERVNT, VIDENTES LOCVM INCENDII EIVS. Græcè, *fumum incendij*. Undè probabiliter colligi potest; Babylonem esse civitatem maritimam, aut non longè à mari, cuius incendij fumum & locum nautæ ex mari à longè spectare facillè potuerint. Et proindè in Romam novam, sive Constantinopolim in littore maris sitam hoc magis quadrare videtur, quam in Romam veterem quæ solo flumine Tiberi alluitur, 16. milliariibus Italicis procul à mari. DICENTES; QUÆ SIMILIS CIVITATI HVC MAGNÆ? Quæ unquam civitas par illi, aut similis infortunio, quæ ex tanto fortunæ fastigio in nihilum subito cadit?

19. ET MISERVNT PULVEREM SUPER CAPITA SVA. In magna enim tristitia & luctu solent olim Hebræi, Græci, Latini aspergere pulvere capita sua, ut ex sordibus dolorem testarentur, & magis lugubres apparerent. *Sparserunt pulverem super caput suum*, Job. 2.v. 12. Deindè os & faciem suam nonnunquamolvebant in pulvere: *ponet in pulvere os suum*, Thren. 3. v. 29. VÆ VÆ, CIVITAS ILLA MAGNA. Verti poterat. *Heu, heu*; quia est interfectio lamentantis, non minantis, ut v. 10. diximus. IN QUÆ DIVITES FACTI SVNT. Negotiando cum civibus Babylonis. OMNES QUI HABEBANT NAVES IN MARI. Mercatores, qui navibus onerarijs transportant merces per mare. DE PRETIIS EIVS. Divites facti sunt, inquam, ex pretijs & pecunia rerum venalium, quas navibus suis invehebant. QUONIAM VNA HORA DESOLATA EST. Quia mōmentō quasi temporis combusta, & in solitudinem redacta est.

Cæterum quæ his duobus capp. 17. & 18. de civitate ista Babylonis ab Angelo S: Ioanni narrata sunt, etiamsi pleriq; recentiores interpretes de Roma veteri & Italica accipiant, quam in fine mundi iterum redituram ad falforum Deorum idololatriam dicunt, futuramque potentissimam, qualis sub ethnicis Imp. & Repub. florente, olim fuit

M m

tamen

tamen si attentè omnia perpendantur, fortasse civitati alicui maritimæ, & commodissimi portus, ad quam mercatores undique ex toto orbe facile confluere possint; & alia deinde, quibus Angelus hujus Babylonice meretricis interpres, eam describit, verisimilius Romæ novæ, sive Constantinopoli, quàm Romæ veteri conveniunt.

Notandum enim, quod Constantinus Magnus, Christianorum primus Imp. divino monitu, ut Zosomenus scribit, aut considerata loci, & portus opportunitate, in littore Bosphori Thracij, sive freti, quod Europam ab Asia dividit, ut Europæ Asiæque merces & opes ibi conjungeret, civitatem, veteris Romæ quasi filiam, (ut S. Augustinus lib. 5. cap. 25. de Civ. Dei vocat) circa annum Christi 330. condiderit, quam secundam vel novam Romam appellandam esse, lege sancivit. In ea enim urbe Capitolium, Curiam, circum maximum, amphitheatrum, miliarium aureum, fora, porticus, aliaque veteris Romæ publica loca, supra septem etiam montes, ædificari jussit, multosque Senatores ac cives ex Roma veteri eò transtulit: deinde ejus Senatoribus eosdem honores, ait lib. 2. cap. 2. Zosomenus, eosdem dies sacros, qui veteribus Romanis tributi fuerant, assignavit. Denique ait, rebus omnibus urbem illam Romæ, quæ est in Italia, parem studuit efficere, ut non tam nova civitas ædificata, quàm Roma vetus ex Italia in Thraciam migrasse videretur.

Tantà verò mox mercium, mercatorum, & omnium hominum frequentia repleta fuit, ut omnium consensu, inquit idem auctor, Romanam vetrem longè superaret.

Postremo, quod maximum fuit, sedem Rom. Imperij, relicta Romæ veteri Apostolicæ Sedi, Constantinopolim transtulit, ibique mansit usque ad annum Christi 1453. quando à Mahumete II. Turcarum Imp. expugnata fuit. Nisi quod circa annum Christi 800. Occidentis Imperium à Constantinopolitano divisum, & à Pontifice Leone III. Regi Francorum Caralo Magno concessum fuerit. Quod hodie adhuc durat in successoribus Romanis, putaturq; e duraturum usque ad adventum Antichristi, juxta communem ferè interpretationem verborum Apostoli 2. ad Thess. 2. v. 7.

Cum igitur vetus Imperatoria Roma per sedis Imperialis translationem post annum Christi 300. Constantinopolim quodammodo migraverit, ut paulò ante narravimus: non absurdum, nec à Prophetiarum ambagibus, & involucris alienum erit, si pleraque, quæ Apoc. 17. & 18. de Babylone dicta sunt, de Italiz Romæ veteri & ethnicæ interpretemur. Sed quod de idololatria, & potentia ejus rediturâ, ac

ejus

ejus incendio in fine mundi, non amplius de Româ Italicâ factâ Papali intelligamus, sed de Roma Imperiali, postquàm Italiani descenderent in Thraciam migravit. Nam Constantinopolis ex situ loci, ut ex Petro Gillio Apocah. 17. v. 9. narrabamus, aptissima est, ut usque ad finem mundi permaneat tanquam civitas quædam immortalis, ut eam Gillius appellat. Deinde ut divitijs, ac mercatu ad illum splendorem crescat, quem S. Ioannes in figura Babylonis describit.

Quantum verò ad idololatriam, longè verisimilius est, Romam Imperialem Mahumetismi jam caput, quàm Papalem, Christianæ Religionis Apostolicam Sedem, & ubi hæc Sedes Apostolica, jure divino, probabilissimâ opinione, ut loquitur Bellarm. usque ad finem mundi manere debet, idololatria inficiendam esse, & præsertim tot annis, & fortè sæculis multis duraturâ, sicut satis indicatur supra v. 3. ubi de vino fornicationis ejus bibisse dicuntur omnes gentes, & reges terræ cum ea fornicati fuisset. Quod nequaquam brevi tempore fieri poterit. Hæc enim fornicatio non tantum tribuitur Romæ veteri, quando sub ethnicis Imperatoribus erat, sed etiam illi, quæ in fine mundi comburetur.

Quid si ergo princeps aliquis idololatra ex ultimo Oriente, cum ingenti decies centenum millium exercitu (ut Anno Christi 1400. Tamerlanes Rex Tartarorum, qui Bajazetem Imp. Turcarum vicit, & captivum abduxit) Imperium Turcarum evertat, & idololatriæ sedem Constantinopoli constituat? Vel certè, quia, hæc tanta mutatio Religionis hoc fortè tempore incipere deberet, quandoquidem deficiente paulatim jam Romano occidentali Imp. mundus ad finem tendere videatur; nec ulli ferè in toto Oriente sint potentes principes idololatræ, præter Chineses, homines imbelles & effeminatos; dicamus potiùs, fornicationem istam spiritualem, de qua S. Ioannes his capitibus loquitur, non esse proprium cultum idolorum, sed superstitionem Mahumetanam. Nam quamvis Turcæ & Mahumetani non sint propriè idololatræ, tamen à Deo verò fornicantur, nec eum colunt, sicuti est. Multa enim absurda de ipso fingunt, nec Christum esse Deum agnoscunt, sed Prophetam tantum Mahumete suo inferiorum.

Quod autem in libris Prophetarum SS. Patres *fornicationem*, passim *idololatriam*, interpretentur, non est mirum, quia nulla erat fermè in mundo tunc temporis falsa religio, præter idololatriam. Nunc verò & Mahumetani, & Judæi, imo hæretici omnes, quicumque Deum verum falsis attributis deformant, dici possunt fornicari à Deo verò,

animarum suarum sponso. Est enim alius deterior cultus simulachrorum, ait S. Augustinus lib. de vera relig. cap. 38. quo homines phantasmata sua colunt, & quidquid animo errante, cum superbia vel tumore cogitando imaginati fuerint.

Itaque hoc etiam tempore Imperatoria Roma meretrix à fide Christi & veri Dei fornicaria est per Mahumetismum, & cum ea fornicantur infinitæ propemodum Asiæ, Africæ, Europæ gentes, & reges sive principes Mahumetani, per ingentes terrarum tractus & oceani orientalis insulas dispersi.

Si autem vera sunt, quæ diximus, superstitione Mahumetana usque ad finem mundi durabit. Deinde Constantinopolis jam quidem dives, sed multo ditior & potentior fiet; Antichristus eam decem regum exercitibus expugnabit & comburet, Imperiumque Romæ Orientale, quod jam Turca occupat, primò evertet; deinde Occidentale quod Imp. Germani hodie tenent, & quidquid olim Romani in occidente possidebant, hoc est, Italiam, Germaniam, Galliam, Hispaniam, Angliam, Belgium, &c. denique totius Orbis Imperium in se convertet.

Sed post hoc diverticulum ad explicationem nostri textus redeamus.

20. EXULTA SUPER EAM CŒLUM: Angelus, aut certe S. Joannes invitat cælites ad exultandum & lætandum de justo Dei judicio, quo per Antichristum, & reges ejus auxiliares Babylonem evertit. ET SANCTI APOSTOLI, ET PROPHETÆ. Et vos præcipuè verbi Dei præcones, à civibus Babylonis vexati, & morte affecti.

Apostoli non semper accipiuntur pro XII. illis tantum, quos Christus sibi adjunxit, sed interdum generalius pro omnibus qui ab Ecclesiâ, vel superioribus suis ad prædicandum Dei verbum mittuntur: ut 2. ad Cor. 8. v. 23. *Propheta* etiam in novo Test. sæpè generatim vocantur, non à prædicatione futurorum, sed ab expositione Scripturarum, ex singulari Spiritus Sancti inspiratione, ut Act. 13. v. 1. ad Rom. 12. v. 6. 1. ad Cor. 14. v. 3. 4. 5. &c.

Verisimile autem est, multos tales Apostolos & Prophetas in fine mundi mittendos esse in varias Orbis partes, & præsertim Babylonem capitalem totius orbis urbem, ut in prædicatione Euangelij adjuvent Eliam & Henoch, & omnes homines de instante mundi consummatione admoneant; quos Babylon opprobriis & morte afficiet, sicut Antichristus Eliam & Henoch Jerosolymæ occidet.

Deindè Turcæ & Mahumetani, Babylonis fortassis incolæ, innumerales Christianorum greges, tam bello, quàm pace, in odium Chri-

Christianæ religionis, varijs modis interemerunt, & interiment, ante finem mundi: ut meritò per equum pallidum, qui aperto quarto sigillo exivit, Apocal. 6. v. 8. multi intelligant Mahumetem, cui data sit potestas super 4. partes terra, interficere gladio, fame, & morte, & bestijs terræ: unde mox v. 9. & 10. ibid. sequitur clamor martyrum, vindictam clamantium sub altari.

Alij qui Romam veterem & Italicam esse Babylonem existimant, longè aliter hæc accipiunt: quasi Apostoli Petrus & Paulus, & quidam Prophetæ novi Test. olim à tanto tempore Romæ interfecti, exultent de vindicta & excidio Romæ, quod accidit sub finem mundi.

Sed S. Joannes loqui videtur de Apostolis & Prophetis, non qui olim interfecti fuerint à Nerone, vel alio Tyrannò sub Roma veteri; sed à Civibus, vel à Principe illius Babylonis; quam describit adeò divitem & opulentam futuram in fine mundi.

Veteres autem plurimi qui sensu saltem mystico, Babylonem interpretantur civitatem diaboli sive congregationem impiorum toto orbe dispersam; intelligunt Apostolos Christi, & Prophetas veteris testam. lætantes de justitia, & judicio extremo, quo Christus reprobos in infernum perdet.

QUONIAM IUDICAVIT DEVS IUDICIUM VESTRUM. Exultate, inquam; cælitè tribulationibus & mortibus à Babylone contriti, quia Deus, ut vos vindicaret, justam sententiam condemnatoriam tulit. DE ILLA. Super illa. Phrasis autem hebraica est, in Psalmis frequens, quâ Deus dicitur, judicare iudicium, vel causam alicujus, quando punit illos, qui injuriâ illum affecerunt: *Iudica iudicium meum, & redime me*; Psal. 117. *Iudica me Deus, & discerne causam meam de gente non sancta*. Psal. 42.

21. ET SVSTVLIT VNVS ANGELVS. Ex illis septem, de quibus Apoc. 16. v. 1. & Apoc. 17. v. 1. FORTIS. Opus enim erat fortitudine ad faciendum, quod sequitur. LAPIDEM QUASI MOLAREM MAGNUM. Ut magnitudinem, & pondus divitiarum Babylonis melius exprimeret. ET MISIT IN MARE. Non-quasi Babylon in mare demergenda esset, cùm incendio peritura sit; sed quia non amplius apparebit, quasi à vicino mari absorpta esset.

Lapidem molarem, qui mobilis & volubilis est, Beda, Haymo, & alij, sæculi volubilitatem mysticè interpretantur, quæ in fine mundi cessabit. Farina autem, quam hic lapis molaris molit, sunt multæ cogitationes minutæ & curæ temporales, ait Haymo, quas sæculi volubilitas hominibus temporalibus parit.

DICENS, HOC IMPETV. Magno & celerrimo : ut significetur, non lentè per partes, sed simul, uno valido & sonante impetu Babylon perdenda. MITTETVR BABYLON. Projicietur in exitium, tanquam in abyssum maris, cives autem ejus mittentur in profundum loci infernalis. ET VLTRA IAM NON IVNIETVR. Subitò enim evanescet ex hominum oculis.

Simili projectione lapidis in Euphratem, Saraïas Propheta jussus est à Jeremia instantem veteris Babylonis perditionem figurare, Jerem. 51. v. 63.

22. ET VOX CITHAROEDORVM &c. Musica, & omnia muscorum instrumenta, quibus Babylonis cives in convivij, comedijs & festivitibus se recreare, saltare, bacchari, & insanire solebant. NON AUDIETVR IN TE AMPLIVS. Sic Prophetæ magnarum & delicijs affluentium civitatum excidia explicare & deplorare solent, musicas lætitiæ voces commemorando, quæ in luctum vel silentium sunt commutandæ. ET OMNIS ARTIFEX OMNIS ARTIS. Quales sunt, præter cæteros Mechanicos in urbibus opulentioribus, aurifices, gemmarij, pretiosorum pannorum textores, varij generis obsoniorum coci, alijq; gulæ & voluptatum Ministri. NON INVENIANTVR IN TE AMPLIVS. Babylon enim habitatoribus & habitaculis vacuabitur.

Carthusianus, qui cum multis alijs, hanc Babylonem interpretatur esse congregationem reproborum apud inferos post mundi finem lugentium, putat probabiliter hinc colligi, quod damnati non sint futuri memores suarum artium & scientiarum in inferno, propter vehementiam tormenti infernalis.

Verùm damnati, Deo hoc agente, ad multa simul attendere possunt, etiamsi acerrimè torqueantur : nam ad pœnam sensus, & simul ad pœnam damni, quæ gravissimè omnium eos affligit, attendunt. Deindè, si peccatorum suorum recordantur (nam *veniens in cogitatione peccatorum suorum timidi*, Sap. 4. v. 20.) non mirum est si etiam artium meminerint, in quibus deliquerunt.

ET VOX MOLÆ NON AUDIETVR. Strepitus lapidis molaris ad farinam, pollinem, & similam molendam, quâ delicati divitum panes, & variz conviviorum deliciæ à pistoribus & cocis confici solent. Quidam tamen ad vocem, & cantilenas fervorum & ancillarum, olim brachijs moleantium, hanc molæ vocem referunt.

23. ET LVX LVCEARNÆ NON LVCEBIT IN TE AMPLIVS. Prandere enim leviter, cœnare verò in multam noctem, non ad lumen candelaborum, ut hodie, sed lucernis à fornice cœnaculorum pensilibus

libus solebant olim Romani : undè illud Virgilij : *Pendent lychni laquearibus aureis.*

Maximè verò hoc Mahumetanorum moribus convenit, qui hodie Constantinopoli, & alibi, commellationibus nocturnis maximè delectantur, præsertim in Quadragesima sua, quando post diei jejunium, integras noctes, apertis popinis, & expositis ubique lucernis, inter festas epulas, & instrumenta musica choreas ducunt. Fastigia quoque mosquearum suarum, & pyramides varias tota urbe Constantinopolitana ad eum usum factas, quæ numerum decem millium excedunt, innumeris lucernis replent, ita ut tota urbs gratissimo spectaculo videatur esse una capella ardens. Undè si Constantinopolis sit futura ista Babylon, ut ante probabile esse diximus, mirum non est, à S. Joanne mentionem lucernarum ejus hic factam fuisse.

ET VOX SPONSI ET SPONSÆ. Musici cantus vocum & instrumentorum, quibus sponzorum & sponzarum nuptiæ celebrantur. NON AUDIETUR ADHVC IN TE. Non audietur in posterum, sive amplius, sicut eandem particulam græcam Interpreter paulò antè vertit. QVIA MERCATORES TVIERANT PRINCIPES TERRÆ. Grecæ, *Magnates terre.* Adeò potentes & divites erant tui mercatores, ut principatus & dominia in varijs terræ Provincijs emerent & possiderent. Sic hodie Italiæ Principes sunt etiam mercatores, & mercimonia in varijs orbis emporijs per suos factores exercent, ut nobilitas alimentum & splendorem ex mercium divitijs accipiat. Sic etiam Roma veteri florebat, multi Senatores, & inferioris ordinis cives, negotiationibus, quas per procuratores suos non tantùm in Italia, sed alibi per Europam, Asiam, & Africam exercebant, regias opes sibi parabant. Adeò ut quidam apud Tacitum lib. 13. Annal. obijciat Senecæ, quod intra quadriennium varijs modis ter millies sestertium, id est, ut J. Lipsius computat, septuagies quinquies centena millia Philippicorum, sive septem milliones Philippicorum cum dimidio sibi comparaverit. Propter igitur tantas civium suorum divitias, propter avaritiam & cætera vitia, quæ ex divitiarum abundantia solent nasci, sic punietur & desolabitur Babylon.

Quidam tamen sic intelligunt : quod exteri principes fuerint Babylonis mercatores, quia suos Principatus & regna ab ea emebant, sicut Herodes & multi alij Reges pecuniâ & muneribus olim à Romanis emebant. Redibit autem in fine mundi similis mercatura ejusdem Romæ veteris, aut certè Romæ novæ & Imperialis, quæ est Constantinopolis.

QVIA

* QVIA IN VENEFCIIS TVIS. Et deinde sic desolaberis, ó Babylon, quia isto divitiarum, potentiz; & magnificentiz tuæ splendore, tanquam fascino quodam & magicis veneficijs. ERRAVERUNT OMNES GENTES. Ex omnibus orbis terræ gentibus multi homines impij, & amatores hujus mundi, à fide Christiana ad idololatriam, vel Mahumetismum defecerunt; existimantes divitias, & rerum terrenarum splendorem esse signum favoris numinis erga te, & religionem tuam.

24. ET IN EA. Mutat subito apostrophen, & personam secundam in tertiam, ut sæpè solent Prophetæ. SANGVIS PROPHE TARVM. Concionatorum verbi divini, qui profunda Scripturarum populis exponebant: tales enim etiam, *Prophetas*, vocari, maxime in novo Testam. suprà v. 20. dictum est. ET SANCTORVM INVENTVS EST. Quos Babylon interfecit. Nec tantum sanguis eorum, qui in ipsa urbe Babylone interfecit, sed ET OMNIVM, QUI INTERFECTI SVNT IN TERRA. Et plerorumque omnium; qui in toto Orbe terrarum Babyloni subiecto, ob fidem Christi occisi sunt: omnium enim illorum sanguis in manibus Babylonis invenitur, quia jussu ejus per præfectos & Præsides provinciarum effusus est; sicut olim in persecutionibus veteris Romæ factum est, & adhuc fiet in persecutionibus Romæ posterioris, proximè antè Antichristi adventum.



CAPVT

CAPVT XIX.

SYNOPSIS CAPITIS.

Impiâ Babylon excisa, Calices triumphum canunt, & alleluia. Angelus annuntiat, tempus nuptiarum Agni advenisse. S. Ioannes cadit ad pedes ejus, & vult eum adorare; sed Angelus prohibet. Christus & exercitus Sanctorum in equis & vestibus albis adversus Antichristi exercitus, & Reges terra pugnant. Isti vincuntur, & Antichristus cum suo pseudopropheta vivi à terra & inferno absorbentur.

vers. 1.

POST HÆC AUDIVI QUASI VOCEM. Non veram vocem, quæ aërem, & aures corporis feriret, sed imaginariam, quæ intus in auribus cordis formabatur. TURBARVM MULTARVM. Numerosa enim est turba Sanctorum. IN CÆLO DICENTIVM, ALLELUIA. Laudate Deum: nam *hallelu* hebraicè significat, *laudate*, à rad. *halen*, vocula autem monosyllaba, *lai*, est unum ex decem nominibus Dei, compositum ut videtur ex duabus primis litteris, *Iehova*, unde nihil est aliud quam *Iehova* abbreviatum.

Hanc vocem, *Alleluia*, à primis Judæis Christianis ad Græcos & Latinos migrasse, qui in suis linguis hebraicam pronuntiationem retinuerunt, ne Judæorum Ecclesiam scandalizarent; postea vero dilatato per omnes gentes Evangelico sermone, non potuisse semel suscepta mutari, testatur S. Hieronymus Epist. ad Marcel. Est autem vox lætitiæ & triumphi, quâ Sancti excitant se mutuo ad laudes, & gratias Deo decantandas, ob victoriam de suis hostibus, Dei munere, reportatam. Undè potius est vox patriæ, quàm hujus peregrinationis, & vallis lacrymarum: putantque aliqui, Beatos in patria hebraicam illam vocem, *Alleluia*, perpetuo cantaturos, juxta illud, *Per vicus eius alleluia cantabitur*, Tob. 13. v. 22. Undè à Septuagesima usque ad Pascha, quando Ecclesia antiquum humani generis lapsus, & tristitia pœnitentiæ tempora revolvit, non cantat, *alleluia*, nec Christiani hac voce ad lætitiâ se excitant: licet tamen, quia Deus semper laudandus est, in officio divino, loco, *alleluia*, substituitur, *Laus tibi Domine Rex æternæ gloriæ*.

SALVS: Quâ nos salvavit. Multi codices non, *salus*, sed, *laus*, legunt.

N n

Et

ET GLORIA. Quæ idèò ei debetur. ET VIRTVS. Potentia, quæ hostes, suos, & nostros debellavit. DEO NOSTRO EST. Meritò tribuitur ab omnibus Angelis & hominibus.

2. QVIA VERA. Quia veracia: nam pœnas, quas minatur, exequitur. ET IVSTA. Quia immerentem non punit. IUDICIA SVNT EIVS. Sententia condemnatoria. QVI IUDICAVIT DE MERETRICE MAGNA. Babylone, condemnando & perdendo eam. QVÆ CORRVIT TERRAM. Maximam partem orbis terrarum. IN PROSTITVTIONE SVA. Prostituendo se ipsis, & ad falsam religionem alliciendo, ut à Christo averteret. ET VINDICAVIT SANGVINEM SERVORVM SVORVM. Martyrum, quem & in urbe, & in toto Imperio suo effudit. DE MANIBVS EIVS. Susceptum & effusum. Propter ergò duo scelera punitur Babylon, quia corrumpit malos, & persecuta est bonos, ait Beda.

3. ET ITERVM DIXERVNT ALLELVIA. Multa enim & repetitâ laude dignus est Deus; undè David: *Benedicam Dominum in omni tempore, semper laus eius in ore meo.* Psal. 33. Et viginti Psalmi ejus pro titulo habent. *Alleluia.* ET FVMVS EIVS. Memoria Babylonis extinctæ. ASCENDIT IN SÆCVLA SÆCVLORVM: In æternum scandit versus cælum, ut Sancti propter vindictam istam cantent æternum *Alleluia*, & Deo gratias semper agant. Verbum *ascendit*, est presentis temp. ut ex græco patet, & significat *nunc* æternitatis, quod semper est præsens.

Potest etiam hic locus referri ad pœnas tormentorum æternas, quas cives Babylonis in inferno patientur, sicut similem phrasim explicuimus Apoc. 14. v. 11.

4. ET CECIDERVNT, in facies suas, SENIORES VIGINTI QVATVOR. De quibus mentio facta Apoc. 4. v. 4. & representant præcipuos, ac procères Sanctorum veteris & novi Test. ET QVATVOR ANIMALIA: Per quæ 4. Evangelistas significari, communis est sententia Patrum, ut diximus Apoc. 4. v. 6. ET ADORAVERVNT DEVM SEDENTEM SUPER THRONVM. Ut non tantum præconio vocis, sed etiam submissione corporis, & humilitate cordis eum laudarent. DICENTES AMEN. Verum est, quodd justæ & veræ sint iudicia ejus, ut v. 2. dictum fuerat. ALLELVIA. Et idèò eum laudemus.

Seniores, & 4. animalia cantantes, *Alleluia*, prosternunt se ante thronum, quia quo Sancti majores sunt, eò profundius se humiliant; & submissionis adorant, quia majora beneficia à Deo, quàm cæteri acceperunt, juxta illud, *Quanto magnus es, humilia te in omnibus*, Eccli 3. v. 2.

5. ET VOX DE THRONO EXIVIT. Tanquam vox præconio, & interpretis divinæ voluntatis. Vocem alicujus Seraphini fuisse, credit Aretas

Aretas; aut certè, potiùs Angeli ex ordine thronorum, super quibus sedere dicitur Deus. DICENS: LAudem DICITE Deo nostro. Angeli invitant homines ad cantandum Dei laudes, quia unicus est chorus & harmonia, quæ componitur ex humanis & Angelicis vocibus, sicuti unus est communis omnium Deus. OMNES SERVIENTES. Servitute sinceræ dilectionis. ET QUI TIMETIS EUM. Quorum dilectio imperfecta, & timori adhuc permixta est, cum perfecta charitas foras mittat timorem, 1. Joan. 4. v. 18. PVSILLI ET MAGNI. Tam imperfecti, quàm perfecti. Quidam tamen intelligunt tam pauperes & ignobiles, quàm divites & nobiles facultatibus huius mundi: omnes enim omninè, pro sua conditione qualicumque, laudare Deum debent, quia tam paupertas, quàm divitiæ, & universim omnia, electis cooperantur in bonum.

6. ET AUDIVI QVASI VOCÈM TURBÆ MAGNÆ. Majorem adhuc, quàm fuit vox illa supra v. 10. ET SICUT VOCÈM AQUARVM MULTARVM. Ut fluctuum maris, vel fluminum ruentium per præceps, quales voces latissimè resonant. ET SICUT VOCÈM TONITRORVM MAGNORVM. Quæ magno stridore acutissimè crepant, & longissimè audiuntur: vox enim ista omnium Sanctorum simul canentium erat, & ideo comparat rebus, quæ latissimum & acutissimum sonitum edunt in hoc mundo. DICENTIVM ALLELUIA. Hoc jam est quartum à principio capitis, *Alleluia*, quod cantant in laudem Dei Creatoris, Conservatoris, Reparatoris, & Glorificatoris humani generis. Alij ad tres personas, & naturam divinam tribus personis communem, numerum istum quaternarium, *Alleluia*, referunt. QVONIAM REGNAVIT. Regem se esse ostendit. DOMINVS DEVS NOSTER OMNIPOTENS. Quam omnipotentiam in excidio superbe Babylonis demonstravit.

7. GAUDEAMVS. Spiritu. ET EXVLTÈMVS. Corporis gestu, quod fit, quando gaudium animi in appetitum inferiorem, & in corpus effunditur. ET DEMVS GLORIAM EI. Et gaudium quoque in linguæ jubilum & glorificationem exeat. QVIA VENERVNT NVPTIÆ AGNI. In quibus Ecclesia Agno in cœlesti Regni Thalamo sociabitur, ait Beda. Quod fiet, quando peracto universali iudicio, Ecclesia Electorum animâ & corpore gloriosa deducetur ad cœlum tanquam ad mariti sui domum.

Harum nuptiarum Sponsalia, ut Albertus & Carthus. meditantur, contracta sunt in sponsione Prophetarum, qui Christum in carne venturum promiserunt. Matrimonium per verba de præsentī, in mutua

Mariæ & Angeli collocutione, contractum est; in verbi autem & carnis unione consummatum. Celebritas celebrari cœpit in Christi Ascensione: nunc sponsa paulatim in domum sponsi introducitur, totaliter introducenda in fine sæculi, quando etiam convivium generale celebrabitur.

ET VXOR EIVS. Ecclesia electorum. PRÆPARAVIT SE. Ornata quam potuit magnificentissimo, sicuti sponsæ solent, quando in domum sponsi deducendæ sunt. Hæc autem ornamenta sunt torques, murenulæ, inares, lapides pretiosi, & gemmæ virtutum, quibus anima decoratur & fulget.

8. ET DATUM EST ILLI. Non enim à seipsa hoc habet, sed gratiâ & dono sui sponsi. UT COOPERIAT SE BYSSINO. Stola & cyclade talari, ex bysso, sive lino subtilissimo factâ, ut Apoc. 18. v. 12. diximus. *Byssus* enim est cortex arboris Indicæ, qui ad linum præparatur, ait Aretas. SPLENDENTI ET CANDIDO. Græce, *puro & splendido*. Quod non tantum purum, & sine macula est, sed etiam candore splendet. BYSSINVM ENIM IUSTIFICATIONES SVNT SANCTORVM. Byssina enim illa sponsæ veltis significat justificationes, sive bona virtutum opera, quibus singula Ecclesiæ membra decorem & splendorem, veluti vestimentum sibi texunt, & circumponunt. Szpillimè enim, præsertim in Psalmis, justificationes & iustitiæ significant bona opera, quibus anima in sanctitate & iustitia coram Deo se promover, longius se vestiendo & exornando. Valdè autem appositè filis lineæ & candidissimæ vestis comparantur bona opera, & laboriosi virtutum actus: quia sicuti linum multo labore frangitur, comminuitur, catminatur, netur, textitur, dealbatur, & ad splendorem illum tandem perducitur; ita perfectæ virtutum opera, ut pura omnino, nec ullâ vel tenuissimâ labe aspersa sint, sed candidissimè splendeant, per multas mortificationes & labores eo pervenire debent.

9. ET DIXIT MIHI. Vox illa Angeli, quæ exierat de throno suprà v. 5. SCRIBE. Ut rei hujus historia etiam ad posteros, & futuri temporis Sanctos perveniat. BEATI. Etiam si angustiat & affligi, & miserabiliores omnibus hominibus in hoc mundo videantur. QVI AD CENAM NVPTIARVM AGNI. Prandium enim est refectio prima gratiæ, quæ in die hujus sæculi peragitur; cana verò est ultima refectio gloriæ, & divinæ contemplationis, quæ in fine diei, seu post consummationem sæculi in cælo celebrabitur, ut S. Gregor. Beda, Richar. & alij veteres notant. VOCATI SVNT. Non quomodocumque, sed secundum propositum, ad Rom. 8. v. 28. *sive ex æterno Dei*

Dei

Dei proposito & decreto, dandi ipsis vitam æternam; quales sunt soli electi. ET DIXIT MIHI. Ne dubium ullum esset, quin res ita se haberet. HÆC VERBA DEI VERA SVNT. Non mea, sed Dei ipsius, cujus nuntius sum, verba sunt, beatos esse, qui ad cœnam &c. & ideo certo credant, & in meditatione eorum Sancti Dei electi se delectent.

IO. ET CECIDI. Prostravi me. ANTE PEDES EIVS. Apparebat enim Angelus formâ humanâ, assumpto corpore aëreo: vel potiùs, quia interiùs tantùm loquebatur. S. Joanni, non verum corpus, sed solam coporis phantasticam effigiem interiori sensui S. Joannis obijciebat, ait Carthus. Unde casus ille & prostratio fuit tantùm imaginaria, sicuti quando Ezechiel, anno 25. transmigrationis Babylonicæ, in visione adductus est in terram Israël, Ezech. 40 v. 2. UT ADORAREM EVM. Ut propter tam leta & vera, quæ afferebat, nuntia, cultu dulci, qualis sanctis Angelis & hominibus tribui potest, cum adorarem, & honore isto gratias agerem. Verbum enim, *adorare*, in Scriptura, non semper adorationem patriæ soli Deo debitam. sed etiam Dulci interdùm significat, ut 3. Reg. 1. v. 16. & v. 23. Betſabee & Nathan Propheta dicuntur Davidem regem adorasse. ET DICIT: VIDE NŦ FECERIS Cave ne me adores. Etiamſi Angelus honorem istum admittere potuiſſet, quia non patriâ, ut Deum, sed dulciâ, ut creaturam, S. Joannes cum adorare volebat; noluit tamen admittere, quia inquit, CONSERVVS TVVS SVM. Ejusdem Dei & Christi tecum ego sum servus; non autem valdè decens est, parem à pari adorari. ET FRATRV TVORVM. Prophetarum, Apostolorum, & Evangelistarum. HABENTIVM TESTIMONIUM JESV. Qui gerunt testimonium, quod sint Ministri Christi Jesu. Iste enim Angelus erat unus ex illis septem Spiritibus, qui in conspectu throni sunt, Apocal. 1. v. 4. & in hæc inferiora mittuntur, ut cum verbi divini prædicatoribus occultè ministrent, & Christi fidem ac salutem electorum promoveant. DEVM ADORA. Potiùs opus aliquod majus & decentius fac, & summo cultu patriæ Deum honora.

Non ergo malè faciebat S. Joannes volendo Angelum adorare, sed Angelus eum monet, ut majus & excellentius aliquid aliud ageret, ut ait Carthusianus.

TESTIMONIUM ENIM JESV. Explicat, quinam sint, quos dixit habere testimonium Jesu. EST SPIRITVS PROPHETIÆ. Nam Spiritus sive donum Prophetiæ ad prædicandum futura, & prædicandum, ac intelligendum occulta Scripturarum, & fidei mysteria, qualem spiritum habebat S. Joannes, est testimonium & signum, quod

aliquis sit Christi Iesu in Ecclesia Minister. Nam ad Ecclesiæ Ministerium spiritus talis solet à Deo dari: unde Apocal. 22. v. 9. ubi Angelus iterum vetat se adorari, vocat aperte, *Trophetas*, quos hic dicit habere testimonium Iesu.

Sanctus Gregorius hom. 8. in Euang. existimat, Angelum noluisse à S. Ioanne adorari, quia reverebatur in ipso Humanitatem à Verbo divino assumptam: Unde notat, quòd in veteri Testam. ante Verbi Incarnationem, Angeli non fuerint soliti reiicere hominum adorationem. Sic Angeli illi, quos Loth Gen. 19. v. 1. & alter, quem Iosue adoravit, Iosue 5. v. 15. adorationem admiserunt. Unde patet, quantum per Verbi divini Incarnationem dignificata sit natura nostra, inquit Carthus. propter quam Angeli potius honorant homines, quàm patiantur se ab hominibus honorari.

Baronius autem & Barth. Petrus putant Angelum noluisse à S. Ioanne adorari, ut refelleret Cerinthianos Asiæ hereticos, qui Angelos supra Christum adorabant; quorum hæresim S. Paulus ad. Coloss. 2. v. 18. perstringit.

11. ET VIDI CÆLVM APERTVM. Ut inde exiret candida illa equitum Turma, de qua statim. Apertio ista cæli etiam significat revelationem mysterij S. Joanni factam, quod in Dei præscientia, tanquam in cælo clausum erat, ut interpretatur Richar. ET ECCE EQUVS ALBUS. Primus omnium exhibet vehens ducem totius turmæ equestris. *Equus* celeritatem adventus sessoris significat, ait Aretas. *Albus* autem est, quia rebus cælestibus cæli color tribuitur, qui albus & candidus est: unde Gentiles, Jovem suum quadrigis albis vehi finge-
bant.

Haymo, Richardus, & alij, *equum album*, Christi Humanitatem immaculatam, & candore lucis æternæ splendentem interpretantur; quem equum tunc Divinitas ascendit, quando Verbum caro factum est. Et licet non sola Christi divinitas sed etiam ejus Humanitas equo albo insidens S. Joanni apparuerit: nihil tamen vetat, qualitates Humanitatis in subjecto equo relucere, & per equi candorem significari.

ET QUI SEDEBAT SUPER EVM, VOCABATUR. (Angelo id indicante S. Joanni) FIDELIS. Stans promissis suis, auxiliando amicis per gratiam, & præmiando eos per gloriam. ET VERAX. Reddendo inimicis suis, quod minatus est. ET CVM IUSTITIA IUDICAT ET PVGNAT. Neminem iudicio aut armis injustè opprimens. Licet enim potentissimus sit, non tamen potentia suâ abutitur ad tyrannidem.

San-

Sanctus Hieronymus in caput 3. Habacuc hæc ad primum Christi adventum refert: & equum Christi album, non alium, inquit, esse puto, quàm Paulum Apostolum, super quem Christus equitans totum Orbem circuevit. Sed hic sensus potius videtur esse accommodatius, quàm literalis. Hæc enim Prophetia S. Joannis potius ad finem mundi, quàm ad principium Evangelicæ prædicationis spectare videtur.

12. OCULI EIVS SICVT FLAMMA IGNIS. Præ ira & indignatione in hosles suos, & Antichristi exercitus, quos expugnatum venit. Similia verba Apocal. 1. v. 14. explicuimus. Aretas flammam istam oculorum non tantum ad iram & terrorem, sed etiam ad benevolentiam & blandimentum refert; flamma oculorum ejus, inquit, illuminat Angelos & justos, exurit dæmones & peccatores. **ET IN CAPITE EIVS DIADEMATA MÛLTA.** Omnium nempe regum orbis terræ: ipse enim est Rex regum, & Dominus Dominantium, cui, etiam ut homini, data est omnis potestas in cælo & in terra. Matth. ult. v. 18. *Diadema* autem est fascia candida, quæ reges olim cingere solebant frontem & caput. **HABENS NOMEN SCRIPTVM.** In capite suo, & in ipsis fortasse diadematis: nam hæc inscriptio videtur distinguî ab inscriptione vestimenti & fæmoris, de qua infra v. 16. Hæc etiam inscriptio est altior & sublimior, quàm altera; nam ad Christi Divinitatem spectat, quæ est quodammodo Christi caput. **QVOD NEMO NOUIT, NISI IPSE.** Nemo perfectè novit, & comprehendit rem illo nomine significatam, nisi ipse, & illi, quorum essentia cum ipso eadem est. Nomen autem istud est Verbum Dei, ut mox dicit.

Nemo autem Verbi Divini ineffabilem generationem, & notionem penetrare, & comprehendere valet, nisi solus Deus. Aut si intelligatur de notitiâ clarâ, licet non comprehensivâ, subintelligendum est, *Aut nisi, cui ipse volueris revelare*; sicut in simili exemplo additum est, Matth. 11. v. 27.

13. ET VESTITVS ERAT VESTE ASPERSA SANGVINE. Hostili, quem pugnando & vincendo in multis præliis effuderat: undè significat, illum esse assæctum sanguinem hostilem fundere, & hosles vincere. Alludit autem ad locum Isa. 63. v. 1. & 2. Alij interpretantur, proprio Christi Sanguine vestem ejus aspersam apparuisse, quia per effusum sanguinem suum, diabolum, & hosles omnes devicit. Undè Sanguis suus fuit ei victoriæ instrumentum, & quod alijs victoribus est gladius. **ET VOCABATUR NOMEN EIVS, VERBVM DEI.** S. Joannes videtur delectatus isto nomine Verbi Dei, quo Christum frequenter

quenter appellat, Joan. 1. v. 1. &c. 1. Joan. 1. v. 1. 1. Joan. 5. v. 7. &c. Quia enim Verbum à Patre per intellectum procedit, est sapientia æterni Patris super cujus pectus S. Joannes in cœna recubuerat, & undè sapientiam suam se haussisse meminerat.

14. ET EXERCITVS, QUI SVNT IN CÆLO. Et militiæ cælestis, sive SS. Angelorum turmæ. SEQUEBANTVR EVM IN EQVIS ALBIS. Equitant Angeli ad significandam eorum celeritatem, quâ tanquam equis celerrimis, & pegasis alatis, currunt in pugnam, & quocumque à Duce suo mittuntur.

Sanctus Gregorius lib. 31. moral. cap. 31. hos equites, non Angelos, sed homines sanctos interpretatur, quorum corpora sunt velut equi, candore virtutum albi, & quos animæ insidentes ab illicitis freno continentia restringunt, & charitatis impulsu, tanquam calcaribus, boni operis exercitatione relaxant.

VESTITI BYSSINO ALBO ET MVNDO. Quo iterùm significatur justificationes Sanctorum, ut v. 8. S. Joannes interpretatus est.

15. ET DE ORE EIVS. Est enim oris & linguæ, non dexteræ gladius. PROCEdit GLADIVS EX VTRAQVE PARTE ACVTVS. Duplicem aciem habens, ut facilius, & profundius in vulnera intret, quia ab utraque parte scindit. Vide, quæ Apocal. 1. v. 16. de isto gladio diximus. UT IN IPSO. Per ipsum. PERCVTIAT GENTES. Infideles Antichristi exercitus: solo enim vocis imperio, tanquam gladio ex ore procedente, holles suos cædit & exanimat; undè alter Apostolus dicit, Antichristum spiritu oris Christi interficiendum, 2. ad Thef. 2. v. 8. ET IPSE REGET EAS IN VIRGA FERREA. Sceptro duro, quo eas propter scelera sua confringet ut vala figuli. ET IPSE CALCAT. Calcare solet ex officio, quia à patre constitutus est Judex vivorum & mortuorum. TORCULAR VINI. In quo sanguis peccatorum à justo judice, sicut vinum à vindemiatore, in torculari calcatur. FVRORIS IRÆ DEI OMNIPOTENTIS. Iræ quasi furiosæ, quâ peccatores, & in hoc sæpè mundo, & in æternum severissimè punit. Furor autem & ira Dei, non passionem, aut mentis commotionem, sed æquitatis rigorem, & ultionis acerbicatem significant, ait Carthus.

16. ET HABET IN VESTIMENTO. In Humanitate sua, quâ, tanquam vestimento, Divinitas ejus induta est. ET IN FEMORE SVO. In loco, undè generatio carnalis fuit: ut significetur dignitatem illam habere, quia è regia Davidis stirpe secundum humanam generationem, ut Messias, descendit: femore enim posteritas feminis designatur, inquit

inquit Beda. Undè Abraham, ne posteritas ejus misceretur alienigenis, inter se servumque suum tertium testimonium femur adhibuit, Gen. 24. v. 2. SCRIPTVM EST: REX REGVM, ET DOMINVS DOMINANTIVM. Non tantùm secundùm divinam, sed etiam secundum humanam naturam, quæ ex femore David profluxit. Propter enim unionem humanitatis cum Verbo Divino, & meritum Passionis ejus, dignitas illa Regis Regum Christo homini condebita & tributa fuit: quia enim humiliavit semetipsum usque ad morrem, Deus exaltavit illum &c. ad Philip. 2. v. 9.

17. ET VIDI VNVM ANGELVM STANTEM IN SOLE. Circumfusus radijs solis in summo aëre, ut omnibus esset conspicuus. ET CLAMAVIT VOCE MAGNA. Ut faciliùs ab omnibus exaudiretur. Dicens OMNIBVS AVIBVS. Carnivoris, ut vulturibus, corvis, &c. QUÆ VOLABANT PER MEDIVM CÆLI. Ad venatum & prædam. VENITE, ET CONGREGAMINI AD CENAM MAGNAM. Convivium grande: nam aliæ aves non cenant vesperi post solis occasum, sed prandent toto die. DEI. Quam Deus præparabit vobis.

18. ET MANDUCETIS CARNES REGVM. Qui auxiliantur Antichristo, & mox interficiendi sunt in prælio. ET CARNES TRIBUNORVM. Græcè, *Chiliachon*, qui mille militibus præstant, quos Colonellos appellamus. ET CARNES FORTIVM. Militum fortissimorum in exercitu Antichristi, qui fortitudine suâ, & arte bellandi mortem non effugient. ET CARNES EQVORVM. Qui in prælio isto interficientur. ET SEDENTIVM IN IPSIS. Nulli enim eorum etiam evadent: erit enim strages generalis, & inusitata: unde addit, ET CARNES OMNIUM LIBERORVM ET SERVORVM. Omnes enim peribunt usque ad servos militum, calones, & lixas, qui in alijs prælijs effugere solent, quia ad sarcinas & impedimenta extra pugnantium aciem consistunt. Undè significat, exercitus Antichristi, castris & impedimentis exuendos esse. ET PSILLORVM, ET MAGNORVM. Et denique carnes, tam parvulorum, quàm adultorum, qui castra sequuntur, ab avibus comedentur.

Hæc periphrasi vult describere cædem, & internecionem generalissimam, in qua omnes omnino, tam bestię, quàm homines, nullo excepto, interficiendi sunt: qualis clades hactenus non fuit à principio mundi.

19. ET VIDI BESTIAM. Antichristum. ET REGES TERRÆ. Antichristi auxiliares, designatos ante per decem cornua bestię, Apocal. 17. v. 12. ET EXERCITVS EORVM CONGREGATOS.

A spiritibus dæmoniorum in campo Armagedon, ut dictum est Apoc. 16. v. 14. 15. 16. AD FACIENDVM PÆLIVM CVM ILLO, QVI SEDEBAT IN EQVO. Cum Christo supra v. 11. ET CVM EXERCITV EIVS. Qui cum sequebatur in equis albis supra v. 14. Non quodd adversus Christum & Angelos specie humanâ apparentes dimicaturus sit Antichristus in campo Armagedon, sed adversus residuos Christianorum exercitus, quibus occultè auxiliabuntur Christus, & Angelorum exercitus: sæpè enim Angeli, licèt non in aperto contra infideles pugnent; in occulto tamen partes Sanctorum adjuvant. Undè cum exercitus regis Syriæ Eliseum Prophetam, & Ministrum ejus circumdedit, & Minister terreretur; *noli timere*, inquit Eliseus: *plures enim nobiscum sunt*; & orante Eliseo, Deus aperuit oculos Ministri, ut videret montem plenum equorum, & curruum igneorum Angelici exercitus in circuitu Elisei, 4. Reg. 6. v. 17.

20. ET APPREHENSÆ EST BESTIA. Captus est in eo prælio Antichristus. ET CVM EO PSEVDOPROPHETA. Et captus est cum eo armiger ejus pseudopropheta, quem sub nomine bestię ascendentis de terra descripsit Apoc. 13. v. 11. QVI FECIT SIGNA. Prodigia, ut, ignem descendere de cælo Apoc. 13. v. 13. CORAM IPSO. In conspectu Antichristi, ut illum hominibus admirabilem, & adorari, videri faceret, Apoc. 13. v. 14. QVIBVS SEDVXIT EOS. Ut Religionem Antichristi reciperent, existimantes esse vera & divina miracula, quæ falsa, & magica erant. QVI ACCEPERVNT CHARACTEREM BESTIÆ. Sigillum Antichristi in dexteris, vel frontibus suis impressum, Apoc. 13. v. 16. ET QVI ADORAVERVNT IMAGINEM EIVS. Statuam Antichristi, quam pseudopropheta, immisso in eam spiritu dæmonij, loqui faciebat, Apoc. 13. v. 15. VIVI MISSI SUNT HI DVO. Antichristus & ejus pseudopropheta. Mittentur autem solo imperio Christi, quo terra sub pedibus eorum dehiscet; & hoc est, quod ait Apostolus Paulus, *Quem Dominus Iesus interficiet* (græcè, *destruet*) *spiritu oris sui*, 2. ad Thess. 2. v. 8. & quod Daniel ait, *Sine manu conteretur*, Dan. 8. v. 25. & quod Isaias, *Spiritu labiorum eius interficiet impium*, Isa. 11. v. 4. IN STAGNV M IGNIS. In lacum inferni plenum igne stagnante: stagnum enim istud esse inferni barathrum, patet ex cap. seq. v. 10. ARDENTIS SYPHVRIS. Græcè, *Ardens in sulphure*. Ignis enim illius stagni ardet in sulphure, tanquam alimento suo; quod tamen, divinâ potentiâ illud conservante, non consumitur. Ardet autem in sulphure, ut non tantum ardore, sed etiam odore, corpora damnatorum torqueantur, & maxime eorum, qui foetore luxuriz se cor-

corrumperere in hac vita non horruerunt, ut ait Richardus.

Vivi autem dicuntur mittendi in stagnum ignis, & tamen interficiendi spiritu oris Christi; quia ex imperio Christi terræ hiati vivi absorbeantur, licet interficiendi, & suffocandi sint in via, sicut Dathan & Abiron, Num. 16. v. 33. Quia *statutum est hominibus semel mori*, ad Hebr. 9. v. 27. aut certè, ab ipso inferni igne interficiendi sunt, consumpto corpore, & animâ ibi usque ad resurrectionem remanente.

21. ET CÆTERI de exercitu Antichristi, qui non duces; sed sequaces schelerum Antichristi, & pseudoprophetæ ejus fuerunt. OCCISI SVNT IN GLADIO SEDENTIS SVPER EQVVM. Per Christi gladium. QVI PROCEDIT DE ORE IPSIVS. Nam gladius iste est sententia, & imperium Christi iudicis. Quo autem genere mortis occidendi sint, non exprimit, sicut de Antichristo, & ejus pseudoprophetâ expressit. Verisimile est, igne cælesti devorandos esse, sicuti de Gog, & Magog, cap. seq. v. 9. dicet.

Postquam verò reliqui Iudæorum, qui prædicatione Eliz & Henoch conversi non fuerant, viderint Antichristi, quem suum esse Christum putaverant, horrendum exitium, verisimile est, tunc tandem venturos esse ad Christum, & implendum finaliter, quod dicit Apostolus, Cùm plenitudo gentium intraverit, tunc omnis Israël salvus fiet, Rom. 11. v. 25.

ET OMNES AVES. Quæ instinctu naturæ eò convolabunt. Narant enim quidam, vultures ad 500000. passuum, id est, ad 125. leucas belgicas, odorem cadaverum percipere: quod tamen incredibile est, nisi ventus exhalationes cadaverum ad eos deferat. Imò Plinius scribit, vultures biduo aut triduo ante volare, ubi cadavera futura sunt. SATVRATAE SVNT CARNIEVS EORVM. Richardus mysticè per, *aves*, Angelos malos & bonos intelligit: mali enim hominum damnatorum carnibus saturantur, quando ex livore malitiz; boni, quando ex amore iustitiz, supplicijs eorum delectantur.



CAPVT XX.

SYNOPSIS CAPITIS.

Videt Angelum descendente de celo, qui arripit diabolum, & ligat in abyſſo per mille annos. Poſtea ſolvitur, & ſtatim congregat Gog & Magog, qui cum innumerabili multitudine caſtra Sanctorum circumdant, ſed igne cœleſti devorantur. Diabolus in ſtagnum ignis, ut cum Antichriſto, & pſendo propheta ardeat, mittitur. Mortui deinde reſurgunt, libri aperiuntur, fit iudicium, infernus & mors in ſtagnum ignis etiam mittuntur.

Verſ. 1.

ET VIDI ANGELVM DESCENDENTEM DE CÆLO. Multi Angelum iſtum Chriſtum intelligunt, quia ille eſt, qui tenet clavem abyſſi. Sed licet teneat ut Dominus, nihil tamen obſtat, quo minus utatur proprio Angelo tanquam portario, ad aperiendum & claudendum. Fuerit ergo Angelus ille fortaiſſe Michael, qui Chriſti in gubernatione Eccleſiæ militantis principalis eſt miniſter. HABENTEM CLAVEM ABYSSI. Quæ ſignificatur poteſtas aperiendi & claudendi inferni abyſſum, ut aliquos ibi contineat, aut libertatem exeundi faciat. ET CATENAM MAGNAM IN MANU SUA. Ut longitudine catenæ magnæ, pluribus voluminibus & ſpiris, ac ſic fortius, diabolum circumliget.

2. ET APPREHENDIT DRACONEM. Magnum illum, & ruſum draconem, quem deſcripſit ſupra, Apoc. 12. v. 3. SERPENTEM ANTIQVVM. Qui olim in corpore ſerpentis per mulierem ſeducit genus humanum. QVI EST DIABOLVS. Calumniator. ET SATANAS. Adverſarius humani generis, qui calumniando & adverſando conatur homines ſecum perdere. ET LIGAVIT EVM PER ANNOS MILLE. Per annos plurimos, qui fluunt à tempore mortis Chriſti, uſque ad adventum Antichriſti, ſecundum illud Chriſti: *Quomodo poteſt quiſquam intrare in domum fortiſ, & vaſa eius diripere, niſi prius alligaverit fortem*, Mat. 12. v. 29. Ponit autem S. Ioannes numerum certum magnum, pro incerto valde magno, ſicut Pſalmiſta dicit, *verbi quod mandavit in mille generationes*, Pſal. 104. ut notat S. Auguſtinus lib 20. cap. 7. de Civit.

Civis. Sicuti etiam solemus loqui, quando dicimus, millies factum esse, quod sæpius factum fuit.

3. **ET MISIT EUM IN ABYSSUM.** Projecit in infernum, juxta illud Christi, *Nunc iudicium est mundi, nunc princeps huius mundi ejicietur foras*, Ioan. 12. v. 31. **ET CLAVSIT.** Imperio Dei, nè indè exiret, quando veller. Catena enim illa, & hoc claustrum nihil aliud sunt, quàm Dei, quo diabolus constringitur, imperium: nam diabolus, qui spiritus est, nullâ catenâ materiali, aut ferreo claustro potest contineri. **ET SIGNAVIT SUPER ILLUM.** Impresso sigillo super diabolum, sive super portam abyssi, in qua diabolus conclusus fuit, ne quis ei clanculo portam aperiret, quod sine fractione sigilli fieri non poterat. Sic Darius Rex Mædorum annulo suo dicitur obsignasse lapidem super os laci leonum; in quem Daniel missus fuerat, Dan. 6. v. 17. **UT NON SEDUCAT AMPLIUS GENTES.** Ne in errores & scelera tentando pertrahat, sicut temporibus antiquis, ante Christi mortem, quando potestas ejus solutior & liberior erat. **DONEC CONSUMMENTUR MILLE ANNI.** Donec finiantur illi mille, sive plurimi anni, qui à passione Domini ad adventum Antichristi decurrent. **ET POST HÆC OPORTET.** Ex immutabili Dei decreto, **ILLUM SOLVI MODICO TEMPORE.** Tribus annis cum dimidio, quibus regnabit Antichristus; tunc enim antiqua libertas diabolo redibit, ut per se, & per Antichristum, cæteraque sua instrumenta varijs machinis seducat reprobos; & persequatur electos. Ideo autem modico tantum tempore solvetur, quia nisi brevius fuissent dies illi, non fieret salva omnis caro, sed propter electos breviantur dies illi, Matth. 24. v. 22.

Propter autem hunc Apocalipsis locum, & mille istos annos inter Christum & Antichristum interjectos, multi olim fideles existimaverunt, anno Christi millesimo regnaturum Antichristum, & instare finem mundi. Undè anno illo millesimo passim desistebant domos novas ædificare, aut ruinosas reparare, arbores plantare, matrimonia celebrare, & alia agere, quæ in spem vitæ longioris, aut posteritatis homines solent.

Multi deinde alij olim errores, ut statim ad versum sextum dicam, ex hujus loci obscuritate exorti sunt.

4. **ET VIDI SEDES.** In cælo preparatas. **ET SEDERUNT SUPER EAS.** Quedam animæ videlicet, quas mox nominabit. **ET IUDICIUM DATUM EST ILLIS.** Potestas judicandi, ut postea, resumptis in resurrectione generali corporibus, sedeant in nubibus circa Christum judicem, & cum eo judicent. Igitur jam animæ istæ accipiunt

piunt quasi possessionem potestatis judicandi, quam postea exercebunt. ET ANIMAS. Non loquitur ergo de hominibus post corporum resurrectionem, ut volunt millenarii, sed de animabus eorum à corpore solutis ante resurrectionem generalem. DECOLLATORVM. Græcè, *securi percussorum*. Respicens ad morem Romanum, qui non gladio, sed securi adjudicatos neci, decollabant. Unde quia plurimi in Orbe Romano Martyres hoc supplicio affecti sunt, ponit hanc speciem pro omni genere martyrij.

Loquitur autem specialiter de Martyrum animabus, quia illi sunt præcipui Sanctorum: & deinde vult nos per hoc ad Martyrium, & labores pro Christo suscipiendos animare.

PROPTER TESTIMONIUM JESV. Propter professionem fidei Jesu Christi. ET PROPTER VERBUM DEI. Et propter prædicationem verbi Dei, sive Evangelici. ET QUI NON ADORAVERUNT BESTIAM. Et etiam vidi in sedibus illis sedentes animas eorum, qui in fine sæculi non adoraverint Antichristum, nec imaginem ejus, &c. Quæ verba cap. superiori v. 20. explicavimus. ET VIXERUNT. Animæ illæ interea, corpore relicto vixerunt vitâ beatâ. Unde addit. ET REGNAVERUNT CVM CHRISTO. In cælesti regno sine corporibus suis. Unde patet, animas beatorum, ante generalem corporum resurrectionem, videre Deum & regnare in cælis. MILLE ANNIS. Intra illos mille annos, qui à Christo ad Antichristum intercurrentes non enim vult dicere, quod regnum omnium beatarum animarum durabit mille continuis annis, quandoquidem tempore illo 1000 annorum decurrentium, aliæ animæ uno sæculo, aliæ alio sæculo, & proinde citius aut tardius à corpore absolvantur.

Sed quomodo animæ eorum Sanctorum, qui non adoraverunt bestiam, sive Antichristum, possunt dici vixisse vitâ beatâ intra illos 1000. annos, qui terminantur initio persecutionis Antichristi, quando solvendus est satanas? Hic nodus multos torfit, sed simplicissimè, & facillimè interpretatione dicere possumus, annos illos tres cum dimidio regni Antichristi, esse clausulam, & finem extrinsecum 1000. annorum, ac proinde ad illos mille annos quodammodo pertinere. Unde animæ, quæ intra illos pauculos annos ad Cælum evolabunt adjunctæ sunt à S. Joanne illis animabus, quæ spatio mille annorum regnaturæ sunt cum Christo, ut omnes animas comprehenderet, quæ à Christi Passione, usque ad generalem corporum resurrectionem, regnabunt sine corporibus suis cum Christo, aliquæ longiori, aliæ breviori tempore.

5. **CÆTERI MORTVORVM.** Animæ cæterorum hominum, scilicet reproborum, qui illo tempore mille annorum mortui sunt. **NON VIXERVNT.** Vitâ beatâ, quando à corporibus suis per mortem corporalem separatæ fuerunt. **DONEC CONSUMMENTVR MILLE ANNI.** Toto illo tempore, quo fluunt, & effluunt illi mille anni, nec tamen etiam postea vivent, quia animæ reproborum nunquam futuræ sunt beatæ; unde Particula, *donec*, accipitur hæc, sicut Matth. 1. v. ult. *Et non cognoscebas eam, donec peperis filium* &c. ubi tantum narratur, quid non fecerit Joseph antequam Virgo pareret, non autem significatur quod eam post partum cognoverit. **HÆC EST RESVRRECTIO PRIMA:** Quæ animæ Beatorum, ex corporibus suis mortalibus tanquam sepulchris, quasi resurgendo, ascendunt ad vitam beatam qua antea carebant.

6. **BEATVS** est, in animâ suâ jam beatâ, licet nondum in corpore. **ET SANCTVS.** Ab omni labe purus. Nam si quid fortè adhuc purgandum erat, expiatum est jam purgatorio igne. **QVI HABET PARTEM IN RESVRRECTIONE PRIMA.** Qui cum alijs Sanctis beatitudinem animæ participat. **IN HIS SECUNDA MORS NON HABET POTESTATEM:** Illi nunquam morientur morte illâ secundâ, quâ damnati semper moriuntur, sed nunquam finiuntur apud inferos. Mors autem prima, cujus comparatione illa dicitur secunda, est separatio animæ à corpore mortali. **SEDERVNT SACERDOTES DEI ET CHRISTI.** Sacrificantes & offerentes Deo, & Christo iuge sacrificium laudis, & æternæ jubilationis. **ET REGNABVNT CVM ILLO MILLE ANNIS.** Tempore illo, quod à Christo ad Antichristum, & mundi finem decurrit, etiamsi ab impijs, qui corpora eorum occiderunt mortui, penitus aut miseri reputentur.

Hinc pater, quod quando Apocal. 6. v. 9. vidit animas istas intersectorum subtus altare, non intellexerit, eas nondum frui beatificâ Dei visione; cum hic dicat, eas habere partem in prima resurrectione quæ est beatitudo animæ, & cum Christo regnare mille istis annis separationis à corpore.

Sanctus Augustinus lib. 20. cap. 9. de Civ. regnum istud mille annorum interpretatur esse, quo Iusti in Ecclesia militante usque ad diem iudicii regnant cum Christo; quia licet corpore adhuc habitent in terris, eorum tamen conversatio est in cælis, ad Philip. 3. v. 20. Resurrectionem verò primam intelligit eam, quâ peccator per iustificationem ad vitam gratiæ resurgit: resurrectionem verò secundam, quæ in generali corporum resurrectione fiet. Sed ista interpretatio vide-

videtur potius esse mystica, quàm litteralis.

Alij autem nimis litterali & crasso sensu, putaverunt electos post resurrectionem corporum, mille annis adhuc permanuros, & regnuros cum Christo in terris, ut tanto tempore animum & corpus terrenis voluptatibus exlerent, quarum usu in vita mortali abstinuissent. Et hæc est Chiliastrum, sive millenariorum hæresis, cujus auctor fuit Cerinthus-S. Joannis coartaneus, & adversarius. Vnde quidam, olim dixerunt, eum auctorem esse hujus Apocalypsis, quia hoc cap. videtur ista hæresis indicari.

Papias autem S. Joannis discipulus, Iustinus, Irenæus, & quidam alij SS. Patrum, Apostolis proximi, propter hunc Apocalypsis locum Millenarij etiam accesserunt; nisi quod spirituales & honestas voluptates substituunt in locum carnalium & turpium, quas finxit Cerinthus. Quam sententiam aliquando sibi non displicuisse, testatur S. Augustinus: sed videtur satis refelli, quia hi mille anni sunt ijdem cum mille annis quibus ligatus est, & in quorum fine solvetur Satanas, ut congreget in prælium Gog & Magog: ergo isti mille anni non sequentur, sed præcedent corporum resurrectionem, & Anichristi adventum.

Alij ergo, ut Iachimus Abbas, Pannonius, Galatinus, &c. sabbatum illud, ut vocant, mille annorum, ponunt immediatè ante adventum Anichristi, quo tempore Ecclesia militans in summa pace & tranquillitate, sine ulla hæresi, & morum dissolutione, tanquam in sæculo quodam autem viveret, ut S. Catharinæ Sen. & B. Amadæo revelatum fuisse dicunt. Quibus aliæ revelationes addunt, hanc universalem Ecclesiæ reformationem inchoandam, & perficiendam esse per humilem & humilantem S. Augustini doctrinam, quæ docet homines in sola spe gratiæ cælestis inniti & viribus suis diffidere. Hoc autem, an vere futurum sit, eventus docebit, & videbit posteritas.

Sæpè tamen ejusmodi revelationes Sanctorum & Sanctorum sunt fallaces, quia per ænigmata, & obscuras ambages ipsis repræsentantur quæ aliud interdum significant, quàm Sancti illi apprehendant. Sicuti etiam Eusebius narrat, Papiam illum S. Joannis discipulum parvi ingenij virum fuisse, nec satis intellexisse, quod Magister ejus de mille istis annis Apocalypsicis ei narraverat.

7. ET CUM CONSUMMATI FVERINT MILLE ANNI. Hinc satis colligitur, istos mille annos, non esse annos beatæ æternitatis Sanctorum post resurrectionem, ut quidam interpretantur, quia æternitas illa terminari & finiri non potest. SOLVETUR SATANAS: ab eo, qui eum per mille annos ligaverat supra v. 2. DE CARCERE SVO.

Infer-

Inferni abyſſo, ſuprà v. 3. ET EXIBIT, ET SEDUCET GENTES. Hinc clarum eſſe videtur, iſtos mille annos non ſequi poſt reſurrectionem electorum, ut Millenarij dicunt, ſed antecedere etiam aduentum Antichriſti, cujus tempore gentes ſeducuntur à ſatana poſt mille annos ſoluto. QVÆ SVNT SVPER QVATVOR ANGILOS TERRÆ. QVÆ habitant in Oriente, Occidente, Meridie, & Septentrione: non tamen ſeducet omnes omnino, ſed plurimas ex eis. GOG ET MAGOG. Seducet quoque Gog & Magog Principes Scytharum & Tartarorum, vicinarumque provinciarum Septentrionis. Nam Magog fuit unus ex filiis Japhet Gen. 10. v. 2. cui, & poſteritati ejus in diſiſione Orbis terræ Scythia obtigit, ut ſcribit Joſephus. Gog etiam hebr. *teſtum*, aut, *culmen domus*, ſignificat; undè hoc nomen ſupremo principi convenienter tribuitur. Imò quidam referunt, quod etiam hodie Imperator Tartarorum Gog-Cham, quaſi ſupremum Sultanum ſe Apellet.

Apud Ezechielem cap. 38. v. 2. Gog vocatur *princeps capitis Moſoch & Thubal*, ſivè capitalis & ſupremus princeps Cappadocum & Iberorum, ut interpretatur Joſephus; licet alij per, *Moſoch*, malint Moſcovitas Tartaris proximos interpretari. Iberi autem ſunt populi Aſiæ inter Colchidem & Armeniam, ex quibus putantur oriundi Hiſpani, qui idè etiam Iberi vocantur.

Exercitui etiam Gog & Magog principum Tartarorum jungentur *Gomer* (quos Joſephus Galatas eſſe putat) & *univerſa agmina domus Thogorma, latera Aquilonis, & totum robur ejus*, Ezech. 38. v. 6. *Thogorma*, autem Joſephus interpretatur Phrigas.

Notandum autem eſt, quod Moſoch, Thubal, Gomer, & Thogorma, ſint etiam filij Japhet, & fratres Magog, Gen. 10. v. 2. Unde iſti omnes cum ſua progenie, videntur poſt diluvium ſimul profeſti occupari totum Septentrionis tractum, qui Tartariam, Moſcoviam, Poloniam, & Aſiam circa mare Euxinum, ut Cappadociam, Pontum, Phrygiam, Galatiam &c. comprehendit: ut proinde populi terrarum ab illis fratribus poſt diluvium occupatarum, in unam multitudinem congregandi ſint, & conſtaturi exercitum ex omnibus auxiliarijs Antichriſti validiſſimum.

Undè S. Joannes & Ezechiel (à quo S. Joannes hiftoriæ hujus compendium ſumpſit) ſpeciale horum regum Gog & Magog mentionem faciunt. Et S. Joannes poſt narratum cap. ſuper v. 20. per anticipationem, Antichriſti interitum, redit ad narrandum adhuc aliquid de iſtorum regum copijs & exercitu. Ab omni enim ævo gentes Septentrionis bello ſoruliſſimæ, & ferociſſimæ fuerunt, ſolique

Deus illis uti, tanquam flagello, ad Meridionalium populorum castriganda peccata, ut per Gothos, Hunnos, Alanos, Wandalos, Longobardos factum fuisse legimus, ut illud Jerem. 1. v. 14. *Ab Aquilone pandetur omne malum super omnes habitatores terræ*, non tantum de Assyrijs & Babylonijs Itraëitarum hostibus & flagellis, qui per Syriam Damasce, ab Aquilone Palæstinam invadere solebant, verum sit, sed etiam de cæterorum populorum flagellis. Nam Germaniam, Italiam, Galliam, Hispaniam, Africam, evocatis ab Aquilone, sive Septentrione, barbaris nationibus, sæculis præteritis Deus semper afflixit. Ut proinde valde verisimile sit, præcipuos Antichristi milites, ducibus Gog & Magog, ex Tartaria, Moscovia, Polonia, Suecia, Norvegia, Gothia, Lappia, Finlandia, & reliquo Septentrione evocandos.

Hinc quia Deus talia bella, & magnas rerum mutationes per cometas, & novas in cælo effulgentes stellas præsignificare hominibus solet, Tycho Braye, & alij quidam Astrologi, ex nova stella, quæ Anno 1572. in Cassiopea apparuit, conjectaverunt Gog aut Magog vel ipsum Antichristum in Tartaria vel Moscovia, quibus regionibus stella ista verticalis erat, eo tempore natum fuisse.

ET CONGREGABIT EOS IN PRÆLIUM. Ut partes Antichristi adjuvent. Videntur enim Gog & Magog inter illos 7. reges præcipui futuri, qui ultrò se subijcient Antichristo, quando intellexerint, victos ab eo fuisse tres alios reges ex 10. illis inter quos tunc Rom. Imp. divisum erit. QVORVM NUMERVS EST SICVT ARSNA MARIS. Innumerabilis: nam maximi semper & validissimi regionum Septentrionalium solent esse exercitus, Undè præter Cimbrorû, Hunnorû, Wandalorû, Longobardor. Gothorum veteres exercitus, Tamerlanes 1000000. Tartarorû exercitu Totam Asiam minorem & vicinas regiones, ac Bajazetem Turcarû Imp. circa an. 1400. superavit. Numerosior tamen fuit Xerxis Persarum Regis exercitus, quo Græciam invasit. Quidam enim narant, 170. myriadum, sive 1700000. fuisse; sed Orientales multitudinem militum magis quàm robore valent, Septentrionales verò utroque.

8. ET ASCENDERVNT SUPER LATITVDINEM TERRÆ. Ex regionibus suis septentrionalibus, in quibus ignoti, quasi sepulti latebant, ascenderunt, & expanderunt se super terræ superficiem. ET CIRCVIERVNT CASTRA SANCTORVM. Obsederunt castra & munitiones Christianorum, qui nolebant adorare bestiam.

Plerique per, *castra*, intelligunt hoc loco, habitacula, speluncas, & latibula Sanctorum, quia existimant, Sanctos illo tempore non habituros militaria castra, sed fugâ potius quam armis relicturos exercitibus Antichristi.

Verum

Verùm sicui Machabæi olim parvo numero armis restiterunt maximis exercitibus Antiochi Regis Syriæ, ita nihil vetat, aliquos principes Christianos arma etiam sumpturos adversus Antichristum, præferim cum Antiochus fuerit typus Antichristi, & Machabæi figura Christianorum, qui in fine mundi resistent Antichristo.

ET CIVITATEM DILECTAM. Ecclesiam Christi toto orbe diffusam, ait S. Augustinus lib. 20. c. 11. de Civit. quam proinde civitatem, non in uno tantum terræ loco, sed in omnibus Christianorum urbibus & locis circumdabunt. Hinc S. Augustinus per Gog & Magog, non Scythas, vel certum genus barbarorum, sed omnes Christi adversarios, & Antichristi adjuutores toto orbe dispersos intelligit, sensu tamen mystico magis, quam litterali.

Unde nihil vetat hæc litteraliter, *civitatem dilectam*, interpretari Ierosolymam, quam Apoc. 11. v. 2. Civitatem sanctam appellavit. Nam licet tunc sit futura regia Antichristi, tamen Antichristo in alijs terræ partibus in persecutione Christianorum fortè occupato, Ierosolyma magnâ Iudæorum multitudine per Eliam & Henoch ad fidem conversâ, alijsque Christianis implebitur, quos Gog & Magog postea circumdabunt, nè ulli evadere possint.

9. ET DESCENDIT IGNIS A DEO DE CÆLO. Missus à Deo per Angelos suos. ET DEVORAVIT EOS. Vt etiam narravit olim alter Propheta, cum ait: *Ignem & sulphur pluam super eum, & super exercitum eius, & super populos multos, qui sunt cum eo*, Ezech. 38. v. 22. Nec solo igne peribit ille exercitus, sed addit Ezechiel, *pestem, imbrei vehementem, lapides imensos & sanguinem*, quia mutuâ cæde se interficient, & gladius unuscuiusque in fratrem suum dirigetur, Ezech. 38. v. 21. Ait etiam, quod egressuri sint habitatores de civitatibus Israël, & combusturi arma, clypeos & hastas, arcus & sagittas, &c. & succensuri ea igni septem annis, Ezech. 39. v. 9. ita ut ligna ista armorum exercitus Gog, toto isto septennio, suffectura sint ipsis ad ignis usum. Vnde multi colligunt, quod post Antichristi, & exercituum ejus interuersionem, non tantum 45. dies superfuturi sint usque ad finem mundi (ut quidam cum S. Hieronymo ex Dan. 12. v. 12. conjectant) sed ut minimum septem anni, ut intereâ temporis tam ex Iudæis, quam ex gentilibus electi ad fidem convertantur. Quo etiam tempore, homines deposito metu instantis iudicii universalis, ad vitam communem redibunt, & accidet, quod Christus futurum prædixit, *Sicut in diebus Noë, ita erit adventus filij hominis*: sicut enim erant ante diluvium comedentes & bibentes, nubentes, & nuptii tradentes usque ad eum diem, quo intravit Noë in

arcam; ita erit & adventus filij hominis., Matth. 24. v. 38. ET DIABOLVS, QUI SEDUCEBAT EOS. Et partes eorum adversus Christianos occultè adjuvabat. MISSVS EST IN STAGNUM IGNIS ET SULPHVRIS. Iterum remissus ad abyssum inferni, unde ab Angelo solutus fuerat supra v. 7. Missus autem est non statim post interitum Gog & Antichristi, sed post consummationem sæculi, & iudicium universale. Quamquam dici etiam posset, quod sicut per mille annos ante adventum Antichristi fuerat in carcere abyssi ligatus supra v. 2. ne totâ potentiâ & malitiâ suâ nocere posset hominibus; ita statim à morte Antichristi rursus sit religandus, nè tantum hominibus noceat, quantum tempore persecutionis Antichristi concessum ei fuerat.

10. UBI ET BESTIA ET PSEVDOPROPHETA. Antichristus & summus Pontifex ejus. Vide quæ Apoc. 19. v. 20. diximus. CRUCIABVNTVR DIE AC NOCTE. Sine ulla cruciatus intermissione; non autem quasi in inferno dies succedat nocti: sunt enim ibi perpetuæ tenebræ exteriores, ut sæpè eas vocat Christus, & flamma ac ignis sine luce, ut dicit S. Basilius, quia ignis ille ceruleâ & tenebrosâ flammâ in sulphure ardet.

11. ET VIDI THRONVM MAGNVM. Ad indicandam magnitudinem, & magnificentiam Iudicis. CANDIDVM. Perfusum luce corporis iudicis in eo sedentis: corpus enim Christi, & corpora Beatorum gloriosa, instar solis extra se radiant, & vicina lumine suo perfundunt. ET SEDENTEM SVPER EVM. Et Christum iudicem etiam vidi. A CVIVS CONSPECTV. Præsentia: tam potens & efficax est. FVGIT TERRA ET CŒLYM. Non transitu locali; sed figuræ, & veterum qualitatum, per ignem conflagrationis, interitu. Sic enim Apostolus ait, *Præteris signa huius mundi*, 1. ad Cor. 7. v. 31. Figura ergo præterit, non natura, ait S. Augustinus, lib. 20. cap. 14. de Civit.

Cælum autem hoc loco plerique, aërem, intelligunt. Sed probabile est, cælos etiam sydereos igne illo conflagrationis liquandos & purgandos esse, ut 2. Pet. 3. v. 12. & 13. & olim lib. 1. cap. 2. art. 7. Meteorolog. ostendimus.

ET LOCVS NON EST INVENTVS EIS. Videntur è loco, quem olim occupabant, aufugisse, tanta enim est accidentium, & novarum qualitatum diversitas, ut alterius substantiæ corpora videantur.

Dicit autem Scriptura, locum corporis alicujus non inveniri, quando locatum ipsum ibi non invenitur; si enim locatum ibi non est, nec locus, qui illud contineat, ut Psal. 36. v. 10. & 36.

12. ET VIDI MORTVOS. Qui antea mortui fuerant, & jam revixerant.

vixerant. **MAGNOS ET PUSILLOS.** Cuiusvis staturæ: idam mortui in ea magnitudine & itatura resurgent, quam habuerunt aut habituri fuerant circa annum ætatis suæ 30. aut 33. quo Christus mortuus est. Quo modo multi intelligunt, quod dicit Apostolus, *Donec occurrant omnes in virtutem perfectum, in mensuram ætatis plenitudinis Christi*, ad Ephes. 4. v. 13. Nec enim infra nec ultra juvenilem formam resurgent corpora mortuorum, inquit S. Augustinus lib. 22. cap. 15. de Civ. sed in ea ætate & robore, usque ad quam Christum pervenisse hinc cognoscimus: circa enim 30. annos definierunt esse, etiam sæculi huius doctissimi homines juventutem.

Aliqui tamen, *magnos & pusillos*, dignitate, ut principes & plebeios intelligunt. Bellar. & quidam alij, *magnos & pusillos* ætate, quando mortui fuerant; & inde probant, infantes etiam sine Baptismo mortuos, comparituros esse in iudicio, & judicandos.

STANTES IN CONSPECTU THRONI. Sicut enim iudicis est, sedere, ita eorum, qui iudicantur, est stare. **ET LIBRI APERTI SUNT.** Conscientiæ iudicandorum omnibus revelatæ sunt, ita ut eorum gesta, tanquam in duobus libris, legi possent, ut intelligant omnes, quàm iudicia Dei, quibus præmiat bonos, & punit malos, sint iusta. **ET ALIUS LIBER APERTUS EST, QUI EST VITÆ.** In quo prædestinati ad vitam æternam, & eorum opera descripta sunt. **ET IUDICATI SUNT MORTUI.** Postquam tamen à mortuis resurrexissent. **EX HIS QUÆ SCRIPTA ERANT IN LIBRIS.** Deus enim in iudicando dirigit se per scientiam eorum, quæ legit in istis libris. **SECUNDUM OPERA IPSORUM:** Bona aut mala.

13. ET DEDIT MARE MORTUOS. Reddidit ad resurrectionem cadavera hominum. **QUÆ IN EO ERANT.** Quos mare olim devoraverat, etsi jam in sua elementa resoluta essent. Undè tacite refellit Philosophos, qui censebant, resurrectionem corporis in sua elementa resoluti, esse impossibilem. **ET MORS.** Dicitur mors specialiter illos interficere & devorare, qui armis, aut morbis occiduntur: hæc enim magis propriè tela & instrumenta mortis esse videntur, quàm mare aut terra. **ET INFERNVS.** Viscera terræ quibus homines, aut terræ-motu, aut mineris subterraneis, infinitisque alijs casibus à terra hauriuntur, sicut naves, & naufragi à mari.

Duo ergo sunt elementa, aqua, & terræ infernus, quæ homines visibiliter absorbent, reliquos mors suo telo interficit, & devoratos ventre recondit. Est enim Prosopopœia, & fictio personæ mortis, quæ homines occidere soleat; unde Poëta: *Pallida mors aqua pulsat pede*

pauperum tabernas, regumque turres. Aut fortasse, ut quidam interpretantur, mors & infernus, tanquam societas latronum mutuum officium sibi præstant, interficiendis hominibus: mors occidit, infernus devorat. Undè mortem equo pallido inequitantem infernus sequitur, Apocal. 6. v. 8. ut ibi dictum est. Sed mors videtur hoc loco etiam, quos interficit, devorare; Sequitur enim, **DEDERVNT MORTVOS SVOS, QUI IN IPSIS ERANT.** Mortuos, quos devoraverant, revolvunt ad resurrectionem.

14. ET INFERNVS ET MORS. Tanquam duo tyranni, & personæ maliciæ. **MISSI SVNT,** ne quemquam amplius occiderent in terra. **IN STAGNV M IGNIS.** Ad patrem suum diabolum, qui nobis est auctor mortis & interni. **HÆC EST MORS SECVNDÆ.** Quâ cruciabuntur damnati à morte & inferno in stagno ignis.

Igitur mors, & infernus subterraneus mortis socius, primò homines hîc occidunt morte primâ, deinde apud inferos morte secundâ. Ideo autem mare non dicitur cum inferno & morte mitti in stagnum ignis, quia non est ei ullus locus, & officium torquendi apud inferos, sed solum occidendi super terram morte primâ.

15. ET QUI NON EST INVENTVS IN LIBRO VITÆ SCRIPTVS. In catalogo prædestinatorum ad vitam æternam. **MISSVS EST IN STAGNV M IGNIS.** Hinc colligitur, parvulos discedentes sine Baptismo, mittendos etiam esse in stagnum ignis, quia non sunt scripti in libro vitæ. Duo enim tantum ordines hominum hîc constituuntur, scriptorum in libro vitæ, & mittendorum in stagnum ignis. Undè etiam Bellar. lib. 6. cap. 5. de amissione gratiæ, sentit cum S. Augustino, parvulos illos revera mittendos in stagnum ignis; sed non arsuos, & cruciandos illo igne; quia inquit, vel erunt in parte superiori illius stagni extra flammam, vel licet sint in flamma, hæc tamen non habebit vim urendi, sed tantum detinendi ipsos. Ignis enim post diem iudicii, non aget, inquit, nisi ut instrumentum voluntarium divinæ iustitiæ. Undè idem ignis, alios acrius, alios remissius urit. Sed D. Augustinus Parvulos illos damnandos, & igne ustulandos, licet mitissimâ omnium damnatione, existimat. Multum enim fallit & fallitur, ait lib. 1. cap. 16. de pecc. merit. qui parvulos sine Baptismo de corpore exeuntes, in damnatione prædicat non futuros, dicente Apostolo, Iudicium ex uno delicto in condemnationem. Judicantur autem secundum opera mala, quæ fecerunt in patre suo Adamo: sicut parvuli à Baptismo morientes judicantur secundum fidem eorum, qui ferunt eos ad Baptismum. Quam interpretationem etiam loco citato Bellarminus approbat.

C A P.

CAPVT XXI.

SYNOPSIS CAPITIS.

Post revelationem status Ecclesie militantis cap. precedentibus, deinde iudicii universalis, & missionis impiorum in stagnum ignis revelatur deinceps Ioanni gloria electorum, quâ fulgebunt in calo post iudicium. Civitas, quam inhabitabunt, sub nomine nova Ierusalem describitur, murus ejus quadratus est, & XII. fundamenta, ac totidem portas habet. Angelus arundine altitudinem, longitudinem, & latitudinem metitur. Structura muri est ex lapide laspide, platea civitatis aurum mundum, porta non clauduntur die ac nocte: templum nullum habet, nec Sole aut Luna, ut illuminetur, indiget.

vers. 1.

ET VIDI CÆLVM NOVVM. Cælum hic significat universam compagem corporum transparentium à superficie terræ, usque ad ultimum mundi fastigium, quam dicit se vidisse renovatam post universale iudicium; nisi ab hac renovatione excipiator cælum empyreum. ET TERRAM NOVAM. Elementum etiam terræ vidi renovatum: nam *cælum magno impetu transiens, elementa vero* (id est, terra & aqua) *calore solvantur; terra autem, & qua in ipsa sunt opera, exurentur*, 2. Pet. 3. v. 10. Isto autem calore exurente utrumque terræ & aquæ elementum purgabitur. PRIMVM ENIM CÆLVM. Vetus cælum, quod per qualitates, corruptibilitati corporum nostrorum convenientes, tot millibus annorum nobis servivit. ET PRIMA TERRA ABIIT. Evanuit quasi ex oculis, quia pristinas qualitates & figuram ita mutavit, ut non videatur amplius esse eadem substantia; quæ fuit. Corruptibilem etiam elementorum qualitates ardendo penitus interibunt, atque ipsa substantia eas qualitates habebit, quæ corporibus immortalibus mirabili mutatione convenient, ut videlicet mundus in melius innovatus, aptè accommodetur hominibus etiam carne in melius immutatis, ait S. Augustinus lib. 20. cap. 16. de Civitate. Sic rege vilem aliquam domum introeunte, parietes auleis, peristomatibus, & picturis solent indui, & habitatio tota dignitati inhabitantis adaptari. ET MARE IAM NON EST. Abijt quoque mare, & faciem

faciem ac qualitates illas perdidit, ut falsedinem, densitatem, exhalationum mixturam, æstum, procellas, fluctus, & agitationem, quibus serviebat hominibus, & animantibus, quæ in eo vivunt.

Sanctus Augustinus tamen loco cit. dubitat, an mare hîc non accipiat metaphorice, pro præsentî sæculo procelloso & turbulento; sicut locutio prophetica, inquit, proprijs verbis translata miscere solet, & sic quodammodò velare, quod dicitur. Sed non videtur magis necesse, *mare* hoc loco, quàm *calum*, & *terram*, metaphorice accipere.

2. ET EGO IOANNES. Nomen suum repetit, ut certius ei de re tanta credatur, & in spem inhabitandæ aliquando tam amœnæ civitatis erigamur. VIDI SANCTAM CIVITATEM IERUSALEM. Non illam terrestrem & veterem, sed, NOVAM, qualis non fuit ante Christi adventum, quando passim incognita erat, & cuius tantum figura fuit illa Ierusalem vetus & terrestris. DESCENDENTEM DE CÆLO. Ut cives suos electos colligat è terra, & in cælum assumat; hoc enim significare videtur illa imago descendentis, quæ S. Ioanni objecta fuit. A DIO. Deus enim est, qui gratiæ suæ quasi funibus eam in terram submittit, & civium impleto numero in cælum recipit. PARATAM. Preparatam tam ædificijs, quàm omnibus commoditatibus, & ornamentis ad talium civium inhabitationem: quia enim de civitate loquitur, præparatio intelligi videtur, qualis civitati, & tabernaculo Dei cum hominibus convenire potest. SICUT SPONSAM ORNATAM VIRO SVO. Tam speciosè ornatam, quàm sponsa ornari solet viro suo, seu ad conciliandum sibi viri sui amorem, eo die, quo in domum ejus est deducenda. Tunc enim speciosissimis, quæ habet, indumentis & ornamentis se induit.

3. ET AUDIVI VOCEM MAGNAM. Solet in hac Apocalypsi magnitudo vocis, magnitudinem rei, quæ annuntiatur, significare. DE THRONO DICENTEM. Angelica vox fuit, tanquam præconis juxta thronum Dei proclamantis: hoc enim etiam sensu, vox Angeli de throno exivisse dicitur Apocal. 19. v. 5. ECCE TABERNACULUM DEI CVM HOMINIBVS. In quo Deus & homines simul habitant.

Alludit ad tabernaculum, quod à Moyse, Dei jussu, constructum, & cælestis civitatis Beatorum figura fuit. Hac enim civitas est tabernaculum non manu factum, nec hujus creationis, ad Hebr. 9. v. 11. Illa tam. n. tabernaculi pars, quæ Sanctum Sanctorum appellabatur, peculiariter cæli empyrei, ubi Sancti propriè cum Deo habitant, typus fuit. Undè Apostolus; *Non in manufacta Sancta Jesu introivit, exemplar a*

vetorum:

verorum: sed in ipsum calum, ut appareat nunc vultui Dei pro nobis, ad Hebr. 9. v. 24.

ET HABITABIT CVM EIS. Sicut pater in eadem familia cum filiis suis. ET IPSI POPVLVS EIVS ERVNT. Quia singulari curâ & protectione eos gubernabit. Eorum enim fuit figura populus ille Israëliticus, *Domino peculiaris de cunctis populis, qui sunt super terram, Deuter. 7. v. 6.* ET IPSE DEVS CVM EIS ERIT. Non tantum per Angelum ipsis aderit, & eos reget, sicut olim populum illum typicum in deserto, sed præsens aderit, & faciem ostendet. EORVM DEVS. Eorum, inquam, Deus, exhibendo ipsis Dei & creatoris officium, & reciprocè ab ipsis recipiendo cultum, & amorem creatori debitum; qui sensus in græco clariùs patet, græcè enim, *Et ipse Deus erit cum eis Deus eorum.*

4. ET ABSTERGET DEVS OMNEM LACHRYMAM. Nihil enim in vita illa beata amplius erit, quod tristitiam ullam adferre valeat: in hac autem vita semper aliqua lachryma dependet ex oculis populi Dei: quo enim quisque est sanctior, & desiderij sancti plenior, tanto est ejus in orando fletus uberior, ait S. Augustinus lib. 20. c. 17. de Civit. AB OCVLIS EORVM. Sicut matres flentium filiorum oculos abstergere solent, & imprimere osculum. ET MORS VLTRA NON ERIT. Mors naturæ non amplius illos attinget. Nam mortale tunc induet immortalitatem. NEQVE LVCTVS, quo homines solent sibi caros lugere, quos tyrannis, aut persecutio ipsis abstulit. NEQVE CLAMOR. Miserorum, & oppressorum à potentioribus. Lachrymæ, luctus, clamor, signa sunt doloris; unde sequitur: NEQVE DOLOR ERIT VLTRA. Græca vox, laborem, seu, laboriosum dolorem significat; qualis est martyrij, aut magnæ afflictionis. Vndè quidam interpretes non tam bene de dolore peccatorum interpretantur. QVIA PRIMA ABIERVNT. Primus status mundi, & vitæ mortalis cum omnibus suis miserijs, & pœnalitatibus jam transijt.

5. ECCE NOVA FACTO OMNIA. NOVUM hominem, novum Cælum, novam terram, innovando tam Universi habitatorem, quàm habitaculum. ET DIXIT MIHI, SCRIBE. Ut hoc etiam à posteris legatur, & spe tantorum bonorum, ad fortiter agendum, & mortalia omnia contemnenda, aimentur. QVIA HÆC VERBA. Quæ jam de universorum innovatione dixi, FIDELISSIMA SVNT. Fide dignissima. ET VERA. Hæc credi debent, non exponi, inquit Beda, præsertim, quia sic dicit factum esse de præterito, ut dubitare quemquam non sinat de futuro. Propter enim futuræ certitudinem, solent

Cq

Pro-

Prophetæ futura per præteritum, & tanquam jam facta pronuntiare.

6. ET DIXIT, MIHI FACTVM EST. Consummatum est, Universi cursus absolutus est. EGO SUM A ET Ω. Instar primæ & ultimæ litteræ Alphabeti græci, quod apud Græcos est proverbium. Unde explicat: INITIVM ET FINIS. Ego Deus sum principium, à quo per efficientiam omnia creata emanant, & finis, in quem omnia recurrunt. Deus enim est instar maris, ex quo omnia flumina rerum creatarum fluunt, & quò iterum revertuntur. EGO SITIENTI. Anhelanti, & valde desideranti. Res enim tanta, & ab homine tam indigente, ardentè desiderari postulat. DABO DE FONTE AQUÆ VITÆ. Sicut enim sum initium & fons, ex quo omnia bona fluunt; ita felicitas æterna ex me hominibus provenire debet. Fons ergo est Deus; aqua vitæ est beatitudo vitæ æternæ, qua Deus, tanquam torrente voluptatis suæ potat & inebriat Beatos. GRATIS. Quia gratia Dei vita æterna, ad Rom. 6. v. ult. Licet enim Beati pretio bonorum operum quodammodo emanent à Deo illam aquam vitæ, ipsum tamen pretium gratis ab eo acceperunt; nam omne bonum meritum nostrum non facit in nobis, nisi gratia, inquit S. Augustinus Epist. 105. & cum Deus coronat merita nostra, nihil aliud coronat, quàm munera sua.

Deinde gratis accipiunt, quia temporalia merita præmijs æternis non possunt æquiparari, ait Aretas, juxta illud Apostoli, *Non sunt condigna passionēs huius temporis ad futuram gloriam, quæ revelabitur in nobis*, ad Rom. 8. v. 18.

Tertiò etiam gratis, quia licet ordine executionis gloria reddatur propter merita; ordine tamen intentionis, beati ad eam electi sunt ante prævisa merita. Undè Apostolus *electionem gratia* appellat ad Rom. 11. v. 5.

7. QVI VICERIT. Alloquitur tanquam athletas, & positos in hoc mundo, velut in loco certaminis, contra diabolum, mundum, & carnem. POSSIDEBIT HÆC. Græcè, *Possidebit omnia*. Cælum novum, terram novam, carentiam fletus, luctus, doloris, mortis, & gratuitam aquam vitæ. ET ERO ILI DEVS. Ostendendo ei omnipotentiam meam, & infinitas meas divitias. ET ILLE ERIT MIHI FILIVS. Divinæ consors effectus naturæ, 2. Pet. 1. v. 4. tractabitur à me, tanquam filius adoptivus, dando ei partem in hæreditate & regno meo æterno, futurus hæres Dei, cohæres Christi, ad Rom. 8. v. 17.

8. TIMIDIS AVTEM. Qui tam procul à victoria absunt, ut nequidem certare, & pugnare audeant: quales maximè sunt, qui metu
amitten-

amittendorum temporalium, religionem Catholicam inter hæreticos & infideles profiteri timent. ET INCREDVLIS. Qui fidem divinis promissionibus non habent, quâ ad certandum erigi & sustentari deberent. Timidos enim jungit incredulis, ait Beda, quia ille timet experiri periculum certaminis, qui dubitat de præmio vincentis. ET EXECRATIS. Græcè, *execrabilibus*, seu abominandis: quales in omni genere libidinum Gnostici & Nicolaitæ, tempore S. Joannis fuerunt, & tempore Antichristi, talia, & majora flagitia redibunt. ET HOMICIDIS, ET FORNICATORIBVS, ET VENEFCIS. Qualibus sceleribus nulla tempora Ecclesiæ vacant, sed Antichristi regnum maximè ijs abundabit: contra quæ periculosissima omnium tempora S. Joannes fideles hic præmunit. ET IDOLATRIS. Ac præcipuè Antichristi & imaginis ejus adoratoribus, Apocal. 13. v. 15. ET OMNIBVS MENDACIBVS. Mendacio pernicioso, quale miscere se solet contractuum humanorum fraudibus. Sed illi maximè perniciosè mendaces sunt, qui doctrinas falsas adveniunt, & in fide Christiana loquuntur mendacium. PAR: ILLORVM. Portio hæreditatis ipsorum. ERIT IN STAGNO ARDENTI IGNE ET SVLPVRE. Hæc enim est civitas diaboli, cum quo habitabunt, quia eum moribus imitati sunt. QVOD EST MORS SECVNDÆ. Prima enim est mors naturæ, quâ anima separatur à corpore, secunda inferni cruciatus. Nec enim ibi anima vivere dicenda est, quæ à vita Dei aliena erit, nec corpus, quod æternis doloribus subjacebit, ait S. Augustinus lib. 19. cap. 28. Civ. quæ mors tanto durior erit, quia nunquam morietur.

9. ET VENIT VNVS DE SEPTEM ANGELIS. *Vnus*, hic, more Hebræorum, videtur sumi pro *primus*; decebat enim per principalem ex istis 7. Angelis hoc annuntiari. HABENTIBVS PHIALAS PLENAS &c. Quorum officium fuerat effundere 7. phialas &c. supra Apoc. 16. v. 1. VENI. Non gressu corporis, sed advertentiâ mentis. ET OSTENDAM TIBI. Viderat ante, sed jam vult ostendere magis distinctè, & per partes. SPONSAM VXOREM AGNI. Ecclesiam Christi triumphantem, quæ sponsa est, quia virgo & incorrupta manet, & tamen etiam uxor, quia spirituales filios Agno parit.

Ostendit autem S. Joanni contentum in continente, sive Ecclesiam Beatorum non in se ipsa sed in civitate & tabernaculo, quod inhabitat. Ostendit enim ipsi murum, portas civitatis &c.

10. ET SVSTVLIT ME. Non elevatione corporis, sed IN SPIRITV. Elevatione intellectuâli aut imaginariâ. IN MONTEM MAGNUM ET ALTVM. Ne objecta alia imaginationi occurrentia impedirent

Q q 2

liberum

liberum civitatis aspectum, præsertim cùm tanta esset amplitudo civitatis, ut v. 16. patebit; Angelus autem non fallebat S. Ioannem, obijciens ei speciem montis, ubi mons nullus erat, quia indicabat ei, quid hoc significaret, inquit, Carthus. ET OSTENDIT MIHI CIVITATEM S. & C. ut v. 2. explicatum est.

11. HABENTEM CLARITATEM DEI. Græcè, *gloriam Dei*. Gloriosam quamdam, & divinam claritatem, quâ à Deo illuminatur. ET LUMEN EIVS. Græcè, *luminare eius*, sive, corpus fulgidum, quod vice Solis eam illuminat: non enim eget Sole, neque Lunâ, sed lucerna ejus est Agnus, ut infra v. 23. dicit. SIMILE LAPIDI PRETIOSO. Non feriens & fodiens oculos, ut radij Solis, sed blandiens, ut splendor pretiosi lapidis. TANQUAM LAPIDI IASPIDIS. Simile, inquam; lapidi pretioso, qui vocatur Iaspis: & quia non omnes jaspides unius coloris & splendoris sunt; alij enim virides, instar smaragdi. alij purpurei, alij rutilis guttis stellati, alij claræ lucis, sicut crystallum: ideo addit, SICUT CRYSTALLUM. Græcè, *crystallizanti*. Qui puritate & blandimento lucis crystallum imitatur. Talis enim futura est claritas corporis Agni, & Beatorum. Et licet multò splendidiora futura sint, quàm crystallum (undè etiam facies Christi in monte Thabor dicitur resplenduisse sicut Sol) tamen comparantur luci crystalli, quia tanta nihilominus copia lucis non offendet aspicientium oculos, sicuti jam offendunt radij Solis. Deinde jucunda illa lux, & perspicuitas crystalli præterea significat candorem, & puritatem virtutum animi, qui sub corporibus illis beatis latet.

12. ET HABEBAT MURVM MAGNUM ET ALTVM. Primum, quod occurrit in civitate, est murus exterius ambiens. Hic autem *magnus*, & impenetrabilis molis densitate, & *altus* ac insuperabilis ascensione; talis autem murus ad custodiam civium est securissimus; undè æternam securitatem Sanctorum significat. HABENTEM PORTAS DVODECIM. Apostolos XII. per quos, tanquam per 12. portas, omnes fideles à principio in Ecclesiam militantem, ac deinde triumphantem intraverunt. Hi enim duodecim fidem Christianam ubique gentium prædicando, primi aditum Ecclesiæ aperuerunt. Nec Paulus decimus-tertius Apostolus hîc numeratur, quia ipse portam cum primis Apostolis non aperuit; sed per apertam ab alijs introivit, licet plurimos postea introduxerit. ET IN PORTIS. Tanquam portarios, vigiles, & custodes, ANGELOS DVODECIM. Angeli enim curâ & providentiâ invisibili, cum Apostolis & prædicatoribus aperiunt fidelibus portas Ecclesiæ: sunt enim *administratores spiritus, in ministerium*
missi,

misi, propter eos, qui hereditatem capient salutis, ad Hebr. 1. v. ult. Malè autem Beda, Haymo, Carthus. & multi vetusti codices, *Angulos*, legunt, pro, *Angelos*, ut ex græco patet. ET NOMINA INSCRIPTA. Et quædam nomina portis illis inscripta erant. Quæ sunt nomina DVODECIM TRIBVVM FILIORVM ISRAEL. Sicut enim populus Israëliticus fuit figura totius populi electorum; ita nomina XII. tribuum, ex quibus, populus ille componebatur, significant tribus, seu turmas electorum, tam ex gentibus, quam ex Judæis, in quas exercitus Sanctorum in cælo descriptus est.

Potest autem esse dubium, an singulis portis 12. nomina inscripta fuerint, an singula tantum singulis. Sed Ezechiel, quem S. Joannes imitatur, hoc dubium solvit: apud eum enim una porta vocatur, *porta Ruben*, altera, *porta Iuda*, &c. Ezech. 48. v. 31. Undè singula nomina tribuum tantum singulis portis inscripta, & unaquæque porta suo nomine ab alijs portis distincta fuit.

Est autem verisimile, fuisse nomina earumdem XII. tribuum, ex quibus collecta sunt centum quadraginta quatuor millia signatorum, Apocal. 7. v. 5. nam signati illi sunt electi, & incolæ hujus civitatis, cujus portæ inscriptæ sunt XII. tribuum electarum nominibus. Vnde sicut tribus Dan inter tribus signatas ibi non computatur Apocal. 7. ita nec hæc portam suam habuit, eo quod ex Dan nasciturus putetur Antichristus, qui typum reproborum gerit, adeoque tribus illa sit maledicta & reproba, nec in Ecclesia triumphante locum habeat.

Apud Ezech tamen cap. 48. v. 32. ponitur etiam porta Dan, quia ut quidam interpretantur, civitas Ezechielis figuram tantum Ecclesiæ militantis gerit, in qua etiam reprobi locum, & honorem suum obtinent.

13. AB ORIENTE PORTÆ TRES. In latere muri orientali tres sunt portæ, per quas electi ab ortu solis in civitatem cælestem intrant. Portæ istæ orientales civitatis apud Ezechielem sunt porta Joseph, Benjamin, Dan: hæc autem loco Dan, qui in civitate Cælesti portam non habet, reponenda est porta Manasse, quia Ezechiel sub Joseph comprehendit Ephraim & Manasse. ET AB AQUILONIBUS PORTÆ TRES. Portæ Aquilonares, sive Septentrionales, sunt apud Ezechielem porta Ruben, Iuda, Levi. ET AB AVSTRO PORTÆ TRES. In Ezechiele portæ australes, seu meridiane, sunt Simeon, Issachar, Zabulon. ET AB OCCASU PORTÆ TRES. Apud Ezechielem sunt Gad, Azer, Nepthali.

Tres ergo istæ portæ à singulis mundi lateribus significant quod Christus ait, *Veniente ab Oriente, & Occidente, & Aquilone, & Austro,*

& accumbent in regno Dei, Lucæ 13. v. 29.

14. ET MURVS CIVITATIS HABENS FVNDAMENTA DVODECIM. Lapidés fundamentales 12. unum juxta alterum dispositos, & incumbentes monti Sion, tanquam lapidum fundamentalium fundamento, quod est Christus. *Fundamentum enim* (scilicet principale) *aliud nemo potest ponere. præter id, quod positum est, quod est Christus Iesus*, 1. ad Cor. 3. v. 11. ET IN IPSIS DVODECIM NOMINA inscripta sunt, sicut in lapidibus fundamentalibus nomina eorum ad memoriam inscribi solent, qui primos lapides fundamentales ædificij ponunt. DVODECIM APOSTOLORVM AGNI. Hic verò sunt iidem fundatores, & lapides fundamentales ædificij, qui seipsos collocant in fundamentis Ecclesiæ, quæ tota est mysticum, & è lapidibus vivis ædificium: *Ipsi tanquam lapides vivi superadificamini domus spiritualis*, 1. Pet. 2. v. 5.

Itaque Apostoli & portæ sunt, quia doctrinâ suâ in civitatem Dei electos introducunt, & sunt fundamenta muri, quia aliorum imbecillitatem sustentant. *Superadificati super fundamentum Apostolorum & Prophetarum, ipso summo angulari lapide Christo Iesu*, ad Ephes. 2. v. 20.

15. ET QUI LOQVEBATVR NECVM. Angelus, qui mihi ostendebat civitatem, murum, portas, &c. HABEBAT MENSVRAM ARVNDINEAM AVREAM. Græcè, *mensuram calami aureum*. Calamus, sive arundo ista erat certa mensura geometrica 6. cubitorum & palmi, ut patet Ezéch. 4. v. 5. Solebant autem tali mensurâ uti ad mensurandos agros, & res magnas, erantque qualis fere decempedalis apud Romanos. Supra vero Apocal. 11. v. 1. calamus iste dicitur similis virgæ. UT METIRETVR CIVITATEM. Aream intra muros comprehensam, ut intelligatur, quantum numerum civium capere possit. ET PORTAS EIVS. Portarum altitudinem & latitudinem, ut sciatur, an homines tantum singuli, an bini, aut terni, vel etiam cum vehiculis & impedimentis illam civitatem intrare possint. ET MVRVM. Muri circuitum, altitudinem, & crassitiem: ut intelligatur, quàm securi sint cives, quos murus ille defendit.

16. ET CIVITAS IN QVADRO POSITA EST. figuræ quadrangularis est. ET LONGITVDO EIVS TANTA EST, QVANTA ET LATITVDO. Quatuor latera istius figuræ quadrangularis sunt æqualia inter se. Tales autem quadratæ civitates sunt magis idoneæ ad defensionem, quia ex utroque angulo opposito, latera hostium ascendendo.

cedentium ad ictus patent. Unde hodie ars militaris non amplius urbes & munitiones rotundas, sicuti olim, sed cornibus procurentibus ædificat, tanquam ad repellendos hostes magis idoneas. Et de Ierosolyma terrestri à Tito Cæs. obsessa, Corn. Tacitus lib. 5. Hist. narrat: Duos colles in immensum editos cladebant muri per artem obliqui, aut introrsus sinuati, ut latera oppugnantium ad ictus patefcerent.

Aliqui ex hoc Apocal loco nituntur probare, ultimam Cæli empyrei, sive mundi totius superficiem esse figuræ quadratæ: sed Astronomi potius conjectant, esse perfectè rotundam, quia figura rotunda capaciore & simplicior est; nec ullus angulorum ibi extantium videtur esse usus, sicut in civitatibus terrestribus. Unde figura ista quadrata Cæli, & civitatis Beatorum, potius est mystica, quàm litteralis: potest autem significare Cæli Empyreï immobilitatem, quia corpus quadratum quiescit, & non volvitur, sicut corpus sphericum quando projicitur per planum. Deinde significat stabilitatem civium illius civitatis, qui moveri, & excidere à sua felicitate nunquam possunt, ut Carthusianus contemplatur.

ET MENSUS EST CIVITATEM DE ARVNDINE AVRIA. Per arundinem auream: tam pretiosam enim civitatem, cujus plateæ & domus aureæ, & muri lapides pretiosi, decebat simili etiam mensurâ mensurari. Hæc aurea mensura divinam sapientiam significat, ait Beda, quæ attingit à fine ad finem fortiter, & in illa civitate disponit omnia suaviter in numero, pondere, & mensura. PER STADIA DVO DECIM MILLIA. Mensus est ambitum civitatis 12. stadiorum millibus: unde cum in uno milliari Italico sint 8. stadia, circuitus civitatis continet 1500. milliaria Italica, sive 500. leucas, dando, sicut Geometræ solent, unicuique leucæ tria milliaria Italica. Nulla autem civitas in terra quingentas leucas in circuitu habet.

Cùm deinde civitas ista sit quadrata, unumquodque quadri latus ad tria millia stadiorum extenditur. Denique cum habeat 12. portas ut v. 12. dictum est, distantia inter duas quasque proximas portas, si æqualibus intervallis inter se distent, erit 1000. stadiorum.

Alcazar tamen ambitum civitatis quadruplo majorem facit: nam ista 12000. stadiorum putat tantum esse longitudinem unius lateris quadri, non circuitus totius civitatis.

Et

ET LONGITUDO, ET ALTITUDO, ET LATITUDO EIVS *ÆQUALIA* SUNT. Hinc patet, totam hanc civitatem esse mysticam & symbolicam: nam vera civitas, præsertim tam ampla, quàm ista describitur, non potest esse tam alta ædificijs & turribus, quàm est longa; oporteret enim turre habere tria millia stadiorum perpendiculari in altitudine. Deinde in cælo non sunt propriè turre & ædificia, sed tantùm multæ mansiones metaphorice, de quibus Christus, *In domo Patris mei mansiones multæ sunt*, Ioan. 14. v. 2. quæ significant varios beatitudinis & præmiorum gradus.

Alij in altitudinem civitatis imputant non tantùm ædificia, sed etiam montem, in quo civitas posita est. Sed si sic ad litteram velimus interpretari, longitudo, latitudo, & altitudo civitatis Beatorum, sive cæli empyrei, longè major est quàm 3000. aut 12000. stadiorum, cum totus orbis terræ comparatione stellæ firmamenti, sit instar pulvisculi; & stella, respectu empyrei, sit instar nihili: undè meritò exclamat Propheta: *O Israël, quam magna est domus Dei, & ingens locus possessionis eius*. Baruch. 3. v. 24. Deinde altitudo Empyrei à centro terræ non est æqualis, sed duplo minor, quam longitudo & latitudo; continet enim solùm semidiametrum mundi, longitudo autem & latitudo integram diametrum.

Meliùs ergo totum interpretabimur mysticè, ut istæ dimensiones civitatis aliquid significant, quod ad cives ipsos pertinet. Longitudo igitur est æternitas extendens, latitudo est charitas dilatans, altitudo est contemplatio erigens: quæ tria huius civitatis statum componunt, & dicuntur, *æqualia*, quia omnia æterna sunt, & sine careant.

17. ET MENSURA EST MURUS EIVS. Non muri circuitum, sed altitudinem; nam circuitus muri est idem qui civitatis, scil. 12000. stadiorum. CENTVM QUADRAGINTA QUATVOR CUBITORVM. Qui numerus quadratus est ex radice 12. Nam duodecies, 12. colligunt 144. unde solidus & perfectus est, significans soliditatem, & securam protectionem, quæ cives illius civitatis à tali muro protegentur. MENSURA HOMINIS, QUÆ EST ANGELI. Qui cubiti, sunt cubiti & mensura illius hominis, qui apparebat in forma Angeli. Unde non arundine suâ, sed cubito suo, qui erat instar cubiti humani, Angelus ille murum mensurabat.

Mysticè significatur, quod murus protectionis, quæ Deus Ecclesiam hominum electorum proteget, ejusdem erit mensuræ cum muro quo Angelos beatos protegit. Angeli enim & homines in unam civitatem

tatem miscbuntur, eruntque homines æquales Angelis Dei, Lucæ 20. v. 36.

18. ET ERAT STRUCTURA MURI EIVS. A mensura & magnitudine muri, ad materiam ejus transgreditur. Ex LAPIDE IASPIDE. Sine dubio ex illo genere jaspidis, quod pellucet sicut crystallum, ut supra v. 11. dixit. Murus enim ille ita protegit beatos, ut eos non obumbret, omnia enim in illa civitate pellucet, & oculis pervia sunt; unde etiam sequitur: IPSA VERO CIVITAS. Plateæ, & omnia ædificia, AVRVM MVNDVM. Constructa ex lapidibus aureis mundissimi auri, sine ullius alterius metalli mixtura. Nobilissimi enim & purissimi metalli materia, in nobilissimæ omnium civitatis structuram debuit assumi, ut quocumque beati cives oculos circumferunt, nihil sit, quod eos offendar, sed omnia summo perè exhilarent. Quia etiam civitas æterna est, construi debuit ex materia in corruptibili. Cæterum si ad litteram hæc de materia cæli empyrei accipiantur, nobilior, & durabilior est omni auro purissimo & obryso. Et ne quis putaret, lateres aureos, quibus civitas constructa est, luminibus obstare, & creare umbras, addit: SIMILE VITRO MVNDO. Aurum autem illud pellucidum est, sicut crystallus, aut vitrum mundissimum. Reverà enim talem fermè imaginamur cæli materiam: auream nempe propter soliditatem & incorruptibilitatem. Nec tamen opacam, sicuti est nostrum aurum, sed solutâ & digestâ opacitate pellucidam.

Mythicè autem hoc significat, quod visui & cognitioni Beatorum omnia sint pervia in illa civitate, etiam usque ad fundum corporum & animorum, quando placet suas sibi invicem cogitationes revelare, quasi omnia & hominum, & ædificiorum corpora ex vitro mundissimo essent constata.

19. ET FVNDAMENTA MURI CIVITATIS. Quæ supra v. 14. dixit esse duodecim: sed non narraverat, ex quibus lapidibus essent, sed tantum v. 18. de structura superiore muri dixerat esse ex jaspide. Pergit ergo jam etiam narrare, quibus lapidibus illa 12. fundamenta constent. OMNI LAPIDE PRETIOSO ORNATA. Multis & varijs lapidibus pretiosis collucentia, & splendore suo ornata, unumquodque scilicet lapide suo pretioso constans atque ornatum. FVNDAMENTVM PRIMVM, IASPIS. An singuli lapides pretiosi singulis tantum Apostolis, an unusquisque omnibus tribui debeat, incertum est. B. Viegas cum multis alijs vult, unumquemque lapidem omnibus Apostolis convenire, quia ordo vocationis Apostolorum ad Christum ex Evangelio non constat, & ordo meritum multo minus, nec in

R r

ordine

ordine enumerationis Euangelistæ consentiunt.

Sed Aretas, & plures unumquemque lapidem attribuunt suo Apostolo, ordine illo firmè, quo à S. Luca recensentur, Lucæ 6. ubi Christus elegit duodecim ex omnibus suis Discipulis, ut illos lapides Ecclesiæ suæ fundamentales constitueret, hoc ordine: Petrus, Andreas, Iacobus Zebedæi, Ioannes, Philippus, Bartholomæus, Matthæus, Thomas, Iacobus Alphæi, Simon Zelotes, Iudas Iacobi, Iudas Iscariotes; & quia hic excidit, loco ejus substituendus est Matthias.

Primus ergo lapis fundamentalis est Petrus, per jaspidem designatus, vir totus divinus, & Deo similis, qui in throno suo sedens coloris jaspidis apparuit, Apocal. 4. v. 3. Iaspis enim ut plurimum viret, estque symbolum semper virentis æternitatis. Indè fortasse Nero, qui Divinitatem affectabat, effigiem thoracatam ex jaspide sibi formari jussit, quam se vidisse narrat Plinius. Quidam etiam jaspis pellucet instar crystalli, ut supra v. 11. dictum fuit; quod candori S. Petri convenit. Fuit enim homo minimè duplex & fucatus, sed simplex, & totus pellucidus.

Notandum vero est, quod iidem 12. lapides, qui hîc tribuuntur fundamentis Ecclesiæ, jussi fuerint inferi Rationali summi Pontificis, Exod. 28. v. 17. & XII. tribuum Synagogæ Patriarchas repræsentasse, veluti hîc XII. Apostolos, Ecclesiæ Christi Patriarchas. Novem verò ex illis ornatum fuisse paludamentum Regis Tyri, qui mysticè significant naturæ & gratiæ dotes, quibus in cælo ornatus fuit Lucifer, cujus typum rex ille gessit, Ezech. 28. v. 13.

SECUNDUM, SAPPHIRVS. Lapis est cærulei coloris, aureis guttis stellatus, cælo sereno similis, & gratissimi aspectus, cujus in medicina magnus usus: nam è collo gestatus cor exhilarat; pestem, febrium ardorem, & libidinis æstum abigit: undè Sacerdotibus, & ijs, qui castitatem voverunt, censetur utilissimus, inquit Ansel. Boëtius lib. 2. cap. 43. de Gemmis.

Quæ omnes lapidis Sapphiri proprietates in sublimis & cælestis vitæ ac castimonie Apostolo Andrea fuisse, facile nobis possumus persuadere, licèt nullibi virtutes ejus descriptas in particulari habeamus. Certè tamen castimoniâ superasse fratrem suum Petrum, inde suspicari possumus, quod uxore caruerit. De nullius quippe Apostoli uxore, præterquam Petri, quidquam traditur.

TERTIUM, CHALCEDONIVS. Lapis iste à Plinio inter genera rubinorum ponitur, pallidior carbunculo, sub tecto purpureus, sub dio flammeus. In Rationali tamen Aaronis nomen Carbunculi habet,
Exo.

Exo. 28. v. 18. Vocem clarificat, tristitiam & melancholiam pellit. Nec desunt auctores vani, qui gestanti victoriam promittant, inquit Boëtius: qui etiam Chalcedonios quosdam, sed pretij vilioris, in Belgio circa Bruxellam & Lovanium, in agro Heverlæensi se reperisse narrat. Præcipuus hodie eorum usus ad sigilla, quia cera ipsis non adhæret.

Quas proprietates quisque pro ingenio suo, ad virtutes S. Jacobi Majoris, qui tertius est inter Apostolos, referre potest. Certè fervor ejus, instar chalcedonij, ac carbunculi divinâ luce accensi, patuit inde, quod primus Apostolorum in exteras regiones, & in Hispaniam usque statim à morte Christi, ad prædicandum lætissimum mundo nuntium, excurrenit, & tenebras ac tristitiâ, in quibus gens illa sedebat, dispulerit.

QUARTVM, SMARAGDVS. Hic lapis prata, & omnia terræ virentia gratissimo virore superat, aded, ut etiam vicinum aërem viridi luce perfundat, ideoque visum mirum in modum recreat. Cum verò omnes lapides pretiosi, si ab hominibus spurcis & libidinosi gestentur, sordes contrahant, & splendorem amittant; Smaragdus, si gestetur ab eo, qui rei veneræ operam dat, in partes dissilit, quasi fecditatem rei indignatus.

Undè patet, smaragdi virtutes, virgini Apostolo Joanni, & qui Christo Domino, quod Smaragdus inter gemmas, id est, jucundissimus fuit, rectè convenire. Prædicatio quoque illa ejus charitate semper fulgens & virens erat, instar gratissimi viroris, quo auditores aspergebat.

20. QUINTVM, SARDONYX. Lapis ex sardio & onyche quasi compositus: sardius enim ruber est, & onyx pellucidus, ut unguis humanus, per quem sardius, veluti caro rubra transluet.

Undè quidam recentiores ideo S. Philippo inter Apostolos quinto hunc lapidem appropriari dicunt, quia videtur fuisse omnium Apostolorum maximè simplex, & similis quodammodo sardonychi, & carni per candorem unguis translucens, quia animi interiora in superficie quasi gereret, sicuti homines minimè fucati solent. Hoc autem colligunt, ex simplici, inquit, interrogatione, quâ Christum interpellat, Joan. 14. v. 8. Et propter eandem ingenij simplicitatem, Cyrillus existimat, quod Christus cum potissimum inter omnes Apostolos interrogaverit, *Undè emenui panes, ut manducet hi?* Joan. 6. v. 5

Sed hoc non est lapidem sardonychem in laudem S. Philippi, sed potiùs in contemptum vertere. Bedam potiùs ergo sequamur, qui quia lapis iste in imo rubet, & candet in summo, ait significare corporis

R r 2

passione

passione rubicundum, & spiritus puritate candidum. Aut certè ad colorum varietatem, & elegantiam colores iridis imitantem, quæ dat præcipuam huic lapidi æstimationem, respici dicamus. Ut sicut sardonix istâ colorum amœnissimâ varietate est admirabilis; ita Apostolus Philippus jucundissimâ virtutum divinarum humanarumque mixturâ, omnium animos rapuerit.

Certè vasa illa & pocula myrrhina, tam celebrata olim apud Romanos, ex sardoniche fuisse facta, ex fragminibus, quæ vidisse se dicit, iridis colore variegata, conjectat Ansel. Boëtius; longè elegantiora & pretiosiora, quàm Porcellana quæ hodie ex China pro Myrrhinis adferuntur, igne tantùm ex terra pingui & subtili excocta.

Quod verò S. Philippum fuisse ingenio tardo & simplici, ex illa interrogatione Christi, Ioan. 6. v. 5. colligit Cyrillus, res est incerta: nam alij indè peritiam maiorem œconomix in S. Philippo potiùs colligunt; quasi Christus eum interrogaverit, ut rei familiaris peritus testaretur, quanta pecunia necessaria esset, ut panes pro tot hominum millibus emerentur, & ut indè miraculi magnitudo, quod patraturus erat, manifestius appareret.

SEXTVM, SARDIVS. Hic lapis olim apud Hebræos in maximo honore fuit, quia primus erat inter 12. gemmas, in Rationali summi Pontificis ante pectus pendentes. Colore ruber est, nec totus diaphanus, sed semiopacus. Admiranda ejus virtus in reprimendo sanguinis fluxu. Acuere etiam ingenium, & mala somnia dispellere perhibetur. Sanguineo colore Martyrum gloriam repræsentat, ait Beda: undè S. Bartholomæo meritò peculiaris, cujus inter omnes Apostolos martyrium maximè cruentum & crudele fuit.

SEPTIMVM, CHRYSOLITVS. Ab auri colore sic vocatus; ita enim aureo colore fulget, ut scintillas spargere videatur. Unde illi hoc lapide figurantur, ait Beda, qui intellectu supernæ sapientiæ fulgentes, verba exhortationis in proximos, vel etiam miraculorum signa, quasi scintillas ignis effundunt. Quæ proprietates Matthæo Apostolo rectè convenit, cujus Euangelium toto orbe rutilat & scintillat.

Chrysolitus quoque coleram & libidinis æstum reprimat, & linguæ suppositus, febricitantium sitim extinguit, ait Boëtius: quæ omnia ad animorum virtutes, quisque meditando faciliè applicare potest.

OCTAVVM, BERYLLVS. Aquæ marinæ dilutæ virentis colorem hæc gemma habet. In India nascitur. Mirâ virtute oculorum vulnera,

nera, & contusiones sanat. Ingenio prodesse, & conjugatos invicem reconciliare dicitur. Solent berylli in figuram sexangulam poliendi figurari, ut angulorum percussu fulgor Solis acuat; quo significantur homines, ingenio quidem sagaces, sed supernæ gratiæ lumine ampliùs refulgentes, ut Beda interpretatur: sed non est, inquit, humana vel divina sapientia perfecti fulgoris, nisi operum quoque consummatio addatur, quæ numero senario figuræ sexangularis significatur, quo mundi opus consummatum fuit.

Beryllus S. Thomæ Indorum Apostolo accommodatur, qui humanâ divini quæ sapientiæ, & operum consummatione, tanquam beryllus sexangularis, inter barbaros illos radiavit.

NONVM, TOPAZIVS. Gemmam hanc in genere virentium collocat Plinius. Mole inter omnes est maxima, adeò, ut quandoque statui etiam ex ea fiant. Collo puerorum pro annuleto, contra timores nocturnos & terribilia, contra phrenesin, & lunaticos paroxysmos gestatur.

Beda verò duos habere colores dicit, unum auri purissimi, alterum æthereâ luce refulgentem, & Solis fulgore percussam omnium gemmarum superare claritates: Regibus olim maximè in pretio & admiratione fuisse, symbolum esse vitæ contemplativæ. Hanc enim vitam Reges sancti, qui supra corpus & animam suam regnant, maximè admirantur & diligunt, tanto ardentius huius cælestis vitæ dulcedinem animo complectentes, quanto frequentius supernæ gratiæ splendore fuerint percussi.

Habent etiam sancti viri, inquit, aureum ex internæ flammæ charitatis colorem, habent æthereum ex supernæ contemplatione dulcedinis fulgorem: & quia octavo loco positus est beryllus, qui sexangulari prismate refulgens, vitæ activæ est symbolum, ideo rectè, ait Beda, nono loco topazius speculativæ suavitatis gemma collocatur, quia à perfectæ beatitudinis denario, uno tantum mortis gradu abest. Ad quem summo desiderio Propheta suspirans Psal. 118. aiebat: *Dilexi mandata tua super aurum & topazium*, id est, Super omnem probatæ actionis claritatem, & super omnem, quæ in hoc sæculo fieri potest, contemplativi gradus sublimitatem, dulcissimo mandatorum tuorum delectabar amore, quorum primum & maximum est: *Diliges Dominum Deum tuum ex toto corde, totâ animâ, totâ virtute*: quod non nisi in illo cælestis regni culmine ad integrum perfici posse, certissimum est. Ita Beda, sensu anagogico significationem topazij pulchrè explicans. Quæ in Iacobum Alphaï, sive minorem, inter Apostolos ordine nonum

optimè quadrat: qui sublimissimæ contemplationis, & ab omni rerum terrenarum affectu remotissimus fuit. In utero matris, instar Ioannis Baptistæ, sanctificatus, carnem nunquam comedit, vinum aut ficeram nunquam bibit, & tantæ sanctitatis ac venerationis, etiam apud Iudæos, fuit, ut ei ingressum Sancti Sanctorum cum summo Pontifice permitterent, & cuius neci everfionem Ierosolymæ sub Tito imputaverint, ut ex Egesippo & Iosepho narrat S. Hieronymus.

DECIMUM, CHRYSOPRASVS. A viredine porri, cum aurei coloris mixtura, nomen habet: quo significantur illi, inquit Beda, qui æternæ patriæ viriditatem, perfectæ charitatis fulgore promerentur.

Hæc gemma Simonem Chanaanæum designat, etsi quidam Iudam Iacob, ante Simonem collocent decimo loco.

VNDECIMUM, HYACINTHVS. Sic vocatus à colore hyacinthi floris, quem æmulatur: cærulei enim coloris est cum violacei mixtura. In Rationali summi Pontificis Exod. 28. v. 19. *Ligurium*, interprete S. Hieronymo, vocatur, à coloris iucunditate. Hic lapis cum facie cæli mutatur, sereno perspicuus & gratus, nubilo tenebescit. Unde putatur significare viros spirituales, qui omnibus omnia facti, prout cælum iusserit, inter perfectos perfecta & sublimia, inter infirmos humilia loquuntur, dicuntque cum S. Paulo, *sive mente excedimus, Deo; sive sobrii sumus, vobis*, 2. ad Cor. 5. v. 13.

Hæc gemmâ figuratur Iudas Iacobi, Apostolorum XI. auctor ultimæ epistolæ inter 7. Canonicas, in qua ostendit se benignum & hilarem erga bonos, tristem & terribilem erga improbos.

DVODECIMVM, AMETHYSTVS. Violacei, aut subpurpurei vini colorem habet iste lapis, sive, ut Isidorus & Beda aiunt, cum rosæ nitore leves quasdam flammulas fundit: flammulæ autem rerum cælestium amorem, rosæus nitor humilem Sanctorum verecundiam, pretiosamque mortem, ait Beda, significat, quorum mens instar flammæ in cælum erigitur, etiam quando exterius perpeti abjecta cernuntur. Vocatur græcè hic lapis, *amethystus*, id est, non ebriosus, quia umbilico appositus, putatur ebrietatem discutere.

Hoc lapide S. Matthias Apostolorum ultimus notatur.

Licet autem omnium lapidum virtutes omnibus Apostolis conveniant; aliquid tamen peculiare fuit, quod in singulis emereret, quia *alii datur sermo sapientiæ, alij sermo scientiæ, &c.* 1. Cor. 12. v. 8. & hoc sensu de quolibet Sancto Confessore Pontifice ex Eccli. 44. v. 20. Ecclesia canit, *Non est inventus similis illi.*

21. ET DVODECIM PORTAE. De quibus mentio facta antè v. 12.

Dvo.

DVODECIM MARGARITAE SVNT PER SINGVLAS. Singulatim, singula videlicet ex singulis; mox enim se explicat: ET SINGVLAE PORTAE ERANT EX SINGVLIS MARGARITIS. Cùm enim Christus sit pretiosa illa margarita, inquit Beda, quam sapiens negotiator emit, venditis omnibus, quæ habuit, Matt. 13. v. 46. suos etiam Apostolos, per quos tanquam per portas, reliqui cælestem civitatem intrant, communicato suo fulgore & pretio, margaritas, & sibi similes esse fecit: sicut etiam, quia ipse erat lux illuminans omnem hominem venientem in hunc mundum, iisdem Apostolis dedit esse lucem mundi, Vos estis lux mundi, &c. Matth. 5. v. 14.

Margaritas autem, sive uniones eos vocat, quia sicuti margaritæ in marinis conchis ex purissimo cali rore, ac cælesti lumine excoctæ, in maximo pretio apud homines sunt: ita Apostoli, & Apostolici viri rore, & lumine gratiæ cælestis à Spiritu S. conformati, homines quidam divini, & mundo pretiosissimi esse debent. Si enim unica margarita parvi ponderis, ex auricula reginæ Ægypti Cleopatrz dependens, quam in cœna M. Antonij absorbuit, æstimata fuerit centies festerium, id est, I. Lipsij calculo, ducentis quinquaginta millibus Philippicorum; quanti pretij erunt ingentes ex singulis margaritis tam magnæ civitatis portæ?

ET PLATEA CIVITATIS. Quælibet platea, non tantum forum civitatis, ut interpretatur Beza. Sicut enim tota civitas dicitur aurum mundum, suprâ v. 18. ita omnes quoque plateæ debent esse similes ædificijs. AVRUM MUNDVM. Purissimum & excoctissimum ab omni scoriâ, & aliterius metalli mixturâ.

Aurum hoc mundum platearum, charitatem corda civium civitatis ut plateas dilatantem, & in se invicem recurrentem significat: nam affectus Beatorum, dum quisque felicitati alteri congaudet, quodammodo in se invicem, instar platearum, recurrunt.

TANQVAM VITRVM PERLVCIDVM. Aurum istud ita purificatum est, ut nequidem opacitatem auro naturalem retineat: quod charitatis summam perfectionem & puritatem significat, quæ nihil invidiæ, æmulationis, aut sinistri affectus ullam vel minimam umbram permixtam habeat.

Beda hoc ad Ecclesiam militantem accommodat, in qua multi, velut plateæ, vitam inferiorem & latiore ducunt in sæculo, qui tamen summis cincti virtutibus, puritate mentis, ac radio operis, ut aurum vitrumque fulgent.

22. ET TEMPLVM NON VIDI IN EA. Non enim Ecclesia triumphans indiget templo materiali, sicut Ecclesia militans, quæ ad sacrificia,

ficia, ad Sacramentorum administrationem, ad orationem, Deique laudem decantandam, in templa materialia, extra distractiones, & sæculi turbas, recipere se aliquando debet: ibi verò nec sacrificium propriè dictum, nec Sacramentorum administratio ulla amplius erit; Dei tamen laudes in sæculum sæculi decantabunt, sed ad istum finem nullo etiam templo indigebunt. DOMINVS ENIM DEVS OMNIPOTENS TEMPLVM ILLIVS EST. Officio templi in ea civitate fungitur, cives ipsius circumfuso Divinitatis lumine ambiendo, & contemplatione profundissimâ, sine ulla distractione, eos in se attrahendo, ut in ipso quiescant, & sacrificia laudis ibi sempiterno tempore illi offerant. ET AGNVS. Qui tanquam Deus idem templum cum Patre & Spiritu S. est; ut homo autem, tanquam præcipuum præmij accidentaliter objectum, ait Carthus. quod Beati perpetuò intuentur, ut non sit necesse aliud templum intrare, ut se circa ipsum recolligant.

Hæc autem non pugnant cum eo, quod Apoc. 5. v. 5. dicatur apertum fuisse templum Tabernaculi in cælo: & Apo. 7. v. 15. SS. Martyres amici stolis albis dicantur ante thronum Dei, in templo ejus servire die ac nocte: Unde falsum videri posset, quod nullum sit templum in cælo. Sed utrumque verum est: nam S. Joannes illis locis vidit cælum sub quadam forma templi Salomonis cum altari &c. quia templum Salomonis typus fuit cæli. Sed hic non vidit templum aliquod distinctum à toto cælo, in quod Beati ad sacrificia & orationes secedant, ut Deo attentius vacent, qualia templa hic videmus in civitatibus Ecclesiæ militantis. Talibus autem non indiget Ecclesia triumphans, cum Deum clarè ubique ante oculos videat, & in ipso attentissimè recollecta sit, adeoque totum cælum instar templi unius sit.

23. ET CIVITAS NON EGET SOLE. Ad habendum diem. NEQUE LVNA. Ad illuminandam noctem, quia nox ibi non erit, ut dicit v. 25. UT LVCEANT IN EA. Non enim syderibus hujus inferioris mundi patria illa supercælestis utitur. NAM CLARITAS DEI. Græcè, *gloria dei*. Lux divinæ essentiae increata. ILLUMINAVIT EAM. Lumine gloriæ aspergendo mentes Beatorum. ET LUCERNA EIVS. Tanquam luminare minus, corporeis etiam oculis Beatorum accommodatum. EST AGNVS. Per cuius Humanitatem, tanquam per crystallum, lux increata intus inclusa, lumen creatum gloriosi corporis in oculos Beatorum traiecit, & cælestem Empyreï auram lumine suo implet.

Vocat ergo Christi Humanitatem, *lucernam*, quia instar lunæ erit, quæ in inferiori mundo est lucerna noctis; licet illa Humanitas in cælo, ubi nox non est, officio lucernæ nocturnæ non fungatur, sed
simul

simul cum ipso sole videatur: velut etiam in hoc mundo luna plena; aut multo lumine turgida, de die cum sole videri potest.

24. ET AMBVLABVNT GENTES. Quidam græci codices addunt; *Qua salva fuerint.* Loquitur enim de solis ad salutem æternam prædestinatis, qui perseueranter usque ad ingressum civitatis ambulant. IN LUMINE EIVS. Ad lumen illius civitatis, quod jam, velut à longè, per fidem cognoscunt & vident, in illa civitate, tanquam in Pharo quadam, accensum, ut iter huius vitæ eò dirigant. Alludit ad illud Prophetæ, *Ambulabunt gentes in lumine tuo, & reges in splendore vultus tui,* Isa 6. v. 3. ET REGES TERRÆ. Non tantum vulgus hominum. Afferent gloriam suam et honorem in illam. Opes & potentiam, quæ gloriæ & honoris ipsorum materia sunt, adferent in Caestem Ierusalem, quando propter regnum Cælorum, sc. & omnia sua iugo fidei Christianæ submittent, & libenter expendent, ut ius illius beatæ civitatis emant.

Undè quia per Ecclesiam militantem ad illam triumphantem transire debent, Isaias similia de Ecclesia militante quæ Joannes hîc de triumphante, narrat; *Erant reges nutritij tui, & regina nutrices tua: vultu in terram demisso adorabunt te; & pulverem pedum tuorum ludent,* Isa. 49. v. 23. Quod videmus jam fieri in Ecclesia militante, quando Reges & principes divitias suas in Ecclesiam & Ecclesiæ Ministros conferunt, & quando Pontifices & Prælatos Ecclesiæ venerantur & honorant.

25. ET PORTÆ EIVS NON CLAVDENTVR. Nullus enim hostium metus ibi erit, propter quos civitatum portæ claudi solent. Deinde omni tempore aliqui cives electi ab omni parte mundi civitatem ingredi debent, adeoque portæ semper patere debent. PER DIEM. Semper, quia semper ibi est dies: undè mox addit, cur noctis non faciat mentionem. NOX ENIM NON ERIT ILIC. Nam claritas Dei, & lucerna Agni diem perpetuum facient. Undè non ampliùs ibi dicitur, *Vigilate, & orate, ne intretis in tentationem,* Matth. 26. v. 41. sed, *Vacate, & videte, quoniam ego sum Deus,* Psal. 45.

26. ET Afferent gloriam et honorem gentium in illam. Nec tantum reges, ut v. 24. dixit, sed etiam, quidquid dignitate, divitijs, ingenio, doctrina inter gentes gloriosum erit, omnia illa, se, & sua ad civitatem illam conferent, eo modo, quo v. 24. explicatum est.

27. NON INTRABIT IN eam aliquod coinquinatum. Græcè, *omne commune*: Hebræi autem vocant, *commune*, quod ita est in

communi & promiscuo usu gentilium, ut tali populo Dei, quales Judæi erant, nefas esset illud tangere. Hinc factum est, ut, *communi*, usurpent pro immundo & coinquinato, ut patet Act. 10. v. 14. & alibi.

Quidam textus græcilegunt, *omne communicans*, seu, *coinquinans*, respicientes fortè ad civitatis illius munditiam, cujus plateæ sunt aurum mundum, ut proinde nemo sordidis pedibus eam intrare debeat, ne communice, sive coinquinet pavimentum.

AVT ABOMINATIONEM FACIENS. Quales erant execrabiles libidines & flagitia, Simonianorum & Nicolaïtarum, quorum hæreses tempore S. Joannis in Asia regnabant. **ET MENDACIUM.** Quod generaliter pro omni specie peccati, sicut, *Veritas*, pro omni virtute in Scriptura sæpè accipi solet: quo sensu dicitur, *omnis homo mendax*, id est, peccans, ut S. Augustinus lib. contra mendacium cap. 20. explicat. Nam omnis peccans errat, & à veritate discordat, dum præcè judicat, aliquid diligendum esse, quod non est diligendum.

Loquitur autem S. Joannes de inquinatis, abominabilibus, & mendacibus, propter gravia scelera, qui nullum jus ad introitum cælestis civitatis, sed partem in stagno ignis & sulphuris habent, ut dixit v. 8. Justi tamen, qui jus intrandi habent, si maculis venialibus aspersi sint, eas abstergere debent, antequam intrent.

NI SI QVI SCRIPTI SUNT. Sed tantùm illi, qui scripti sunt. Particula enim, *nisi*, non significat hic exceptionem, sed valet hic idem, ac, sed tantum, quo modo Hebræi sæpè usurpant, ut Joan. 17. v. 12. Matth. 5. v. 13. 4. Reg. 5. v. 17. &c. **IN LIBRO VITÆ AGNI.** Illi autem sunt soli prædestinati ad vitam æternam, quam consecuturi sunt per merita Agni in cruce pro ipsis immolati.



CAPVT XXII.

SYNOPSIS CAPITIS.

Postquam archirecluram civitatis descripsit, nunc felicitatem civium, & delicias, quibus pascuntur, narrat. Deinde, quinam sint intra civitatem recipiendi, quinam excludendi. Denique librum suum tandem concludit, & dira comminatur illi, qui addere aliquid ad verba Prophetiæ hujus ausus fuerit.

vers. 1.

ET OSTENDIT MIHI. Idem ille Angelus. FLUVIUM AQUÆ VITÆ. Abundantiam cælestium & perennium voluptatum, quibus perpetuò fruuntur cives beatæ civitatis, juxta illud: *fluminis impetus lustrificat civitatem Dei*, Psal. 45.

Richardus, Carhus. & multi Latini cum Areta græco legunt, *Aquæ viva*, nam Hebræi, aquam vivam, solent, aquam vitæ, appellare. Aqua autem viva est, quæ ex fonte perenniter fluit; quales non sunt torrentes, vel aquæ ex imbribus collectiæ. Hinc, quia aquæ vitæ solent alijs esse limpidiores, sequitur: *SPLENDIDVM TANQVAM CRYSTALLVM*. Quod limpidissimum Beatorum gaudium, & nullius vel levissimæ tristitiæ nubeculâ offuscaturum significat. *PROCEDENTEM DE SEDE DEI ET AGNI*. Hoc est quod regius vates dicit, *Apud te est fons vitæ*, Psal. 35. Voluptas enim Beatorum à contemplatione Dei in throno suo ledentis, & Agni à dextris ejus assidentis manat: ex contemplatione etiam Humanitatis Agni, primum gaudium accidentale fluit: & denique, quidquid ibi est, beatificæ visionis, amoris & gaudij, totum ex fonte meritorum Agni Hominis emanavit.

2. *IN MEDIO PLATÆE EIVS*. Cujusvis plateæ civitatis: non enim in medio unius tantum plateæ, sed omnium platearum, per quarum latitudinem mediam, tanquam per alveos suos, fluvius in varios ramos dispersus fluit; veluti fluida crystallus, super stabilem & auream crystallum, quia plateæ civitatis aurum mundum sunt, tanquam vitrum perlucidum, supra Apocol. 21. v. 21.

Quid autem jucundius beatis illis civibus semper sitientibus, quam crystallinas aquas, per pavementum aureum diaphanum instar crystalli, fluentes, in medijs plateis habere? unde semper bibere, & nunquam ad hanc satiam poline?

SC 2

ET

ET EX VTRAQUE PARTE FLUMINIS. In utraque ripa, ut tam unius, quam alterius ripæ accolæ, præter jucundissimum aquæ crystallinæ potum, etiam fructus ad delectandam famem paratos habeant. **LIGNUM VITÆ.** Arbores multæ erant fructus vitæ ferentes. *Lignum*, enim hic, more hebraico, pro arbore, & collectivè, pro arboribus multis accipitur. Undè Ezech. 47. v. 7. dicitur, *Eccè in ripa torrentis ligna multa nimis ex utraque parte.* Hæc autem visio apocalyptica similis est visioni Ezechielis, nisi quod iste de torrente gratiæ, qui per plateas Ecclesiæ militantis currit; S. Ioannes verò de flumine voluptatis Ecclesiæ triumphantis loquatur.

Quandoquidem ergo arbores vitæ tam in medio platearum, quàm in utraque ripa hæc plantatæ sint, triplex in singulis plateis est eorum ordo; cum tamen in Paradiso terrestri, ad quem S. Ioannes hic alludit, tantum esset unica arbor vitæ in medio Paradisi, Genes. 3. v. 3.

Multitudo autem ista arborum vitæ in Paradiso cælesti, maiorem longè cælestium voluptatum ibi futuram abundantiam significat: & quia arbores istæ nobiliori, & crystallino flumine per alveum autem fluentem irrigantur, fructus arborum longè aliam immortalitatem edentibus illos largientur, quàm arbor illa vitæ paradisi terrestris, irrigata fluvio, qui egrediebatur è loco voluptatis per terronum-alveum, ad irrigandum paradysum, Gen. 2. v. 10.

AFFERENS FRUCTVS. Non unum aut alterum singulis annis, ut arbores terrestres solent, quæ mensibus Vernis florent, & deinde educant fructus suos, donec tandem in Autumno ad maturitatem perducant; sed **DVODECIM**: quod magis distinctè explicat. **PER MENSES SINGVLOS REDDENS FRUCTVM SVVM.** Ita ut duodecies in anno floreat, & fructus maturos reddat per menses singulos.

Quod iterùm abundantiam cælestium deliciarum magis auget, & Beatorum delectationem semper esse recentem significat, quandoquidem singulis mensibus novos fructus ligni vitæ edant. Imò ne vel tantillum, per tempus florum, debeant fructuum maturitatem in fine mensis expectare, sed omni die anni recentes maturos fructus valeant ex arbore decerpere; non omnes arbores florent simul, sed cum aliæ sunt in flore, aliæ jam fructus maturos habent, ut Homerus de regis Alcinoi pomarijs fabulatur. Non omnes etiam arbores ejusdem speciei fructus ferunt: nam Ezech. 47. v. 12. ad quem S. Ioannes respicit, dicit in ripisejus ex utraque parte oriturum omne lignum pomiferum. Hæc autem pomorum varietas significat varietatem delectationum de varijs objectis creatis quæ Beati in Verbo vident. Et

FOLIA LIGNI. Non tantum fructus illarum arborum sunt excellentissimi, & tribuunt, aluntque vitam æternam Beatorum, sed etiam folia **AD SANITATEM.** Nam ab æstu nimio protegent, & inducunt temperiem, quâ sanitas conservatur. Hoc autem gaudium quoddam accidentale Beatorum significare videtur, sicut fructus arborum gaudium essentialis significant. **GENTIVM.** Beatorum, quorum maxima turba est ex gentibus, etsi etiam inter eos sint centum quadraginta quatuor millia signati ex omni tribu filiorum Israël, Apocal. 7. v. 4.

Carthusianus, *folia ligni*, interpretatur esse verba suavissima & consolatoria, quibus Christus electos suos in patria alloquitur, dum præcingens se, facit illos discumbere, & transiens ministrat illis, Lucæ 12. v. 37. Folia verò ligni vitæ in Ecclesia militante apud Ezech. 47. v. 12. dicuntur esse ad medicinam, quia hæc sunt morbi, quibus mederi oportet, sanitas verò sine morbo in civitate Beatorum. Undè folia ad medicinam intelliguntur esse verba Sacramentorum, per quæ gratia medicinalis nobis infunditur. Deinde verba divinorum præceptorum, quæ si gratiâ auxiliante impleantur, ait Richar. justificationem operantur animarum.

Beda denique folia ista interpretatur cantum Beatorum, quo in laudibus Dei seipfos exhilarant; per folia enim non ineptè lingua & verba, cantusque hominis significantur, quia in ore ventilantur, sicut folia in arbore.

3. **ET OMNE MALEDICTVM.** Peccatum, quod hominem maledicto obnoxium facit. **NON ERIT AMPLIVS.** Sicuti fuit antea, quando beati illi cives vitam mortalem hic ducebant. **SED SEDES DEI ET AGNVS.** Tanquam regis in throno suo ibi residentis. **IN ILLA ERVNT.** Tanquam in metropoli sui regni. **ET SERVI EIVS SERVIENT ILLI.** Sicut in urbe, ubi est sedes regni, subditi, tanquam in oculis sui regis versantes, solent diligentius præcepta ejus, & beneplacita observare. Servitus autem ista, quia ad præmium, non amplius ad meritum spectat, sine labore exercetur: & Deo sic servire, inquit Carthus. summa creaturæ nobilitas est, & perfectè regnare.

4. **ET VIDEBUNT FACIEM EIVS.** Essentiam ejus clarè facie ad faciem, & omne, quod jam credunt, videbunt: quæ est beatitudo essentialis, & fons, unde cætera omnia bona ipsis proveniunt. Videbunt quoque oculis etiam corporeis humanam Agni faciem, & ineffabili lætitiâ exultabunt videre naturam suam ad illam unionem hypostaticam elevatam, & cum Deo unitam esse, & ex ea tam incredibilis boni in genus humanum promanasse.

Quis autem cogitare potest mirabilis, quæ in illa facie Divinitatis,

§ 3.

& in

& in fundo ejus videbuntur, ubi omnium rerum divinarum humanarumque rationes & idæ impressæ sunt: ubi fons omnium delectationum & deliciarum creaturarum, quæ hominem in hoc mundo ita interdum afficiunt, ut extra se rapiant. Voluptas enim in suo illo fonte degustata, & plenis faucibus à Beatis epota, diviniùs inebriat, & longè aliter ineffabili quadam jucunditate mentem perfundit, quàm ulla imaginatio, aut intellectus creatus comprehendere possit. Unde merito Apostolus post Isaiam exclamat, *Oculus non vidit, nec auris audivit, nec in cor hominis ascendit quæ præparavit Deus, qui diligunt illum*, 1. Cor. 2. v. 9. Hoc autem per ebrietatem explicat regius Psalter: *Inebriabuntur ab ubertate domus tuæ, & torrente voluptatis tuæ potabis eos*, Psal. 35. Sed ebrietas illa omnium ebrietatum voluptates in infinitum excedit, & quod mirum est, nullo fastidio (quod ebrietates hujus mundi solent) animam semper inhiantem replet.

ET NOMEN EIVS, Dei & Agni: vocabuntur enim filij Dei, & filij Agni, ait Richardus. IN FRONTIBUS EORUM. Palam, ita ut omnes hoc sciant, & quasi in frontibus eorum scriptum legerent. Omnia enim opera, & omnes tituli, propter quos ad dignitatem filiorum Dei & Agni evecti sunt, ab omnibus cælestibus cognoscuntur.

5. ET NOX ULTRA NON ERIT. Quia lux, quæ dies ibi efficitur, inde non abit, ut nox succedere diei possit; unde ET NON EGBUNT LUMINE LUCERNÆ. Nam lucernarum usus tantùm est in nocte & tenebris: NEQUE LUMINE SOLIS. Nam licet perpetuus ibi dies sit futurus, non tamen Sol, qui mundo inferiori ministrat, illorum diem efficit.

Allegoricè, Beati non egebunt lucernâ veteris legis, nec Sole Evangelicæ lucis, quia: omne lumen fidei obscurum est, & ad præsentiam majoris luminis evanescit.

QUONIAM DOMINUS DEVS. Christus Deus & homo: nomen enim, *Dominus*, in novo Testam. plerumque Christo peculiariter tribui solet. ILLUMINABIT ILLOS. Tam spirituali illuminatione per lumen gloriæ, quàm corporali per lucernam Agni, ut Apoc. 21. v. 23. dictum fuit. ET REGNABUNT IN SÆCULA SÆCULORUM. Cum capite & rege suo Christo, tanquam hæredes Dei, & cohæredes Christi. Regnare enim creature rationalis, est diligere, & servire perfectè creatori suo.

6. ET DIXIT MIHI. Ne quisquam fortè dubitaret de tam incredibilibus divitijs, & delicijs cælestis illius civitatis. HÆC VERBA.

Omnia,

Omnia, quæ jam tibi narraui. FIDELISSIMA SVNT. Quibus meritò fidem adhibere oportet. ET VERA. Et sine ullo mendacio implenda. ET DOMINVS DEVS SPIRITVVM PROPHE TARVM. Christus Deus homo, qui Prophetis inspirat spiritus illos, quibus prophetant. MA- SIT ANGELVM SVVM. Me videlicet: est enim Angelus, qui loquitur. OSTENDERE, non tantum tibi, Iacques, sed SERVIS SVIS. Quibus S. Ioannes narraturus erat. Unde aliquoties supra iussu est hæc scribere, ut notitia transiret ad posteritatem, Apocal. 19. v. 9. Apocal. 21. v. 3. &c. QVÆ OPORTET FIERI CITO. Secundum mensuram, quâ Deus in dimetiendis rerum durationibus utitur, quæ est æternitas. Unde quod post aliquot annorum millia futurum est, citò fiet, quia omnia tempora ad illam mensuram æternitatis, tanquam punctum indivisibile ad longitudinem infinitam, se habent. Unde mille anni ante oculos tuos, tanquam dies hesternæ, quæ præterijt, Psalm. 89.

7. ET ECCE VENIO VELOCITER. Ego, quem dixisti misisse Angelum suum, jam jam venio citò ad iudicium universale. Ex abrupto, & more prophetico mutat personam, & Christum loquentem inducit. Unde hæc subaudiuntur verba illa solemnia Prophetarum, *Hæc dicit Dominus*, quando Deum loquentem inducunt. BEATVS, Hic in spe, postea reipsa, quando, beatæ illius civitatis civis fuerit. QVÆ CVSTODIT. Fide, quæ per dilectionem operatur. VERBA PROPHE TIÆ LIBRI HVIVS. Præcepta & consilia, quæ frequenter toto hoc libro intermiscuntur. Vide, quæ Apoc. 1. v. 3. diximus.

8. ET EGO IOANNES. Sum ille, Christi scilicet Apostolus & Evangelista, ne quis fortè fidem adhibere dubitet. QVÆ AUDIVI. Loquente intus mihi Angelo. ET VIDI HÆC. In imaginibus, quas Angelus imaginationi & menti meæ obiecit. Testimonio suo veritatem à se scriptam confirmat, sicut etiam in fine Evangelij sui Ioan. ult. v. 24. simile testimonium interponit. ET POSTQVAM AVDISSEM ET VIDISSEM. Præ lætitiis tantorum bonorum, nobis in cælis promissorum, in extasi quasi raptus. CECIDI, VT ADORAREM. Non cultu latriæ, ut Deum, sed dulciæ, ut Dei amicum. Sciebat enim S. Ioannes, Angelum non esse Deum: nec hic Angelus gerebat personam Dei, sicut Angeli illi, qui permiserunt se adorari in veteri Testamento, ut Gen. 18. v. 2. & alibi. ANTE PEDES ANGELI. Mos enim vetustus adorantium est, ad genua & pedes se prosternere, 4. Reg. 4. v. 37. & alijs sæpè.

9. ET DIXIT MIHI, VIDA NE FACERIS. Prohibet iterum se adorari

adorari, propter rationes, quas prima vice Apocal. 19. v. 10. retulimus. CONSERVVS ENIM TVVS SVM. Non autem decet conservum à conservo sibi honorari. ET FRATRVN TVORVM PROPHETARVM. Prophetæ autem in principio Ecclesiæ multi erant, quia donum Prophetiæ tunc erat inter prima illa charismata Spiritus sancti. ET BO-
 RVN, QUI SERVANT VERBA &c. Omnes enim isti sunt servi Dei, cui ego etiam servio, ac proinde illorum omnium conservus sum. DEVM ADORA. Si vis adorare, exerce potius actum nobilioris latræ erga Deum.

10. NE SIGNAVERIS VERBA PROPHETIÆ LIBRI HUIVS. Noli sigillare, & claudere hunc librum, sicut fieri solet quando à nemine debet legi. Nam licet liber iste sua obscuritate satis signatus, & clausus videri possit, multa tamen satis intelligibilia, maxime quando sunt præcepta morum, continet. Deinde S. Joannes multa obscura dicitur vivâ voce suis discipulis fuisse interpretatus. Unde Bedæ ex S. Dionysio Alexandrino narrat, quod cum quædam hæreses, S. Joanne adhuc vivente, ex Apocalypsis ejus obscuritate nate essent, eas redarguerit, & Prophetiæ suæ sensum, ab omni nubilo carnalis intelligentiæ purgatum, ad æterna & cælestia promissa transfulerit. Quod de hæresi Millenariorum maxime intelligendum videtur. TEMPVS ENIM PROPE EST. Tempus, quo illa fieri incipient, in proximo est, & proinde liber apertus maneat, ut omnes legere possint: quia prænovisse calamitates Ecclesiæ obventuras, & præmia reposita ijs, qui viriliter eas acceperint, supplicia ijs, qui succubuerint, utile est ad animandos Christi fideles.

11. QUI NOCET. Qui alteri injuriam infert, ut verbum græcum significat. NOCEAT ADHVC. Festinet adhuc nocere, quia tempus judicii non procul abest. Est ergo ironia; qualis, cum pater dicit puero peccanti: Fac, fac adhuc hoc, virga parata est. Unde phrasis ista, *Nocet adhuc*, non significat, Deum velle peccatum, sed permittere, & minari potius, si fiat. ET QUI IN SORDIIVS EST. In flagitijs, & spurcijs, quibus non proximo suo per injuriam, sed sibi ipsi nocet. SORDESCAT ADHVC. Permitto, ut pergat in nequitijs suis tempore illo modico, quod intercurrit, usque ad adventum judicis: sed va illi. ET QUI IVSTVS EST. Qui in proximum suum exercet justitiam, non auferens ei, sed reddens quod suum est. JUSTIFICETVR ADHVC. Crescat in illa justitiæ virtute. ET SANCIVS SANCIFICETVR ADHVC. Qui à magnis sordibus purus est, purificetur in dies magis, quia merces est in propinquo.

Justum

Justum opponit nocenti, & sanctum sordido. Cùm dicit, *iusficetur, & sanctificetur*, non est ampliùs ironia, sicut ante, sed adhortatio, quia materiæ diversitas illam diversitatem sensus postulat: sicut etiam in hac sententia Christi, *Aut facite arborem bonam, aut facite arborem malam*, Match. 12. v. 33. prout S. Augustinus eam interpretari solet.

12. ECCE VENIO CITO, ad iudicium: & hinc patet, quo sensu statim ante dixerit, *noceat adhuc*, &c. nempe ironicè, & comminatorie, non imperativè. ET MERCES MEA MECUM EST. Quam in omnipotentia mea, tanquam in manu gesto. REDDERE UNICUIQUE SECUNDUM OPERA SUA. Nocentibus & sordidis mortem, iustis & sanctis vitam æternam.

13. EGO SUM A ET Ω. Quod Apoc. 1. v. 8. & apoc. 21. v. 6. explicatum est: & S. Ioannes seipsum etiam explicat, PRIMVS ET NOVISSIMVS. Causa prima efficiens, & ultima finalis: unde se adhuc magis disertè exponens: PRINCIPIVM ET FINIS. Uti enim omnia flumina è mari exeunt, & in illud revertuntur, ita omne ens creatum à Deo efficienter emanat, & finaliter in ipsum recurrit: *Vniuersa enim propter semetipsum operatus est Dominus*, Prov. 16. v. 4.

14. BEATI, QUI LAVANT STOLAS SVAS. Mores, & conversationem huius vitæ, quibus homo, tanquam stolâ, seu tunicâ quâdam vestitur. IN SANGVINE AGNI. Per gratiam ex merito sanguinis Agni manantem: hæc enim solâ gratiâ maculæ morum, & conversationis humanæ ablui possunt. Vide, quæ de eadem sententia diximus Apocal. 7. v. 14.

Græci tamen hodie legunt, *Beati, qui faciunt mandata eius*: quod tamen in idem quoad sensum redit; qui enim faciunt mandata Dei, lavant, & dealbant per bona opera stolas suas in sanguine Agni.

UT SIT POTESTAS EORVM. Ut habeant potestatem & jus. IN LIGNO VITÆ. In lignum vitæ, seu, comedendi de fructu arboris vitæ, quæ est plantata in medio, & ex utraque parte fluminis civitatis calcitris, ut v. 2. narratum est. ET PER PORTAS. Per quas nihil coinquinatum, & stolâ maculosâ indutum, intrat, ut Apoc. 21. v. ult. dixit: INTRENT IN CIVITATEM. Ut ibi fructum ligni vitæ comedant, & cæli delicijs perfruantur.

15. FORIS CANES. Extra civitatem verò erant infideles, qui adversus Ecclesiam electorum latrant, & sanctos mordent. ET VENEFICI. Magi, arte diabolicâ venena miscentes, quales tempore S. Ioannis Ephesi, ubi ipse residere solebat, & in tota Asia minore plurimi erant, ut ex Act. 19. v. 19. colligi potest. Philosophia enim naturalis

Epheſi, & in reliqua Aſia tunc florebat, plantata olim à Philoſopho Anaxagora. Magiæ autem naturali, ut ſæpè ſolet, magia diabolica ſe miſcuerat. ET IMPUDICI. Græcè, *fornicatores*: ſed interpres vertit, *impudici*, ut ſignificaret, ſub fornicatione, omne genus carnalis impudicitiz in Scriptura ſolere comprehendī. ET HOMICIDÆ, ET IDOLIS SERVIENTES. Enumeratis hiſ, tanquam præcipuis peccatorum regnantium ſpeciebus, addit: ET OMNIS, QUI AMAT ET FACIT MENDACIUM: Et denique quiſquis grave aliquod ſcelus in quacumque materia patrat. Videtur enim hic, ut alibi non rard, *mendacium*, accipi generaliter, pro quocumque opere malo: ſicut *Veritas*, ſæpè in Scriptura accipi ſolet pro quocumque opere bono, ut Apoc. 21. v. ult. iterùm diximus.

16. EGO IESVS MIſI ANGELVM MEVM. Unde ſignificat, inquit Aretas, ſe eſſe Regem Angelorum. Iterùm, more prophetico, perſonam ſubitò mutat, & Chriſtum loquentem introducit, ut ſupra v. 7. TESTIFICARI VOBIS HÆC IN ECCLEſIIS. Ut notiſia eorum, quæ de præmijs bonorum, & de pœnis malorum Angelus narravit, à S. Ioanne ſcribente ad Eccleſiarum Prælatos, & deinde ad totum populum chriſtianum perveniret. EGO SUM RADIX. Ramus, qui de radice germinat, inquit Aretas: nam Hebræi, per metonymiam ramum vocant radicem, nomen cauſæ tribuentes eff. Qui. Undè, ut hoc indi- cat S. Ioannes, addit: ET GENVS DAVID. Progenies, ſive filius Davidis, & ramus ex illa radice. Ego ſum Meſſias, inquit, ex ſemine Davidis mundo promiſſas.

Beda tamen vult, Chriſtum vocare ſe *radicem*, quia eſt factor Davidis ſecundum Divinitatem; *genus*, autem, quatenus ex ſemine ejus factus ſecundum carnem. Vide quæ Apocal. 5. v. 5. dicta ſunt.

STELLA SPLENDIDA. Illuminans ignorantiz noctem, & omnem hominem venientem in hunc mundum. ET MARTINA. Quam Græci, *Bosphorum*, Latini Luciferum appellant, quia mane annuntiat diem, & mox oriturum Solem. Undè Chriſto nomen iſtud apè convenit, qui lumine fidei obſcuriori præcurrit, & annuntiat nobis clariffimum beatæ æternitatis diem. Poſteſt & alio ſenſu dici Lucifer, & ſtella martina, ſicut Apoc. 2. v. 28. explicavimus.

17. ET SPIRITVS ſanctus, ET SPONSA. S. Eccleſia Chriſti ſponſa. DICUNT. Orant, & deſiderant; Spiritus quidem per occuli deſiderij in cordibus fidelium inſpirationem, *Sponſa* per publicas Paſtorum Eccleſiæ orationes, quæ quotidie orat, *Adveniat regnum tuum. VENI.* Ad iudicium extremum & univerſale, ut electus fiat plena
retri-

retributio meritorum, & compleatur regnum tuum. **ET QUI AUDIT.** Et populus, qui audit orationes Pastorum Ecclesiæ, idem etiam oret, ac desiderium suum coniungens, **DICAT: VENI;** atque ita universa Ecclesia à maximo ad minimum, ultimum Christi adventum desideret. **ET QUI SITIT.** Aquam vitæ, seu fontis salientis in vitam æternam. **VENIAT,** quasi mihi obviam per fidem charitate animatam. **ET QUI VULT.** Cujus voluntas ex siti illa per desiderium efficax anhelat ad bibendum. Nec hoc adversatur Apostolo, quando dicit: *Non est volentis, nec currentis,* ad Rom. 9. v. 16. quia tantum significat, quod ipsa voluntas veniendi donetur à Deo, neque ad gratiam sine alia gratia curratur, ut S. Augustinus loquitur. **ACCIPIAT AQUAM VITÆ.** Gratiam, cujus potus tribuat bibenti vitæ immortalitatem. **GRATIS.** Nullis præcedentibus meritis, inquit Beda, quia ipsum velle Dei donum est.

18. CONTESTOR INIM. Protestor, & testificor. *Aræ & Ariz* Codices græci, *Contestor ego:* Angelus à Domino missus testificatus est supra v. 16. ego jam, quod sequitur, contestor. Quæ lectio verior videtur, quia per particulam, *enim*, nullius rei causa redditur. **OMNE AUDIENTI VERBA PROPHETIÆ LIBRI HUIUS.** Cujuscumque gradus & auctoritatis sit in Ecclesia. **SI QVIS APPOSVERIT AD HÆC.** Admiscendo, tanquam partem, Textui sacro, quod Scripturæ S. pars non est, mentiendo verba hominum esse verba Spiritus Sancti.

Hoc ergo dictum est, non contra eos, qui bonâ & simplici intentione verba Apocalypsis commentarijs apposis interpretantur, sed contra Scripturarum falsatores, ut Beda, & veteres passim intelligunt: nam statim ab initio Ecclesiæ, hæretici, addendo vel auferendo, Scripturas sacras pervertere, & ad suas hæreses accommodare cœperunt.

Ineptè ergo Sectarij ex hoc loco damnant Ecclesiasticas traditiones, quasi S. Ioannes velit, nihil credendum esse, nisi sit in Scriptura S. à Spiritu S. dictatum. Cum enim S. Ioannes de sola sua Apocalypsi loquatur, prohiberet etiam alias Scripturas S. apponi & credi, supra id, quod in Apocalypsi sua expresserat.

APPONET DAVS SUPER ILLVM. Imponet & infliget illi Deus: **PLAGAS SCRIPTAS IN LIBRO ISTO.** Non quidem omnes omnino, sed illas, quæ æternæ sunt, & omnium terribilissimæ, ut cum bestia, & bestia sequacibus crucietur igne & sulphure, Apoc. 14. v. 10. &c.

19. ET SI QVIS DIMINVERIT &c. Auferendo verba, & mutilando hujus Prophetiæ textum. Scriptura enim duobus modis,

T t 2

addendo

addendo scilicet, vel auferendo falsificatur. Imitatur autem S. Ioannes Moysen, *Non additis ad verbum hoc, nec auferetis etc.* Deut. 4. v. 2. AUFERET: DEVS PARTEM EIVS DE LIBRO VITÆ. Delebit nomen ejus de libro vitæ, & consequenter auferet ab ipso jus, quod per gratiam habebat ad partem hæreditatis vitæ æternæ. Duobus autem modis scribitur aliquis in libro vitæ, scilicet per prædestinationem divinam, vel per gratiam: inscripti per gratiam deleri possunt, non qui per prædestinationem inscribuntur, ut docet D. Thom. 1. p. q. 24. art. 3. ET DE CIVITATE SANCTA. Et auferet etiam partem, & jus, quod habebat, ut fieret civis cælestis Jerusalem. ET DE HIS, QUÆ SCRIPTA SUNT IN LIBRO ISTO. Et partem ejus auferet de præmijs Beatorum, quæ scripta sunt duobus potissimum ultimis capitibus hujus Apocalypsis.

20. Dicit, QUI TESTIMONIUM PERHIBET ISTORVM: Dicit Christus Veritas ipsa, qui per Angelum suum testificatus est omnia, quæ scripta sunt in hoc libro, ut supra v. 16. ETIAM (græcè, *naï.*) VENIO. CITO. Sanè non diu morabor, sed brevi ad judicium venturus sum. Et Christo hoc promittenti respondet Ioannes, AMEN. O ita fiat. VENI DOMINE IESV. Non quasi S. Ioannes in decrepita iam & extrema senectute speraverit ante mortem videre adventum Christi ad judicium universale, sed quia mori brevi sperabat, & videre Iudicem in iudicio particulari, per quod quodammodo inchoatur iudicium universale; cum iudicium universale non sit, nisi generalis, & solempnis quædam omnium iudiciorum particularium recapitulatio.

21. GRATIA DOMINI NOSTRI IESV CHRISTI. Gratiam tam sanctificantem, quam auxilium illud gratiæ Christi ad singulos actus bonos: necessarium ijs apprecatur. CVM OMNIBVS VOBIS AMEN. Alloquitur septem illos Ecclesiarum Aſiæ Episcopos, quorum virtutes laudat, & vitia taxat tribus primis Apocalypsis capitibus. Illis enim proximè, & per ipsos toti Ecclesiæ hunc Apocalypsis librum, tanquam epistolam mittit. Imitatur autem S. Paulum, qui simili gratiæ appreciationis clausulâ omnes epistolas suas, & iisdem omnino verbis epistolam secundam ad Thessalonicenses claudit.



INDEX

I N D E X.

Numerus prior denotat Caput Apocalypseos; alter
versum ejusdem Capituli; §. Paragraphum
versus.

A.

Adotantur mos antiquus, 22. 8. §. 1.
Adorare unde dicatur, 4. 16. §. 2.
Ægyptus maxime dedita idololatrijs,
11. 8. §. 3.
Ægyptij siti miserè suffocati, 16. 6. §. 1.
Æternitas quid sit, 4. 9. §. 3.
Albus color, Cæli color, 19. 11. §. 1.
Alexander Magnus victorij affluens, 13. 2.
§. 1.
Alleluia quid significet, 19. 1. §. 1. & seq.
cur à Sepuagesima usque ad Pascha non
canitur, ibid.
Amen quid sit, 1. 6. §. 4. vid. Nc. item 3.
14. §. 1.
Amethystus lapis, 21. 20. §. 19.
S. Andreas similis Sapphiro, 21. 19. §. 6.
Angelorum 7. nomina, & eorum etymolo-
gia, 4. 1. §. 6. & seq.
Angeli Episcopos significant, 1. 20. §. 2.
7. principes, 7. spiritus, 7. oculos, 1. 4.
§. 6. & seqq.
7. cornua, 5. 6. §. 1. & seqq.
satellites ante Thronum Dei, 4. 5. §. 5.
lampades ardentes, ibid.
per illos 7. Deus inferiorem Mundum gu-
bernat, 12. 1. §. 1.
non sunt redempti sanguine Agni, 4. 8. §. 3.
Angelorum numerus maximus, 5. 11. §. 2.
nominibus proprijs carent, 12. 7. §. 8.
Angeli boni imperant malis, 7. 3. §. 1.
Angeli tam boni quam mali, apparentes
hominibus, eos confirmare primum so-
lent, sed diversimodè, 11. 17. §. 1.
Angeli post Verbi incarnationem non
permittunt se adorari ab hominibus,
10. 10. §. 4.
eos sæpe laient futura contingentia, 5. 2.
§. 2.
Angelus græcè Nuntius, 1. 20. §. 2.
assistit Sacerdori sacrificanti, 8. 4. §. 3.
Angelus Ephesi Ecclesiæ, idem quod Archi-
episcopus Ephesus, 2. 1. §. 1. qui putatur
Onesimus, 3. 4. §. 2.
Antichristus ex Tribu Dan, 7. 8. §. 4.
Ubi nasciturus, 9. 14. §. 3.

quandiu regnaturus, 11. 2. §. 1. item
11. 3. §. 10.
Residebit Jerosolyme, 11. 8. §. 1. & seqq.
expugnabit Romanum Imperium, 12. 3.
§. 1. & seqq.
omnem diaboli virtutem suscipiet, ibid.
§. 2.
interficietur à Christo, 19. 20. §. 1. & seqq.
Antichristiani 3. signis distinguuntur à Chri-
stianis, 14. 11. §. 3.
Antiochus fuit typos Antichristi, 20. 8. §. 3.
Antipas illustrissimus Martyr, 1. 13. §. 1. &
seqq.
Aperite ostium Fidei, 3. 8. §. 3.
Apocalypsis quid significet, 1. 1. §. 1.
A quo, ubi, & quando scripta, vid. proce-
mium, item, 1. 1. §. 1.
argumentum ejus. vid. proemium, item,
1. 3. §. 1.
à nemine perfectè intelligitur, 4. §. 1.
in multis similis Prophetis Ezechielis,
10. 10. §. 2.
Apollonius Tyanæus Philosophus & magnus,
1. 9. §. 2.
Apostoliceque Zabulonitæ, aut Nephta-
litæ, 7. 8. §. 2.
non semper accipiuntur pro 12. illis tan-
tùm, quos sibi Christus adjunxit, 1. 10.
§. 2.
Portæ & margaritæ Cæli, 21. 21. §. 1. &
seqq.
Aqua est optimum, 14. 7. §. 1.
Aqua vitæ, æterna beatitudo, 2. 1. 6. §. 1.
Arca Testamenti, unde dicta, 11. 19. §. 2.
Archidiaconi oculi Episcoporum, 3. 6. §. 7.
Armagedon qualis locus, 16. 16. §. 1. &
seqq.
Asia multiplex, 1. 4. §. 3.
Præbuit domicilium B. Virgini, 1. 9. §. 1.
à Turcis attrita propter peccata, 2. 22.
§. 4.
Asiani & Græci eadem lingua uenerunt,
10. 11. §. 4.
S. Augustini doctrina humilis & humilitas,
10. 6. §. 6.
Autichaleum æs præstantissimum, 1. 15.
§. 1.

modò non reperitur. *ibid.*
 Auris audiendi, gratia donum. 2. 7. §. 1.
 Aurum Charitatem significat, 1. 1. §. 10.

B

Babylon confusionem significat, 14. 8.
 1. 2.
 aliquando Romam, *ibid.* §. 2.
 putatur principium Idololatriæ dedisse, 17.
 §. 3.
 Bajazetes victus à Tamberlane. 9. 16. §. 1.
 Balaam Pseudopropheta. 2. 14. §. 2.
 Baptismus mæte rubrum. 15. 3. §. 1.
 S. Bartholomæus comparatur Sardo, 21. 20.
 §. 6.
 Basilides hereticus, 2. 2. §. 3.
 Beryllus lapis, & ejus virtus, 21. 20. §. 2.
 Blasphemia quid sit, 2. 9. §. 2.
 Bombardarum usus resuitor apud Chinen-
 ses & Japonæ, 9. 17. §. 3.
 Borri sepe peccatores significant, 14. 13. §. 1.
 Byssus delicatissimum genus lini, 11. 1. §. 1.
 item, 12. 1. §. 1.
 quid significet, *ibid.*

C

CAdere in faciem, olim ritus adoran-
 tium, 7. 11. §. 1.
 Cælum quid, §. 13. §. 1.
 variè accipitur, 6. 12. §. 4.
 Cælorum motus, peracto Judicio, cessa-
 bunt, 10. 6. §. 1.
 Cæli, etiam lyderei, igne conflagratio-
 nis liquandi & purgandi, 20. 11. §. 2.
 Cælum totum instar Templi, 21. 22. §. 2.
 Calceus candidus, suffragium favorabile, 2.
 17. §. 4.
 Calix duplex, 14. 1. §. 5.
 Candelabra Ecclesiæ designant, 2. 12. §. 2.
 & seqq. item, 2. 10. §. 4. cur aurea, *ibid.*
 candelabra 7. accenduntur Romano Pon-
 tificæ solemniter celebrante, 1. 13. §. 4.
 3. Carpas Episcopus Thyatirensis, 2. 13. §. 1.
 Cetimus Gnosticus, 2. 4. §. 1.
 ejus hæresis, 20. 6. §. 4.
 Chalcedonius lapis, 21. 19. §. 7.
 Charitas instar flammæ æthæra & mobilis, 1.
 19. §. 1.
 sine ea nullum opus verè bonum, 1. 2. §. 4.
 Virtutum Princeps, 3. 15. §. 1.
 Charitas prima sanctificans quomodo ac-
 quiratur, *ibid.* §. 2.
 radix 7. donorum spiritus sancti, 4. 5. §. 6.

Christi anima statim 1. primo instanti conce-
 ptionis plena fuit scientiâ rerum futura-
 rum, 1. 1. §. 1.
 Christi oculi flammæ, 2. 18. §. 2.
 Christus ad Iudicium descendet in nubibus,
 1. 7. §. 1.
 agnus, 5. 6. §. 1. & seqq.
 Alpha & Omega, 1. 8. §. 1. & seqq. item
 1. 17. §. 1.
 Altare, 6. 9. §. 2. & seqq.
 apparuit Joanni ut Sacerdos & Judex, 1.
 16. §. 2.
 ab ipso initium justitiæ, 1. 14. §. 4.
 Arca Testamenti, 11. 19. §. 2.
 dilexit nos adhuc peccato deformes, ut
 Sanguine suo immos faceret, 1. 5. §.
 1. & seqq.
 duplicem habet potestatem, 2. 21. §. 1.
 duo Regna, 11. 17. §. 3.
 Leo, 5. 5. §. 1.
 Lignum Vitæ, 2. 7. §. 2.
 Margarita pretiosa, 21. 21. §. 1.
 non habuit fomitem carnis, 1. 21. §. 5.
 Nomen Dominus, illi in novo Testamen-
 to plerumque tribuitur, 22. 5. §. 3.
 Primogenitus mortuorum, 1. 5. §. 2.
 Princeps Regum terræ, etiam ut homo, 1.
 5. §. 4.
 ponitur, 7. Spiritibus, & quare, 1. 5. §. 2.
 specialiter regnat in Sanctis, 15. 3. §. 1.
 Sol, 1. 16. §. 10.
 Stella matutina, 2. 23. §. 1. & seqq. item
 22. 16. §. 3.
 Testis fidelis, 1. 5. §. 2.
 Verus Pastor, 7. 17. §. 1.
 ut homini data est ei omnis potestas in
 Cælo & in terrâ, 14. 14. §. 1.
 Christiani metaphoricè Sacerdotes, 1. 6. §. 2.
 sunt tamen etiam propriè dicti, *ibid.* §. 3.
 Christiani veri Judæi, 2. 9. §. 4.
 Christianorum opes, præda Judæorum infi-
 delium, 2. 9. §. 1.
 Christianorum veræ divitiæ, *ibid.*
 Christianorum persecutiones principales de-
 cem, 2. 10. §. 1. item, 6. 4. §. 3.
 Chrysolitus lapis, 21. 20. §. 2.
 Chrysophrasus lapis, 21. 20. §. 1.
 Cilicium quid sit, 11. 1. §. 11.
 Clavis potestatem significat, 3. 7. §. 4. & seqq.
 Cleopatæ margarita pretiosissima, 21. 21. §. 2.
 Coccum quid sit, 17. 3. §. 1.
 Corna quid græcè, 1. 20. §. 2.
 Collyrium salubre oculis, 3. 13. §. 5. & seqq.
 Columna S. Præstium significat, 2. 12. §. 1.
 & seqq.
 Commune apud Judæos sumitur pro im-
 mundo, 21. 27. §. 1.

Con-

IN APOCALYPSIN.

Constantinopolis septicollis, 17. 9. §. 1.
 mercimonijs diuifima ibid.
 videtur immortalis ibid.
 olim nova Roma, ibid.
 expugnata 2 Mahumete, 18. 19. §. 5.
 sedes Romani Imperij ibid.
 Plena lucernarum, 18. 23. §. 2.
 Constantius Imperator Arianorum Patronus
 6. 6. §. 1.
 Crux Christi, clavis Christi, 7. 7. §. 7.
 Cryftallum vitrum duriffimum, 4. 6. §. 2.
 Cynnammomum quid fit, 18. 13. §. 1.
 Cythara mortificationem fignificat, 21. 8. §. 1.
 3: item 15. 3. §. 1.

D

Demonēs ire poffunt quocumque ho-
 mines afcendunt, 12. 2. §. 1.
 obediunt magis, 16. 13. §. 1.
 funt inftar ranarum ibid.
 Demonijs accusatio eft in malum præcipita-
 tio, 12. 10. §. 1.
 quanto plus deficiunt, tanto magis perfe-
 quuntur, 12. 13. §. 1.
 Damnarum peccata non remittuntur, 14. 11.
 §. 1.
 Memores erunt artium in quibus deliqu-
 erint, 18. 22. §. 1.
 pro diuerfitate criminum diuerfimodè pun-
 nientur, 16. 6. §. 2.
 Decies, id eft valde fepè, 2. 10. §. 1. vid. nu-
 merus.
 Denarius quid fit, 6. 6. §. 3.
 Deus quomodo venire dicitur, 2. 5. §. 4.
 Dei voluntas in beatis, 2. 17. §. 5.
 ferutans corda & renes, 2. 23. §. 1.
 vita animæ, 3. 1. §. 4.
 in Cælo fedit, 4. 3. §. 1.
 Dei iudicia dulcia, 10. 10. §. 1.
 iufta & vera, 16. 7. §. 1.
 Deo gloriam dare, 16. 2. §. 2.
 Veniet ficut fur, 16. 15. §. 1.
 non fuprà, fed infra id quod iuftum eft,
 punit, 18. 6. §. 1.
 A & O 2. L. 6. §. 1.
 fons aquæ vitæ, ibid.
 Diabolus calumniator, 12. 9. §. 3.
 Diadema quid fit, 19. 12. §. 1.
 Dianæ Templum ftabat adhuc tempore Apo-
 ftolorum, 2. 11. §. 2.
 nunc receptaculum latronum, 18. 2. §. 3.
 Dies aliquando pro annis, 2. 10. §. 1.
 Dioctletianus fœvit in Chriftianis, 6. 4. §. 7.
 Divitiz Chriftianorum, 2. 9. §. 1.
 Docens prava & doceri permitrens pari re-
 tu tentatur, 2. 16. §. 3.

Doctores Ecclefia comparantur 4. animal-
 bus, 4. 8. §. 4.
 etiam navibus, 3. 9. §. 5.
 Dominica dies dicta antequàm dies Solis di-
 ceretur, 1. 10. §. 1.
 Draco fpecies ferpentis, 12. 15. §. 1.
 Dulix cultus Angelorum & hominum, 19.
 10. §. 1.

E

Ebion hereticus, a. 2. §. 8.
 Ecclefia unde dicta, 2. 9. §. 4.
 Cur hoc nomen Chriftianis conve-
 niat, ibid.
 Ecclefia Regnum Chrifti, 1. 6. §. 1.
 Ecclefia militans Cælum dicitur, 4. 1. §. 4.
 Ecclefia dicitur mare, 2. 9. §. 3.
 domus David, 3. 7. §. 3.
 Comparatur mulieri amicta fole, 12. 1. §. 3.
 Ecclefie Sponsalia, & Nuptij cum Chriftis
 19. 7. §. 1. & feqq.
 Ecclefia quid pluraliter, 1. 4. §. 1.
 Electio ad gloriam facta ante prævifa meritis,
 9. 11. §. 5. & feq. item, 21. 6. §. 3.
 Electi aliqui cum corpore & anima re-
 pientur ad Deum, 12. 5. §. 1.
 Electis omnia cooperantur in bonum, 19.
 5. §. 1.
 Electi Reges terræ, 1. 5. §. 4.
 iudices mundi, non tamen omnes, 1. 21.
 §. 1.
 Sacerdotes, 5. 10. §. 1.
 Elementis fingulis prehendit aliquis Angelus
 principalis, 14. 18. §. 1.
 Elias Præcurfor Antichrifti, 11. 3. §. 2.
 An fit in ftatu merendi, ibid. §. 7.
 quamdiu prædicabit, ibid. §. 9. & feq.
 vocatur Oliva, 11. 4. §. 1.
 candelabrum, ibid.
 ejus potestas, 11. 5. §. 1. & feqq.
 martyrium, 11. 7. §. 1. & feq.
 refurrectio & afcendus in Cælum, 11. 11. §. 1.
 & feqq.
 Ephelus Metropolis Afie. Magis & Philofo-
 phis celeberrima, 1. 11. §. 2.
 Epifcopi Ecclefie vocantur ftele, 1. 16. §. 3.
 item, 1. 20. §. 1.
 Angeli, 1. 20. §. 5.
 fpeciali curâ à Deo gubernantur, 2. 1. §. 9.
 Epiftole S. Pauli verbis numeratz 1. 11. §. 1.
 Effe, proprium Deo, 1. 4. §. 4. & feq. item, 4. 8.
 §. 20.
 Et pro aut, 1. 3. §. 1.
 aliquando pro, id eft, 4. 1. §. 1.
 aliquando pro, quia 1. 13. §. 1.
 Evangeliftarum idem omnium eft Euange-
 lium, 15. 7. §. 1.

Evangelizare quid sit, 10. 7. § 1. *apoc.*
 Evangelizæ cur comparatur 4. *animali-*
buz. 4. § 7. & seqq.
 Evangelia cytharis. 1. 8. § 2
 Eucharistia propriè gratiarum actionem si-
 gnificat. 4. 9. § 3
 Eurates fluvius magnus, 2. 14. § 1
 maiori sanguinis, quàm aquæ abundantia
 fluxit, 9. 16. § 1
 quare dicatur fluvius Chobar, 16. 1. § 1.
 Exultare quid sit, 19. 7. § 1

F

Emore posteritas seminis designatur,
 19. 6. § 1.
 Filius hominis apud Hebræos idem quod
 homo, 1. 13. § 1
 Forum omne gramen significat, 8. 7. § 3
 Fornicatio etiam idololatriam significat, 14:
 8. § 4.
 Omne genus impudicitie comprehendit,
 22. 5. § 1
 non toleranda, 2. 16. § 3. & seq.
 Fornicator non tantum in animam, sed et-
 iam in corpus suum peccat, 14. 4. § 1.

G

Galli Celæ terræ morum non curant, 8.
 5. § 3
 Gaudium differt à lætitia, 1. 10. § 1
 Gentium nomine etiam Iudæi designantur,
 2. 16. § 1
 gentium populi vocantur aquæ, 17: 1. § 1.
 Item, 17: 15. § 1
 Gloria quid sit, 2. 12. § 1
 Gossicorum Secta, 2. 2. § 3
 primò Nicolaitæ, 2. 6. § 2
 Gog Princeps Terrarum aſſecta Antichri-
 ſti, 20. 7. § 1. & seqq.
 Gumbo maxima in fine Mundi, 16: 21. § 1
 Gratiæ Dei etiam durissima corda statim
 emollit, 3: 8. § 4
 Præcipua causa omnis victoriæ nostræ, 3:
 23. § 5
 non est pedissequa liberi *arbitrij.* 4. 10. § 3
 Gratiæ efficaci signantur electi, 7: 3. § 4
 Gratiæ sanctificans vestis candida, 16. 15.
 § 3:
 ad gratiam non sine gratiâ accedit, 22: 17:
 § 1: vide Lex.

H

Hæc Garchæ præcipui, 6. 5. * 8
 Hæretici similes scorpionibus, 9. 10.
 2.
 Heli quare punitur, 2. 16. * 4
 Heliogabalus sumptuosus, 18. 12. * 1.
 Henoch præcurſor Antichriſti, 1. 1. § 5. vide
 Elias.
 Homines obſcuri & ignobiles ſoleat terræ fi-
 lii appellati, 13. 11. * 1.
 Honor differt à gloria, 4. 9. § 2.
 Hyacinthina veſtis quid olim in Iudæis, quid
 nunc in Episcopis ſignificet, 1. 13. * 7.
 Hyacinthus lapis, 21. 20. * 16.

I

Jacobus Major comparatur Chalcedo-
 nio, 21. 19. * 8.
 S. Jacobus Alphaei ſive Minor compa-
 ratur Topazio, 21. 20. * 13.
 Eius ſanctitas, ibid.
 Iaspis lapis, 4. 3. * 1.
 diverſi coloris, 20. 11. * 1. item 21. 19. * 2
 Iberi Aſiæ populi, 20. 7. * 2.
 Idololatria ubi maxime viget, 9. 20. * 1.
 Exultat ab Europæ, ibid.
 Idololatriæ principium in Babylone, 17. 5.
 * 3.
 Idololatriæ nulli ferè in Oriente præter Chi-
 nenſes, 18. 19. § 3.
 Idololatria quid ſint, & an liceat aliquando
 ſumere, 20. 20. § 8.
 Ieroſolymorum excidium, excidiſi Mundi ſi-
 gura ſunt, 10. 3. § 2
 Ieroſolyma Regia Antichriſti in 3. partes
 diſſcindetur terræ motu, 16. 19. § 1
 Iezabel fornicatrix dupliciter, 2. 21. § 3
 ignis elementum maxime activum, 14. 10.
 § 2
 ignis infernalis propidium lumen habebit,
 14. 11. § 1
 Infantes ſine baptiſmo mortui in Iudicio ju-
 dicandi juxta aliquos 20. 13. § 2
 etiam dampnandi, 20. 15. § 1
 Infernus in centio terræ, 14. 20. § 1
 ejus capacitas, ibid. § 6. & ſeqq.
 Infernus aliquando diabolum ſignificat, 1:
 13. § 4.
 Inſula omnis terræ motu abſorbebitur 16. 29.
 § 1
 S. Ioannes, Apoſtolus & Patriarcha Aſiæ mi-
 noris, 1. 11. § 2. item, 2. 20. § 1
 Prophetæ

- Propheta Novi Testamenti, 6. 2. § 3
maximè in Euangelio suo, 10. 11. § 3
inter Martyres habetur, 10. 11. § 6
comparatur Smaragdo, 2. 19. § 10.
Iris signum pacis, 4. 3. § 7. Item 10. 1. § 3
Ite Milla est, quid significet, 1. 4. § 3
Iudæus quid significet, 2. 9. § 2 & seq.
Iudæi dispersi, 2. 9. § 4
maximi persecutores Christianorum, 2. 12. § 2
Iudæi subjecti Romanis, eorum idololatriciam nullatenus admittebant, 17. 2. § 2.
Iudæi mancipia sua statim circumcidunt & Religioni suæ adscribunt, 18. 13. § 5
Iudæorum reliquæ salvabuntur, 4. 2. § 4
item 19. 3. § 2
quando jurabant, manus in Cælum tollere 10. 5. § 1
eos imitantur laici ibid.
3. Judas Jacobi comparatur hyacintho lapidi, 21. 20. § 17
Judicium extremum quare prope, 1. 1. § 4
judicio particulati inchoatur quodammodo judicium generale 23. 20. § 3
in die judicii omnes apparebunt coram iudice, sed non omnes adorabunt, 11. 4. § 3
in illo manifestabitur quàm iustè omnia pene judicia Dei nos lateant, ibid. § 5
Iumentum à jovando, 18. 13. § 4
Iustificatio non est pæna peccatorum ablutio, 7. 14. § 1
Iusticiæ Dei misericordia comes, 2. 23. § 1

L

- Laetitia differt à gaudio, 11. 10. § 1.
Laodicia Urbs Phrygiæ celeberrima, 1. 11. § 6
Leonis caput validissimum, 13. 2. § 1
Lex vetus gratiam renovantem non tribuebat, 1. 12. § 8
Liber vitæ quid, 1. 5. § 1
dupliciter in eo quis scribi potest, ibid. item 22. 10. § 1
unde manarit, 13. 1. § 2
Libri quid propriè, 1. 1. § 1
Lignum vitæ Christus, 2. 7. § 3. & seq.
quid adhuc significet, ibid.
Linea vestis mortificationem significet, 19. 6. § 4
Locustarum dentes fortissimi, 9. 3. § 3
Luna, pæna iudicio, habet, 10. 6. § 1
Lutherani à concione reduces quasi ignem oculis ac ore spirant, 9. 19. § 3
similes locustis, 9. 21. § 4

Lutherus qualis, 9. 21. § 1
multarum hæcesum author, ibid.

M

- Machabæi fuerunt figura Christianorum, 20. 3. § 3.
Magi pluri in Ephesi & in Asia minore tempore S. Joannis, 21. 15. § 1
Magos Princeps Schyazarum, allecia Antichristi, 20. 7. § 1. & seqq.
Mahometis secta latissimè sparsa, 6. 1. § 5. & seqq.
inftar Pardi, varie colore maculosa, 12. 18. § 10.
ejus origo, ibid.
durabit uique ad tempora Antichristi, 11. 2. § 3.
non aliud summum bonum quàm voluptatem carnalem agnoscit, 11. 18. § 13.
Mahometani mancipia sua statim circumcidunt, & Religioni suæ adscribunt, 18. 13. § 5.
maximè delectantur nocturnis commestationibus, 18. 23. § 2.
Malorum supplicium sæpius, quàm bonorum præmium proponit Deus, 2. 13. § 2.
Mamillas præcingere quid significet, 1. 12. § 9. Item, 15. 6. § 1.
Manna absconditum Christus, 1. 17. § 1.
Etiam ejus Humanitas in Eucharistia, ibid. § 3.
Manus est symbolum operis, 14. 9. § 1
Margarita quid propriè, 17. 4. § 1
B. V. Maria dicitur mulier amicta Sole, 12. 1. § 6.
Martyrum corpora sepeliebantur olim sub Altaribus, 6. 9. § 4.
S. Matthæus Chrysolitro comparatur, 21. 20. § 7.
S. Matthias Amethysto, 21. 20. § 19.
Maximianus servit in Christianos, 6. 4. § 7.
Mendaces maximè perniciosi, 21. 8. § 11.
Mendacium sæpè pro omni specie peccati ponitur, 21. 27. § 1.
Mensura tritici quid sit, 6. 6. § 1.
Mercatura hodie in usu apud Principes Italia, 18. 23. § 1.
olim apud Senatores Romanos, ibid.
Merita nostra, Munera Dei, 4. 10. § 3.
Messis, consummatio sæculi est, 14. 15. § 1.
S. Michael præfides Ecclesiæ, 12. 7. § 3: vide Angelus.
Mille numerum valde magnam significat, 20. 2. § 1.
Milliare italicum, 14. 20. § 1.
Milites

Milites tyrones olim stigmatē sui Imperatoris notabantur, 13. 16. * 1.

Missa unde dista, 1. 4. * 3.

Mons omnis terrę motu absorbebitur, 16. 20. * 1.

Montanistę faciebant mulieres Sacerdotes, 2. 20. * 6.

Mors prima & secunda, 1. 11. * 1. item, 2. 1. * 1.

Mortui resurgent in eā magnitudine, & statūrā, quam habuerunt aut habituri fuerant circā annum etatis suę 30. aut 13. 20. 12. * 1.

Mortuum vere suscitare, solius divinę est potestatis, 13. 3. * 1.

Mundi status ultimus qualis futurus, 9. 21. * 1.

Mandi dilectores vocantur mundus, 13. 3. * 1.

Mundus propter electos colligendos creatus est, 14. 15. * 1.

Myrias quid sit, 9. 16. * 1.

N

N. E. gręce; amen hebraicę, 1. 7. * 1.

Nemrod putatur Jupiter, 17. 5. * 1.

Nestori; hæresis, 5. 12. * 1.

Nicæna Synodus ab Arianis damnata, 6. 16. * 1.

Nicolaitę hæretici à Nicolao Diacono quomodo hæresim inchoarint, 2. 6. * 1.

Nox & dies omne tempus complectuntur, 14. 21. * 1.

Numerus denarius multitudinem insignem significat, 2. 10. * 1.

duodenarius universitatem, 4. 4. * 1.

septenarius vide 1. 4. * 1. item, 11. * 1.

numerus 144. est numerus perfectionis, 7. 4. * 6.

Numerus salvandorum formaliter est determinatus, 3. 11. * 4.

O

Ocidentis Imperium à Constantino politico divisum, 18. 19. * 5.

Oncimus Archiepiscopus Ephesinus, 2. 4. * 1.

Opera sola sequuntur mortuos, 14. 13. * 1.

Orandum semper, 2. 7. * 1.

Orientalium populorum innoximi semper exercitus, 9. 16. * 1.

tela & gladijs veneno solum inficere, 9. 19. * 1.

Os gladij quid sit, 1. 16. * 1.

P

Alma signum victorię, 7. 9. * 6.

Paradisus non superest, 11. 3. * 6.

Pardus quale animal, 13. 3. * 1.

ejus femina Panthęra, ibid.

Pastores Ecclesię, vid. Episcopi.

Pathmos insula, 1. 9. * 1.

abundat metallis, ibid.

Pax Christi quid sit, 1. 5. * 1.

Peccatum mors, 2. 11. * 1.

abstinere ab opere externo peccati, principium penitentię, 9. 20. * 1.

Peccator evomitur ex ore Christi, 1. 16. * 5.

peccatores quandoque corrigendi, quandoque suslinendi, 2. 2. * 2.

à Deo diliguntur; non peccata, 2. 6. * 3.

licitum est pro ijs orare ut suo tempore iustitiz puniantur, 3. 1. * 3.

Pelagius Hæresiarca, 5. 11. * 2.

Pergamum Urbis Troadis, unde choro paraganica, 1. 11. * 4.

sedes Satana, 3. 11. * 2. & 5.

Perseverantię donum non cadit sub merito de condigno, 3. 12. * 4.

S. Petros comparatur Iaspidi, 2. 19. * 1.

Phalaris Tyrannus, 2. 11. * 4.

Phiala quid sit, 1. 9. * 3.

Philadelphia Urbis in Mydide & Lydię finibus sita, 1. 11. * 4.

item alia in Syria; vici Jordanem, ibid.

S. Philippus comparatur Sardonychi, 2. 19. * 1. & seqq.

Poderes qualis vestis, 1. 13. * 5.

Penitentię spiritus à Deo datur, 2. 21. * 1.

Polytarpus Sinymenus Episcopus, 3. 8. * 1.

Populus quid, 5. 9. * 4.

Predestinatorum certus numerus, 6. 11. * 5.

Predestinationis beneficium excellens in hominibus quàm in Angelis, 7. 10. * 2.

Presbiteris Ecclesię non semper inhærendum contemplationi, 1. 10. * 2.

Prophetare quid, ibid. 11. * 2.

in novo Testamento generalius accipitur, 18. 20. * 3.

Pulvis bombardius unde fiat, 9. 17. * 1.

Rai vis super caput sparsus, olim signum doloris, 13. 19. * 1.

Purgatori; animę tranquillo animo penes totient, 14. 13. * 5.

Purpura unde, 18. 12. * 1.

IN APOCALYPSIN

Q

Quadratus Athenarum Episcopus persecutionem sedat, 3. 7. *
Quasi aliquando non similitudinem, sed veritatem significat, 14. 1. *

R

Ramus apud Hebræos pro radice ponitur, 22. 16. *
Raptus non tam violentam quam celeritatem significat, 12. 5. *
Regnare creaturæ rationalis quid sit, 21. 9. *
Religiosi conparantur stellis, 1. 12. *
Respicere non est idem quod ponere, 2. 5. *
Rheda quid sit, 1. 13. *
Roma 16. milliariis italiciis distat à mari, 18. 18. *
olim luxurij dedita, in fine mundi iterum erit, 17. 4. *
Roma & Babylon sibi simillime, 17. 5. *
& seq.
aliquando Babylon dicitur, 14. 8. *
Septicollis, 17. 9. *
habet 7. diversa Regimina, 17. 9. *
sub Chabris erit usque ad Antichristum, 17. 10. *
Romani delictiosi, 18. 3. *
olim lacunaria, parietes, menses & lectos aureis laminis fabricabant, 18. 1. *
Roma nova in Thracia ædificata à Constantino magno, 19. 19. *

S

Sacramentum res arcana, 1. 20. *
Vinum & oleum, 6. 6. *
Sæcula sæculorum quid significet, 10. 6. *
Sancti cum Christo iudicabunt, 2. 26. *
item 2. 27. *
Sanctorum animæ requiescunt in Corpore Christi, 6. 9. *
anhelant unionem corporum, ibid. *
semper exaudivunt, 6. 1. *
videbunt poenas damnatorum, 14. 10. *
Sanctorum numerus maxime ex gentibus, 22. 2. *
in omnibus quaerunt gloriam Dei, 12. 17. *
Sanctorum delectatio semper recens, 22. 2. *
Sancti quo majores, eo profundius se habent

milant, 19. 4. *
Sanctorum prandium in hoc sæculo, comest in futuro, 19. 9. *
quò quisque sanctior, tanto ejus in orando fetus uberior, 11. 4. *
Sanctus unde dictus, 4. 1. *
Sanctum Sanctorum, sanctissima pars Templi Salomonis, 11. 19. *
Sanguis sæpe pro peccato, 1. 8. *
Sapiens solus dives, 2. 9. *
Semper gaudet, nunquam lætatur secundum Stoicos, 11. 10. *
Sapphirus lapis valde medicinalis, 21. 19. *
Sardis Vrbs Lydiæ præcipua, 1. 11. *
Sardius lapis ruber, 4. 3. *
Ejus virtus, 21. 20. *
Sardonyx lapis, 21. 20. *
Sarissæ Macedonicæ quàm longæ, 9. 19. *
Saranas advei sarius, 12. 9. *
Scripturarum obscuritas divinitus proposita, & quare, 1. 1. *
earum utilitas, 1. 3. *
Scripturarum doctrina primò dulcis, post amara, 10. 10. *
Scripturæ libi qualiter tractandi, 10. 8. *
Scripturæ in steratè divinarum Scripturarum pensanda, 1. 3. *
Scorpiones præsertim in Africa, 9. 9. *
maximè fixiunt in æstatè, 9. 10. *
Semipelagianorum error de parvulis damnaris propter opera, quæ prævidebat Deus eos facturos si supervivissent, 14. 1. *
Seneca mercaturæ dives, 18. 21. *
Septem, vide Numerus septenarius, 7. *
Septentrionalium validissimè exercitus, 20. 7. *
Sericum unde, 18. 12. *
Sergarius Tungrorum Episcopus contra Arianos, 6. 6. *
Servi olim stigmati, 7. 2. *
Simila quid sit, 18. 13. *
Simon Chananzus comparatur Chryso-phra, 21. 20. *
Sion speculum aut speculationem significat, 14. 1. *
Smaragdus viridis coloris gemma, 4. 3. *
ejus proprietas, 21. 19. *
Smyrna Ionix clarissima civitas, 2. 11. *
ædificata ab Amazontibus, ibid.
Sol, peracto iudicio stabit, 10. 6. *
Solitudo doctrinæ Cælestis schola, 1. 10. *
Stella quedam in Germaniâ ad terram decedens rivum ebibit, 16. 12. *
Stipendium militare quantum olim, 6. 6. *
stola alba gloria animæ & corporis, 2. 1. *
quid proprie, 6. 12. *

Y 9 2

Stola

INDEX IN APOCAL.

Grain duplex, 6. 11. * 3
 Superbis utile est incidere in grande peccatum, 3. 15. * 1
 Synagogæ nomen cur Iudæis convenit, 2. 9.

T

T Alens apud Græcos quæcumque magni ponderis sunt, 16. 21. * 2
 Tameilanis exercitus copiosissimus, 9. 16. * 1
 Templum Salomonis imago Ecclesiæ, 4. 6. * 8
 Tercæ motus universalissimus in fine Mundi, 6. 12. * 1 & seqq:
 Tertia pars alicujus totius est pars ejus satis magna & notabilis 12. 4. * 1
 S. Thomas Beryllo comparatur, 21. 20. * 10
 Thyatira Civitas Mydæ aut Iudæ, 1. 11. * 5
 Thyinum lignum pretiosum, 18. 12. * 1
 Timor filialis, amoris filius 11. 8. * 1
 Timor servilis, initium sapientis & Charitatis, 14. 7. * 1
 Topazius lapis, & ejus virtus, 21. 20. 18
 Tribus unde dicta, 1. 9. * 8
 Tribus Iuda nobilissima, 7. 5. * 1
 Tribuni qui 1000. præfunt, 19. 18. * 1
 Tristicum significat doctrinam Doctorum sublimiorum, 6. 6. * 4
 Tubæ vox quid significet, 1. 10. * 3
 Turca raro sine peste, & quare, 6. 8. * 14
 maxime veneti, 6. 8. * 16

V

Valens Arianus Episcopus Hæresiarcho, 6. 6. * 8.

Veritas sapè pro omni virtute sumitur, 21. 27. * 3
 Vespasianus Imperator cæcum oris excremento illuminavit, 13. 3. * 1
 Vestes albx opæ bonæ, 3. 18. * 2. Item 4. 6. * 5
 Videre pro intelligere, 1. 12. * 1
 Virgo, tertioztis Angelus, 14. 12. * 4
 Virginitas per corporis castigationem & mortificationem conservatur, 4. 3. * 1
 Vita æterna debita Martyrio, 2. 10. * 4
 Vnguenti luxur apud Romanos, 18. 13. * 8
 Vnum apud Hebræos primum est, 6. 1. * 1
 Vox aquarum multarum quid sit, 1. 15. * 3
 Vri fortissimos pedes & validissima habent brachia, 13. 2. * 1
 Vro debilissimum caput, ibid:
 incedunt duobus pedibus more humano ibid:
 Wandall 100. annis affligunt Africam, 9. 10. * 5

X

X Eræis exercitus, 9. 16. * 1

Z

Z One summa vinculum Charitatis, 1. 11. * 10
 Zona olim mactupium, ibid.

FINIS.



1-6-3.

